



6

21-b


19

2.5



6-21619

4





D I D A C I
JOSEPHI ABADII
MEXICANI

INTER ACADEMICOS ROBORETANOS

AGIOLOGI
DE DEO, DEOQUE HOMINE
HEROICA


EDITIO SEXTA

Ceteris castigatior.



CÆSENÆ MDCCXCHII.

Apud Hæredes Blafinius sub Signo Palladis:
Superiorum Permissu.



T I B I.

3

O. ADONAI.

TER. SANCTE.
INCOMPREHENSIBILIS,
BENEFICENTISSIME.

O. M.

TE. SUADENTE.

H Æ C.


EX. ANIMO.

QUEM. TU.

SOLUS. INTROSPICIS.
INTER. ANGUSTIAS.

* Nomen meum *ADONAI*. *Exod* 6. v. 3.

A 2



FLORENTISSIMÆ

MEXICANÆ JUVENTUTI

EMMANUEL FABRI

S. P. P.



N ad vos revertitur, JUVENES ORNATISSIMI; annorum fere tredecim postliminio, æternumque apud vos in imagine victurus, Cl. DRACUS JOSEPHUS ABADIUS: ABADIUS nempe ille, quem totos decem annos in humanioribus literis, in Philosophia, Theologia, & utroque Jure Ducem habuistis præstantissimum; ut ad omnem scientiam, sub ejus disciplina informati, Urbi nostræ, Patrizque dulcissimæ, in supremo honorum fastigio constituti, maximo in præsentī ornamēto esse possētis. ABADIUS, inquam ille, qui sub eo mitissimo Cœlo natus, altus, & eruditus; in eoque dignissimum hoc opus excogitatum, ac fere perfectum; in Italia vero auctum, & expolītum plaudentibus cunctis edidit; adeoque sui memoriā immortalitati consecravit. ABADIUS denique ille, qui cum videret, sanctissima CHRISTI dogmata a vesana istorum turba, qui se Philosophos dici volunt, novis quotidie machinis scelerate impeti, omnibusque stili illecebris in auxilium vocatis, avitam Religionem scdum in modum deturpari; veritatis amore incensus, eam pro viribus tueri, inconsultæque in primis JUVENTUTI, ne incauta abriperetur, quanta posset carminis venustate, antidotum offerre, suarum esse partium existimavit. Vobis præsertim, JUVENES amabilissimi, quibuscum tot vinculis illum, meque etiam Natura Parens arcte conjunxit; vobis vigilias ille suas, laboresque jure optimo consecratos voluit: ut quam a majoribus nostris,



singulari Numinis beneficio, incorruptam Fidem accepistis, retinuisseque hactenus; eam tot inter infelicitis hujus sæculi pestiferos errores ac deliria, fartam tectam conservaretis. Vobis, inquam, fortunatissimi mortalium, quos donis suis adeo large cumulavit Deus, munificaque adeo liberalitate distinxit; ut cum benignissima Cœli temperie, frugumque immensa, vel ultra delicias ubertate, generosa etiam indole, suavissimis moribus, ingeniisque ad omnem scientiam aptissimis locupletaverit. Quid enim enumerem, quot ex vobis olim insignes Viri prodierint, prodeantque hodie dum, quos in Templis, in Scholis, in Foro, Toga, Militiæque, Oratores eloquentissimos, sublimes Theologos, subtiles Philosophos, Legum interpretes, ac Peritos, invictos Duces, dignissimos item Præsules, ac Pastores novus vester orbis toties veneratus est? Quis ignoret, quot ea insignis Regia, ac Pontificia MEXICANA Academia, scientiarum omnium in America Lyceum, illustriumque Heroum Seminarium, quot, inquam, floruerit semper, floreatque etiamnum Doctoribus, ac Magistris, sub quibus ad omnem disciplinam primores Juventutis informati, & ad magnarum artium decora exculsi, vel amplissimis pares Dignitatibus adulescunt, ut literariam deinde Republicam doctrina, atque eruditione sua illustrent? Tenebris profecto magna illa in Mexicanis fastis Nomina, quæ, ut æternum Patriæ decus, illiusque Academiæ ornamentum maximum, nulla unquam ætas oblitterabit, nimirum *Dávila-Padillas, Siguenzas, Alarcones, Roxos, Nunnezios, Nietos, Eguiaras, Seguras, Villas, Lascanos, Portillos*, aliosque bene multos, quos vel doctrinæ excellentia ad summam Dignitatum amplitudinem apud vos evehit; vel omnigena plenis eruditione editis libris, apud exterarum gentes immortalitati fama consecravit: ut eos præteream, qui, vel clarissimis, ut *Casadas*, apud Europæ Principes sancti legationibus, immortale Mexicanæ Academiæ, atque Urbi decus pepererunt; vel summis etiam, ut *Versinus*,

⁷
zins, Præfecturis, militari gloria partis insignes, illustrissimæ familiæ, totique adeo genti nostræ maximo semper erunt ornamento. Quæ dum vobis in memoriam revoco, novissimumque, ac domesticum in ABADIO latinæ venustatis, atque elegantissimæ Poeseos exemplar propono, quidni ad ea potissimum studia vos accendam, ad quæ & ingeniorum vestrorum mira præstantia, & amabilis morum æquabilitas, dulcissima denique illius Cœli clementia, quod nec tetra noctium caligine, glacie, ac nive fere perpetuis per hiemem riget; neque intolerandis Solis ardoribus torret per æstatem, vos maxime alliciunt, immo etiam (ut ita dicam) nolentes impellunt? ad humaniores nempe literas, latinitatis præsertim cum in prosa, tum in ligata oratione culturam, quæ in amœnissimum, omnibusque deliciis affluentem campum vos deducet, & cæterarum omnium scientiarum adyta patefaciet. Ea nempe muniti in augustissima eloquentiæ & Sacræ, & Civilis Sanctuaria penetrabitis: quo quid sublimius, quid adolescente liberaliter instituto dignius, quid ad patrium splendorem augendum aptius reperire fas est? Hoc uno studio instructus MARCUS ille TULLIUS homo, ut de se ipse fatetur, novus in Republica, ac nullis majorum imaginibus, nulla generis claritate conspicuus; ad supremum tamen gloriæ fastigium, atque amplissimos in Senatu honores evehctus est: & quam *Camilli, Scipiones, Marij, Pompeii, Cæsares*, alique invicti Duces, nobilissima stirpe, ac bellica virtute clari, sibi, ac Pop. R. illustribus victoriis gloriam pepererunt; eandem ille, immo & majorem, diuturniorem certe, sola eloquentiæ majestate, propeque divino dicendi genere in potentissimo Populo sibi comparavit. Agite igitur, Mexicani JUVENES, in idque totis viribus incumbite, ut puram, tersamque latinitatem e Tulliano potissimum fonte, cæterisque ætatis aureæ Principibus petitam, serio, & constanti studio, multorumque annorum labore, & perseverantia possideatis. Id enim a vobis in primis carissima Pa-

tria expectat, ut quas in ejus sinum, opes plenis naturā manibus profudit: preciosiores apud externas Gentes efficiatis: Id familiarum vestrarum dignitas exigit; sic enim avitam gloriam, majorumque decora virtute parata, hoc etiam clarissimo honore auctam, posteris vestris magis, magisque augendam hæreditatem relinquetis: Id denique Religio Sancta postulat, ut hoc potentissimo gladio muniti, illius hostes, novis semper armis instructos, ac literarum sæpe insolentia præferoces infringere, ac debellare, eorumque sacrilegos impetus retundere latinæ majestatis splendore, Articæque salubritate dictionis feliciter possitis. Quod si amœno huic humaniorum literarum studio, assiduam etiam Scripturam sanctarum lectionem adhibeatis; Deus immortalis! quem vobis ditissimum thesaurum, inexhaustumque veræ, ac germanæ eloquentiæ flumen comparabit? „ In eis nimirum, ut cum CYPRIANO loquar, „ (a) condigna Fidei spectacula invenietis: videbitis in- „ stituentem Deum mundum suum, & cum cæteris ani- „ malibus Hominis illam dignam fabricam, melioremque „ facientem: spectabitis mundum in delictis suis, iusta „ naufragia, piorum præmia, impiorumque supplicia: ma- „ ria populo siccata, & de petra rursus maria porrecta: „ spectabitis de Cælo descendentes messes, non ex arceis: „ inspicietis flumina transitus siccos, refrænatis aquarum „ agminibus, exhibentia: Fidem cum igne luctantem, Re- „ ligione superatas feras, & in mansuetudinem conver- „ sas intuebimini. “ In sacris itidem libris magnificos Divinæ Sapientiæ satus, augustæque ac veræ sublimitatis speciem, frustra alibi querendam, abunde reperietis: Quæ profecto *Æmilium Apamensem*, *Dionysium Longinum*, aliosque Deorum inanum cultui, fœdæque superstitioni addictos ita perculit, ut nobilem sententiarum majestatem, planeque divinum, & sua simplicitate nitentem figurarum splendorem sæpius admirarentur. Et sane præcipuus hic sem-

per,

(a) *Libr. de Spectaculis.*

per, uberrimusque fuit ABADIO fons, unde magnificas il-
las, ac digna gravitate plenas formas, quæ in hoc Carmi-
ne passim nitent, sese hausisse sæpius profitebatur: quippe
qui cum latinorum Principum non interrupto studio, at-
tentam etiam Scripturarum sanctarum lectionem perpetuo
conjunxerat. Eaque propter, JUVENES ornatissimi, majus
nullum, certiusve amoris mei, gratique erga vos animi
pignus offerre possum, quam hoc ipsum præclarum opus,
quod de morientis amici manibus inter lacrimas exceptum,
& commendatum, vestris sub auspiciis nunc tertio in lu-
cem profero: in eo siquidem & exquisitæ latinitatis sapo-
rem, & Poeseos sublimitatem, eruditionis delicias, &
quod caput est, sanctissimæ nostræ Religionis arcana, quan-
tum homini mortali fas est, pro dignitate expressa, ma-
gno quidem vestro emolumento reperietis. Illud igitur æ-
quis animis accipite, assiduaque lectione diu, noctuque
evolventes, tamquam scholæ, atque educationis librum
præ manibus habete; filiis deinde vestris, carisque nepoti-
bus divitiis omnibus pretiosorem hereditatem in ipso reli-
cturi. Mihi interea illud unum reliquum est, ut quando
amici, civisque etiam muneri pro meis viribus satisfeci,
DEUM Opt. M. orem obtesterque, ut vos incolumes, flo-
rentem Patriam, venturamque olim ex vobis Juventutem
(quæ spes altera Mexici est) sospitet, conservetque.
Valete.

Dabam Bononiæ Cal. Ju. MDCCCLXXX.

SPE.

SPECIMEN VITÆ AUCTORIS

MUltorum votis expetita tandem prodit in lucem sexta, secunda vero postuma editio præclarissimi Poetæ DIDACI ABADII, seu *Jacobi Josephi Labbè*, quo se ille nomine celatum voluit duabus primis editionibus. Vix ille quidem, magna latinæ Poeseos jactura, e vivis excesserat, amici complures, gnari, eum supremis vitæ suæ diebus quinque nova Carmina, eodem prorsus stilo, argumentique majestate primo Operi addidisse; quin & editis jam Carminibus, tertio ad limam revocatis, alia non pauca hinc illinc inferenda reliquisse; me, quem penes MSS. omnia reperiiebantur, etiam, atque etiam instare, immo &, symbola collata, urgere, ut in universum Opus tertio edendum, quanta maxima possem diligentia, incumberem; & absolutissimum Carmen, aurea ætate dignum infertis opportunis locis novis additionibus, publici juris facerem: Id a me amicitiae, communis Patriæ, ac Religionis jura, quicquid, nempe sacrosanctum apud homines est, omnino exigere. Adeo igitur justis amicorum votis, meoque muneri facturus satis operi me. accinxi, nullo alio sane labore, nisi ut quæ nova, eaque dispersa additamenta ABADIUS reliquerat, in unum cogerem, collatis numeris ordinarem, ordinataque in suum quæque locum aptarem opportune. Antea vero quam de toto universum Opere quæ premonenda sunt, loquor, Auctorem ipsum inspicere, deque ipsius vita, moribus, studiis, quantum locorum longinquitas patitur, nonnulla prælibare operæpretium existimavi.

DIDACUS JOSEPHUS ABADIUS honestis, & copiosis Parentibus maximus natu Filius editus est, Calendis Jun. an. S. MDCCXXVII. in Paterno prædio prope Oppidum Novæ Hispaniæ, quod Vallisoletanam ditionem a Guadalaxarensi determinat, nomine *Xiquilpan*. Et primam quidem pueritiam apud Aviam egit, quæ ab uberibus Matris avulsam Infantem domum asportavit: nimirum Filiis, Filiabusque quo decebat honore, jam pridem collocatis, orbitati suæ solatium in Neposti carissimi educatione habitura. Eam vero ab ipsa disciplinam ABADIUS nactus est, quam Dionysius olim Longinus excelsis quibusque mentibus præoptabat: liberalissimam, & (quantum Christianis

fianis moribus fas est) indulgentem, generosam, qua scilicet sublimiora puerorum ingenia instructa altius assurgere, & magnanima semper cogitare assuescerent: interdum quippe nimio timore, ac severitate oppressa, quasi vilescunt, & ad servilia solum inclinant, propriæ oblita dignitatis. Id unum ex ea educatione cepit detrimenti, quod ipse postea, gratio tamen semper erga Aviam animo, subinde lamentabatur: quod tanta indulgentia, ac benignitate a puero habitus, non satis ad patientiam eruditus esset, neque ad labores, & durissima, quæ deinceps sibi supervenerunt incommoda, ut vellet, occalluisset.

Septennium prætergressus, cum magnæ illius mentis scintillæ identidem emicarent, evocatus a Patre domum est, ut studiis illis, quibus prima ætas impertiri debet, mature erudiretur. Cum autem in natali solo rari invenirentur Præceptores, aut certe non optimi; longe eos acciri Pater iussit, eisque informandum Puerum tradidit; nequa erumpenti Filij ingenio, atque uberrimos promittenti fructus, cultusa deesset. Et sane singularis beneficii loco numeravit semper ABADIVS paternam hæc de se sollicitudinem: cui perpetuam illam in studio constantiam, amoreque discendi, quem ad extremum usque vitæ retinuit, debere fatebatur. Primis Grammatices rudimentis domi, nec sine laude, perceptis, ratus haud immerito Pater, felicius multo, uberiusque in publica palæstra, quam in privato ludo Filium exercendum, eum a complexu Matris, suorumque avellere, Mexicumque deducere, opportunum existimavit. In qua nimirum, ut pote totius Novæ Hispaniæ Urbe Principe, & Doctorum copia, & Auditorum frequentia literarum studia quam maxime florerent; tum ad omnes scientias, & ad bonos item mores præcipuè Nobilitatis Adolescentes in Collegiis accuratissime imbuerentur. Hic igitur ad D. Ildelsoni Collegium inter Alumnos adscriptus ABADIVS, quod reliquum erat Grammaticæ, tum Poeseos, Rhetoricæque studium ita consecit, ut memoriæ facilitate, atque uberrate ingenij æquales suos longe antecire, ac Princeps omnium facile haberi jam tum merito cœperit. Grammatica eo modo absoluta, nondum duodecennis, Philosophiam aggressus est, peregitque maxima laude: paucisque deinde interjectis mensibus, cum ætatis suæ annum quantum decimum explevisset, mundo nuntium remittere, seque totum DEO uni in Soc. Jesu consecrare optavit, ac voti compos effectus est. Incredibile est, quanto omnium plausu in eam adscitus sit; totius Provinciæ Præsidi, qui eum admiserat, tum & ipsius Præceptori, sub quo meruerat, universis con-

congratulantibus, quod tantæ spei Juvenem, Patriæ, ac Societatis ornamentum certissime futurum, faustis sane omnibus, adlegissent.

Tirocinium itaque ingressus in pervigilio D. JACOBI Apostoli, anno MDCCXLI, quantum antea literarum studijs curæ impenderat, tantum, ijs nunc intermissis, virtutum, ac perfectioris vitæ studio cœpit impendere. Morum scilicet innocentia, oculorum modestia, sui contemptu, exactissimaque legum vel minimarum observantia ad moderandos animi impetus, & ad libertatem, voluntatemque abnegandum unice cum cæteris exercebatur. Ex hac nimirum Sanctitatis Schola, Sociorum exemplis-accensus, assidua sacrorum librorum lectione imbutus, ac frequenti rerum cælestium, nostræque Religionis contemplatione inflammatus hausit ABADIUS mentem illam, quam toto vitæ suæ cursu constanter tenuit, quamque in hoc de DEO Carmine, ut legenti cuique in promptu est, cumulatissime effudit. In his interea pijs exercitationibus expleto biennio, ad humaniores literas, ac mansuetiorum Musarum commercium translatus est: idque aviditate tanta, atque ardore arripuit, utpote in quod toto naturæ impetu ferebatur. Duos, eoque amplius annos, vix enim pubertate excesserat, huic amœnissimo studio intentus, ad exquisitum illum saporem Latinitatis, quem semper præ se tulit, & ad poeticam elegantiam sese formavit: aureæ quippe, argenteæque ætatis principes scriptores, non solum identidem evolvere, sed attenta etiam lectione meditari; & quicquid sublime præsertim, ac magnifice dictum in iis repererat, in commentarios referre, jam tum sollemne habuit. Fuit enimvero præcipuus hic semper ABADII scopus, maximaque in scribendo laus: ut in Atticum, quem vocant, stilum, pressum nimirum, & proprietate verborum, granditate sensuum, pondere sententiarum, vividarumque formarum sublimitate ornatum nervos omnes intenderet, eumque pro viribus consecraretur: fufum autem illud, atque æquabile dicendi genus, quod verborum copia, atque orationis flumine nitet imprimis, velut enerve, popularibus solum causis, ac multitudini aucupandæ proprium fastidiret. Usque eo porro nervoso hoc dicendi genere ABADIUS traheretur, ut si in familiari sermone ipsum loquentem audisses, nihil nisi grande, & gravitate plenum concipere; nihil non per sublimes imagines efferre videretur. Hac etiam de causa (ut id obiter attingamus) in hoc de DEO Carmine condendo, cum tantæ magnitudinis, & quo augustius nullum reperiri fas est, sibi argumentum proposuisset, ad res, potius, quam ad verba in-

intentus, numerum illum, ac versos facilitatem, qua plurima delectantur, *consulto, consulto*, inquam, interdum neglexit: arbitratus haud immerito, illam summam argumenti sui maiestatem, *Scripturamque* simplicitatem omnino dedecere. Et sane quis æquo animo ferat, nedum postulet, Poetam ad Divinitatis, ut ita dicam, fastigium evectum, & quæ in Deo Opt. Max. supra humanam mentem penitiora sunt, fixis oculis contemplantem, verba quærere, captare semper numerum, sensuque deserto in re adeo gravi, suavitatem illam sectari, quæ nonnullorum auribus unice, atque importune blandiatur? Cæteroquin vero nullus negat harum rerum peritus, ibi locorum, ubi ABADIUS judicavit, e re sua non fore istam deditæ operæ negligentiam, fluxisse sibi numeros, ut volupe erat, vel ad libertatem, vel ad dulcedinem, vel ad pulcritudinem, vel ad maiestatem. Nulla est enim dicendi forma, quam non suo loco facile usurpet: ut non stili sui vel servus, vel corrafor, sed plane Dominus fuisse videatur, tanquam haberet omnes dicendi formas in potestate.

Primis Theologici studij exactis annis, Grammaticam traditurus Urbem *Zacatesas* missus est: eo quidem consilio, ut cum magnificum ibi Templum denuo extractum esset, summaque Civium celebritate, ac plausu dedicandum, Epicam totius Operis, magnificique ornatus Descriptionem, & quam in illis partibus, vocant *Panegyrim* (Poematis genus in summo populi conventu a Puero aliquo pronuntiandum) ipse pro dignitate componeret, exultariumque Civium expectationi, ac læritiæ publicæ satisfaceret. Fuerunt hæc enim vero prima Abadianæ Poeseos rudimenta, quæ, typis edita, ac per eam urbem, aliasque etiam novi orbis sparsa, magnum ubique plausum, atque admirationem reportarunt; maiora jam tum, sublimioraque de ditissima illa vena, felicique ingenio omnibus jure merito augurantibus. Quo de Poemate ABADIUS postea, maturitescens iudicio, adeo pudore suffundebatur, ut nolleret illud in memoriam, nisi cum censura revocare. Fatebatur enim, vitio ætatis tunc fere puerilis, ac præservidæ semper mentis; sed tum maxime per ætatem fervidissimæ, luxu nimio, ac tumore, falsique dicendi luminibus peccavisse. Lectione scilicet *Jos. Barclaii*, *Gongoræque* tunc temporis misere seducebatur: quos Auctores, & similes, postea grandior factus, a manibus Juventutis, volebat quam longissime sepositos: cum *Garcilassum*, *Zuritam*, *Parram* & similes horum, pro literis hispanicis; pro latinis vero *Virgilium*, *Terentium*, ac *Tullium* unice, & impen-

penfiffime commendaret. Abruptum interea Theologiæ curriculum perfecturus, facrisque initiandus, Mexicum poft biennium remigravit: Angelopolim deinde miſſus eſt, ut primarias, quas vocant, univerſæ Theologiæ; ac Juris etiam *Theſes* in florentiſſimo Doctorem congreſſu, horis ante, & pomeridianis ſuſtineret, ultimamque eo publico periculo ſtudioꝝ ſuorum metam pertingeret.

Nec vero diu Mexicus ABADIJ doctrina, atque eruditione caruit: vix namque biennium abſuenerat, iterum repente vocatus eſt, Philoſophiam ibi, etiam intempeſtively numeroſo Adoleſcentium cœtui traditurus: cum enim designatus eo anno Philoſophiæ Profeſſor, adverſa implicitus valetudine, commiſſum ſibi munus exſequi impediretur; ABADIUS unus ante alios electus eſt, qui, vel imparatus, eam provinciam debito cum honore ſuſciperet, exſpectantemque, ac Doctore orbatam Mexicanam Juventutem ſcholæ præceptis, ut par erat, erudiret. Poſſem hic enim vero in ABADIJ commendationem complures nominare, qui ſumma ab eo diligentia inſtituti, & ad literarum amorem Magiſtri verbo, & exemplo tracti, varijs nunc ſcientiarum laureis in urbe florentiſſima inſignes, Præceptorum non minus, quam Patriæ ſplendori ſunt, atque ornamento. Præſertim cum ex ijs plurimi, non in Philoſophicis tantum diſciplinis, ſed in humanioribus etiam literis, Theologia, & Juris utriuſque ſcientia eum audierint, & ad omnem, ut ita dicam, literaturam ſub illius diſciplina ſeſe formaverint. Philoſophiæ enim curriculo maxima cum laude conſecto, ad Regale, & antiquius D. Ildoſonſi Seminarium miſſus eſt: quod Seminarium, frequentiffimum Novæ Hiſpaniæ, & inter frequentiffima totius Orbis Collegia educandæ juventuti deſtinata numerandum, ſere trecentos e primoribus Juventutis alebat: ex his erant, qui tum Mexici, tum in alijs Novæ Hiſpaniæ urbibus, ſcientijs naturalibus imbuti, partim Theologiæ, partim Pontificio, ac Civili juri, ſub Sec. olim J. PP. operam darent, Doctores deinde, multorumque Magiſtri in ſua quiſque Patria aliquando futuri. Et primum quidem utriuſque ſolum Juris Præſecturam, vel eam ſane difficilem ABADIUS ſuſcepit; mox etiam ſacræ Theologiæ, quam utramque ſpartam ſimul ſtrenue ſuſceptam ea ille laude ornavit, ut Præſectura ſua Exemplar dici poſſit caſtigatiſſimorum pro Juris prudentia, atque Theologia in eo Collegio ſtudioꝝ. Acceſſerat enim huic provinciæ capeſſendæ, purgatis jam hoc tempore ſuis ipſe ſtudijs omniſbus. Quod enim de Poëſi, & Eloquentia diximus, id ipſum ABADIO in cæteris omniſbus contingat,

gerat¹, per ætatis, atque ardentioris ingenij temperamentum : ut raperetur nimirum primis annis, mirandis potius, quam veris rerum, ac nativis formis. JOSEPHI vero CAMPOI familiaritate multum profecit; hunc condiscipulum habebat, eundem semper suspexit, ejus studia æmulatus est, ac mortuum publico scripto laudavit. (a) Cum videret igitur, CAMPOJUM (qui summo erat studio, summo judicio) summa semper, & exquisitissima in omni studiorum genere, sectari; ipse hæc secum probans, & secum tacitus æmulatus, studia ita composuit sua, ut omnia de integro renovaret. Accessit etiam ANTONIJ GALIANI (optimæ spei juvenis, quem præmatura mors musis eripuit) atque aliorum id ætatis qui *ex se nati* (quod de Curtio ait Tacitus) (b) Musis bonis reſtaurandis videbantur, exemplum. Quibus de rebus libenter diceremus, cum sint ad Historiam literarum Mexicanam conducibilia, nisi nos heic brevitatis impediret. His itaque, in absolutissimum optimi Literati exemplar informatus ABADIUS instillavit Jæventuti sibi commissæ mentem per omnia purgatissimam. Ac primus sane fuit, qui in illis paribus *Originibus* JANI VINC. GRAVINÆ, in tradendis Jurisprudentiæ Civilis elementis, uteretur. Conabatur deinde omnibus eam mentem inducere, quæ excusis quicquilijs, veram, & antiquam *Papinian*, & Institutoris *Cujacij* Jurisprudentiam revocaret. Idem in Theologia prælitit, ut procuraverit primum eam è sincerissimis fontibus deducere, *Scripturæ* scilicet, PP., Conciliorum, Hitoriz, cæteris, deinde hanc sacram facultatem, omnium, Reginam, debitis sibi elegantijs omnibus (sinceris nempe, & regalibus, non plebeiis, atque fucatis) julle, & convenienter ornare. Neque h's porro contentus ABADIUS ex Convictoribus nonnullos, qui in id potissimum propendere videbantur, ad humaniorum literarum, Latinitatis præsertim optimæ, culturam privatis institutis informabat. Porro ex hac nimia contentione, assiduoque labore, fractis omnino viribus, diversis subinde morbis conflictari cœpit: & cum nullo unquam tempore de ea constantia remitteret, debili semper, atque obnoxia valetudine ad ultimum usque vitæ deinceps usus est. Id quod in causa fuit, cur implorata sæpe vel præstantiorum Medicorum ope, sibi que semper, ut ajebat, inutili reperta, serium, ac laboriosum Medicinæ studium, præter cætera, quibus indefessus vacabat, aggressus sit, colueritque in posterum, optimis quibusque ejus Artis Auctoribus in auxilium

Voca-

(a) *Opusc. de Exteror. Latinitate.*(b) *Anal. libr. XI.*

vocatis: solitus proinde dicere, huic sese studio, quod fracta adeo valetudine, utcunque viveret, referre omnino acceptum; si penes Medicos stetisset, jam pridem se ex hujus vitæ miserij ereptum iri.

Cæterum sic affectæ ABADIJ valetudini consulere, atque ipsum ex nimia ea contentione recreare, æquum jam videbatur: quocirca ab ijs tantæ molis præfecturis remotus, Divi Francisci Xaverij Queretarenſi Seminario Rector præficitur: in quo, & si illius Juventutis educationi invigilandum ipsi erat, simulque tradenda Theologia, haud ita tamen magno labore utrique muneri posset satisfacere. Ubi primum igitur illi tot ex incommodis respirare licuit, quicquid ex inſpecto ſibi officio supererat temporis, ad privata illico studio totum tranſtulit. Mathematicis propterea disciplinis (nam & eum eruditum pulverem pridem attigerat) impensius vacare; tum & subſiſſivis horis Virgiliani Poematis hispano carmine versionem, quæ vel ſola inſigne decus, *Abadianæ* quæ ſublimitatis monumentum eſſe poterat, exequi inſtituit; denique præclaro huic de DEO operi, quod jam dudum mente conceperat, manus admoveſcere; ut qua par erat dignitate, auguſtiſſima quæque noſtræ Religionis Arcana, immo totam DEI HOMINIS vitam de divino *Scripturarum* fonte unice decerptum, heroico carmine complecteretur. In eum porro finem, divino implorato auxilio, attentam in primis ſacrorum Librorum lectione, quam in delicijs ſemper habuerat, divinarumque Veritatum aſſiduam contemplationem neceſſariam ſibi eſſe exiſtimavit; qui Latini ſtili ornamenta, ac Poeticæ Veneres multorum annorum non interrupto ſtudio, poſſideret. His igitur intentus curis totos quatuor annos in ea urbe tranquille exegerat, donec communi naufragio in Italiam delatus, Ferrariam, Ateſtiniſ olim Ducibus florentiſſimam Sedem, in Sociorum partitione ſortitus eſt. Hic poſteaquam ex longiſſimæ navigationis, peregrinandiſque moleſtijs reſpiravit; quanquam temporum, hiemis præſertim inſolito rigore, vir ſub mitiſſimo cœlo editus, neque ad horum locorum patientiam generatus, ſupra modum vexaretur, pro DEO tamen ſuſceptum olim laborem iterum amplecti, & quæ ſibi Deus otia fecerat, in Catholicæ Religionis obſequio ſanctiſſime collocare, totis viribus annixus eſt.

Comperto vero paulo poſt, prima illa Carminum fragmenta, quæ imperfecta adhuc, neque ad ſevereſorem, ut par erat, limam revocata, Mexici reliquerat, ipſo omnino inconfulto, evulgata eſſe, præque omnium manibus ſerri; completam eo-

rum editionem adornare, amicorum complurium iteratis precibus, quin etiam facultatibus in sumptus sponte oblatis, demum decrevit. Anno igitur MDCCCLXXIII. hæc de DEO HEROICA triginta tribus solum Carminibus comprehensa primum edidit Venetis prælis: *Labbeumque* se paulo immutato nomine, & *Selenopolitanum*, seu Urbis Lunæ (id enim patria lingua Mexicus sonat, ut plerique credunt) Civem appellavit. Eo porro omnium plausu ubique illa extepta sunt, ut nobilem *Scripturarum* simplicitatem, ac majestatem vere divinam cum latinæ Poeseos sublimitate, ac venustate conjunctam nemo non admiraretur, magnificentisque elogiis in cælum efferret. Inkar multorum sit CL. FRANCISCUS MARIA ZANOTTUS Bononiensis Licæi ornamentum maximum, Mathematicorum Doctor insignis, ac Musarum delicia: cui nuper in emerita senectute, Literatorum omnium lacrimis extincto, Bononia magnorum Virorum fecunda Parens, Cultrixque eximia, moestissimo luctu, ac tanto Viro apparatu digno parentavit. Hæc profecto *Divini*, ut aiebat, *Pœmatis* pulchritudine raptus, illius Auctorem, hominem exterum, ac sibi ignotum, aspicere, amplecti, ac tenerime dissuaviari, tanquam *de Religione, deque Literaria Republica bene merentem*, instantèr desideravit. EUSTACHIUS pariter ZANOTTUS præaudato ex-Fratre Nepos, & SEBASTIANUS CANTERZANUS, Bononiensis item Licæi duo maxima Lumina, *Abadianam* Poësim, puramque Latinitatem verbis commendarunt quam amplissimis. Tum & CLEMENS VANNETTIUS Eques perillustis, Augustissimæ Robertanæ Academiæ a secretis, qui generis claritatem cum exquisita doctrina, admirabilique eruditione conjungens, Patriam suam, Musasque amœniores Latinitate aurea ætate digna maxime illustrat. Hic nimirum, ut primum ABADIJ Carmina sibi ab Amico dono missa, videre licuit, *in magnam statim*, ut ipse fatetur, *de Auctoris ingenio adductus est opinionem*. Etenim videbantur (VANNETTII verba sunt in Epistola ad ABADIUM) non solum tersa, plena, poetica; sed etiam ejusmodi, ut Imaginum sublimitate, gravitate sententiarum, Argumenti Divinitatem mirifice sublequerentur... In præsentia quidem nullum nec animi mei, nec alienæ approbationis majus testimonium tibi dare possum, quam hoc ipsum *Diploma*, quod ab Accademæ nostræ Principibus, oïsenso libro, tibi vel facillime impetravi... Perge veterum Christianorum Heroum exemplo, sanctissima quæque gravibus numeris exornare, ut non tam imple a. Musis, quam a te

B.

a Ma.

„ Musæ dici aliquando *illustrata possint*. Cum his simul literis honorificum remissit Diploma, quæ perinsigni Academiæ, sub augustissimæ Romanorum Imperatricis Bohemiæ, Ungariæque Reginæ MARIE THERESIÆ auspicijs *Reboreti* pridem erectæ plenius suffragijs AGIOLOGI nomine ABADIUS adscribatur. Mitto Hispanos SERRANUM, LAMPILLAS, HERVAS, Patriæ gloriæ; ac literaturæ clarissimos in Italia Assertores, quibus ABADIJ opus egregium, immortale, ac felici Augusti sæculo dignum visum est.

Hæc porro honoribus, tantorumque Virorum, subacti certe iudicii, maximique in hac re momenti, tum & aliorum complurium, omnium ordinum testimonijs auctus ABADIUS; sibi tamen minime satisfecerat. Qui opus suum etiam, atque etiam relegens, multaque in eo ut sibi videbatur emendata digna; multa etiam, eaque dignissima, plane, desiderari animadvertens, illud incudi reddere, quænia ad limam revocare, ac nova demum, sane nobilissima Carmina adjungere aggressus est; quibus peractis, cum in volumen, fere dimidio majus, opus jam excrevisset; iterumque prælis subjicere, Amicis denuo faventibus cogeretur, Ferrariæ secundo prodijt in lucem, eosdemque, immo & majores plausus reportavit. Cæterum cum fractæ valetudinis incommoda augerentur in dies, novisque etiam morbis subinde vexaretur; salubrioris Cæli captandi gratia, Bononiam perijt: in qua annum ferme integrum ita commoratus est, ut aliis ex aliis increbrescentibus malis, de ipsius vita, magno quidem ammicorum dolore, actum esse crederetur. In eum nempe attrum mororem, sensuumque quasi hebetudinem inciderat vi morbi, ut vitæ etiam, sibi molestissimæ, raderet sæpius: nec libros, delicias olim suas, & unicum a Puero curarum levamen, aspiciere, nedum evolvere fas erat: immo mortem solam, quæ se ex tot miseriis aliquando eriperet, atque æternæ tranquillitati, omnis agonis immunem, redderet, vehementissime anhelaret. Sex, æoque amplius, menses in hac animi pariter, & corporis agitudine cum exegisset, sanitati demum, Deo sic volente, restitutus est; tandiuque in ea perseveravit, dum supremam operi suo manum feliciter imponeret, quo in absolutam, ut ita dicam, sacræ Theologiæ *Summam* evaderet; in qua nihil ultra ad magnificam sublimiorum veritarum expositionem desideraretur. Quod cum perfecisset, triginque octo Carminibus Ferrariæ secundo editis, denuoque ad trutinam vocatis, alia quinque nova addidisset, & reliqua omnia accuratissime limasset, (ut in accessione, quam inter MSS. Præloquæ
suo

suo inferendam reliquit, testatur ipsemet) dicere auditus est: *Votorum* se nunc compotem, quod sibi præfixerat muneri secisse satis; libeaterque jam mortem obiturum, cum Religioni sanctæ, quam tueri, exornareque sibi proposuerat, vigiliarum suarum debitum, quo posset modo, exsolvisset.

Nec vero perquam utili hunc labori ABADIUM diu superstitem voluit DEUS, quin ad eam sanctissimam Arcanæ, quæ prope divino expretserat versu, æternum fruenda, ac propius, ut pie credimus, contemplanda, demum, ut opraverat, evocaretur. Valitudine, ut nunquam alias, vegeta utebatur, ac prospera: neque ulla impendens mali inerat suspicio; cum postridie idus Junias, volentissimo alvi profluvio ad defectionem ex improviso correptus, & ad extrema brevi reductus, laborum suorum metam demum attingere exiitmans, ad æternam jam, mortibus valere iussis, sese comparabat. Convaluit tamen, non ut mortem effugeret, sed ut prolixo agone, diuturnoque patientiæ certamine immortalitatis coronam augere, æternæque Beatorum gloriæ cōsors effici posset. Tres ipsos menses inter acutissimos dolores ab effervescente bili, quæ viscera urebat, sitique torrebant ardentissima ita transegit; ut misericordis in te DEI benignitatem gratus agnosceret, venerareturque, ac sese majoribus etiam tormentis dignum appellaret. Deficiebant vires in dies, cibos omnes respuente stomacho: ac proinde tardus gressu adventantem mortem tranquillo, ac placido vultu excipiebat, compellabatque interdum istemmet illis verbis, quæ ex imo certe pectore olim expresserat. (a)

Pigra venis, pigra & est tibi falx, pigræque sagittæ:

O quoties te suspiravi, teque vocavi!

O bene, quod tandem venisti! Vincula rumpe.

Corporis, ut possim, tristi hoc e carcere missus,

Usque meum contemplari Dominumque, Deumque;

Et coram aspicere, & coram placidissimo amore

Usque frui, & sanctos propius bibere ebris ignes.

Dum his interea pijs amoris Divini affectibus largiter indulgebat ABADIUS, invalescente quotidie morbo, ac prostratis omnino viribus, in supremum vitæ discrimen vocabatur. impendentis igitur periculi admonitus, deque æterna solum salute jam sollicitus, Immortalitatis Viatico petiit muniri; eoque inter liquidissimas gaudij lacrymas ita resectus est, ut, cum integram fere noctem duxisset insomnem, frigide adureretur ad mortem, totas tamen decem horas, ne frigida quidem illa gylata per-

stiterit, in Magnifici, ut ex vero dicebat, Hospitis, Supra-
 mique humanæ vitæ, ac mortis Arbitri expectatione. Triduum
 supervixit, atrocioribus semper doloribus vexatus: donec pri-
 die Kalend. Octobris, omnibus Ecclesiæ Sacramentis pie susce-
 ptis, in Crucifixi amplexu, interque amicorum lacrimas, fau-
 stum iter precantium fato concessit, hora ante meridiem, anno Rep.
 Sal. MDCCCLXXIX. ætatis suæ LII. M. IV. Obijt Divo HIERO-
 NYMO sacro die, quem pietate præcipua coluerat semper; &
 cui felicitis ingenij laude, tum peracri naturæ temperamento,
 sublimi denique *Scripturarum* expositione, videri posset non
 absimilis omnino. Postridie elatus est, ac debito cum honore
 iusta perfoluta: Exterorum etiam nonnullis, alijs magnum Theo-
 logum, alijs sublimem, ac plane divinum Vatem immatura mor-
 te extinctum lugentibus. Fuit ABADIUS statura mediocri, cor-
 pore gracili, cælijs oculis, naso depresso, & lato, capillo cir-
 ca verticem raro, ac præcano: valetudine, viginti præsertim
 ante obitum annis, obnoxia, ut supra diximus, ac debili sem-
 per usus est: quæ ipsum, natura etiam austeriorem, ac diffici-
 lem, studijs præterea suis perpetuo intentum, hominum com-
 mercialia effugere, ac solitudinis amore teneri constanter effecit;
 eaque propter, cum ab eruditis nonnullis illius Poematis, atque
 ingenij fama permotis ejus amicitia sæpius expeteretur, Vir ab-
 insolentia gloriæ alienissimus, ac temporis perquam avidus ejus-
 modi frequentiam omnino recusavit. Neque aliter profecto tot
 res simul amplecti, adeoque diversis studiis vacare ille poruisset,
 qui tam infirma præsertim valetudine, præter humaniorum li-
 terarum, Latinitatisque culturam, quam nunquam intermisit,
 Theologia etiam sacra, SS. PP. lectione, utraque Historia,
 Juris utriusque Scientia; Philosophia itidem, Medicina, Ma-
 thematicisque disciplinis excultus, perindeque eruditus esset, ac
 si earum quamlibet singulariter proficeretur: quibus omnibus lin-
 guarum studium, lectionemque omnis generis, maxime Critico-
 rum semper conjunxit. Piura item ABADIUS scripsit hispana,
 latinaque: In his sunt *Dissertatio Ludrico-seria de Exterorum
 Latinitate*, quam anno ante obitum edidit: *Nodus intricatio-
 Matheseos solutus*, seu *Ratio composita expedita*, & *ad Tiro-
 num captum accomodata*: quæ quidem earum peritis ita proba-
 ta est, ut publica etiam luce dignam existimarent, immo ad id
 etiam hortarentur. Livini Meyer *Anima minuscolo corpore con-
 clusa*, seu *Epitome Historiarum Contraversiarum de Auxillis*,
 quam & latinus stilus, & mira brevitæ maxime commendant.
 Hispana vero sunt: *Octava Ecloga e Virgilii Bucolicis*, quam
 hispa-

Hispano olim carmine donavit, tum cum totam, ut supra diximus, Æneidos versionem aggressus est; immo magnam etiam ex singulis libris partem delibavit; perfecissetque porro, nisi & adversa valetudo, & graviores etiam cogitationes alio animum avocassent. *Algebra Compendium: Tractatus de cognitione Dei: Geographia Hydrographica*, seu de orbis terrarum Fluminibus præcipuis, &c. quæ duo imperfecta adhuc, neque ad exitum perducta reperta sunt: præter alia minora opuscula, & ligata, & soluta oratione, in quibus *Abadianam* sublimitatem, exquisitumque in latinitate fastidium agnoscere fas est. Ex his tantum subnectimus, Lectori, uti speramus, Amicis certe illius gratum facturi, duplicem Hymnum Inelyto Martyri, ac Patro-
no Mexicano Divo Philippo a JESU e S. Francisci Familia, qui apud Japones pro Christi Fide effuso sanguine, felicissima adhuc Matre superstite in Beatorum numerum relatus est, in ejus, ut ajunt, *Officio* nuperrime a S. Sede approbato insertum, æternumque in Ecclesiastica Historia ABADII monumentum.

Salve, triumphalis Pugil,
Decus novi orbis maximum,
Qui morte fecisti tua
Beatorem Patriam.
Athleta Princeps Mexici
Trophæa celsa Martyrum,
Dignamque Cælo lauream
Tu primus inferis Patriæ.
Quicquid Juventus fervida
Peccaverat licentia,
Libenter in mortem ruens
Sancta expiasti Victima.
Tui fac, ut nos æmuli
Dolore cordis intimo
Jugique poenitentia
Nostra eluamus crimina.

Philippe, Martyr inclyte,
JESU fideles assecla,
Quem præulisti nomine
Ad usque vis mortem sequi.
Confossus hasta triplici,
Fusoque rorans sanguine,
Distentus expirans cruce,
JESU refers Imaginem.
Sodalium tu Marryrum
Primoris is, & Signifer,
Agmenque ducens Coelitum
Prior profundis sanguinem.
Audi precantum Civium
Voces, piæque lacrimas;
Ductorque noster, sedibus
Tu nos beatis infere.

Et hæc quidem de ABADIO: quem si minus digne, nec quibus par erat coloribus expressimus; amor tamen nostræ, dolori certe, quem ex Doctoris, Amici, Sociique carissimi luctuoso interitu cepimus satisfacere conati sumus: eoque benignius hæc nobis temeritas condonanda, quod Cl. Mexicani Poetæ memoriam, ad Religionis, Patriæque immortale decus, Posteris, Civibus præsertim nostris voluerimus commendare: quibus dum hæc in pretio certe fore crederemus justo etiam fortasse longio-



res aliquanto fuimus. Ad ejus denique tumulum, tot 'a Patria
leucarum millibus diffusum, cum lacrymis consilientes, caros no-
bis cineres exosculamur, illiusque sortem invidemus, quod ex
hac iniquissima conditione ereptus, atque æternæ (ut spes est)
Electorum societati adscriptus, exilium suum cum beatissima
Patria cōmmuravit. Utque Bononiensibus, æque ac Mexicanis
perennis illius memoria set, hæc Viatori legenda ad ejus se-
pulcrum liceat apponere.

D. O. M.

Hic ex Orbe novo Labbeus jacet, inclyta Vatum

Gloria, Mexicæ par Decus Imperio,

Non hominum curas, vanæ aut deliria mentis,

Vel cecinit tinctis ille cruore Duces.

Altius assurgens, graditur super æthera penna;

Rimaturque oculis abditiora DEI.

Religio, Pietas, sacrarum & turba Sororum

Vati moerentes hæc posuere suo.

PRÆ:

23 PRÆLOQUIUM AUCTORIS



DE DEO, ac Divinis dicere, Lector Benevole, quam sit operosum, & arduum, agnoverunt illi Philosophi, qui cæteroqui minus digne de DEO cogitabant. [a] Ipsamet Divinitatis amplitudo, & incomprehensibilis excellentia humanæ mentis aciem fulgore suo perstringit: adeoque tenebras facit impenetrabiles, & venerabilem circum caliginem offundit. Nihilofecius, in hoc nimirum nati sumus, tantum ut DEUM nostrum cognoscere, & amare, & laudare etiam, pro virili annitamur. Quod ut rite, atque ordine, & ut par erat, facere possemus; lucem, qua regeremur accendit, & quasi facem quamdam, præ manu nobis dedit, in divinis Libris, benignissimus DEUS. Et vero

(b) *Quid dignius omni
Et cura, & studio, & nostræ conamine mentis,
Quid si metimur vires magis arduum, & audax,
Quam rem infinitam brevibus comprehendere chartis?
Rem, causam rerum, veram Rem.*

Et tamen vidi ego neminem, qui de DEO, & Astribus, ut ajunt, singillatim, heroica scripserit. Quod propterea ego fieri desiderabam, quia carmina illa pondere suomet, & quasi ingenta magniloquentia, rebus divinis tractandis accommodatissima mihi esse videbantur.

B 4

Lau-

(a) *Roges me: Quid, aut qualis sit Deus? Auctore utar Simonide: de quo cum quaesivisset hoc idem tyrannus Hiero; de liberandi causa sibi unum diem postulavit. Cum idem ex eo postredie quæreretur; biduum petivit. Cum sapius duplicaretur numerus dierum; admiransque Hiero quæreretur: cur ita faceret? Quia quanto, inquit, diutius confidero; tanto mihi res videtur obscurior. Cic. de nat. Deor. L. 1.*

(b) *Antilucr. L. 1. v. 3.*

(c) *Laudate eum in sono tubæ:*

Bene psallite ei in vociferatione:

De DEI Filio, & Servatore nostro JESU-CHRISTO scripserunt heroica multi. Præ cæteris autem merito suo, & communi eruditorum suffragio palmam tulerunt *Marcus Hieronymus Vida*, & *Ælius Syncerus Sannazarius*: quibus nihil est ad veterum Poetarum, nominatim *Virgilii* majestatem, proximius. Scio quæ passim nuperi, & severiores Critici in ipsis reprehendunt. Neque excuso omnia. Sed tamen laudandos magis, quam reprehendendos esse existimo Viros præclarissimos, qui primi omnium Latinam elegantiam, Religioni ut famularetur, arcescere, ea canere, aggressi sunt,

Castaliis quæ nunquam audita sub antris

(d) *Musarumve choris celebrata, aut cognita Phœbo.*

(e) *Nulla erat ante via: prærupta, atque aspera saxa;*

Et densi late obducebant omnia vepres.

Neque vero tam sum ego temerarius, & excoers, qui crediderim posse de penu meo exhibere meliora, & par Poetarum, quos post literarum instaurationem tulit *Italia* nobilissimum, ingenii mei (quod profecto sentio quam sit exiguum) viribus superare. Sed (ut semel omnem consilii mei rationem aperiā) cum sublimitatem incomparabilem, & in dicendo vim prorsus divinam *Scripturarum* tacitus mecum meditarer; existimavi rerum divinarum translationem successuram felicius, siquis divinis libris, quoad fieri posset, inhærendo; non tam sua, quam divina, carmine loqueretur. Et huic nimirum ego proposito exsequendo totus incubui, & nervis omnibus contendi. Ac de verborum cultu, & elegantia (quā si minus assequutus; certe ubilibet confectatus sum) suo quisque judicio libere

uta-

(c) *Pf.* 150. v. 3. *Pf.* 32. v. 3.

(d) *Sannaz.* Lib. 2. *de Partu Virg.* v. 301.

(e) *Vida.* *Hymn.* 1. v. 13.

utatur; nihil enim impedio. Quod autem ad sententiarum dignitatem spectat, cum fere omnia e divino *Scripturarum* penu deprompserim; videor mihi habere, cur diffidam minus.

(f) Huic tertiæ editioni, non solum ea omnia, quæ in secunda, sed alia bene multa de novo sunt addita: & præterea rursus omnia ad incudem, & ad limam revocata, & implorato Eruditorum complurium judicio, castigata omnia severius, & impensius; quoad potui elaborata: ut nunc de mum id quod animo destinaveram: [Dogmata præcipua omnia, adeoque Theologiam fere omnem, sinceram illam quidem ac genuinam carmine includere] pro virium mearum tenuitate, perfecisse jam videar. Quod præstiterunt olim *Juvenicus*, *Prudentius*, *Sedulius*, *Nonius*, multoque his, & sanctitate vitæ, & doctrinæ excellentia præstantiores *Paulinus*, *Damasus*, *Prosper*, *Nazianzenus*, Religionem nimirum Carmine decorare, atque etiam defendere; id ætate hac nostra, cum ii, qui *Philosophorum* nomen sibi arrogant, Religionem carminibus impetunt, & conditum Poeticæ lenociniis venenum spargunt ambitiosissime, non jam solum conducibile, sed quodammodo visum mihi est esse necessarium.

Et nunquid Poetæ necessaria fictio? Ajo enimvero, si *fictionis* nomine, Naturæ imitationem intelligas, tam vis coloribus expressam, ut res non tam dici, quam coram fieri, & cerni oculis videantur.

(g) *Non tantum ut dici videantur, sed fieri res.*

Unde ipsis nomen Graji fecere Poetis.

Hoc autem quia difficile admodum est; ideo Poetæ paucissimi sunt: etsi versuum fabricatores fuerint omni ætate innumerabiles.

Neque enim concludere versum

(h) *Dixere esse satis.*

Quod

(f) *Leg. vit. Auct.*

(g) *Vida Lib. 2. Poet.*

(h) *Horat. Lib. 1. Sat. IV.*

Quod si alioversum, ut communiter fieri solet, fictionem accipias pro fabula, aut commento aliquo, cerebro excusso, & ad libitum excogitato; tum vero assentior *Palingenio* (apud *S. Aubin L. i. c. 5.*) reprehendenti eos,

Qui solas tribuunt fabellas Vatibus, ac si

Vera loqui scædumque foret, vetitumque Poetis.

Horum ego iudicium falsum, ac damnabile duco:

Nilque mihi melius, nil dulcius esse videtur

Quam verum amplecti: vetulis, puerisque relinquo

Has nugas... Pudet ab! pudet esse Poetam,

Si nugis opus est puerilibus inservire,

Et jucunda sequi, spreto mendacia recto.

Nihilominus ut communi opinioni morem gererem, fictionem induco simplicissimam, affinemque iis, quas identem *Ovidius* in *Metamorphosi*: Poesim acerbius flentem, captivam se, & servitio profano addictam: cui videlicet consolandæ, & quasi in dignitatem pristinam restituendæ, Carmina omnia destinata sint.

Neque ego video equod aliud fictionis genus ordiri possit quis; quin Sanctissimæ nostræ Religionis mysteria deterat. Exemplo, & documento mihi sunt iidemmet Poetæ duo præstantissimi, de quibus superius. Quorum alter *Mythologiæ* ridiculariis plus justo delectatus; sacra profanis scæde miscuit: alter Sanctos *Josephum* & *Joannem* totis libris tertio, & quarto *Christiados*, introducit narrantes *Pilato* mysteria altissima Conceptionis, Nativitatis, ac Vitæ *JESUCHRISTI*, ut mortem illi deprecarentur. Quod nescio, an ulli justo rerum æstimatori placere queat.

Quocirca fictionem optavi ego, quæ in hæc, aut his affinia non impingeret: in id præcipua quadam, & eminentiore cura intentus, ut veritatem divinam nelæderem; sed ut pro mea tenuitate adornarem: utque solatium aliquod, ut ita dicam, Religioni procurarem, nunquam fortasse magis, quam ætate hac nostra libris execrabilibus audacissime impetitæ.

Quanta

Quanta potui adhibita diligentia, Latinitatis Patres ; Auctores ætatis, ut Eruditi loquuntur, aureæ, & argenteæ sequutus sum, quos triginta jam annos in deliciis habeo. Sicui vox aliqua, aut vis, & significatio, quam voci attribuo, aut constructio, & orationis ductus aliquis scrupulum moverit ; id primum peto, ut ne temere ; & sine discussione sententiam ferat, deinde ut erroris certo deprehenſi me admoneat. Siquidem ego & amice admonenti gratiam habebō, & errorem agnoscam, & emendabo libentissime. Postremo, ut ante etiam, quam te, Lector humanissime, lectioni accingas ; ad typorum meodas, quæ postrema pagina emendantur, animadvertas. Et hæc habui, quæ præloqui operæ pretium, & necessarium existimaverim.



THOMAE SERRANI VALENTINI

ACCADEMICI ROBORETANI

JUDICIUM.

Sicuti suum judicium sincere exponere, ac libere unquam licuit, mihi nunc certe licet. Cum enim rogatus sum, ut Cl. Labbei opus legerem, & quid in eo placeret, quid displiceret, candidè aperirem; nihil dum Auctoris videram, nihil de illo audiveram; sic ut ignotus mihi plane esset. Ut igitur librum in manus sumpsi, majestatem quidem argumenti, & dignitatem non potui non admirari. At verebar, ut hoc nostro in sæculo, etsi erudito, esset Poeta ullus, qui tanto, & tam divino argumento par esse posset. Itaque cœpi attente opus evolvere, & prima carmina sic legi, ut nonnihil diffiderem de felici ignoti mihi Auctoris successu. At nescio quomodo fiebat, ut quo magis, & attentius legerem, ita carminis suavitas, vis, gratia me magis, ac magis alliceret; donec paulatim in admirationem divini poematis (nihil affingo veritati) totum raperet. Quid plura? Tam avidè totum pœma percurri, ut librum e manibus non deposuerim, donec ad finem illius devenirem. Tum vero, quin gaudium meum possem diutius continere; illud cum amicis communicare, Poetam in cælum ferre, opus absolutissimum, & hac præsertim tempestate valde necessarium prædicare. Tentaverant quidem antea nonnulli, iidemque Clarissimi Poeta ejusdem argumenti partem, & si nevi aliquot illis condonentur, jure optimo probandi. At qui totum tam prudenter animo conceperit, tam eleganter explicaverit, tam modesto, eoque qui rem tantam decebat cultu ornaverit, ego quidem vidi neminem. Nihil hic Poeta alienum, nihil profanum, nihil ineptum permiscet; & ut qui Musas colat
senio.

Severiores, omnia sacra; ac pene divina, & ex ipso Scripturarum divino penu, sive e Theologia Sacratio depromit. Verbo: Si ipsa Pietas suo ore loqui vellet, vix alijs verbis, ac sentiis uteretur. Nec puto, rem me lectoribus ingratam facturum, si ipsam Pietatem, qualis mihi inter legendum identidem ante oculos obversari videbatur, loquentem induxero. An satis eleganter, nescio; at plane ex vero me illam inducere, totum poema, ut mihi videtur, vere elegans, pium, divinum testimonio erit. Versiculi autem, quibus Pietatem loquentem inducere placuit, sunt hi

Labbei Pietas legens libellos
 Pios, & faciles, & elegantes,
 Sed & grandiloquos, & eruditos;
 Piarum mera mella Gratiarum;
 Suas delicias, suos amores
 Admirans; ter ut ore bafiavit;
 Dixit: vos eritis mei calores,
 Suaves, melliflui, pij calores,
 Quos divinus Amor suos vocarit;
 Illorum similes, quasi & gemelli,
 Queis ussit nova corda Apostolorum
 Tum cum rusticulosque, simplicesque
 Lex amoris haberet ut magistros,
 Difertos facere, & pios volebat.
 Digni, quos recinant Chori beati
 Illi, vertice, qui in sacro Sionis
 Cantantes cytharis, sequuntur Agnus.
 Et mox alma suo in sinu recondens,
 Vos pro lacteolis mihi papillis
 Este, o nectarei, novi libelli.
 Seu quid dulcius est, suaviusque.
 Felices fatis, oh! fatis beati,
 Qui vos mente pia, & pijs ocellis
 Legent, & relegent, piosque sensus
 Milleno capient litos sapore;

Qua-

Qualem de pluvio ante Solis ortum
Cœli rore legebat illa quondam
Gens electa, Deo parum fidelis.
Hæc, & talia mille dixit alma,
Labbei Pietas legens libellos
Pios, & faciles, & elegantes,
Sed & grandiloquos, & eruditos,
Piarum mera mella Gratiarum.



AR-

ARGUMENTA

31

I.

Poesis Origo, finis, luctus. a v. 1. ad 27. *Propositio.*
a 28. ad 30.

Invocatio. a 31. ad 44.

Deum esse manifestum fit ex ipsa rerum creaturarum structura, & unanimi gentium omnium consensu, a 45. ad 62.

Polytheismi, Præsertim Romani irrisio. a 69. ad 100.

Deus est unus. a 101. ad 125.

Deus est Qui est, & omnifariam perfectissimus. a 126. ad 145.

Deus est Trinus. a 146. ad fin.

II.

Seraphim ter Sanctum cantu prædicant Deum. a v. 1. ad 16.

Deus in se Sanctus omnimode. a 17. ad 30.

Lex Dei sancta. a 31. ad 44.

Domus Dei sancta. a 45. ad 52.

Deus nos ab origine inquinatos mundat, & sanctos efficit. a 53. ad 86.

Sanctos coronat Gloria. ab 87. ad fin.

III.

Excelsiora omnia ad Deum comparata nihil sunt. a v. 1. ad 21.

Dei Majestas. a 22. ad 59.

Arcana Dei non investiganda a 60. ad 92. Sed illius Benignitati, ac Misericordie acquiescendum. a 93. ad 119.

Timor Dei habendus; maxime autem amor. a 120. ad fin.

IV.

Rerum omnium, sub Luna inconstantia, & vicissitudo.
a v. 1. ad 20.

Solus Deus est Immutabilis, & Æternus. a 21. ad 56.

Homines, & humana, caduca omnia. a 57. ad 84.

Deus etiam mente immutabilis. a 85. ad fin.

V.

Amare absentem miserabile, & tristissimum est. a v. 1. ad 14.

Amare

Amare Deum, qui abesse non potest, dulcissimum. a 15. ad 37.
Nihil est, quod nos possit separare a Deo. Nunquam nos
deserit Deus, neque in Vita, neque in Morte. a 38. ad fin.

VI.

Amare vehementer hominem tormentum est. a v. 1. ad 18.
Nusquam requies cordi nostro, nisi in Deo. a 19. ad 23.
Deus unus amat nos. a 24. ad 33.
Beneficia in nos Dei magis obvia. a 34. ad 48.
Dominatio in creata omnia a Deo Homini attributa a 49. ad 98.
Terra bono nostro divitiis innumeris ditata. a 99. ad 131.
Beneficia potiora: Humani generis reparatio per Christi
mortem. Eucaristia. a 132. ad fin.

VII.

Plerique hominum cogitatione sibi fingunt severissimum De-
um; cum sit benignissimus. a v. 1. ad 15.
Auditurum se spondet preces nostras. a v. 16. ad 33.
Orando Josue stare facit Solem, & Lunam. Orando Elias
pluvias abigit, &c. a v. 34. ad 55.
Cur nos interdum Deus non audiat. a 56. ad 60.
Quanta benignitate audierit Abrahami orationem. a v. 61.
ad 97.

Neque solum Sanctos, sed sceleratos etiam ad se rever-
tes Deus excipit benignissime. a v. 98. ad fin.

VIII.

Die

1. *Creatio Abyssi, & Lucis, & Angelorum. a v. 1. ad 11.*
2. *Creatio Cælorum. 12. ad 15.*
3. *Aquarum congregatio. Terræ subitaria ubertas. a 16.*
ad 34.
4. *Solis, ac Lunæ & stellarum creatio. a 35. ad 56.*
5. *Creatio Avium, Piscium &c. a 57. ad 77.*
6. *Creatio Hominis. a 78. ad 103.*
- Fœmina e Viri costis fabricata. a 104. ad fin.*

IX.

Omnia in sapientia fecit Deus. a v. 1. ad 8.

Philo-

Omnia in sapientia fecit Deus. a v. 1. ad 8.

Philosophiæ, & sapientiæ humanæ imbecillitas, & audacia. Terra modo stans, modo errans, modo rotunda, modo instar ovi, modo instar capæ mutans habitus, quasi ludere bacchanalia. a 9. ad 61.

Nihil scimus, ne quidem stellarum vera nomina, & ne quidem ea, quæ quotidiano usu familiarissima nobis sunt. a 65. ad fin.

X.

Deus omnium est & Pater, & Dominus. Omnia curat. a v. 1. ad 23.

Homines autem præcipua quadam, & magis paterna providentia complectitur. a 24. ad 53.

Futura, præterita, præsentia prospicit, & pro nutu temperat. Vindex Piorum est, & everfor impiorum. a 54. ad 122.

Sinit interdum Pios affigi, prosperari impios, Cur hoc? a 123. ad fin.

XI.

Angelos, Custodes, & Pædagogos nostros constituit Deus. a v. 1. ad 8.

Quam sit nobis salutaris custodia hæc, & quantis nos periculis ignaros eximat. a 9. ad 47.

Officia Tobie juniore exhibita ab Raphael Archangelo. a 48. ad 70.

Officia Angeli Custodis, hora mortis postrema, & decretoria. a 71. ad fin.

XII.

Flagitiorum, quibus Deum homines ad iracundiam provocamus, compendiaria recensio. a v. 1. ad 47.

Indignatio. a 48. ad 50.

Infinita Dei Patientia. Cunctatio ad puniendum. Facilitas ad ignoscendum. a 51. ad 109.

Et tamen, ex quo Deus Homo factus est, tardior est ad puniendum, facilior ad ignoscendum. a 110. ad fin.

XIII.

Deus est verax, & Justus; neque respicit personas, sed merita. a v. 1. ad 25.

C

Quo-

Quo tardior est ad puniendum, eo est terribilior. a 26. ad 38.

Carceris inferni descriptio. Pœna, quæ ibi exercentur.
a 39. ad 83.

Pœna, quam Theologi damni vocant acerbior omnibus.
ab 84. ad 97.

Gloria, & præmia parata Piis. a 98. ad fin.

XIV.

Exhibilaremus eum, qui non jam formosum hominem, sed illius umbram deperires. Nos plerumque idem facimus. Dominum obliviscimur, umbras sectamur. Femina ruina generis humani. a v. 1. ad 42.

Pulchritudo corporis ab Anima. Animæ pulchritudo stilla quadam est divinæ pulchritudinis. a 43. ad 71.

Hec tanta est, ut beatos faciat eos, qui intuentur eam, & vel sola spe aliquando videndi rapiat. a 72. ad fin.

XV.

Hiemis in Europa rigor. a v. 7. ad 11.

Ejusdem in America benignitas. a v. 11. ad 25.

Deus solus ubertatis Auctor. a 25. ad 48.

Tonitrua, fulgura, & grando. a v. 48. ad 72.

Nix, frigus, pluvia. a v. 73. ad 106.

Maritima procella. a v. 106. ad finem.

XVI.

Flendo nascimur, flendo morimur omnes. Mortalium nemo est felix. a v. 1. ad 39.

Obruimur malis, quasi fluctibus. a 47. ad 59.

Refugium in solo Deo est. Potest ille ventis, & fluctibus tranquillitatem verbo facere: & de ventre Cete incolumem representare. Potest Leonibus ferocitatem adimere. Potest in fornacem ardentem coniectum refrigerare, & oblectare. a 60. ad 93.

Potest vires addere, quibus, & flammæ, & mortem consumamus. a 94. ad fin.

XVII.

Urbs, quam Dominus non tuebitur, corruet; quam tuebitur, perenabit usque. a v. 1. ad 10.

Exer-

Exercitus Assyriorum deletus sub Execbia. David puer inermis triumphans de Philistæo. ab 11. ad 61.

Frequentissimum est, fortiores vinci ab infirmioribus. a 62. ad 92.

Præclarissima victoria Joannis Austriaci de Turcis ad Naupactum, a 93. ad fin.

XVIII.

Bella, & prælia vulgare omnino, atque ignobile quid sunt. a v. 1. ad 39.

Scientiæ, & Artes omnes a Deo sunt, etiam illiberales, a 40. ad 80.

Scribendi Ars, Dialectica, Metaphysica a Deo manant. a v. 81 ad 101.

Item Geometria, Algebra, Mechanica. &c. a 102. ad 211.

Etiam inventa ea, quæ nobis videntur fortuita, in quibus Medicina. a 202. ad 236.

Etiam Juris Prudentia. a 237. ad 277.

Theologia utraque. a 278. ad 327.

Poetica. a 328. ad fin.

XIX.

Latebræ humani cordis impenetrabiles hominibus, imo & Angelis. a v. 1. ad 24.

Uni Deo manifesta sunt arcana cordium. a 15. ad 45.

Solus Deus legem indixit cordibus, quia solus ea intuetur. a 46. ad 66.

In die temporum postrema, secreta cordium denudanda omnia, & Orbi universo palam facienda sunt. a 67. ad fin.

XX.

Quia portentis continuatione assuevimus, & nihil movemur; miraculis interdum, socordiam nostram excitat Deus, a v. 1. ad 17.

Virga Moïsis. a 18. ad 31.

Plaga Ægypti 1. Nilus versus in sanguinem. 2. Ranæ.

3. Sciniphes. 4. Musca. 5. Pestis pecorum. a 32. ad 74.

Plaga 6. Ulcera. 7. Tonitrua, grando, fulgura. 8. Locusta.

custa. 9. Tenebræ densissima. 10. Clades Primogenitorum.
a 75. ad 136.

Pharao cum exercitu submersus. a 137. ad fin.

XXI.

Hominum in divinandi arte deliria. a v. 1. ad 28.

Solus Deus futura prævidet. a v. 28. ad 36.

Prædictiones Jacob, Joseph &c. a v. 36. ad 67.

Jeremiæ, & Danielis. a v. 67. ad 130.

Jesu Christi ortus, vita, mors a Vatribus prædicta. a v. 130. ad 188.

Hebræorum status ab iis prædictus oracula confirmat. a v. 188. ad fin.

DEUS HOMO.

XXII.

Jam tum cum Deus orbem condidit, præludebat Christo venturo. a v. 1. ad 14.

Oracula præclariora de reparatione humani generis per Christum. a 15. ad 44.

Gabriel Archangelus ad Virginem a Deo missus. a 45. ad 73.

Deus in utero Virginis homo factus. a 74. ad 109.

Domus Nazareth ad Picenum ministerio Angelorum translata. a 110. ad fin.

XXIII.

Toto Orbe in pace composito, in obsequium nascituri Jesu, MARIA Virgo venit Bethleem, & in stabulo hospitatur. a v. 1. ad 26.

Ibi Virgo manens in lucem edidit Servatorem. a 27. ad 38.

Genethliacum Puero. Oracula insigniora de pace per Christum. a 39. ad 68.

Congratulatio Matri. Prædictiones celebriores in Scripturis de Deigenitrice. a 69. ad 95.

Bos. Asellus. Pastores. Descriptio floris, quem Mexicani vocant de la Passion. Vaticinium Sybillæ Cumææ de Christi Nativitate. a 96. ad fin.

XXXIV.

XXIV.

Sanguine voluit Jesus, Jesu nomen sibi comparare, & morti suæ quasi præludere. a v. 1. ad 29.

Nomina magnifica in Scripturis. J. C. attributa, quæ quidem omnia Jesu nomen complectitur. Quam sit dulce hoc nomen, & Salutare aegris. a 30. ad 73.

Dæmonibus formidabile. a 74. ad fin.

XXV.

Gentes illuminantur; Judæi obæcantur: Et quem Regem diutissime, atque avidissime expectabant, detrectant. a v. 1. ad 30.

Reges tres, ductu fideris, Hierosolymam eunt. Perturbatio Herodis, & dissimulatio. Inventum Puerum adorant, dona offerunt. a 31. ad 86.

Gentes omnes fidere illo vocatæ sunt, ab 87. ad fin.

XXVI.

Et Puer, & Mater sponte sua submitunt se legi. a v. 1. ad 8.

Simeonis senis. Puerum ulnis suis excipientis lacrimæ præ gaudio. Vaticinatio, & mors placidissima. a 9. ad 40.

Herodis immanitas in Pueros. Luctus Rachel. Dire in Herodem. a 41. ad 88.

Fuga in Ægyptum. ab 89. ad 100.

Puer annorum duodecim amissus; recuperatus. a 101. ad fin.

XXVII.

Subditus illis. Annales Vitæ private J. C. a v. 1. ad 27.

In stabulo natus, Affixus cruci, signis evidentissimis manifestat se Deum. Nunc autem prorsus latet Deus, & hoc unum præ se fert; Subditus illis a 28 ad 46.

Arbiter Orbis, & Rex Regum, & Lux Mundi est. Et tamen oculis hominum nihil est præterquam Subditus illis. a 47. ad 65.

Quid hac tam profunda sui demissione nos doceat. a 66. ad fin.

XXVIII.

Jesus baptismo Joannis abluitur. Jordanis gloriatio. a v. 1. ad 27.

Permittit tentari a demone. a 28. ad 60.

Vocat Apostolos, & e Piscatoribus facit Orbis Magistros.
a 61. ad 76.

Illuminat cecos natos. 77. ad 88.

Illuminat mentes doctrina. ab 89. ad 119.

*Puer, & Anus rudimentis doctrine Christianae imbuti ;
sapientiores longe sunt, quam cuncti Philosophi Græciæ .
Præcipua capita doctrine Jesu Christi.* a 120. ad 160.

Jesus transfiguratur. a 161. ad fin.

XXIX.

*Nemo mansuetior, aut affabilior Jesu fuit. Dominus vita
& mortis neminem damnavit morti.* a v. 1. ad 16.

Adultera. a 17. ad 36.

Samaritani inhospitales. a 37. ad 48.

Zaccheus, Samaritana, Magdalena. a 49. ad 109.

*Etiam expirans animam, postulat ut inimicis suis Pater
ignoscatur.* a 109. ad fin.

XXX.

*Amabilitas, & Boni Pastoris sollicitudo in querenda ove
perdita.* a v. 1. ad 26.

Boni Pastoris cantilenæ. a 26. ad 55.

*Septem Sacramentorum institutio, sub Allegoria Pastoris
Boni.* a 56. ad fin.

XXXI.

Jesu Christi Hierosolyma intrantis triumphus, a v. 1. ad 45.

*Christi miracula, tanquam si a turba circumfluente, &
ab iis ipsis, quorum bono facta erant, præcinerentur.* a 46.
ad fin.

XXXII.

*Amoris ergo, Jesus, manibus suis pedes lavat, & tergit
pedes Discipulis.* a v. 1. ad 22.

*Exempla profani amoris celebratiora in Eucharistiæ insti-
tione sordent omnia. Eucharistiæ institutio.* a 23. ad 53.

*Admonetur Jesus, quasi nesciret, quam sint homines ingra-
ti, & perfidi.* a 54. ad 73.

Adhuc

Atque autem amat nos, perinde, imo & inpendio magis quam Mater amat filium. Sacramenti Ordinis institutio. a 74. ad fin.

XXXIII.

Iter in Gethsemani hortum. Admonetur Petrus futura imbecillitatis. Abnuit, gloriatur. Jesus patendi desiderio mœrorem etiam sponte sua subire voluit. a v. 1. ad 35.

Causse mœrores. a 36. ad 55.

Christi oratio ad Patrem. Causse alie secretiores angoris, & mœstitiæ. Sudor sanguineus. a 56. ad fin.

XXXIV.

Jude perfidia. Dire in ipsum. a v. 1. ad 22.

Jesus procedit obviam hostibus. a 23. ad 38.

Comprehenditur. Colapso caditur. Ducitur ad Caipham: Oculos obnubitur. Irridetur. Petri imbecillitas. a 39. ad 79.

Jesus ducitur ad Pilatum. Calumniantur accusatores de seditione. Transmittit Jesum Præses ad Herodem. Silet Jesus, illuditur, remittitur ad Præsidentem. Nititur Præsides Jesum liberare. Præoptant Judei Barabbam. Dire in ipsos. ab 80. ad 159.

Verbera, & ludibria barbara. Præsides timore victus, dat Jesum morti. a 160. ad 183.

XXXV.

Dominatrix & quidem superbissima mortalium omnium Mors est. a v. 1. ad 14.

Jesus vero Dominus Mortis est, etiam moriendo. Postrema morientis verba. a v. 15. ad 66.

Centurio agnoscit Deum. Divisio vestium. Offa Agno non frangenda. a 67. ad 82.

Jesus Primogenitus mortuorum. ab 83. ad fin.

XXXVI.

Ingemiscit Orbis, & Auctori suo emorienti parentat. a v. 1. ad 17.

Aspectus miserabilis Dei ad crucem affixi, & lancea confossi. a 18. ad 41. Dolores, & constantia Matris Virginis. a 42. ad 54.

Sublatus de cruce, brachiis Matris excipitur. Affectus; lacrimæ. a 55. ad fin.

XXXVII.

Magdalene sepulcro anxie inharrenti, ne jam flect. a v. 1. ad 23.

Quantum superbiverat Mors de Immortalis morte. a 24. ad 43. Jesus descendit ad inferos, SS. PP. animas carcere illo detentas asserit in libertatem. Morsem debellat. Triumphus. a 44. ad 78.

Canitur Jo. Victori. a 79. ad fin.

XXXVIII.

Manifestat se Jesus redivivum suis quam sapissime. Magdalene obviam fit specie olitoris. a 1. ad 31.

Post dies quadraginta, ascendit in cælum. Vestigia. quibus postremo institit, saxo imprimit. Orbis latitia, & planus. a 32. ad 74.

Occurrunt Angeli obviam, & Regem agnoscunt. Acclamatio Patrum, Davide præeunte. Adami osculo pedum inharrentis affectus. a 75. ad fin.

XXXIX.

Christi Domini Sacerdotium. a v. 1. ad 42.

Idem Sacerdos, & victima. a v. 42. ad 61.

Jesus Christus in Cruce Hostia. a v. 61. ad 82.

Sacrosanctum Missæ Sacrificium. a v. 82. ad fin.

XL.

Humanam, non Angelicam naturam sibi copulat Deus? a v. 1. ad 38.

Angelorum admiratio, & stupor. a v. 38. ad 57.

Sponsæ blanditiæ. a v. 57. ad 103.

Sponsæ comitatus, Apostoli, Martyres, Pontifices, Virgines. a v. 103. ad 195.

America ad Fidem vocator. a v. 195. ad 206.

Ecclesia Sancta Arca Noemi. a v. 206. ad fin.

XLI.

Apostoli promissum Spiritum Sanctum postulant, & expectant. a v. 1. ad 24.

Descen.

Descendit Spiritus Sanctus. Inflammanur Apostoli, & timere homines dediscunt. a 25. ad 46.

Recensio gentium, quæ ex toto orbe Hierosolyma tum confluxerunt. a 47. ad 81.

Apostoli organa Spiritus Sancti. Apostrophe. ab 82. ad fin.

XLII.

Christiana Religio Mysteriis incomprehensibilis est, & morum legibus severissima, a v. 1. ad 111.

Per Orbem univrsum propagandam asseveravit ipsius Auditor J. C. a 112. ad 121.

Magna miraculorum vi, plantata statim Hierosolymis. a 122. ad 155.

Pauli vocatio. ad 156.

Ab Apostolis Petro, & Paulo Christiana Religio Romam inuenta: ac per reliquum Orbem dilatata per Apostolos. a 167. ad 211.

Apostoli crudelissime interempti. ad 260.

Infectiones Tyrannorum, & Constantini Pax. a 261. ad 349.

Hæresum seditiones profligatæ omnes. Religio per utraq; Americæ dilatata. 350. ad 649.

Turbæ posteriores refrenatæ. ad 753.

PIO SEXTO P. M. Acclamatio ad 766.

XLIII.

Mundi finis, & excidium. a v. 1. ad 12.

Tuba ante Tribunal omnes vocantur. a v. 12. ad 53.

Supremi Judicii aspectus, & terror. a v. 53. ad 76.

Locus. a v. 76. ad 92.

Necessitas. a v. 93. ad 149.

Expenduntur delicta. a v. 194. ad 168.

Felix iustorum fors. a v. 168. ad 184.

Impiorum supplicium. a v. 184. ad 196.

Conclusio totius Operis. a v. 196. ad fin.





C A R M E N D E O N O S T R O .

V Ero, unique Deo laudando nata Poësis
Lamentabatur, sese ad vilissima quæque
Captivam, invitamque trahi, dicique parentem
Esse sibi, illacrimans, indignabatur *Homerum*.
Divina sese jurabat origine natam,
Ante suas mendax pareret quam *Græcia* Musas,
Anteque quam *Græcus* foret ulli auditus *Apollo*.

- De cælo ad *Mosen* delapsam se esse ferebat,
(a) Tum cum magnificum *Mæris* ille in litore carmen
Prorupit, cecinitque Deo, quo vindice, jamjam 10
Terga premens *Pharao*, fluctuque, iraque frementes
Et currus, & equi, tantusque exercitus, instat
(b) Plumbi, abiere deorsum, & subterdere profundo.
(c) Soli nempe Deo natam se incendere odores,
Turaque, & humanas in cælum tollere mentes. 15

Ca-

(a) Moyſes Homero prior eſt annis 567.

Tunc cecinit Moyſes & filii Iſrael carmen hoc Domino.

Ex 15. v. 1. Et hæc omnino eſt quæ prima in Scripturis de Carmine mentio fit. Ideoque primam Poëſis originem ad Moſen reſero.

(b) *Submerſi ſunt quaſi plumbum in aquis vehementibus.* Ib. v. 10.

(c) *Ut autem gloriam tuam, ſota die magnitudinem tuam,* Pl. 70 v. 3.

- Captivam prorsus, contrectatamque profanis
 (a) Jam manibus, temerare ausis cœlestia dona,
 Traductam sese insana ad deliria amantum,
 Ad conflata meris mendacia anilia nugis, 20
 Ad portentosa, & vanissima somnia. Falsis
 Ex illo se numinibus, fœdisque subinde
 Sordibus incassum obnixam servire coactam.
 Hæc memorans, flebat sine fine: & fusa pudore
 Vultum avertebat retro, manibusque tegebat,
 Conspectum fugiens hominum, averfataque lucem 25
 Invisam dudum sibi jam, mortemque præoptans.
 Usque & acerbabat flendo, urgebatque dolorem.
 Siqua ego lugenti possem solatia ferre;
 Vellem mendaces ad vera reducere Musas,
 Rursus & imbuere alma Religione Poësim. 30
- (b) Tu mihi ades, cujus tota est Sapiencia: mitte
 De folio ipse tuo radios, lucemque benignus
 Menti da: & mecum fac sit, mecumque laboret.
 Tu modo quæ sanctis arcana oracula libris
 Obsignasti, aperi, septenaque solve sigilla. 35
 De te dicturus, divinos hos mihi fontes
 Optarim. Nam tu solus te digna loquutus.
 Nec niti huc omnes potuere *Aganippidos* undæ;
 Quas & *Romani*, *Græcique* bibere Poetæ.
 Incute carminibus vim tu his. Veluti imber in herbam, 40
- (c) Ut ros in gramen, descendant carmina in aures,
 Quæ te ubivis, nomenque tuum, laudesque sonabunt,
 Uni-

-
- (a) *Dei nostri gratiam transferentes in luxuriam. Judæ v. 4.*
 (b) *Mitte illam de cælis Sanctis tuis, & a sede Magnitudinis
 tuæ, ut mecum sit, & mecum laboret. Sap. 9. v. 10.*
 (c) *Fluat ut ros eloquium meum: quasi imber super herbam, &
 quasi stilla super gramina: quia nomen Domini invocabo.*
Deut. 32. v. 2.
*A magnitudine enim speciei & creatura poteris cognoscibiliter
 creator horum videri. Sap. 13. v. 5.*

Unigenæque tui, quem tu mortalibus ægris
Misiſti natum de Virgine JESUM CHRISTUM.

UNUS EST DEUS

Ad Rom. 3. v. 3.

Pater, Verbum, & Spiritus Sanctus.

Et hi tres unum sunt. 1. Joan. 5. v. 8.

CARMEN I.

ARtificem magnum esse aliquem, qui sidera, cælum, 45
Qui mare, qui terras, totumque vocaverit orbem
E nihilo, tantaque aptaverit, ac regat arte,
Sponte sua res nos ipsæ informantque, docentque.
Mente aliqua suprema opus est, quæ dirigat alto
Tot simul aſtorum tam constanti ordine gyrum 50
Tam varium, quin longa adeo turbaverit ætas,
Quominus alternæ redeant noctesque, diesque,
Semper & ad normam circumvolvantur in orbem,
Crescendo semper, deareſcendoque viciffim.
Vel detractanti, & fugienti occurrit ubique, 55
Et se ſiſtit ubique Deus, Jumenta docebunt
(a) Hoc te, ſi neſcis, narrabunt hoc tibi muti,
Et ſtolidi piſces. Nulla unquam hoc auſa negare
(b) Gens, vel inacceſſo ſeptem ſubjecta trioni;
Quamlibet averſo Sole illac, ſegnius atræ 60
Incumbunt ſuper, & regnant lugubrius umbræ.
Vel quæ gens ignota diu, male credita quondam
(c) Terreri; nullos æſtus, neque frigora ſentit,
Vereque perpetuo dives, ditiffimæque auri

Est.

(a) *Interroga jumenta, & docebunt te... & narrabunt piſces maris. Job. 12. v. 7. & 8.*

(b) *Viderunt omnes populi gloriam ejus. Pf. 96. v. 6.*

(c) *Mexicanos indicat.*

Est: & erat quondam medio sub Sole tenebris 65
 Obruta: nunc totis & luce, & Sole fruuntur.
 Non homo, sed stipēs, sed dura, & inhospita rupes,
 Qui nullum sentit, nullum qui Numen adorat.

Peccarunt homines contra, nec mitius. Usam
 (a) Divisere Deum in plures, deliria quæque, 70
 Fabellasque anuum pro religione sequuti.
 Non tot, cum fluctus tollit Mare, subrigit algas:
 Nec tot in immenso exiguae sunt litore arenæ:
 Nec totidem viles herbæ nascuntur in agris,
 Quot sibi stulti homines fecerunt numina, quotque 75
 Ridiculosos invexere deosque, deasque,
 Quis deridendis nulli satis esse cacchinni.

Ipse Pater Divum, qui fulmina librat ab aure,
 Infames passim rixas, & jurgia miscet.
 Ut miscere solent multa vi cornua *Tauri*, 80
 Quis nemori imperitet, quem bacula pulchra sequatur.
Taurus & interdum, interdum fit *Jupiter* imber
 Aureus: interdumque etiam plumescit, & alis
 Prædatricem *Aquilam*, aut album mentitur *Colorem*
 Subdolos: incassumque eadem conjuxque, fororque 85
 Anxia circumfert sese, perque omnia versat.
 Ingeniosa viro (fas hoc dixisse) libido est,
 Nataque adulterio *Jovis* est bona turba deorum.
 Tu quoque mutaris torve, *Neptuno*, juvenco,
 Virginis *Æoliæ* malefano captus amore. 90
 Et te, *Phœbe*, palam citharamque, deumque professum
 Casta magis fugiens horret *Peneia Daphne*.
 Quid *Venus*, & genitus *Maja*, & redimite corymbis
Bacche tu? At huic cœno piget ultra hære, pudetque
 Hæccine propudia, hæc monstra, hæc portenta colebat 95
 Roma?

(a) Mutaverunt gloriam incorruptibilis Dei in similitudinem imaginis corruptibilis hominis & volucrum, & quadrupedum, & serpentum. Ad Rom. 1. v. 23.

Roma? Ah probrosa humanæ deliria mentis!

Et quorum pupos bimos, pupasque pueret.

Usque adeo nisi sancta Deus sua lumina porgat;

- (a) Nos homines super his misere insanimus, & ipsum
Naturæ ingenitum tardamur cernere lumen. 100

Nonne dii plures altercarentur utrinque.

(Quandoquidem non mens una est, non una voluntas)

Utro posset uter plus? Qui non omnia possit;

Non erit ille Deus. Fac omnia possit uterque:

Este pares omnes. Pejus: tum viribus æquis 105

Concurrent, luctabuntur, poteruntque vicissim

Alternas rapere, & raptas avertere prædas.

Conflitu hinc, atque hinc tanto male diditus orbis

Debuerat vastam dudum traxisse ruinam.

Ceu Troja in cineres, abiit fundo eruta, tum cum 110

Mulciber in Trojam, pro Troja stabat Apollo.

Mimica sunt isthæc. Et qui fecere gregales,

Riduculos fecere deos. Unus sit oportet

- (b) Rex, Auctor rerum, quo præside cuncta gerantur:
Omnia cui subsint cælo, terraque, marique: 115

Quique regat solus quæ fecerit omnia solus.

Si plures; nullus Deus est. Similemve, paremve

- (c) Haud patitur. Nullum est, duo si sint numina, numen.

Nescia quo rueret, cum plures extulit; omnes

Cæca superstitio temeraria subruit aras. 120

Non secus ac nauta interdum male providus urget

Ad scopulum proram, tota quem mente cavebat

Sollicitus. Gemit abruptis compagibus alvus

Undi-

-
- (a) Nam & si quis consummatus fuerit inter filios hominem, si ab illo absuerit sapientia tua, in nihilum computabitur. Sap. 9. v. 6.

- (b) Dominus Deus noster Dominus unus est. Deut. 6. v. 4. In manu tua virtus, & potentia; in manu tua magnitudo, imperium omnium. 1. Par. 29. v. 12.

- (c) Non est similis tui Deus in cælo desuper, & super terram deorsum. Reg. 8. v. 23.

Undique, & errori insultans ruit undique pontus
Fervidus, absorbetque una navemque, virosque. 125

Mens mera, sublimis, supremaque, *Spiritus* inquam

- (a) Est Deus: haud ullo, veluti nos, corpore cretus,
Quod queat aut manibus contingi, oculisque videri
Humanis: neque fas illum comprehendere mente.
Non plus, quam parva mare circumscribere concha 130
Immensum, aut stellas digito deducere cælo.

- (b) Magnificum hoc illi nomen *Qui est*. Scilicet ille
Ab sese est, & erat jam tum quando omnia quotquot
Sunt, nihili tenebroso, intricatoque profundo
Obruta erant, unusque est, qui non cœperit unquam 135
Esse, & qui fuerit retro, æternumque sine ullo

- (c) Principio, semperque erit idemmet sine fine.

A quo cunctarum surgunt exordia rerum:
Cunctaque sustentata manu constantque, manentque.
Quo sine nec folium queat abripi, & arbore labi, 140
Nec vultus nostro cadere ullus vertice crinis.
Unus sufficiens sibi, nihil indigus extra:
Mire autem bonus erga nos, ultroque benignus.
Nil aut optare, aut poteris confingere majus,
Nil simile: est que adeo, quoniam ille est Optimus Unus. 145

- (d) Sed non propterea est Deus infœcundus, & orbis.
Non ita. Quippe Pater Deus est, & compare gaudet
Progenie: estque iterum compar Genitoque, Patrique
Quod sanctum spirat Flamen Genitusque Paterque.
Arcanum o! Mysterium inenarrabile linguis! 150
Cum non sint plures, sit cum Deus unus, & idem;

Est

(a) *Spiritus est Deus* Joa. 4. v. 24. *Quem nemo hominum vidit, sed nec videre potest.* 1. ad Timot. 6. v. 16.

(b) *Sic dices filiis Israel: Qui est misit me ad vos.* Ex. 3. v. 14.

(c) *Neque initium dierum, neque finem vite habens.* Ad Hæbr. 7. v. 3. *Habitans aternitatem.* Isa. 57. v. 15.

(d) *Si ego, qui generationem cæteris tribus sterilis ero, ait Dominus Deus tuus? Isa. 66. v. 9.*

HEROICA

49

Est Pater, est Genitus, Sanctus quoque Spiritus ipse est.
Suntque hi tres unum, & numero Deus impare gaudet.
Omnino ingenuus Pater est, & originis expers.

- (a) Filius æternum genitus, genitusque hodie dum 155
A Patre est, alta dum semet mente tuetur:

Proptereaque Patris *Verbum* est, & vivida *Imago*:
Prorsumque est Patri æqualis, Patrique cœvus,
Deque Deo verus Deus, ac de Lumine Lumen.

- (b) Est & uterque æque Omnipotens, Æternus uterque. 160
Omnipotens Æternus item est qui Spiritus almus

- (c) A Patre, & Verbo procedit tamquam ab eodem
Principio sine principio. Non filius ille,
Nec genitus; Deus est tamen, & spirabile Numen,
Et Pattis, & Gnati dia Aura, reciprocus ardor. 165
Nec tres Dii, tresve æterni, rerumque potentes
Sunt, aut ttes Domini. Quin contra, est ut Deus unus;
Una est Majestas, eademque potentia, & unus
Quotquot sunt rerum, celsi & Moderator Olympi.
Sed quid ego hæc balbutire impurissimus ore? 170
Aligeri Juvenes, celeres sine corpore mentes,
Qui te, Trine Deus, tremebundi, & cernui adorant;
Cantu concelebrant ter sanctum, plura nec audent.

SANCTUS SANCTUS SANCTUS. DOMINUS DEUS.

Isa. 6. v. 3. Apoc. 4. v. 8.

G A R M E N I I.

A Udiit *Esaias* sacrum hunc præana canentes
Cælestes illos Genios, quibus undique senæ
D

Sur-

-
- (a) *Egressus ejus ab initio a diebus æternitatis* Mich. 5. v. 2.

Ego hodie genui te. Pl. 2. v. 7.

- (b) *Omnia quaecumque habet Pater mea sunt.* Joa. 16. v. 15.

- (c) *Spiritum veritatis, qui a Patre procedit.* Joa. 15.

Surgebant alæ: velabant ora duabus,
 Velabantque pedes binis, binisque volabant;
 Audiit ingeminatum ipsum hunc præna *Joannæ*, 5
 Alternans cælo exilium, *Parthmoque* beatus.
 Et quamvis alias sibi tum sumplere figuras
 Aligeri, speciemque aliam, vultusque ferebant
 Hic *Hominis*, *Bovis*, atque *Aquila* illi, atque ille *Leonis*;
 Carmen idem, sanctumque melos simul ore sonabant. 10

- (a) Hoc indefessi ingeminant noctesque, diesque,
 Et numquam cantu cessant nec voce quiescunt.
 Cum sint innumeræ, quas possint dicere laudes;
 (b) Prætereunt alias, placet hanc iterare canendo.
 Scilicet hæc tua Sancte Deus divina voluptas, 15
 Hoc te delectat carmen, laudumque tuarum
 Hoc tu præ reliquis acroama libentius audis.
 Sanctus es, & *Sanctus* rursumque, iterumque vocari
 Mavis, quam *Sapiens*, *Immensus*, quidquid & omne es:
 Quin malles non esse Deus, Sanctusque manere, 20
 (c) Si quis non sanctus, si quis Deus improbus esset,
 Quales mentita est, & quales esse volebat
 Fœda superstitio, stultaque adolebat acerra.
 Ante superfusæ genialia fœdera jungant,
 Cumque intermixtis habitent simul ignibus undæ, 25
 Ante superledeant odiis, seseque vicissim
 Pellere dediscant lucem nox, luxque tenebras:
 Ante suis & cardinibus, suo & axe revulsum
 Præcipitabit in ima ferens se Tartara Cælum;
 Quam te, sancte Deus, tangant contagia culpæ, 30
 Quam

Seraphim stabant super illud; sex alæ uni, & sex alæ alteri: duabus velabant faciem ejus, & duabus velabant pedes ejus, & duabus volabant. Isa. 6. v. 2.

- (a) *Et requiem non habebant die, ac nocte dicentia Sanctus, Sanctus, Sanctus. Apoc. 4. v. 8.*
 (b) *Magnificentiam gloriæ Sanctitatis tuæ loquentur. Ps. 144. v. 5.*
 (c) *Quoniam non Deus volens iniquitatem tu es. Ps. 5. v. 5.*

HEROICA

51

Quam tu non fueris, veluti es nunc, undique Sanctus;

Sanctus es, & cæli coram te sidera languent,

(a) Nec sunt munda satis, prope sunt & sordida vultu,

(b) Nemo ut tu sanctus. Sancti tu regula prima,

(c) Et norma es. Tua Lex sancta indelebilis hæret 35

Usque infixæ animis nostris, dampnatque nocentes

(d) Vociferans, quatiensque alte, intentansque flagellum,

Siquid peccamus, siquid committimus; ipsa

Supplicium sibi mens est pravi conscia facti.

(e) Nam te sentimus præsentem, teque veremur: 40

Et tua nimirum tua nos præsentia terret.

(f) Quantumvis latebras sceleri quæramus, & umbras;

Sitque sine humano teste ullo, & iudice crimen.

Indeprensa etiam, obscurisque obducta latebris;

Formidant tamen, & coram te crimina pallent. 45

Sancta quoque est tua magna Domus, nec limina adire

Fas ulli; sancto nisi vitæ sine quierit,

Elueritque omnes, siquas dum vita manebat

Admisit sordes. Quod si nondum eluit omnes,

Siqua inolefcit adhuc, superestve; arcebitur exul 50

Ille Domo. regnoque tuo, & cælestibus oris,

(g) Exiguam donec maculam longo igne piarit,

Fœdaque jam culpæ vestigia nulla supersint.

Quam nobis labem primi aspersere Parentes,

Tu carnem humanam indutus, moribundaque membra 55

D 2

San-

(a) *Stella non sunt munda in conspectu ejus.* Job. 25. v. 5.

(b) *Nemo sanctus ut est Dominus.* 1. Reg. 2. v. 2.

(c) *Lex Domini immaculata convertens animas.* Pl. 18. v. 8.

(d) *Semper enim præsumit Java perturbata conscientia.* Sap. 17. v. 10.

(e) *Terrores tui conturbaverunt me.* Pl. 87. v. 17.

(f) *Non sunt tenebræ, & non est umbra mortis, ut abscondantur ibi, qui operantur iniquitatem.* Job. 34. v. 22.

(g) *Quis habitabit in tabernaculo tuo, aut quis requiescet in monte sancto tuo? Qui ingreditur sine macula.* Pl. 14. v. 1.

- (a) Sanguine lavisti: nam sic infederat alte;
 Ut nisi divino non posset sanguine tolli.
 Nunc paucis verbis, modicisque absumitur undis
 Quæ macula Heroas veteres, sanctumque Senatum,
 Mille alios, alios ter mille, atque amplius annos 60
 Post mortem, extorres patria, regnisque beatis
 Carcere detinuit mæsto, & nigrantibus umbris.
 Quin etiam maculis, quas ultro admisimus ipsi
 Abluimur rursus verbo: dant verba salutem,
 Quæ prope divino Judex tonat ore Sacerdos. 65
 Atqui conscelerari olim semel Angelus ausus
- (b) Supplicia exhaust, neque fas resipiscere: cælo
 Præcep, in rictus mutatus, & ora draconis
 Cauda stellarum magnam vim uno impete secum
 Contorquens: numquam extinguendis ignibus ardet. 70
 Ast homini infandis temerari sæpius auso
 Sordibus, & stygiis se ultro intinxisse venenis:
 Sanari satis est voluisse, parata medela est.
 Hæc tua, Sancte Deus, sunt munera, tu potes unus
- (c) Quamlibet infectos ab origine reddere mundos, 75
 Sanctosque efficere. Idem tu mortalibus ægris
 Auxiliator opem sanctam, viresque ministras:
 Queis nixi, quamvis gradimur per lubrica plantis
 Infirmis; uncti luctari, stareque firmi
 Possimus: mediasque acies, mediosque per hostes 80
- (d) Ire tamen, vimque inferre, atque irrumpere cælo.
 Deinde triumphali victricia tempora lauro
 Ipse manu cingis. Quin plus concedis honoris:

Name

-
- (a) Lavit nos a peccatis nostris in sanguine suo. Apoc. 1. v. 5.
 (b) Angelis peccantibus non pepercit, sed rudentibus inferni de-
 tractos in tartarum tradidit cruciandos. 2. Pet. 2. v. 4.
 (c) Quis potest facere mundum de immundo conceptum semine?
 Nonne tu, qui solus es. Job. 14. v. 4.
 (d) Violenti rapiunt illud. Matth. 11. v. 12.

HEROICA

53

- (a) Namque etiam Pugilem victorem tumet adoptas:
Filius ille tibi tuus est (dignatio mira!) 85
- (b) Heresque. Atque adeo titulo hoc, & jure paterno,
Sunt illi æterni tecum consortia regni.
- (c) Millia Sanctorum palmis, variisque coronis
Insignita implent quæ plura sedilia cæli
Seditiosa phalanx ad tartara, ad ima, per auras 90
Exturbata, sua liquere vaciva ruina,
Concolor Auroræ surgentis luce diei
Candidior cunctos vestit fulgorque, nitorque:
- (d) Sic nitidas, sic & pulcras fecere, lavando,
Occisique Agni saturando sanguine vestes. 95
Ut varios carne induti peperere triumphos;
Sic palmæ in manibus variant, variantque coronæ.
Queis depingendis nulli tatis esse colores,
Nulla manus, vox nulla. Silet stupefacta Poësis,
Castaliæ arescunt rivis languentibus undæ. 100
Omnibus in vultu est quæ pectore fusa redundat
- (e) Letitia: exultant omnes, Agnumque sequuntur.
Et Sanctum, Sanctum, Sanctum, ingeminantque canuntque.

D 3

IN-

-
- (a) *Videte qualem charitatem dedit nobis Pater, ut filii Dei nominemur, & simus.* 1. Jo. 3. v. 17,
- (b) *Si filii & heredes.* Ad Rom. 8. v. 17.
- (c) *Cum eo Sanctorum millia.* Deut. 33. v. 2. *Amicti stolis albis, & palmæ in manibus eorum.* Apoc. 7. v. 9.
- (d) *Laverunt stolas suas, & dealbaverunt eas in sanguine Agni.* Ibid. v. 14.
- (e) *Exultabunt Sancti in gloria... Exaltationes Dei in gutturo eorum.* Pl. 149. v. 5. & 6.

Jer. 32. v. 19.

*Quam incomprehensibilia sunt judicia ejus, & investigabiles
viæ ejus? Ad Rom. 11. v. 33,*

C A R M E N I I I.

I Ncomprehensibilis DEUS est, Et si modo quisquam;
Exigua, ut nostra est, illum deprendere mente
Possset: vel si quis Cæli de gente, supremus,
Qui tanto est nobis mente excellentior, Ales;
En tibi de Re suprema actum. Nec DEUS esset, 5
Qui possset sic angustis, artibusque teneri
Cancellis. Viden' ut nostrum supereminet orbem
Cælum? Nil contra immanes potuere Gigantes;
Quantumvis super hos alios potuere superbi
Agglomerare una, vastosque involvere montes. 10
Quantus *Athos*, & quantus *Eryx*, quantusque nivali
Vertice se attollens pater Apenninus ad auras:
Quantus qui cælos dictus *Maurusius Atlas*
Sustentare humeris, quantusque fragosus *Olympus*
Thessalus: & quantus, qui multo est celsior istis, 15
Orizabeus frontem mons tollit ad astra,
(a) Ostentans fere in immensum fastigia Nautis
Cana nive: hi montes, inquam, sunt instar arenæ
Exiguæ, pedibus quæ forte insensilis hæret.
Proficiasque nihil quamvis congefferis omnes 20
Insimul; hac scala & vis conscendere cælum.

Et

(a) Ori. a pæus est opulentiissimus *Novæ Hispaniæ*, nomenque
dat vicino Monti. Qui mediterraneus cum sit, & a Portu Ve-
ræ Crucis distet milliaria nonaginta; adeo est excelsus, ut a
Nautis totidem nonaginta alia milliaria a Portu remotis con-
spiciendum se det. Quæ vidi narro.

- (a) Et vero ipsa DEUM infinita volumina cæli
Non capiunt. Æternæ Urbis radiantia stellis
Mœnia, constructæ solido ex adamante columnæ
Illius ad nutum titubant, pavidæque tremiscunt. 25
- (b) Quid Tellus? Solo aspectu tremefacta vacillat.
Vix Terræ est Orbis coram illo ut guttula roris.
Ast habitatores quot sunt, quos sustinet orbis,
- (c) Tot lumus exiles, non plus, miseræque locustæ.
Repimus. Ille autem graditur super astra, tonatque 30
- (d) Magnifice. Fugere feræ, & mortalia corda
Strata pavore jacent. Vocem magnam Omnipotentis
Vestigare nefas. Propius si forte tonantem
Sentires; fragor imbelles dirumperet aures,
Nonne vides? Cedros etiam dirumpit, & Ornos 35
- (e) Vox Domini. En ut dissiliunt, ut fragmina saltant!
Explorare nihil fas nobis aure: videre
Nec fas est oculis. Luci, quam cernere nostræ
- (f) Pupillæ haud possunt Deus insidet infinitæ.
Utque est ignorare nefas, nescireque Solem. 40
Et quamvis picea interdum se nube recondat:
Effundit radios tamen, impertitur & orbi
Lucem, datque etiam blandum, quem luce carentes,

D 4

Quem

-
- (a) *Cælum, & cæli calorum non te capiunt. 2. Par. 6. v. 18. Columna cæli contremiscunt, & pavent ad nutum ejus. Job. 26. v. 11.*
- (b) *Qui respicit terram, & facit eam tremere. Pl. 103. v. 32. Ante te orbis terrarum tanquam gutta roris antelucani. Sap. 11. v. 23.*
- (c) *Habitatores ejus sunt quasi locustæ. Isa. 40. v. 22.*
- (d) *Vox Domini in magnificentia. Pl. 28. v. 4. Tonabit voce magnitudinis sue: & non investigabitur cum audita fuerit vox ejus. Job. 36. v. 4.*
- (e) *Vox Domini confringentis cedros . . . & comminet eas tanquam vitulum Libani. Pl. 28. v. 5. & 6.*
- (f) *Lucem habitat inaccessibilem: quem nullus hominum vidit; sed nec videre potest. 1. ad Tim. 6. v. 16.*

Quem vel cæci ipsi possint sentire calorem:

Sic Deus est. Harum, quas cernimus undique rerum, 45

Quæ tanto ingenio, tanto ordine, & arte reguntur;

(a) Artificem magnum, Auctorem ignorare nefas est.

Ast iterum ut Solem propiusque diuque tueri

Haud licet: & si quis tentet temerarius; ausus

Scilicet ille luet stolidos, perdetque superbos, 50

Audacesque oculos. Cæli scrutarier ignes

Tentans; perpetua, in pœnas, dein nocte jacebit.

Sic itidem, sic omnino, excæcabere luce

(b) Immensa, pœnasque lues caligine mersus

Horrida; si consilia explorare, viasque

Arcanas Domini, prorsusque impervia nobis

Secreta attentas demens penetrare, sequique.

Ne tu hoc: i retro, pronusque, & cernuus ore;

Quæ cernes ubicunque Dei vestigia adora.

(c) Ne tu quæsieris cur fortunantur iniqui? 60

Et choreas plaudunt, citharasque & tympana pulsant,

Sæpe humanorum ignari, expertesque laborum?

Cur contra Justi assidue lugentque, gemuntque?

(d) Immerisque jacent lacrimis plerumque, malisque?

Nec cur sede finat *Mosis* cathedraque sedere 65

Non-

(a) *Invisibilia enim ipse a creatura mundi, per ea quæ facta sunt, intellectu cuspiciuntur; sempiterna quoque ejus virtus, & divinitas: ita ut sint inexcusabiles.* Ad Rom. 1. 20. *Omnes homines vident eum, unusquisque intuetur procul.* Job. 36. v. 25.

(b) *Qui scrutator est majestatis, opprimetur a gloria.* Pr. 25. v. 27.

(c) *Quare via impiorum prosperatur: bene est omnibus, qui prævaricantur, & inique agunt?* Jer. 12. v. 2. *Tenent tympanum, & citharam, & gaudent ad sonitum organi.* Job. 21. v. 12. *In labore hominum non sunt, & cum hominibus non flagellabuntur.* Pl. 72. v. 5.

Multa tribulationes justorum. Pl. 33. v. 20. *Accedens ad* (d) *servitutem Dei præpara animam tuam ad tentationem.* Eccl. 2. v. 1.

HEROICA

57

- Nonnunquam Scribas? neque quæras: cur Pharaoni
Cor dedit e saxo? neque cur pendente latrone
Hinc uno, hinc alio, cum crimina nostra lavabat,
Divinum fundens vel prodigitate cruorem;
Unum duntaxat cælesti lumine tactum 70
- (a) Illustrans, cælo asseruit, cæloque locavit,
Abjecitque alium: neque mentis dispulit umbras,
Nec crucis, ac poenæ socium salvabit utrumque?
- (b) Gratia quippe fuit. Si gratia; debita nulli est,
Sicui non faciat; nulli est injuria, nulli. 75
- Sed pete, & accipies. Satis hoc sedare timorem,
- (c) Hoc sat scire tibi, mihiq; est: no cætera quære.
Undique inaccessis circumvallata tenebris
Sunt hæc: nec fas hæc homini penetralia adire.
Num tu arcana Dei trutinari, & noctua Solem 80
Arguere, atque etiam censor, iudexque sedere?
Et monstrare viam, qua lucem impertiat orbi?
- (d) Quis Domini sensum unquam, consiliumve profundum
Divinans novit? Quis consiliarius illi,
Præcedensque, iter ostendit, primusque præivit? 85
- (e) Nunquid figmentum jurgari, & poscere caussas,
Aut altercari valeat, figulumque rogare:
Quid me fecisti tu sic? Hæc tota potestas
Est figuli, aut ignominiam, aut vero indere honorem
Argil-

-
- (a) Unus assumetur, & alter relinquetur. Luc. 17. v. 34.
(b) Si autem gratia, jam non ex operibus: alioquin gratia jam non est gratia. Ad Rom. 11. v. 6.
(c) Altiora te ne quaesieris, & fortiora te ne scrutatus fueris. Eccl. 3. v. 22.
(d) Quis enim cognovit sensum Domini, aut quis consiliarius ejus fuit? Ad Rom. 11. v. 34.
(e) Nunquid dicit figmentum ei, qui se finxit: Quid me fecisti sic? An non habet potestatem figulus luti ex eadem massa aliud quidem vas facere in honorem; aliud vero in contumeliam. Ad Rom. 9. v. 20. & 21.

Argillæ, ut volet. Id faciet quodcunque libebit; 90
Huic vasi purum, ac nitidum lautumque liquorem
Injiciet, vacuumque aliud, spretumque relinquet.

Respirare tamen licet, ac requiescere amore

Erga nos Domini, qui nil unquam odit eorum

(a) Quæ fecit: qui divitias, qui munera lucis 95
Alma salutiferæ, sanctumque, piumque calorem

(b) Sub cælo quot sunt homines effundit in omnes.
Vix tacitis illum lacrimis, gemituque vocamus;
Blandi instar Zephyri, volucrique volucrior aura,
Auxilio venit, atque animos viresque benignus 100
Sufficit. Optamus nosmet solatia nobis

Segnius; & properat, citior venit ille vocatus.

Ipse luto finxit nobis præcordia: novit

(c) Quam simus fragiles: quanta infecere Parentes
Nos macula: quantus nos undique circumit hostis. 105
Ipse reluctantes etiam accersitque, vocatque:

(d) Expandensque manus, & quam dulcissimus ore,
Nutu, oculis, claraque allestat voce rebelles.
Et semel, atque iterum foribus, portisque repulsus;

(e) Stat tamen ante fores, pulsatque, vocatque, rogatque, 110
Nemo est, cui non & vitam, regnumque beatum

(f) Impertire velit. Ne tu (quod perfidus olim
Calvinus docuit) timeas ne te ignibus ille
Æternis, ultro, & solum quia sic lubet illi,
Nulla alia & caussa, diris te destinet umbris: 115

Luctus ubi, & stridor dentum, gemitusque perennes,
Tri-

(a) *Nihil odisti eorum quæ fecisti*. Sap. 11. v. 25.

(b) *Illuminat omnem hominem venientem in hunc mundum*. Jo. 1. v. 9.

(c) *Ipse cognovit figmentum nostrum*. Ps. 102. v. 14.

(d) *Expandi manus meas tota die ad populum incredulum qui
graditur in via non bona post cogitationes suas*. Isa. 65. v. 2.
& ad Rom. 10. v. 20.

(e) *Ego sto ad ostium, & pulso*. Apoc. 3. v. 20.

(f) *Omnes homines vult salvos fieri*. 1. ad Tim. 2. v. 4.

Tristiaque infandæ posuere cubilia curæ:

Nemo tenebrosa, atque æterna incendia quisquam

(a) It; nisi præcipitem sese ipse hos volvat in ignes.

Tu time, & attente, & sancto, castoque timore 120

(b) Concussus; totis nervis, ac viribus almam

Nitere nancisci, æternamque parare salutem.

Hic timor, assiduusque pavor vestigia firmant

(c) Nostra, & sustentant adeo, retinentque labantes.

Ne tu hos, ne comites unquam, sociosque relinque. 125

Sed cave, ne sensim vultu, specieque timoris

Casti; crudelis jam desperatio quædam

(Quam nempe horrificus tibi vult immittere Calvus)

(d) Obrepat. Suavis Deus, & dulcissimus ultro est,

Utque illam vitam assereret, regnumque beatum 130

(e) Nobis; ipse ultro ludibria, vulnera, mortem

Pertulit. En majora tibi mysteria Amoris.

His tu æqua, his libra mysteria magna Timoris.

ÆTERNITAS.

*Apud quem non est transmutatio, nec vicissitudinis
obumbratio. Jac. I. v. 17.*

CARMEN IV.

A Spice ut inconstans est, & mutatur in horas,
Et nunquam Lunæ est, nec vultus, nec color idem:
Æmula

(a) *Perditio tua Israel: tantummodo in me auxilium tuum.*
Osæ 13. v. 9.

(b) *Cum metu, & tremore vestram salutem operamini. Ad*
Philip. 2. v. 12.

(c) *In timore Domini declinatur a malo. Prov. 16. v. 6.*

(d) *Sperantem in Domino misericordia circumdabit. Ps. 31. Sua-*
vis Dominus universis, & miserationes ejus super omnia ope-
ra ejus. Ps. 144. v. 9.

(e) *Vulneratus est propter iniquitates, attritus est propter scole-*
ra nostra. Isa. 53. v. 5.

Æmula nunc fratris toto, & pleno ore refulget
 Candida: nunc languet, medioque atrata nigrescit
 Orbe: modo obtulis, modo acutis cornibus ardet 5
 Vix: nunc obruitur, penitusque immergitur umbris.
 Illius in cælo vestigia nulla supersunt.

Hæc itidem cunctas res inconstantia versat
 Humanas: sic apparent, surguntque, caduntque:
 Sic & mutantur, quæ subsunt omnia Lunæ. 10

- (a) Occidit, atque oritur repetito funere, & ortu
 Inconstans etiam Sol, & fordescit opacis
 Obscænus maculis. Turpant sua lumina nigræ
 Denlatæ circum fumo, ac fuligine crustæ,
 Et mutat, vertitque locum, interdumque *Boote* 15
 Obvertit sese; dein contra obvertitur Austro,
 Retrorsumque trahit gyrum, & consistere nescit.
 Omnia mutantur cælo, terraque, marique.
 Umbræ, & nigroris, nihilique, unde eruta quondam
 Omnia, nunc etiam quædam vestigia servant. 20

Unus mutari, maculasque, vicesque subire
 Duntaxat nescit Deus. Immutabilis idem
 Qui nunc est, fuit æternum, æternumque manebit.
 Nondum Tempus erat, neque Sol, neq; Luna, neq; Astra,
 Quæ metirentur, revoluto tempore cursu: 25

- (a) Necdum cælestes orbes, necdum Mare, Tellus
 Extulerant caput e nihilo: necdumque profundas
 Umbrabant valles nebulosa cacumina Montes:
 At Deus idem erit, & qui est nunc, quantusq; futurus.
 (c) Tempus erit, cum Sol totus noctescet, & alto 30

(a) *Oritur Sol, & occidit, ad locum suum revertitur, ibique renascens girat per Meridiem, & flebitur ad Aquilonem... & in circulos suos revertitur. Eccl. 1. v. 5. & 6.*

(b) *Priusquam montes fierent, aut formaretur terra, & orbis; a saculo, & usque in sæculum tu es. Ps. 89. v. 2.*

(c) *Sol convertetur in tenebras, & Luna in sanguinem. Joel. 2. v. 21. Et stellæ cadent de cælo. Matth. 24. v. 29. Tu autem idem ipse es, & anni tui non deficient. Ps. 101. v. 28.*

- Præcipitata ruent e cælo sidera: tristi
 Squalore, & putri tabescet sanguine Luna;
 Et turbata suis hæc Machina fundamentis
 Ibit in exiguos cineres, tenuesque favillas:
 At Deus, idem erit, & qui est nunc, quantusq; futurus. 35
 Utcumque huc illuc palææ volvantur inanes,
 Et nebulæ circum; tamen est immotus, & hæret
 Mole sua, & multum nubes excedit Olympus.
 Non, ut homo, angusto fugitivi temporis orbe
 Arctatur Deus, annisve, aut ætate senescit. 40
 Quæ testudineo pedetentim incedere gressu,
 Pigrarique, & prolatari immensa videntur
 Nobis; sunt illi exigui instar sæcula puncti.
 Distanti longe, bis centenisque futuro
 Annis post Regi; tanquam si adstaret, & aure 45
 (a) Mandata exciperet, proprio jam nomine *Cyrum*
 Compellans, facienda olim injungitque jubetque.
 Serius, ac vix quingentis vertentibus annis,
 Evolvenda Orbis terrarum maxima regna
 Quatuor, & seriem rerum, casusque, vicesque; 50
 Non aliter quam si unius mera somnia noctis
 (b) Effent, in statuz speciem subitariæ, & uno
 Affligendæ ictu ad terram, dat cuncta videnda
 In fomnis qui *Nabuco* tum sceptrâ tenebat.
 (c) Mille anni nihil illi omnino suntque perinde 55
 Tanquam hesternâ dies, quæ jam nunc tota recessit.
 Contra homines sumus instar fumi, instarque vaporis
 (d) Qni fugit ex oculis, evanescitque repente.

Tan.

-
- (a) *Qui dico Cyro, Pastor meus es, & omnem voluntatem meam complebis.* Isa. 44. v. ult.
 (b) *Tu Rex videbas, & ecce quasi statua una.* Dan. 2. v. 31.
Tunc contrita sunt, & redacta quasi in favillam. Ibid. v. 35.
 (c) *Mille anni ante oculos tuos tamquam dies hesternâ, quæ præterit.* Pl. 80. v. 4.
 (d) *Defecerunt sicut fumus dies mei.* Pl. 101. v. 4.

Tantisper fumus; at mora nulla est; fumus abibit.
 Quanto, qui vivunt, plures vixere, neque ultra 65
 Jam sunt? Discussus vapor ille est, transiit umbra
 Quot sunt vel Reges, quorum vel nomina novit

- (a) Nemo, & vix docti an fuerint meminisse laborant;
 Nec jam soli homines; Populi quoque, Regnaque, & Urbes
 Instabiles, ut homo sunt, intereuntque, caduntque. 65
 Quæ fera *Carthago* Romanis desuper a'tis
 Mœnibus intonuit victrix, *Cannisque* superba
 Ex *Aniene* ipso *Tibri* insultavit, & Urbi
 Jam nihil est. Mutum, quod passim litus aratur
 Hoc unum superest, & disceptatur utrinque 70
 Nunc, ubinam fuerint tandem *Carthaginis* arces.

Quid *Tyrus*, & *Sidon*? Quid quæ miracula Mundi
 Tot sola enixa est *Babylon*? mera nomina restant.

- (b) Ah *Babylon*, *Babylon*! Ubi nunc miracula, & horti
 Aerii, turres, contermina mœnia cœlo? 75
 Nusquam. Restabant quæ rubera, tesquaque *Paridis*
 Jam non sunt: etiam hæc periere, & nomina sola
 E tantis ægre & vix emergere ruinis.
 Humanum nihil est firmum. Absumuntur ab annis
 Omnia. Suntque etiam lapides, & saxa caduca. 80
 Parietibus, muris Regnisque, atque Urbibus ipsis
 Mors instat, brevis est, volucris & pede volvitur ætas.
 Omnia prætereunt, dilabunturque; perinde
 Ac rapido transit fluvio revoïubilis unda.

- (c) Unum immortale est, unum immutabile semper 85
 Numen, quod longo intervallo tempora cuncta
 Antistans, nunquam incepit, neque desinet unquam,
 Nec

(a) Non est priorum memoria; sed nec eorum quidem quæ postea
 futura sunt erit recordatio. Eccl. i. v. 11.

(b) Subito cecidit *Babylon*, & contrita est. Jer. 51. v. 8.

(c) Solus habet immortalitatem. 1. ad Tim. 6. v. 16. Ego De-
 minus, & non mutor. Mala. 3. v. 6.

H E R O I C A .

63

- (a) Nec variat, neque præteritum, quidquamque futurum
 Illi est. Perpetuo præsens semper sibi constat.
 Omnia complectens, simul omnia conspicit uno 90
 Intuitu, neq. transcurrit, neque mente movetur.
 Divinæ Mentis nulla aut conceptio tranſit,
 (b) Aut amor, aut odium nunc est, quod non erit olim,
 Aut quod non fuerit semper sine fine per ævum.
 Non hoc, deinde aliud, fluxa, ut nos mente revolvit: 95
 Non animus sese studia in contraria scindit
 Nobilis, aut varius nunc hunc, nunc volvitur illuc.
 Mens immota manet, manet æque immota voluntas.
 Et solus Dominus sic immutabilis ipse est.
 Omnino Deus ille est, qui non cœperit esse, 100
 Immotaque queat simul amplecti omnia mente.

P R Æ S E N T I A .

Quis nos separabit. Ad Rom. 8. v. 3.

C A R M E N V.

- O** Ubinam es? Plus dimidio divellimur orbe,
 Et jacet immensum Mare me, teque inter *Alexi*.
 O ubinam es? titubata inter suspiria rursus
 Ingemino. At nec respondet, neq. me audit *Alexis*,
 Et perdo lacrimas frustra, & suspiria perdo. 5
 Ergo abiisti, & me potuisti linquere solum
 Crudelis? Sed nec fuit o! crudelis *Alexis*,
 Nec potuit: nolens ille, atque invitus abiit.
 Esto; abiit sed enim procul ille, avulsus & a me est:
 Et

(b) *Qui ante sæculum, & usque in sæculum, neque adjectum est. Eccl. 42. v. 21.*

(c) *Cogitationes cordis ejus in generatione & generationem. Ps. 32. v. 11. Cogitationibus tuis non est qui similis sit tibi Ps. 39. v. 6.*

Et neque in amplexus ruere, & nec jungere dextras 10
Possum, nec dulces audire & reddere voces.

Ad Solem plerumque amens convertor, &: O tu
Sol felix! Videas tu nunc fortassis *Alexim*.

Atque erat insanum mœsti hoc solamen amoris.

Esse mihi tu, o Sol, & Cœli Sidera testes. 15

Nunquam ego jam demens, nunquam dein stultus amabo
Mortalem, qui, me invito, a me possit abire.

O Deus! o ubinam non es tu? Numine comples

(a) Cuncta tuo. Tu semper ades, tu semper ubique es:
Excelsoque sedens folio, ultra culmina cœli 20

(b) Sublimis, tanquam scamno huic inniteris orbi
Terrarum. Quacunque tua hic vestigia cerno.
Omnia cum possis: tamen ipse a me procul esse
Non potes, atque etiam nolles, etsi hoc quoque posses.
Nam memini cum delicias mecum esse solebas 25

(c) Ipse vocare tuas. Quanta indulgentia amoris!
Qui te amat, alme Deus, quando ad te fletve, gemitve.
Audis. Non lacrimas ille, aut suspiria mittit
Ineassum, surdis quæ sint ludibria ventis.
Tumet pectoribus te nostris inferis, inque 30

Nostro corde sedens, lacrimas in origine prima
(d) Inspicis, & pendis, numeralque, sinuque recondis
Ipse tuo, & recreas, & consolaris amantem.
Quin gemitus necdum natos, arcanaque sensa,
Quæ mens concepit necdum sibi conscia, & alto 35
Pectore, clam nobis obvolvunturque, silentque;

Tu

(a) Numquid non calum & terram ego impleo dicit Dominus.
Jer. 23. v. 24.

(b) Calum sedes tua; terra autem scabellum pedum tuorum. Isa.
66. v. 1.

(c) Delicia mee esse cum filiis hominum. Prov. 8. v. 35.

(d) Posuisti lacrimas meas in conspectu tuo. Pl. 55. v. 9. Ma-
rentes erigit sospitate. Job. 5. v. 11.

- (a) Tu sentis prior, & prævertis vota benignus.
 Quis me, o dulcis Amor, DEUS alme, avellere possit
 A te? Circumstent me enses, avidæque secures.
 Sanguinis intentent jugulo, exitiumque minentur 40
 Quæ nova *Mars* cudit priscis incognita sæclis
 Cum tonitru horrendum tormenta imitantia fulmen.
- (b) Ridebo. Non ista DEUM a me avellere possunt.
 Conjurent imis excitæ ab sedibus umbræ
 Tartareæ: intortos pro crinibus exserat angues 45
 Siqua est *Tisiphone*, siquis morsu appetit umbras,
 Oreque tergemino sævit canis, omnia sursum,
 Cocyti erumpant, quot sunt crudelia monstra:
 Ridebo tamen, & tranquillus voce vocando
 Te; DEUS; has larvas procul, & portenta fugabo, 50
- (c) Despiciamque serum, conculcaboque draconem.
 Ecce autem & cælum proh quantas aggerat iras!
 Eripuere diem nubes: nox atra repente
 Incubuit: lux, præter quam dant fulmina, nulla est.
 Et fremit, atque excussa suo prope cardine tellus 55
 Subsultat, reboansque intus furiosa fatiscit
 Undique, & undique hiat: turreſque, urbefque minantur,
 Præcipitant: montes volvuntur, corruiſit orbis.
- (d) Stabo ego; nec tanto movear, trepidemve tumultu:
 Quandoquidem non ista DEUM a me avellere possunt. 60
 Pallida *Mors* en armata arcu, armataque falce,
 Et tenebris adoperta caput, truculentaque vultu,
 Horrisonum totis intendens viribus arcum,

E

Irruit,

-
- (a) *Præparationem cordis eorum audivit auris tua.* Pf. 10. sec.
 Hebr. v. 17.
 (b) *Si consilant adversum me castra, non timebit cor meum.* Pf. v. 3.
 (c) *Draco iste, quem formasti ad illudendum ei.* Pf. 103. v. 26.
 (d) *Non timebimus dum turbabitur terra, & transferentur mon-*
tes in cor maris. Pf. 45. v. 3.
Esi ambulavero in medio umbræ mortis, non timebo mala; quon-
iam tu mecum es. Pf. 22. v. 4.

Irruit, & certam torquet, celeremque sagittam.
 Ridebo placidus multum, irrideboque *Mortem*; 65
 Nam neque tu, *Mors* dira, DEUM a me tollere possis.
 Pigra venis, pigra & est tibi falx, pigræque sagittæ.
 O quoties te suspiravi, teque vocavi!
 O bene quod tandem venisti! vincula rumpe
 Corporis, ut possim tristi hoc e carcere missus, 70
 Usque meum contemplari Dominumque, Deumque,
 Et coram aspicere, & coram placidissimo amore
 Usque frui, & sanctos propius bibere ebrius ignes.

- (a) Alme DEUS, solus tu me non deseris unquam,
 (b) Nec procul es. Nam si vivo, in te vivo, fruorque 75
 Lumine, & abs te habeo quod sum, quod sensibus utor,
 Menteque, quod nutu & tacitus vix impero, & ultro
 Moxque pedes, & sponte manus mea iussa sequuntur,
 Quodque volo, id præstant. Libitum est currere, curro,
 Vixque incerta pedum vestigia pulvere signo. 80
 At si paulatim juvat, & procedere sensim,
 Sic eo, tardigradusque incedo, vadoque lente:
 Ut lubet accelero, moderorque, & dirigo gressus.
 Dein sedeo positu vario: nunc utraque crura
 Protendens; nunc alterutrumque coercens 85
 Interius; nunc decussans, nunc libera linquens.
 Sic & disparili positura, habituque recumbo:
 Nam lateri insisto nunc dextro, deinde sinistro;
 Dein magis effusus jaceo, atque in terga supinor,
 Et modo dispando, modo colligo, contrahoque artus. 90
 Mille modis digitos circumplico, vertoque in usus
 Admirabiliter varios: nunc scribo, tribusque
 Innexum digitis calamum circumfero charta.
 Nunc arcum, aut ense, truncumve, aut grandia saxa
 Su-

(a) *Ipse enim dixit. Non te deferam, neque derelinquam. Ad*
Hebr. 13. v. 5.

(b) *In ipso enim vivimus, & movemur, & sumus. Act. 17. v. 28.*

HEROICA

67

- Suspendo, verſoque manu; nunc demeto florem, 95
 Aut pomum ramo pendens: nunc ſede quieſco,
 Inque foramen acus tenue inſero, & implico filum.
 Mille, & mille ſonos varios mihi dædala lingua
 Sufficit, ad libitumque rego, vocemque reflecto.
 Hæc equidem facio, ſed qua ratione, modoque 100
 Fiant, haud capio, neque quæ ſint organa motus,
 Sed neque cognoſco, quanam ſint arte regenda.
 Tu ſolus noſti, regis omnia, & omnia præſtas.
 (a) Si cælum conſcendero, ades: ſi abſcendero me umbris
 Infernis, ibi ades quoque tu: ſi ſumpſero pennas,
 Perque iter inſuetum totas Maris arduus undas 105
 Tranaro; tua me manus, & tua dextera ducet
 Illuc, atque ubivis dextram mihi porgis amicam.
 Denique quæ nodos nullos non rumpit, & uno
 Dimidium quandoque mei Mors dividet iſtu
 A me, qui tecum mihi ſunt, qui me tibi jungunt, 110
 Nulla vi dulcis potis eſt Mors rumpere nexus.
 Tu ſolus mihi ſemper ades, tu ſolus abeſſe
 Non potes, & ſolus non me ipſa in morte relinquis:
 Propterea mihi dein jam tu eſ. ſolus amandus.

BENEFICENTIA

Omnia ſubjeciſti ſub pedibus ejus. Pſal. 8. v. 8.

CARMEN VI.

ERgo meos, fateor tandem, male perdidit amores.
 Pœnitet ah! quamvis mihi nec crudelis Alexis,
 Nec fuit inſidus. Bene reſpondebat amori

E 2

Si.

-
- (a) *Si aſcendero in cælum tu illic es: ſi deſcendero in infernum
 ades. Si ſumpſero pennas meas diluculo, & habitavero in
 extremis maris: etenim illuc manus tua deducet me, & tene-
 bit me dextera tua. Pſ. 138. a. v. 8. ad 10.*

Siquid in humanis tale unquam, si bene cuiquam
Respondit quisquam: nam me redamabat *Alexis*, 5
Parque pari referens, erat & mea casta voluptas,
Solamenque meum. Neque plus optare videbar
Posse, & conabar me fallere, & esse beatus

(a) Ipse mihi. Interea tamen impatientia sisti
Pectore rumpebant pectus suspiria multa, 10
Perque oculos fusus laerimis dolor ibat obortis.
Nescio quos grandes in corde expertus hiatus,
Nescio quod vacuum grande, impatiensque repleti;
Flebant, nec poterant, quidquid conarer, amore

(b) Propitiare meum, aut lacrimas sopire: fluebant 15
Nescio cur lacrimæ invito, cruciabar & ultro,
Nempe hominem tandem, fuit hoc & crimen, amabam
Impetuosus, & humano absorbebar amore.

Tu DEUS, alme DEUS, solus tu dignus amari:

(c) Solus tu implere, & tu tranquillare profundum
Cor pro te factum, quantumlibet omnia tentet, 20
Nusquam fas ille sine te requiescere. Nostri
Solutus tu es cordis sincera, & plena voluptas.
Cætera tormenti genus, & ludibria amoris.

Tu me solus amas. Nam quis Pulcherrime rerum;
Quis nisi tu me unquam, quis me, te præter, amavit? 25
Tu sine me felix & eras, semperque fuisses;
Alta ego, & horrenda nihili caligine mersus

(d) Totus eram. Grandi mersum tu voce vocasti,
Audivique tuam vocem, emerisque vocatus
E nihilo: hoc ego eram sine te, semperque fuisset. 30
Tu

(a) *Expectavimus pacem, & non erat.* Jer. 8. v. 15. *Ibi quæ
que non erit requies tibi.* Isa. 23. v. 12.

(b) *Renuit consolari anima mea.*

(c) *Memor fui Dei, & delectatus sum.* Ps. 76. v. 3. *Majores
est Deus corde nostro.* 1. Joa. 3. 20. *In eo letabitur cor no-
strum.* Ps. 32. v. 21.

(d) *Vocat ea quæ non sunt tanquam ea quæ sunt.* Ad Rom. 4. v. 17.

HEROICA

69

Tu mihi quod vivo, quod sum, DEUS alme, dedisti,
Et das nunc: nisi enim tua me pia dextra teneret;
Protinus in nihilum rursus revolutus abirem.

Quocumque aspicio, ecce tuis sunt omnia plena
Muneribus. Qui me involvit circumfluus aer 35
Præsto est, & mitis sese pulmonibus infert,
Sanguis ut inde novis auctus vitalibus auris
Ite redire queat, facilisque subire meatus
Angustos, quibus it subitus, circumque, supraque.

(a) Magnum jussisti Solem hunc mihi fundere lucem, 40
Perque vices, veluti intentum ad mea commoda, nasci,
Atque mori: & tunc cælo alios accendier ignes,
Qui mulcere oculos, possintque reducere somnos,
Dulcia portantes curarum oblivia menti.

Quin ad arenam etiam tumidos Mare frangere fluctus 45
Ipse coegisti imperio, & præbere carinis

(b) Terga, utque ingentes veniant ad litora pisces,
Esca mihi impliciti laqueis, verubusque futuri.

Quin subjecisti mihi tu quæcumque creasti. 50
Idcirco, & docilis supponit terga *Elphantus*,
Si licet & tanta mole, atque armatus obunco
Dente: & gibbosus clinat se in genua *Camelus*:
Et vexanda jugo dat inermia cornua *Taurus*;
Incurvoque gemens altos mihi pandit aratro,
Queis possim tuto committere semina sulcos. 55

(c) Et se subdit *Equus* mihi, collectosque superbus

Na-

(a) *Sol in aspectu annuntians in exitu vas admirabile, opus excelsum... Magnus Dominus qui fecit illum, & in sermonibus ejus festinavit iter. Eccl. 34. v. 2. & 5.*

Usque huc venies, & non procedes amplius, & hic confringes tumentes fluctus tuos, Job. 38. v. 11.

(b) *Omnes pisces maris manus vestre traditi sunt. Gen. 9. v. 2.*

(c) *Gloria narium ejus terror. Terram ungula sedit, exultat audacter, in occursum pergit armatis. Contemnit pavorem, nec cedit gladio. Job. 38. a v. 20. ad 22.*

Naribus eructans ignes, pedibusque trementem
 Concutiens terram, quamvis ultro ipse coruscum
 Infilat in ferrum, truditque in vulnere pectus
 Impavidus morti occurrens; tamen audit habenas. 60
 Me quoque ceu Dominum revereri, & vincla subire
 (a) Sævi ipsi didicere *Tigres*, didicere *Leones*.
 Nec potuere meo se subterducere pennis
 Imperio *Alituum* volucris, fugitivaque turba;
 Namque veteranos nido prætereundum fumos, 65
 Et laqueo didici captare, & fallere visco:
 Insidiarumque immemores, ramoque sedentes,
 Expansisque etiam plumis per inane volantes
 Dejicere aut arcu, aut ignita sulphure glande.
 Nil præ me possunt animalia cætera. Ludus 70
 Est mihi de silice excutere, & dein fomite flammam
 Excipere, & tenebras longe, noctemque fugare:
 Ast nullo hanc pecudes conamine vincere, nullo
 Pennata poterunt nisu exturbare volucres:
 Sed sperare diem nido, lucemque tenentur, 75
 Interdumque pigram nimium, longoque sepultam
 Auroram somno cantu, gemituque vocare.
 Præterea de cælo ipsum deducere solem
 Lente queo, & sylvas, totosque exurere montes.
 Plantis, arboribusque novas imponere leges 80
 Quandocunque lubet possum, & mea jussa facessunt,
 Ignotasque ferunt frondes, & non sua poma.
 Vulnifico armatus chalybe, armatusque bipenni
 Excelsas valeo detrudere montibus ornos,
 Annosasque ictu momento sternere cedros, 85
 Tigna futura domus. Diffindo marmora serra,
 Quamque volo scalpere do invitis, indoque formam,
 Summaque templorum facile ad fastigia vecto.

Inti-

(a) *Terror vester, ac tremor sit super cuncta animalia terra, & super omnes volucres cali. Gen. 9. v. 2.*

- (a) Intima quin etiam telluris viscera possum
 Scrutari ferro, latebrosisque abdita venis 90
 Æs, Aurum, Argentum exerere, atque efferre sub auras.
 Et fluviorum alio possum traducere cursus,
 Torpentesque agitare imo, & siccare paludes:
 Mansurasque Mari objicere, atque opponere moles.
 Et temone sedens nolenti insindere sulcos 95
 Oceano, obliquisque antennis pergere, & ire
 Illac, qua venti, tempestatesque negabant.
- (b) Sic mihi tu aptasti ingenium, digitosque, manusque,
 Ut tamquam Domino, tamquam Regi omnia subsint.
 Terra mihi magna, & propria est domus. Hanc tua dextra
- (c) Condidit, & nullis nixam, sultamve columnis 100
 Suspensam medio libravit in aere firmam.
 Arida erat: jussisti & cogitur humidus aer
- (d) In nubes, ingens cælo venit agmen aquarum:
- (e) Nec cadit uno ictu, nec vortice, & impete cæco: 105
 Sed quasi per cribrum cunctando, atque ordine longo
 Funditur, & stillat filatim e nubibus imber.
 Dein quæ nuper aquæ cecidere, & viscera terræ
 Intrarunt ima, & caveis latuere profundis, 110
 Bullire incipiunt, doctæque repente subire
- (f) Ardua quæque, scatent interdum in vertice montis.
 Inde cadunt, fiunt ditissima flumina, & orbem

E 4

Instar

- (a) *Repleta est terra argento, & auro: non est finis thesaurorum ejus. Isa. 2. v. 7.*
- (b) *Constituisi hominem, ut dominaretur creatura, quæ a te facta est. Sap. 9. v. 3.*
- (c) *Appendit terram super nihilum. Job. 26. v. 7.*
- (d) *Ad vocem suam dat multitudinem aquarum in cælo. Jer. 10. v. 13.*
- (e) *Ligat aquas in nubibus suis, ut non erumpant pariter deorsum Job. 26. v. 8. cribrans aquas de nubibus 2. Reg. 22. v. 12.*
- (f) *Rigans montes de superioribus suis: de fractu operum tuorum satiabitur terra. Ps. 103. v. 10.*

Instar venarum amnes circumeuntque, rigantque.

- (a) Undique luxurians ridet lætissima tellus,
Graminaque & frutices viridantescq; explicat herbas. 119
Multimodo vestiti ostro, pompaeque superbi
Magnifice incedunt flores, & aromata circum
Suavia, & effundunt pretiosos prodigi odores.
Curvantur pandæ, foetuque gravantur aristæ,
Messoresque vocant, falcesque, atque horrea poscunt. 120
Plena mero turgens calcari postulat uva.
Crassaque focordes hortatur oliva trapetes.
Matura ultro alta clinantur ab arbore poma,
Quosque exquisitos subigunt, miscentque saporos
Ostentant: vario assentantur odore, colore. 125
Siquid avis furtim rostro libavit; & illa
Admonet ecquodnam possim jam carpere pomum.
Rursus quidquid Avis cantat dulcis, mihi cantat;
Nam nisi ego, ad cantus Avium sunt omnia surda.
Magna quidem: sed parva tua hæc sunt munera dextræ 130
Omnipotentis, & en multo majora supersunt.
Debueras, nam peccavi, me trudere ad umbras,
Lugubres umbras Erebi, flammæque tremendas:
Vinctus ubi immensas, immortalesque catenas
Mordendo, arderem, & nunquam consumerer igne. 135
Justum erat, & metui. Tu, clementissime rerum,
Quid faceres? Neque enim fas impunita relinqui
Crimina. Debentur pœnæ, solvique necesse est,
O infiniti ingeniosa industria amoris!
Quas ego debebam pœnas, tu corpore sumpto 140
Factus homo, pro me ingrato, indignissimo amari
(b) Exsolvis, pro meque manus in vincla dedisti:

Pro

(a) *Visitasti terram & inebriasti eam: multiplicasti locupletare eam.* Pl. 64. v. 10.

(b) *Dilexit nos, & tradidit semetipsum pro nobis.* Ad Ephes. 5. v. 2.

H E R O I C A :

73

Pro me verberibus, clavis, cruce, sanguine, spinis

Qui solus poteras mea tu commissa pias.

Et tandem expirasti inter tormenta, latronisque, 145

Attonito, & languente, & nequid tale videret,

Sole repentinis caput obnubente tenebris.

Nec tamen his contentus adhuc, sub imagine panis

(a) Exigui involvens totum te Hominemque Deumque;

Disimulas majestatem, quam non capit orbis: 150

Et dulces quærens latebras, cibus esse videris,

Irrepisque cibi specie, & mea pectora tentas,

Sollicitusque meos urges, & quæris amores.

(b) Languet amore Deus. Succurrite. Languet amore.

(c) Quisquis es ah! redama quoque tu, lingueque vicissim. 155

B E N I G N I T A S.

Omnia quæcumque petieritis in oratione credentes, accipietis.

Matth. 21. v. 22.

C A R M E N V I I.

Q Ualem dum stultæ, & cæcæ ambæ *Gracia, Roma;*

Picturis coluere *Jovem*; sic plurima turba

Cogitat esse Deum, vultu, aspectuque tremendum,

Et similem iadignanti, & semper acerba tuentem,

Semper & irata meditantem fulmina dextra. 5

Deius ah toto cælo! & dignissimus umbris

Rupisse infernis tam luctificabilis error!

Interea Deus erga nos dulcissimus, alto

(d) Prospicit e cælo, tamquam irrequietus amore;

Num.

(a) *Ego sum panis vivus, qui de calo descendi.* Joa. 6. v. 51.

(b) *Amore langueo.* Cant. 2. v. 5.

(c) *Ama itaque Dominum Deum tuum.* Deut. 11. v. 1. *in-*
briantem te ab omnibus bonis suis. Eccl. 32. v. 17.

(d) *Dominus de calo prospexit super filios hominum, ut videat*
si est intelligens, aut requirens Deum. Omnes declinaverunt.

Ps. 13. v. 2.

Numqui homines illum agnoscant, deamentq; vicissim? 10
Declinaverunt omnes, & terga dedere
Immemores: etiamque piget meminisse, Deique
Mira, incredibilisque homines oblivio cepit:

- (a) At benefactorum fera non adeo immemor ulla est.
O stupor, o pigræ scelerata insania mentis! 15
Magni fit, si cui fas alloqui, adireque Regem
Coram, si faciles cuiquam Rex commodat aures.
- (b) Ecce autem Regum nobis Rex ostia pandit:
Accessu facilem dat se, neque denegat ulli
Auditum. Cuicumque libet data copia fandi; 20
- (c) Nec gemit exclusum sese mendicus, egenus.
Nec durare diu ad portas, & sæpe repelli,
Nec præstolari incassum, & sæpe ire redire
Hic opus est: coram affari fas cuique, fruique
Colloquio, quanto, & quo tempore cunque libebit. 25
Tanta est supremi in nos indulgentia Regis!
Provocat ipse etiam, nostra ut nos vota, beata
Spe pleni, indubia coram se mente feramus:
- (d) Impetraturos prece nos quæcunque volumus;
Nec folio reditura suo ad nos irrita vota. 30
- (e) Si montem forte obstantem ab radicibus imis
Tollere, & avulsum in mare deturbare velimus;
Nulla mora in Domino est: fiet, modo rite petamus.
Quanto est plus Solem stare? Atqui hoc Jossua fecit
Oran-

- (a) Obliti sunt benefactorum ejus, & mirabilium ejus; quæ ostendit eis. Ps. 77. v. 11.
- (b) Petite, & dabitur vobis: quærite, & invenietis: pulsate, & aperietur vobis. Matth. 7. v. 7. & Luc. 11. v. 9.
- (c) Non sprexit, neque despexit deprecationem pauperis. Ps. 21. v. 25.
- (d) Omnia quaecumque orantes petitis, credite quia accipietis, & evenient vobis. Marc. 11. v. 24.
- (e) Si habueritis fidem, & non hesitaveritis... & si monti huic dixeritis: Tolle, & jacta te in mare, fiet. Matth. 21. v. 21

- (a) Orando. Ne victori quos fuderat hostes
Eriperet, fuscisque involvens abderet alis
Nox, miro imperio, magno & clamore, fideque,
(b) Stare jubet Solem, tum cum properabat Olympum
Claudere, & ardentis prono lavere æquore currus.
Audiit, ætutumque hominis nova iussa facessens; 40
(c) Hæcenus indociles sisti, irreducesque quadrigas
Continuit subito Sol: quas laxarat habenas
Adducens, retroque trahens ad fræna iugales.
Nec tam longa dies terris visa ante, nec unquam
Postea: quandoquidem bis senas restitit horas 45
Sol, totidemque hærens etiam, suspensaque eodem
Luna loco, gyrum tenuit, cursumque repressit.
(d) Orando *Elias*, tanquam cæli arbiter esset,
Nunc abigit, prohibetque diu, nunc evocat imbres
(e) Pro libitu; nunc ultores cælo imperat ignes: 50
Et semel, atque iterum, queis Rex mandaverat ire
Quæsitum *Eliam*, in cineres facit ire maniplos.
Et pigramur adhuc (quando prece vertere cælum
Possumus) In cælum ignavas attollere mentes,
Munificumque adeo Regemque Deumque precari? 55
Sin minus audimur, non nos Oracula fallunt

Divi.

-
- (a) *Invocavit Altissimum potentem, & audivit illum magnus, & sanctus Deus. Eccl. 46. v. 6.*
(b) *Sol contra Gabaon ne movearis, & Luna contra vallem Aijalon. Jos. 10. v. 12.*
(c) *Steterunt itaque Sol & Luna & non festinavit occumbere spatio unius diei. Non fuit antea, nec postea tam longa dies, obediens Deo voci hominis. Ibid. v. 16. & 14.*
(d) *Oratione oravit, ut non plueret super terram, & non pluit annos tres, & menses sex. Et rursus oravit, & calum dedit pluviam. Jac. 5. v. 17. & 18.*
(e) *Si homo Dei sum, descendat ignis de celo, & devoret te, & quinquaginta tuos. Descendit itaque ignis de celo; & devoravit eum, & quinquaginta qui erant cum eo. 4. Reg. 1. v. 10. item v. 12.*

- (a) Divina. In nobis culpa est: obstitimus ipsi:
Nobis, nec petimus, qua par est, mente, fideque:
Aut plerumque etiam stulta, & nocitura precamur.
Oranti, ut par est, nunquam Deus obstruit aures. 60
Orabat Pater *Abramius*, ne perdere flammis
Urbem, neu vellet sceleratam excindere gentem:
- (b) Et nunquid, Domine, hæc tua non placabitur ira,
Si quinquaginta scelere omni, labeque puri,
Et pietate viri insignes numerentur in urbe? 65
Num tu, qui clemens adeo es, confundere possis
Sontibus infantes, flammisque involvere utrosque?
- (c) Annuit oranti Dominus: placabor & inquit
Urbi si totidem justos alat. Audet, & instat
Thariades: si quinque minus sine crimine vitæ, 70
- (d) Si quadraginta fuerint, & quinque, satifne
Hi sint? Nonne etiam tua tum clementia vincet?
Hoc etiam tibi do, dixit Deus. Illeque rursus:
- (e) Quid? Quadraginta si fors sunt; nonne perinde
Tum quoque mitesces? Esto: inconcussa manebit 75
Urbs, modo sint justī tot. Confidentior ille:
- (f) Quid si triginta, quid si non amplius existēt
Moribus, ac vita integri? Num te hi quoque flectent?

Et

-
- (a) *Petitis, & non accipitis, eo quod male petatis. Jac. 4. v. 3.*
 (b) *Si fuerint quinquaginta justī in civitate, peribunt simul, & non parces leco illi propter quinquaginta justos, si fuerint in eo? Absit a te, ut rem hanc facias, & eccidas justum cum impio, fiatque justus sicut impius. Gen. 18. v. 24. & 2.*
 (c) *Dixitque Dominus ad eum: si invenero Sodomis quinquaginta justos... dimittam omni loco propter eos. Ib. v. 26.*
 (d) *Quid si minus quinquaginta justis quinque fuerint? Delebis propter quadraginta quinque universam urbem? & ait non delebo. Ib. v. 28.*
 (e) *Sin autem quadraginta ibi inventi fuerint, quid facies? Ait: Non percutiam, propter quadraginta. v. 29.*
 (f) *Quid si ibi inventi fuerint triginta? Respondit. Non faciam, si invenero ibi triginta. v. 30.*

Et dedit hoc etiam Deus, assensitque benignus.

Instat *Abramus* adhuc: Quid si fortasse supersunt 80

(a) Iusti non plures viginti? Iramne remittes?

Ut bonus est, rursus Deus annuit. Attamen ultra
Progreditur, pergitque *Abram* tentare precando:

(b) Et ne tu, quæso Domine, indignere roganti:

Hoc, sine me, adjiciam: Nonne & miseratio tanget 85

Urbis te, si forte decem infantesque, pique
Sint ibi? Concessit clemens Deus his quoque votis:

Haud equidem delebo inquit. Si forte piorum

Hic erit, hic etiam numerus tutabitur urbem.

Tanti est esse Pios! Tam grandia scœnora reddunt 90

Urbibus! Arsisit *Sodoma*. At bis quinque fuissent

Si iusti; stares, atque his defensa, maneres.

Sed numquis Regum sic est affabilis ullus?

Non noster Rex, aut Dominus Deus esse videtur:

Sic est affatu facilis, facilisque precando 95

Flecti: sic blandas orantibus exhibet aures:

Sic est humanus, sic se demittit amori!

At: Sancti fuerant, dicat quis, *Jossua*, *Abramus*,

Elias: nullo temerant crimine vitam.

Ast ego quid merui, nisi pœnas? Non ego certe 100

Orando audiri dignus, neque sistere coram

Dignus me Domino: mea nam me crimina terrent.

Atqui non Iustos; sed qui pejora sequuti

(c) Errabamus, ait sese huc venisse vocare

Qui Deus ad nos excelsus demissus Olympo est. 105

Errastine? Redi tamen, excipere benigne:

Quin præ morigero, qui nil deliquerat unquam,

Præ

(a) Quid si ibi inventi fuerint viginti? Ait; non interficiam propter viginti. v. 31.

(b) Obsecro inquit, ne irascaris Domine, si loquar adhuc semel: Quid si inventi fuerint ibi decem? Et dixit: non delebo propter decem Ib. v. 32.

(c) Non enim veni vocare iustos, sed peccatores. Matth. 9. v. 13.

Præ Primogenito excipere benignius ipso.

- (a) Surget in occursum, blandissimo & osculo, & arcto
Te Pater amplexu excipiet, promique jubebit 110
- (b) Primam, quam prudens tibi in os servaverat usus,
Auro intertextam, & saturatam, ostroque nitentem
Sarrano vestem, digito dari & annulum, agique
Festa, atque applaudi, & convivia magna parari.
Qui pavidi rigidum Dominum, Regemque severum 115
Creditis esse Deum; capere experimenta venite:
- (c) Vosmet, quam suavis Dominus, gustate, videte.

OMNIPOTENTIA.

Ipse dixit, & facta sunt, ipse mandavit, & creata sunt.
Psal. 32. vers. 9.

CARMEN VIII.

- (d) **P** Principio Cælum, traxit, terramque profundo
E nihilo Deus. Et nox ambitiosa tegebat
Omnia. Divinus gradiebatur super undas
Spiritus, & segnis tellus, & mœsta jacebat.
- (e) *Fiat Lux*, dixit tacite Deus; illa repente 5
Risit, & e tenebris nitidum caput extulit alma,
Lætitiâque ferens pennis, risusque, jocosque,
- Ex.

- (a) Cum autem adhuc longe esset, vidit illum Pater ipseus & misericordia motus est, & accurrens cecidit super collum ejus, & osculatus est eum. Luc. 15. v. 20.
- (b) Cito proferre stolam primam, & induite illum, & date annulum in manu ejus. . . . & manducemus & epulemur. Ib. v. 22. & 23.
- (c) Gustate, & videte quoniam suavis est Dominus. Pl. 33. v. 9.
- (d) In principio creavit Deus cælum, & terram. Gen. 1. v. 1. Terra autem erat inanis, & vacua, & tenebra erant super faciem abyssi: & Spiritus Dei ferebatur super aquas. v. 2.
- (e) Dixitque Deus: fiat lux, & facta est lux. v. 3.

Exultat primogenita & pulcherrima rerum.
 Tum quoque & alatæ, & secretæ a corpore mentes,
 Si modo Sanctorum sancta est doctrina Parentum, 10
 Tunc, inquam, mentes illæ cum luce creatæ.

(a) Et fiant cæli, dixit Deus inter aquarum
 Moles, quæ sursum fusæ sunt, quæque deorsum.
 Dixit, & immensa explicuere volumina cæli
 Inter aquas hinc inde alias subtusque supraque. 15

(b) Quotquot aquæ sub cælo estis, dixit Deus, alveo
 Cogite vos uno, atque appareat arida tellus.
 Dixerat, & dicto citius, turgescere sursum,
 Arrectique jugum in cælum protendere montes,
 Submittique humiles imo, ac subsidere Valles, 20
 Immensæque fodi subtus caveæque, sinusque.
 Certant præcipientes illac descendere glauci
 Undique collecti spumoso gurgite fluctus.
 Extollit frontem subito, undisque eruta tellus
 Eminent, undiq; adhuc mœrens tamen, undiq; inanis. 25

(c) Et Deus: erumpat tellus, herbasque virentes
 Grataque poma suis frondosis pendula ramis
 Germinet: ipsa ferant simul & sua semina secum.
 Et tulit extemplo segetes, & pascua tellus,
 Pomiferaeque tulit cælo capita alta ferentes 30
 Frondes: & secum sua semina quæque tulerc.
 Extiterat vix e terra, & procera repente
 Arbos intumuit trunco, ramosque tetendit,

Pœ-

-
- (a) Dixit quoque Deus: fiat firmamentum in medio aquarum, & dividat aquas ab aquis. Et fecit Deus firmamentum, divisitque aquas, quæ erant sub firmamento ab his, quæ erant super firmamentum. v. 6. & 7.
 (b) Dixit vero Deus: congregentur aquæ, quæ sub calo sunt in locum unum, & appareat arida. Et factum est ita. v. 9.
 (c) Et ait: germinet terra herbam virentem, & facientem semen, & lignum pomiferum faciens fructum juxta genus suum... Et factum est ita. v. 11.

Fœtaque maturis facta est ex tempore pomis.

- (a) Et dixit Deus: exoriantur lumina magna 35
 In cælo, & certas nocti, certasque diei
 Constituant metas, sint & certissima signa,
 Quois partiri homines possint, & tempora, & annos.
 Illicet astrorum Rex Sol prorupit, & illum
 Nascentem stupuit tanta luce ebrui orbis. 40
 Luna quoque obstupuit, totique obnoxia Soli,
 Admirans ipsum, luce alterna ipsa refulsit:
 Præsidet hæc nocti; sed præsidet ille diei.
 Tunc & quinque alii cælestibus orbibus ignes
 Ab Sole accensi taciti fulsere Planetæ: 45
Mercuriusque, Venusque, & Mars, & Jupiter alte
Incedens, lunis hinc inde minoribus auctus
Quatuor, & quinis cinctus, cinctusque corona
Saturnus, lassamque via, fessamque labore
 Multiplici lucem reparans, augensque repulso. 50
 Tum quoque sydereæ cæli ipso in vertice flammæ,
 Inter sese alio, atque alio varioque colore
 Innumeræ erupere, nihil jam Solis egentes,
 Nam toridem magni sunt, quot sunt sydera, Soles:
 (b) Omnia facta tamen præstare vicaria terris 55
 Lumina, & ut terræ inservirent omnia facta.
 (c) Dixit item Deus: e gremio nascantur aquarum
 Reptantes pisces, simul & genus omne volucrum.
 Et subsultabant toto mox æquore pisces,
 Fluminibusque: & respirare, & vivere in undis 60

Edi-

-
- (a) Dixit autem Deus; fiant luminaria, in firmamento cæli, & dividant diem, ac noctem, & sint in signa, & tempora, & dies, & annos... Fecit itaque Deus duo luminaria magna: luminare majus, ut præset diei, & luminare minus ut præset nocti, & stellas. v. 15. & 16.
 (b) Et posuit eas in firmamento cæli, ut lucerent super terram. v. 17
 (c) Dixit etiam Deus: producant aquæ reptile animæ viventis, & volatile super terram sub firmamento. v. 20.

Edidicere ipsi; contra emergere, & ab undis
Remigio alarum capita exseruere volucres:
Quemque reluctantem sibi subjecere volatu
Mulcebant dulces, hilarabantque aera cantu.

- (a) Dixit item Deus: e terra viventia bruta 65
In lucem erumpant: quorum pars reperere tantum
Per terram; pars quadrupedes incedere possint.
Nec mora, repebant jam mox animalia multa,
Multaque per campos cursu, saltuque micabant.
Illac agnoscens *Leo*, Regem se esse ferarum, 70
Arduus incēdit, rugituque imperat arvis:
Hac exultat *Equus*, modoque huc, modo subsilit illuc,
Lasciuitque toris, animosum & murmurat ignem:
Illuc aeris pendens in vertice rupis,
Ramosa excelsa cælo infert cornua *Cervus*. 75
Balantumque greges passim; *Caprique* petulci
Ludicra bella gerunt, saluuntque, micantque per agros.
(b) Tunc: *Hominem* faciamus, ait Deus almus; & ille
Instar sit nostri, nostrique simillima imago:
Rex sit, & imperio sub se premat omnia magno. 80
Quaque patet, toto late dominetur in orbe.
(c) Ipse suis manibus limum informavit, & oro
Inspirans, immortalem Deus indidit auram:
Sic & vile lutum, argillamque animavit, & amplo;
Magnificoque ornans cultu; dedit esse capacem 85

F

Con-

- (a) Dixit quoque Deus: producat terra animam viventem in genere suo, jumenta, & reptilia, & bestias terre secundum species suas. Factumque est ita. v. 24.
(b) Et ait: faciamus hominem ad imaginem, & similitudinem nostram, & preest piscibus maris, & volatilibus celi, & bestiis, universaque terra, omnique reptili, quod movetur in terra. Gen. 1. v. 26.
(c) Formavit igitur Dominus Deus hominem de limo terræ & inspiravit in faciem ejus spiraculum vite. Gen. 2. v. 7.

- (a) Consilii, & libertatis: Dominumque supremum;
 Auctoremque suum, ac Patrem cognoscere, amare.
 Grande opus! usque adeo excelsam de semine cæli
 Mentem; corporeos tamen apte infundere in artus,
 Et simul una animam, corpusque, lutumque jugare, 90
 Disparilesque adeo arcano res jungere nodo!
 Factus homo, cujus pars immortalis imago
 Viva Dei est. Una est, & trina: potentia triplex
 Uni est, Auctorisque sui alte impressa sigilla
- (b) Magna ferebat Homo. Ceu Regi, illi undique flores, 95
 Undique pregnantés tellus fundebat aristas,
 Sponteque pendebant matura sub arbore poma.
 Blandi aderan' hominem cauda mulcere Leones,
 Cumque jubebatur, saltabat ab æquore piscis,
 Cogebantque alas, descendebantque vocatæ 100
 Sublimi e cælo volucres, fremituque jocosæ
 Ludebant humeros circum, circumque sedebant,
 Certatimque dabant suaves e gutture cantus.
 Femina deinde viro comes improvisa repente
 Adstitit assurgenti, experrectoque sopore 105
 Primo: admiratus similem sibi fœdere sancto
 Adjunxit; mage sancta alia, & nova fœdera mundo
 Jam præsignificans Deus, æquævusque Parenti
 Filius, & Primogenitus, rerumque supremus
 Arbiter, ultro olim morti concedet, & alte 110
 Vulnèra perculso latere, atque undante cruore;
 (c) Ipse sibi Sponsam fabricabit, reddet & ipse
 Dignam se. En quid erat, quod dormitantis *Adami*

E

-
- (a) *Creavit illis scientiam spiritus, sensu implevit cor illorum, & mala & bona ostendit eis . . . ut nomen sanctificationis colaudent . . . ut magnalia enarrent operum ejus. Eccl. 17. v. 6. & 8.*
 (b) *Signatum est super nos lumen vultus tui. Pl. 4. v. 7.*
 (c) *Sponsabo te mihi in sempiternum . . . & in miserationibus . . . & scies quia ego Dominus. Osee 2. v. 19. & 20. Vulnerasti cor meum soror mea sponsa. Cant. 4. v. 9.*

H E R O I C A

83

- E latere, ipsius pulcherrima Sponsa futura
 (a) *Eva*, Dei manibus (sumpta de cratibus una 115
 Pectoris, eque viri costis) fabricata repente est.
 Scilicet hæc fuerant Sponsæ præludia quædam
 (b) *Divinæ*, quam Divinus deus scedere Princeps
 Casto, atque æterno sibi consociavit amore.
 Continuo ut voluit, verbo Deus omnia fecit: 120
 (c) *Omnia* & aspiciens quæ fecerat, ipse probavit.
 Fiat dixit, olli satis est: hoc scilicet uno
 Quam magna est orbis surrexit fabrica verbo.

S A P I E N T I A

Omnia in Sapientia fecisti. Ps. 103. v. 24.

C A R M E N I X.

- Omnipotenti olim, cum de nihilo extudit orbem,
 Adstitit infinita quidem, at non sola potestas;
 Aduit indivisa comes Sapientia, & illa
 Artificis quasi dextra manus fuit omnipotentis:
 (d) *Omnia* secreto libravit pondere utrinque, 5
 Mensuraque Deus iusta, numeroque pependit.
 Mentis, & artis opus divinæ est orbis: & unus
 Ipse Auctor novit, qui facta est machina mundi.
 Admirari homines fabricam hanc bene possumus. Ultra
 F 2 Vix

-
- (a) *Ædificavit Dominus Deus costam, quam tulerat de Adam, in mulierem. Gen. 2. v. 22.*
 (b) *Sacramentum hoc magnum est, ego autem dico in Christo, & in Ecclesia. ad Ephes. 5. v. 32.*
 (c) *Vidistis Deus cuncta, quæ fecerat, & erant valde bona. Gen. 1. v. ult.*
Et tecum Sapientia tua, quæ novit opera tua, quæ & adfuit tunc cum orbem terrarum faceres. Sap. 9. v. 9.
 (d) *Omnia in mensura, numero, & pondere disposuisti. Sap. 11. v. 21.*

- (a) Vix quidquam. Tenebras in luce offendimus ipsa: 10
 Quam solet in bustis, aut celsi in culmine templi
 Caligare oculis imbellibus, & rude carmen
 Obsistere absurda, importunaque *Noctua* cantu.
 Nil formidamus tamen, & cunabula mundi
 Ipsamet, & primarum arcana exordia rerum 15
 Tentare audemus: ruimusque in prœlia, ritu
 Andabatarum, & quisque suas vult figere leges
 Imperiosus, & objurgat diversa sequentes:
 Ridemusque alios, irridemurque vicissim.
 In mundi centro Terra, olim immobilis hærens, 20
 Pigra quiescebat. Sibi nasci, & surgere Solem,
 Atque mori, inque vices, alteram surgere Lunam,
 Et totos cœlorum orbes, & sydera volvi
 Circum se in gyrum stans ipsa immota videbat.
 Nunc jam tellurem placuit de sede moveri 25
 Antiqua, *Veneremque* inter, *Martemque* rotari,
 Qua proavis olim nostris Sol ire solebat
 Officiosus, & auricomas agitare quadrigas.
 Nunc sopor, & tristis miserum socordia Solem
 Invasit. Segnis torpet, languetque quietus 30
 In centro, tellus ubi desidiosa jacebat.
 Vix super axe suo, viginti & quinque diebus;
 Convolvitur sese paullatim, ægreque: perinde
 Ac fessum mutat latus, insistens & eidem
 Usque loco, & cubito innixus, vix volvitur æger. 35
 Nec verò fugitiva semel contenta vagari
 Tellus est. Quin ut solitæ plerumque puellæ
 Consuetas nuper vestes, cultusque superbæ
 Fastidire, novosque sibi prurire paratus:
 Sic itidem, quædam quasi bacchanalia ludens, 40
 Sic habitus, sic & tellus mutare figuras.

Sphe-

(a) Indica mihi, si nesci omnia, in qua via lux habitat. Job.
 38. v. 18. & 19.

- Sphera fuit quondam tota undique, tota rotunda;
 Ovi instar deinceps facta est, qua desinit axis
 Oblonga, & medium versus vacuata dehiscens.
 Contra est nunc, instar cœpæ compressa fatiscit 45
 Qua finit cardo, vertexque Aquilonis, & Austri
 Extremus, medio pregnans elata tumescit
 Ventre. Invertuntur sic pro nostro omnia nutu,
 Ad libitumque novas leges imponimus orbi.
 O bene, quod nunquam nostra hæc mandata faceffit, 50
 Et surdas nostris opponit legibus aures!
 Quantumcumque bonis, nostris si legibus iret
 Orbis, jam fessus pridem, fractusque ruisset.
 (a) Divina omnino est, qua stat, sapientia Mundus:
 Qua ratione illum Omnipotens compegerit olim, 55
 Quave illum rerum serie, nexuque gubernet;
 Caligo alta est, nosque latet, semperque latebit.
 (b) Quanto plus homines iusudent, plusque laborent;
 Tanto equidem minus invenient, peiusque lababunt
 Tum, cum plaudentes sibi confidentius ibunt, 60
 Et titubare minus sua jam vestigia credent.
 En cælo (nam stellarum nec nomina scimus)
 Urfas intulimus, Taurosque, Caprosque bicornes,
 Atque Leonem, & Delphinum, Cycnumque, Gruemque;
 Atq. Aquilam, geminosq. Canes, Leporemque, Lupumq. 65
 Et vix non totidem quot sunt animalia terris.
 Sic balbutimus, sic & biateramus inepti.
 (c) Nec quot sint cælo stellæ numerare valemus;

- (a) *Preparavit orbem in sapientia sua. Jer. 51. v. 15.*
 (b) *Et intellexi, quod omnium operum Dei nullam possit homo invenire. rationem eorum, quæ fiunt sub Sole. Et quanto plus laboraveris, ad quarendum, tanto minus inveniat: etiamsi dixeris Sapiens se nosse eum, non poterit reperire. Eccl. 3. v. 17.*
 (c) *Numerata stellæ, si potes. Gen. 15. v. 5.*

- (a) At numerat folio fidens Deus, & sua stellæ
 Nomina cuique vocat, singillatimque recenset : 70
 Illæ autem subito auscultant, adsuntque vocanti
 Illicet, Auctoriq; suo plauduntque, micantque.
 Quid stellas autem? Qua vi, quove impete, pila
 Ludere qua fortasse soles, descendat ab alto,
 Semper & imparibus numeris iter æcyus omni 75
 Momento accelerans properet quasi fessa deorsum?
 Nemo unquam expediet. Neque quas tuus educat hortus
 Herbas, & flores, & quæ pendentia carpis
 Poma manu, possis capere, aut deprendere mente.
 Aut quam fieri possit ratione, ut eodem 80
 E nutrimento, succoque inodoro, & inerti,
 Inspidoque, eadem plantis quæ Mater alendis
 Suppeditat tellus; possint tot deinde colores
 Floribus aspergi, & variari? & sæpe superbus
 Flos idem expandi tam versicoloribus alis? 85
 Unde odor huic, illi tam prorsus dispar & alter?
 Undeve dissimiles adeo potuere saporis
 Condiri? ac tot, tam varii coalescere fructus?
 Qui te exquisito absentem vestigat odore,
 Et quin multifida, & perplexa ambage viarum 90
 Erret, te demum assequitur, caudatque regyrans
 Plausum mille modis dat, blanditurque catellus.
 Quid tandem sit? Nemo ullus tibi dicere possit
 Philosophus. Dabit hic animam, sensumque negabit
 Ille. Arma expedient: multa vi vulnera utrinque 95
 Ingeminabuntur: varie inclinata vacillans
 Hac illac, neutri tandem victoria constat.
 Vincit uterque hostem aggrediens, pugnamque laceffens;
 At sua connixus defendere, seque tueri.

Victus

(a) Qui numerat multitudinem stellarum, & omnibus eis nomina vocat. Pl. 146. v. 4. Vocata sunt; & dixerunt: Adsumus, & luxerunt ei cum iucunditate qui fecit illas. Bar. 3. v. 35.

Victus uterque cadit, victusque occumbit uterque. 100

Vel quæ despiciamus, conculcamusque subinde
Haudquaquam capimus. Mens, ars divina refulget
In minimis etiam, quæ nos prætervolat omnes.

Abiectis etiam in rebus sapientia prorsus 105

Digna Deo est, nullaque humana imitabilis arte.

En parvum *Culicem*. Quid toto vilius orbe est?

Ast *Elephas*, quanta mole est, haud organa vitæ
Plura regat; quin plura *Culex* animatque, regitque,
Majoresque animos contracto in corpore versat. 110

Bellator galea affurgit, cristisque, tubamque

Horrissonam irarum plenis concentibus implet.

Sex, octove pedes insunt, si forte libebit

Ire pedes; sed multivagis quatit æra pennis,

Audet & aversos contra ire, laceffere ventos 115

Arduus: arma etiam, stimulumque proboscide gestat:

Quem trux insigat totum, totumque cruentet;

Si quis ab exiguo sibi non bene caverit hoste.

(a) Mole *Culex* minor est alius (tibi, *Mexice*, surgit
Vere novo passim) non Martem accendere cantu, 120

Non inflare tubam, stimulumve insigere novit

Sanguineum: volat innocuus, solisque tenebris

Indicit bellum. Prope se increbrescere noctem

Haud patitur. Simul umbrosas nox explicat alas;

Flammigeram (mirum!) quam parva continet alvo 125

Explicat ille facem, tenebrosamque æra tæda

Dimovet alata, & nigrantes territat umbras.

Abseondit lucem interdum; dein rursus eandem

Accendit, rursusque abdit, rursusque sepultam

Suscitat, alternis quasi nictans lumine, & umbris. 130

Nec sublime volat, nec multum se erigit. Ætas

Impubes passim ruit, & quam lumine signat,

(a) *Culices* hos *Cicindelas* vocarunt Latini; *Lampydes* Græci. Multimodi sunt. Illum ego describo quem vidi, & observavi sapius.

Insistitque, premitque viam, manibusque prehensum
 Mirantur sine fine, & cum clamore, triumpho
 Captum deportant culicem: ac modo vita superfit; 135
 Non illum fulgore *Adamas*, æquetque *Pyropus*.

- (a) Ludit in orbe DEUS. Sed quanta in lusibus ipsis
 Ars est! Artificis summi sapientia summa est.

PROVIDENTIA

Vestri autem capilli capitis omnes numerati sunt. Matth. 10. v. 30.

CARMEN X.

ET Pater, & Dominus DEUS est, Sublimis olympos;
 Et circumspiciens terras inde arduus omnes,
 Se circum effundit, ceu Sol, & humillima quæque
 Respicit, ac nutrit, recreatque, fovetque calore.
 Omnituens, uno, lucis ritu omnia lustrat 9
 Intuitu, & regit imperio, nutuque coerces.
 Omnia sunt illi curæ: vendendus & asse

- (b) Captivus, captiva etiam cum prole gemella,
 Haud cadit in laqueum, illius sine numine *Passer*:
 Maxima cum minimis quot sunt, quot & omnia fecit, 10
 Tranquillus nullo molimine cuncta gubernat.
 Aspice, quam vacui curis, plaudentibus alis,
 Ludunt per sudum crocitantés aera *Corvi*,
 Venturi immemores. Non illi semina sulcis

- (c) Committunt, non proventus, messesque repositas 15
 Agglo-

- (a) *Ludens in orbe terrarum. Prov. 8. v. 31.*

De preparato habitaculo suo respexit super omnes qui habitant terram. Pl. 32.

Pusillum, & magnum ipse fecit, & æqualiter cura est illi de omnibus. Sap. 6. v. 8.

- (b) *Nonne duo passeressesse vaneunt, & unus ex illis non cadet: super terram sine Patre vestro. Matth. 10. v. 29.*

- (c) *Considerate corvos, qui non seminant, neque metunt, quibus non est cellarium, neque horreum, & Deus pascit illos. Luc. 12. v. 24.*

- Agglomerant, nec congesta Cerere horrea rumpunt
Solliciti: Deus interea, Deus implet edaces.
- (a) Aspice, qua pompa in cælum erumpentia surgunt
Lilia! Nec Salomon vestitu æquaverit unum
Ex his: illa tamen neque norunt ducere fuso 20
Fila, neque arguto percurrere pectine telas.
Cælestis prorsus Pater est, qui lilia campi
Cingit odorifero, niveoque decorat amictu.
- (b) Atqui nos pluris sumus illi. Utcumque pusillæ;
Quamlibet exiguæ res sint, si nos modo tangunt, 25
- (c) Sollicitant illum, sumus & sua maxima cura,
Vel cum negligere, & nil nos curare videtur.
- (d) Aspice, ut inclusus corbe, & male vimine tectus
Infans abripitur mediis miserabilis undis
Nili! Ast hic infans faciet te, Nile, colorem 30
Mutare, obscænoque horrescere sanguine fluctus,
Ægyptique Deus, Regisque videbitur. Ecce
- (e) In manibus nos ipse suis descripsit, habetque,
Et tenet assidue intentos, fixoque benigne
- (f) In nobis oculos; nec delassabitur unquam. 35
- (g) Num teneri infantis capientne oblivia Matrem?
Fac capiant. Pueri fuerit fac immemor illa:
At non ulla tui mihi par oblivio repet.
Cura tui nostro nunquam de pectore abibit.
Hæc DEUS. At quænam puerum sic Mater amavit 40
Solli-

-
- (a) Considerate lilia agri quomodo crescunt: non laborant, neque
nec. Dico autem vobis, quoniam nec Salomon in omni glo-
ria sua coopertus est, sicut unum ex istis. Matt. 6. v. 28. & 29.
- (b) Quanto magis vos pluris estis illis? Luc. 12. v. 24.
- (c) Dominus sollicitus est mei. Ps. 39. v. 18.
- (d) Exod. 2. v. 2.
- (e) Ecce in manibus meis descripsi te. Isa. 49. v. 11.
- (f) Videns omnes sine intermissione. Sap. 15. v. 19.
- (g) Numquid obli-isci potest mulier infantem suum, ut non mi-
sereatur filio uteri sui? Etsi illa oblita fuerit; ego non obli-
scar tui. Isa. 49. v. 15.

Sollicita, ut viles velit aut numerare capillos,
 Aut curare etiam, puerone an decidat ullus?
 Ergone tanta DEUM nostri hæc quoque cura subire?
 Tanta quidem. Tanto plus nos quam Mater amavit.

- (a) Ut Gallina, suos, Miluum si forte volantem 45
 Desuper aspexit; pavitans vocat anxia pullos,
 Amplexuque fovet blando, & circumtegit alis:
 Sic Deus (exemplum Deus hoc nos ipse docebat)
 Errantes licet usque vocat, gemituque requirit
 Anxius, ut veniant, extentaque tegmina pandit 50
 Alarum circum, materna & protegit umbra.
- (b) Ut pupillam oculi circumtegit undique, nequid
 Lædere nos, nequis temere contingere possit.
 Tarde, cunctanterque olim eventura, priusquam
 Eveniant longe antevicens, moderatur: & illo 55
 Invito, fieri nihil, aut contingere fas est.
 Quæ finit esse mala, & consurgere tristia, miscet
 Ipse salutarem seu detrectantibus ægris
 Miscet amaritiem Medicus, placituraque prudens
 Submovet. Afferrent interdum dulcia mortem, 60
 Et gustata dabunt interdum Absynthia vitam.
 Nec tamen angorum finit ultra exolescere molem,
- (c) Quam perferre queant vires: & cum mala crescunt,
 Præsto est, virtutemque addit, duplicatque vigorem.
 Temperat ille vices hominum, seriemque gerendæ 65
 Per varios, vario rerum discrimine, casus
- (d) Vitæ. Num tempus sibi quis, quo lucis in auras

-
- (a) Quoties volui congregare filios tuos quemadmodum gallina congregat pullos suos sub alas, & noluisti? Matt. 13. v. 37.
 (b) Custodivit quasi pupillam oculi sui. Deut. 32. v. 10.
 (c) Non permittet vos tentari supra id quod potestis; sed faciet etiam cum tentatione proventum, ut possitis sustinere. 1. ad Cor. 10. v. 13.
 (d) Sciebas tunc quod nasciturus esses? Job. 38. v. 21. Nescio qualiter in utero meo apparuisti Mundi Creator, qui formavit hominis nativitatem. 2. Mach. 7. v. 22. & 23.

Effet venturus tenebrosa matris ab alvo;

Aut queis mavellet recipi, vagireque tunis,

Optavit? Numquid Patriam, certosque Parentes 70

Præstituit sibi met quisquam? quave indole, quonam

Ingenio, qua statura, facieque futurus?

Ut sibi complacuit, DEUS omnia: nos nihil horum.

(a) Non album e nigro, neque quem jam degener ætas

Infecit, nigrum possis præstare capillum. 75

Sed neque fas nostris nostram componere vitam

Auspiciis. Meditate etiam, beneque acta sagitta

Abfilit, & pierumque alio, quam intenta minatur

Mens; cadit incassum, atque in ventum effunditur ictus,

Humana intervertuntur meliora repente 80

Consilia. Obscuris mens undique septa tenebris,

(b) Quid ventura dies, quid ventura afferet hora;

Instabili graditur passu, titubaturque, neque ullum

(c) Certum habet, aut tutum, possit quem prendere cursum,

Quo se cumque ferat, qua qua se vertere tentet: 85

Cæca via est, ancepsque iter, & vestigia fallunt.

Omnia turbari incerto, impellicque videntur

(d) Casu. At nil casu, quod nil nisi nomen inane est,

Contingit. Quæ sub, supra, quæ sorte videntur

Antipiti volvi, & temere intercurrere; magna 90

Desuper, & falli ignara ratione reguntur.

(e) Confusamque sinu, deturbatamque profundo

Hanc jubet, aut illam Dominus procedere sortem.

Quæ

(a) Non potes unum capillum album facere, aut nigrum. Mat-
th. 5. v. 36.

(b) Futura nullo scire potest nuntio. Eccl. 8. v. 7.

(c) Cogitationes mortalium timida, & incerta providentia no-
stra. Sap. 9. v. 14.

(d) Tempus, casumque in omnibus. Eccl. 9. 11.

(e) Sortes mittuntur in sinum; sed a Domino temperantur.
Prov. 16. v. ult.

- (a) Quæ sint, quæ fuerint, & quæ ventura sequentur;
 Quæque forent etiam, paullum si verteret ordo, 95
 Qui nunc est rerum, videt unus, & omnia miro
 Consilio totum dispensat, & ordine magno.
- (b) Dissimulat tamen, atque adeo nescire videtur
 Ecquid agant homines: Nec confestim irruit ultor
 Impatiens: videt ausuros, nec vincula nescit, 100
- (c) Nec libertati sceleratos impedit usus.
- (d) Sed tamen ille hominum ridet molimina, & unus
 Omnia componit, placido & regit omnia nutu;
 Quidquid contra homines tendant, contraque repugnent.
- (e) Net fila ipse manu, stamen subtemine texit 105
 Arcano: & quamvis rumpi, invertique videntur
 Fila, sed incepto numquam de tramite aberrant.
- En juvenem *Isacidem* probroso e carcere raptum
 Evehit ad solium: tota illum *Ægyptus*, & ipsi
 Invidi, & immites trepidanti poplite adorant 110
- (f) Fratres, quem, puerum infontem, & nil tale merentem,
 Post intentatam crudeli funere mortem,
 Nil veriti tamquam vilem venundare vernam.
 En rursus quam sublimis diademate cinctus
 Regifico incedit, cui crux infanda parata 115
 Nuper erat. Sed memento DEUS omnia retro
 Egit, & immani trabe, qui præstruxerat illam

In-

-
- (a) Scit præterita, & de futuris æstimat, & signa, & monstra
 scit antequam fiant, & eventus temporum, & sæculorum
 Sap. 8. v. 8.
- (b) Et dixerunt: quomodo scit Deus, & si est scientia in ex-
 celsis? Pl. 72. v. 11.
- (c) Apposuit tibi ignem, & aquam: ad quod volueris porrigere
 manum tuam. Eccl. 15. v. 17.
- (d) Qui habitat in calis irridebit eos, & Dominus subvertet
 eos. Pl. 2. v. 4. Non est sapientia, non est prudentia, non
 est consilium contra Dominum. Prov. 21. v. 30.
- (e) Telum quam orditus est super nationes. Isa. 25. v. 7.
- (f) Et incurvati adoraverunt eum. Gen. 43. v. 28.

- (a) Infanti, pendet scelerum fabricator *Amanus*.
Nec semel aut iterum tantum hoc. Nulla extitit ætas,
Quæ non his paria, aut certe his affinia passim. 120
- (b) Nempe humana regit Deus: & subvertit iniquos
Plerumque, & vindex sæpe est, ultorque piorum.
Ast etiam sinit interdum se extollere fontes
Impune, & fastu, & pompa, & circumdat honore,
Divitiisque onerat multis, & prosperat auro. 125
Interea sinit in vinclis, luctuque jacere,
Traducique odiis, rerumque esse omnium egenos,
Vexarique pios. Hoc tu miraris, & audes,
- (c) Cur hoc tam lentus patiatur, poscere causas?
- (d) Tu quis, homo, es? Numquidne Deo sapientior es tu? 130
Dic mihi, si nosti, quam ex parte aera rupit
Quod tete afflavit vibratum fulmen ab alto?
Quamve viam tenuit volitans nervo acta sagitta?
Quosve maris fluctus veniens fidit uncta carina?
Ergo age, sume tibi mundi rectoris habenas: 135
Aude, inferque Deo lucem, ferto inclyte leges,
Queis melius deinceps regat, & sapientius orbem.
Nescis, heu! nescis, quæ poenæ fontibus instant
A tergo: nec quæ justum expectantque, manentque
Præmia: quanta ferent abituri gaudia luctus! 140
Nigra albis passim confundimus, albaque nigris.
- Annuit

- (a) *Suspensus est itaque Aman in patibulo quod paraverat Mar-
dacho. Esth. 7. v. ult. Non nobis, sed Deo reddente ei
quod meruit. Esth. 16. v. 18.*
- (b) *Qui malignantur exterminabuntur: sustinentes autem Domi-
num ipsi hereditabunt terram. Pl. 36. v. 9. Non vidi justum
derelictum. Ibid. v. 25.*
- (c) *Quare ergo impii vivunt, sublevati sunt, confortatique di-
vitiis? Job. 21. v. 7. & taces devorante impio justiores sed
Habac. 1. v. 13.*
- (d) *Numquid consilium Dei audisti, & inferior te eris ejus sa-
pientia? Isa. 15. v. 8.*

- (a) Annuit iratus quædam DEUS, & bona sæpe
 (b) Futilia, ambigua hæc negat, avertitque benignus.
 (c) Et tacet interdum idcirco quia grandior ira est.
 Quæ bona, quæque mala ad fugitivæ tempora vitæ 145
 Circumscribuntur, nihili sunt, somnia quædam
 (d) Sunt. Experrecti somno, ridebimus ista,
 Attoniti, potuisse unquam tam ludicra, tamque
 Exigua hæc nobis delusis magna videri.
 Tempus erit, magno cum optaverit impius emptos 150
 Luctus, pauperiemque, ignominiamque Piorum
 Sanctam: cum vitæ illecebras, fastusque superbos
 (e) Oderit. Interea, neque enim mora longa, quiesce:
 Desine, qui fecit regat ipse, & temperet orbem.

C U S T O S

*Angelis suis mandavit de te, ut custodiant te in omnibus
 viis tuis. Pl. 90. v. 11.*

C A R M E N X I.

Hoc quoque providit DEUS, & de gente beata,
 De primis cæli indigenis, manuumque suarum
 Primitiis, facie insignes, pulchros mage luce,
 Alatos juvenes tergo, ad solium propinquos
 (f) Stare Dei solitos, ad nos descendere fidos

5
 Cu-

-
- (a) *Prosperitas stultorum perdet illos. Prov. 1. v. 32. Tradidit
 illos Deus in desideria cordis eorum. Ad Rom. 1. v. 24.*
 (b) *Ne filio deciperet animam illius. Sap. 4. v. 11.*
 (c) *Secundum multitudinem ira sua non quærat. Pl. 10. secund.
 Hebr. v. 4.*
 (d) *Velut somnium avolans non inveniatur, transiet sicut visio
 nocturna. Job. 20. v. 8.*
 (e) *Adhuc pusillum, & non erit piscator, quæres locum ejus,
 & non invenies. Pl. 36. v. 10. Hodie extollitur, & cras
 non inveniatur. 1. Mach. 2. v. 63.*
 (f) *Omnes Angeli stabant in circuitu throni. Apoc. 7. v. 11.*

Custodes jubet, atque infirmis corpore, mente,

(a) Esse dedit comitesque viz, comitesque salutis:

Quis tantum sperare unquam? Quis poscere tantum?

Unus amabilior mortalibus omnibus, unus

Duntaxat stabilis, solusque fidelis amicus 10

Perpetua invigilans cura noctesque, diesque

Officiosus adest nobis pulcherrimus Ales.

Nec dedignatur (quamvis virtute, manuque

Et regere imperio, & poterat moderarier unus

Terrarum, & maria, & cæli septemplex orbis) 15

Unius, immemorisque hominis vigilare saluti

Totus, & assiduo famulatu hære, & adesse

Quamlibet ingrato, & nil prorsus tale merenti.

(b) Quacumque incedis, tecum it, ibi obambulat ante

Indefessus, & in manibus te fertque, tenetque; 20

(c) Necubi in obstantem lapidem, vepresve cruentes,

Offendasve pedem. Dormis tu; sed vigil ille

Semper adest, nec discedit, nec deserit unquam

Incomitatum. Etsi in cælum peccare rebellis,

Insanusque audes; necdum tamen ille relinquit, 25

(d) Necdum destituit, necdum aspernatur alumnum.

Quin vocat errantem, dextraque reducere tentat:

(e) Interdumque etiam nolentem cogit amice

Ne pereat, neve infando miser ardeat igne.

Si scires quantis ignarum te ille periclis 30

Eripuit! Quoties te expansis abdidit alis!

Et quot, quam sævos ultro obviis ægide, & ense,

Cir-

(a) *Missi propter eos qui hereditatem capiunt salutis.* Ad Hebr. 1. v. ult.

(b) *Ecce ego mitto Angelum meum, qui præcedat te.* Exod. 23. v. 20.

(c) *In manibus portabunt te, ne forte offendas ad lapidem pedem tuum.* Pl. 90. v. 12.

(d) *Non dimittet cum peccaveris.* Ex. 23. v. 21.

(e) *Coagebant eum Angeli dicentes: surge, tolle uxorem tuam, & duas filias, quas habes: ne & tu pereas in scelere civitatis.* Gen. 19. v. 15.

- Circumfrendentes procul arcuit ictibus hostes.
 Nam qui siderea ruit exturbatus ab arce
Lucifer, æterna invidia, infandoque furore 35
 Accensus, quod nimirum nos viderit iliac,
 Unde ruit præceps, unde excidit ille vocari:
 (a) Perfurit, & lanienæ inhians, instarque *Leonis*
 Circumiens, & rugitum dans ore; minaces
 Proritat dentes, rabidosque exasperat ungues. 40
 Hoc ille, hoc tentant quas secum proruit uno
 Impete, millenæ, conjuratæque cohortes.
 Et saturavissent rabiem, expleissentque dolorem,
 (b) Et tenebroso obvolvissent jam gutture vivos
 Nos, nisi cælestis nobis custodia adesset, 45
 Nosque tueretur. Nam quis tot adire pericla,
 Aut solus tantis posset se opponere monstris?
 Aspice *Tobiam* juvenem. Comes additus illi
 Angelus, humana specie, humano ore latebat:
 (c) Esse putabatur juvenis quoque, & esse *Ananie* 50
 Filius. Audisti' quam grandia munera, quanta
 Officia exhibuit, benefactaque, & ut mala cuncta
 Verterit in melius? Juveni connubia sancta
 Afferuit, deque infaustis felicia fecit.
 Lucifugum genitum, septem qui morte virorum, 55
 Funestas totidem tædas, totidemque hymenæos
 Fecerat; exegit procul, adstrinxitque catenis.
 Cæco etiam lucem Patri reparavit adeptam,
 Cumque oculis extincta diu solatia vitæ.
 Nam quænam cæli communi luminis usu 60
 Orbato, tenebrisque immerso gaudia surgant?

Gnato

-
- (a) *Adversarius vester diabolus tanquam Leo rugiens circuit querens quem devoret.* 1. Pet. 5. v. 8.
 (b) *Nisi quia Dominus erat in nobis.... sorte vivos deglutissent nos.* Pl. 123. v. 1. & 2.
 (c) *Unde te habemus bone juvenis?* Tob. 5. v. 6. *Ego sum Azarias Anania magni filius.* Ibid. v. 18.

Gnato adventanti, ut poterat, pedibusque subinde
 Offendens, puero innixus, baculoque, ruebat
 Totus in amplexum; neque erat spes ulla videndi.
 At vidit: siquidem hæc etiam *Raphaelis* alumnus 65

Attulit edoctus caro nova gaudia Patri,
 (a) Felle linens oculos, qui vix non fecerat orbem
 Patrem, qui juvenem piscis jam pæne vorarat.
 Usque adeo Custos divinus tristitia quæque,
 Et cuncta in melius, vertitque in gaudia luctus. 70

Cum vitæ, mortisque inter confinia, & inter
 Temporis, æternique vias versabimur ævi;
 Tum verò fama est, oculis se sistere coram
 Corporeis, iras acuentem sævius hostem,
 Et quantas habet exsertantem in prælia vires:
 Nam postrema quidem jam, decretoriaque hora est: 75
 Horror ubique animum: circum præcordia sanguis
 Stabit iners: oculi exstantes, crinesque rigebunt
 Hispidi: anhelabit moribundo murmure pectus.

(c) Ast dabitur, tanta hæc si vera est fama videre 80
 Tum quoque te lateri adstantem, fidissimo Custos,
 Et qua fas, qua facta sinant, certamine tanto

(b) Scilicet afflictum pennis, palmaque regentem,
 Ac propulsantem vim vi, & victricibus armis.
 Quam vellent, siqui te posthabuere, tuique 85
 Vixere immemores, tum te coluisse, nec aures
 Tam surdas vocique tuæ, monitisque dedisse!

Sera nimis miseris, desesque, & manca voluntas.
 Nunc o sancte rege, & dubios tu dirige gressus
 Ad meliora mens, quo possim temnere sævos 90
 Hostes impavidusque tua defendier umbra,

Teque

(a) *Tunc sumens Tobias de felle piscis linivit oculos patris sui... statimque visum recipit.* Ibid. v. 13. & 15.

(b) *Scapulis suis obumbravit tibi, & sub pennis ejus sperabis.* Pl. 20. v. 4.

Teque duce, exutus mortalia, sumere pennas,
Adscribique choris vestris, abscribier astris.

P A T I E N T I A

*Tu Deus clemens, & misericors, & patiens, & multæ mi-
serationis, & ignoscens super malitia. Jonæ 4. v, 2.*

C A R M E N X I I.

Quis furor o! Jam flagitiorum pondere fessus
Nostorum, sese male sustinet, & gemit orbis.
(a) Ea plerique hominum, ceu prona animalia, terris
Hærent, immemores prorsus cælique, Deique.
Quot passim horrenda indomitæ perjuria linguæ? 5
(b) Quot dein, quot strages male sana *Superbia*, quotque
Lurida tabifico clam rodens omnia dente
Invidia, & frendens semper rabida ore cruento
Ira? Hæ sunt furæ tres, tartareæque sorores,
Quæ simul erupere, errantque licentius inter 10
Nos. Superat tamen, & multo imperiosior effert.
Probrosus caput execranda, insana *libido*
Auri. Aurum *Pluton* est, tartareusque tyrannus.
Hunc homines tamen invitum, tenebrisque vocatum
Infernis, fecere sibi numenque, deumque. 15
Parte alia furiosa magis, magis improba sævit
Bruta *Libido*, sibi male adaptans nomen *Amoris*.
Hæc *Sphinx* est, corpusque *Canis*, caudamque *Draconis*
Callida dissimulans, facie illecebrosa puella
Regnat, & huic *Pluton*, huic servit, obedit & aurum 20
Aver-

-
- (a) *Delicta nostra creverunt usque ad cælum. 1. Eisd. 9. v. 7.*
(b) *Omnia commissa sunt, sanguis, homicidium, furtum, &
fictio, corruptio, & infidelitas, turbatio, & perjurium, tu-
multus bonorum, Dei immemoratio, animarum inquinatio, na-
tivitatis immutatio, nuptiarum inconstantia, inordinatio mæ-
chia, & impudicitia. Sap. 14. v. 25. & 26.*

Avertō hinc oculos alio. Bella horrida cerno,
 Seminecesque viros nantes in sanguine multo,
 Inter equos, inter confusa cadavera, & arma.
 Huc caput, illuc it truncum, & sine nomine corpus,
 Sanguineum spirans flumen, fluitansque cruore 25
 It manus: avulsa est, & adhuc audax rotat ensem.
 Heu quorsum fugiam? Ibo domum penetralia, ibique
 Cæde fatigatos oculos recreabo, videbo
 Quid? Cædes etiam, atque armis pejora venena.
 Nusquam tuta fides. Clam toxica diluit uxor 30
 Perfida; nec solæ norunt aconita novercæ.
 Hic struit insidias frater fratri, ille Parenti
 Impius, extremumque audet, cumulatque furorem.
 Quin didicere ipsæ gnatorum sanguine Matres
 Fœdari, suametque effundere viscera ferro. 35
 Et superesse malum, & scelus his crudelius ullum?
 At superest. Qui *Philosophos* se nomine dicunt,
 Mirum quo jam prorumpant. Sanctissima quæque
 (a) Eradicare, & convellere dogmata tentant
 Infani: novi & *Encheladi*, novi ubique *Typhræi* 40
 Sacrilegos armant calamos in sancta, Deumque.
 En dejecta oculos, vultus dejecta decoros,
 Nuda pedes, trahitur manibus post terga revinctis
Relligio, portans immania vincula collo,
 Inter clamores sceleratos. Impia turba. 45
 It circum captæ insultans, iteransque cachinnos:
 Nec finit, audiri gemitus, luctusque Piorum.
 Siccine? Et hæc ausa impietas impune triumphet?
 O ubinam DEUS est? Ultiores Numinis este
 Vos montes, cadite o! Mare tu superobruet, vosque 50
 G 2 Densa

(a) Ecce inimici tui senuerant, & qui oderunt te extulerunt caput. Pl. 82. v. 3. Promittunt se violare sancta tua, & pollueret tabernaculum nominis tui, & deijcere gladio suo cornu altaris tui. Judith. 9. v. 11.

Densa catervatim obruite orbem fulmina, flammæ:

Hæc ego; & interea ridet mirissimus iras

- (a) Has DEUS. Et Solem nasci discrimine nullo
Sontibus, & pluvias jubet, & descendere rorem
- (b) De cælo. Exsurge ingemino, exsurge, exereque ensen 39
Fulmineum, vindexque esto, caussamque tuere
Ipse tuam. Quare obdormis? Dormire videtur.
Tanta Deo est mansuetudo, patientia tanta!
Non hominum ritu Omnipotens irascitur. Ille
Quandocumque volet meritis infligere pœnas 60
- (c) Nusquam illum reus effugiet, nusquamque latebit
Abditus. Exiguas vires violentior ira
Arguit. Ingenio Clemens DEUS est, quia nempe
- (d) Quæ vult cumque potest. Vel cum jam plectere sontes
Cogitur, horrendos strepitus ciēt ante, minaxque 65
Fulgurat, & vacuo tonitru sine fulmine terret.
- (e) Ardentem vibrat gladium, multumque, diuque
Cunctando, & coram circumsonat, obstreperit arcu.
Terror is elicit gemitum, expressitque dolorem:
Pœnitet ab! tibimet vix, necdum voce, sed imo 70
Pectore, inauditus dixisti; ast audiit ille,
Et satis hoc fuit: omnipotens elanguit arcus
- (f) Illicet: imbelles manibus cecidere sagittæ.
Pacifica inclusus vagina obrutuit ensis.

Tan-

-
- (a) Solem suum oriri facit super bonos & malos, & pluit super iustos, & iniustos. Matt. 5. v. 45.
- (b) Exsurge Deus Judica causam tuam. Ps. 73. v. 22. Exsurge, quare obdormis Domine. Ps. 43. v. 23.
- (c) Tuam manum effugere impossibile est. Sap. 16. v. 15.
- (d) Miserearis omnium quia omnia potes. Sap. 11. v. 24. Cum tranquillitate judicās, & cum magna reverentia disponis nosse subest enim tibi cum volueris posse. Sap. 12. v. 18.
- (e) Nisi conversi fueritis gladium suum vibravit, arcum tetendit, & paravit illum. P. 7. v. 13.
- (f) Agam, & ago pœnitentiam super malo, quod cogitavi ut facerem ei. Jer. 18. v. 8.

- Tanta Deo nostro est bonitas, clementia tanta! 73
 Jusserrat in *Ninivem* armatum terrore, minisque
 Ire, & sic merita gentique, urbiue propinquum
 Excidium stragemque extremam edicere Vatem.
 Detrectabat onus vero, diversa que Vates
 Littora, & oppositos *Cilices*, *Tarsumque* petebat. 80
 Ibitne invito caelo? Datus in mare praeceps,
 Vivusque horrendo *Pistriceis* ventre sepultus
 Sples tres totos, ingentique inde receptus
 Portento incolumis: jam tum mandata capeffens,
 Implebat clamore vias, perque omnia passim 85
 Compita; per totamque urbem, hoc moestissimus ore
 Ingeminabat atrox, & lamentabile carmen:
 (a) *Quadragesima dies*: & tota a culmine fando
 Vertetur *Ninive*, & vastam dabit ampla ruinam.
 Terribilis sed enim simul hæc vox impulit aures, 90
 Perculsi *Ninivite* animis, tactique dolore,
 Flebiliter tristes plangebant pectora palmis.
 (b) Degrediens folio Rex ipse, ingentia luctus
 Signa dat. Hirsutis includens corpora setis,
 Nullus ore cibos contingit: tempora, crines 95
 Deformat cinere: exemplum, luctumque sequuntur
 Omnes. Ipsæ etiam pastu pecudesque, gregesque
 Arcentur: gramen nulla unquam, nulla neque amnem
 (c) Delibat quadrupes: lactantes ubere matrum
 Abrepti; cælum complect balatibus agni.
 Parceturne Urbi? Omnino. Licet irrita Vatis 100
 (d) Dicta, minæque cadant: lacrimæ, gemitusque precantum

- (a) *Adhuc quadragesima dies, & Ninive subvertetur.* Jon. 3. v. 4.
 (b) *Surrexit de folio suo, & abiecit vestimentum suum a se, & indutus est sacco, & sedit in cinere.* Jon. 3. v. 6.
 (c) *Ibid. v. 7.*
 (d) *Miseratus est Deus super malitiam, quam loquutus fuerat, ut faceret eis, & non fecit.* Ibid. v. ult. *O murex Domini... ingredi in vaginam tuam, refrigerare, & fide.* Jer. 47. v. 6.

Divinum impendentem iſtum, gladiumque retundent.
 Usque adeo noſter, ſi ſas hoc dicere, frangi
 Eſt facilis ſletu Deus, & placabilis ira!

(a) Et tamen eluvione olim peſſumdedit orbem 105

Totum: vorticibus flammæ abſorbuit urbes

(b) Quatuor, & ſumant etiamnum: ſæmina retro

(c) Pene inconfulto aſpiciens, ſal facta repente eſt.

(d) Obtrectatores Moſis tres ima dehifeſcens

Sub pedibus, vivos tellus, & Tartarus hauſit. 110

(e) Quadrupedem inter quadrupedes incedere Regem

Fecit, & immundas ad paſtum quærere glandes.

Non ita nunc; ſilet uſque Deus: dormire videtur

Altius ac olim, neque jam prorumpit in iras

Ut quondam. Quid enim? Puer eſt, & prorſus inermis 115

In Matris gremio, pendens & ab ubere dormit.

Qui Leo terribilis quondam; nunc mitior agnis

(f) Agnus, pacificans quas irritavimus iras

Patris; ſanguineas maſtatur victima ad aras.

Non, ut erant olim, in manibus ſunt arcus, & enſis. 120

Hærent infixi clavi, immani, atque profundo

Vulnere, & omnipotens clavis tribus e cruce pendet,

(g) Conſilians iterum Mundum Patrique, ſibi que.

(h) Divina idcirco nunc eſt Patientia major.

JUSTI-

(a) Gen. 7.

(b) Gen. 19. Vide interpr. ibi.

(c) Verſa eſt in ſtatuum ſalis. Ibid. v. 26.

(d) Dirupta eſt terra ſub pedibus eorum... Deſcenderantque vivi in infernum. Num. 16. v. 31. & 33.

(e) Ex hominibus abiectus eſt, & ſenumus hos comedit. Dan. 4. v. 30.

(f) Pacificans per ſanguinem crucis ejus ſive que in terris, ſive qua in calis ſunt. Ad Coloff. 1. v. 20. Quæ Agnus manſuetus qui porratur ad victimam. Jer. 11. v. 19.

(g) Deus erat in Chriſto mundum reconcilians ſibi. 2. ad Cor. 5. v. 19.

(h) Secundum altitudinem cali a terra, corroboravit miſericordiam ſuam. Pl. 102. v. 11. Qua ſuperabundavit in nobis. Ad Eph. 1. v. 8.

HEROICA JUSTITIA

103

*Deus Fidelis, & absque ulla iniquitate
Justus, & Rectus. Deut. 32. v. 4.*

CARMEN XIII.

- C** Redite, Mortales, atque huc advertite mentes,
Verax & Justus DEUS est, & fallere nescit,
Nec vero falli. Adjecit promissa, minasque:
Magna illa, horrendas vero has: implebit utrumq.
(a) Volventur stellæ in præceps, compagine cæli 5
Rupta solventur, cælumque & terra peribunt;
Verba Dei stabunt. Nullas hic necesse fraudes,
Nullos mercari, aut emptos obtrudere testes,
Insanumve forum, falsa aut tabularia possis.
(b) Non ille aut damnare Pios, aut solvere fontes 10
Ignorans quid agat, temere delusus iniquis
Testibus. Humanus nempe hic, & pessimus error.
Deinde odium nullum, nulla illum gratia flectit.
Non patitur quemquam peccare impune; perinde
Illi est quidquid eris, seu Rex, sive infima plebes. 15
(c) Quidquid sint homines, coram illo nil sumus omnes.
Non quid quis fuerit; sed quid quisque egerit unus
Expendit: libransque æquato examine lanceas,
(d) Præmia pro meritis, aut pœnas cuique rependit.

G 4

Fert

-
- (a) *Vigilabo ego super verbo meo, ut faciam illud. Jer. 1. v. 13. Cælum, & terra transibunt, verba autem mea non transibunt. Lucæ 21. v. 33.*
(b) *Vere enim Deus non condemnabit frustra, neque omnipotens subvertet judicium. Job. 34. v. 12. Non enim subtrahet personam cuiusquam Deus, nec verebitur magnitudinem cuiusquam. Sap. 6. v. 8.*
(c) *Omnes gentes quasi non sint, sic sunt coram eo, & quasi nihilum, & inane reputata sunt ei. Isa. 40. v. 17.*
(d) *Reddes unicuique secundum opera ejus. Ad Rom. 2. v. 6.*

- Fert equidem dextra palmas, ensemque sinistra; 20
 Omnipotens sed utraque manu est, multoque cruore
 (a) Ebrius ardet adhuc, sitiensque est sanguinis ensis.
 (b) Illius ad nutum volat atra, & iussa facessit
 Mors: idcirco homines æquo pede proterit omnes,
 Et nihil Heroes, Reges nihil illa veretur. 25
 (c) Non equidem abripitur, non excandescit in horas,
 Mors hominum DEUS. Expectat, procrastinat ultro
 Tardus vindictam. Sed enim implacabilis ultor
 Prorumpit tandem, & quas dudum continet iras,
 (d) Effundit. Veluti indignatur, & aggere rupto, 30
 Quo stagnabat iners olim, & sine murmure, tandem
 Ingens præcipitat spumoso vortice flumen,
 Secum iram, stragemque ferens, sonitumque, metumque,
 Et certam silvis, gregibusque, virisque ruinam.
 Vix illac Pastor stans forte in vertice rupis, 35
 Evasit, stragemque oculis exterritus hausit.
 Nec meminit jacturam ovium, pecorumque suorum:
 Nam sibi adhuc horrens totus, montique veretur.
 Sed nihil ista, nihil. Majores aggerat iras
 Omnipotens. Immortales accendier ignes. 40
 (e) Jussit, & angusto, & tenebroso carcere condi,
 Qua coit in centrum tellus, Furit intus anhelus
 Ignis, & obstructæ horrescunt lugubrius umbræ:
 Ne tu hic Tartareum *Flegetonta*, ænemque sevorum;
 Neve

-
- (a) *Inebriatus est in calce gladius meus . . . gladius Domini repletus est sanguine, incrassatus est adipe.* Isa. 34. v. 5. & 6.
 (b) *Ante faciem ejus ibit mors.* Habac. 3. v. 5.
 (c) *Numquid irascitur per singulos dies? Pl. 7. v. 12. Expectat Dominus, ut misereatur vestri.* Isa. 30. v. 18.
 (d) *Quasi fluvius violentus, quem spiritus Domini cogit.* Isa. 59. v. 19.
 (e) *Preparata est enim ab heri Tophet, a Rege preparata, profunda & dilatata. Nutrimentum ejus ignis, & ligna multa: flatus Domini sicut torrens sulphuris succendens eam.* Isa. 30. v. ult.

Neve puta hic *Stygiam* tristem, pigramque paludem. 45
 Ludicra sunt isthæc. Urunt illi acrius ignes.
 Majores multo quam quas finxere Poetæ
 Solvuntur pœne. Quænam sint vera, docebo.
 Tum cum de nihilo DEUS orbem, & cuncta vocabat,
 Angeli in Omnipotentem conspirare superbi 50
 (a) Auli, supplicia hæc primum subiere tremenda.
 Hi sunt tortores hominum, torquentur & ipsi.
 Immanes heu! tortores, quæis mille nocendi
 Artes, insidiæ mille, & sævissima semper,
 Et mixta invidiæ rabies; quod mitior usque est 55
 Erga homines Deus, & nec promptas exerit iras,
 (b) Nec simul ut peccant, cogit jam pendere pœnas.
 (c) Quin ad se ut redeant vocat, invitæque benignus:
 Nec nisi post seram, vult plectere crimina, mortem.
 Ergo indignantes illi in miracula rerum. 60
 Transformant sese. *Tigres* modo sunt, modoque *Ursi*,
 Impastique *Lupi*, atque ungues, risusque minaces
 Exsaturant odiis, ululantque, & morsibus hærent:
 Fit jam qui nuper *Tigris* de *Tigride Vultur*,
 Sanguinem edax inhiat miserorum, atq. intima tundit 65
 Viscera, rimaturque epulis, & verberat alis,
 Incumbitque: facitque alto sub pectore nidum.
 Ast alii induti furias, ac terga draconum,
 Vipereos stringunt ad pectora, collaque nodos;
 Denteque, & attactu, & suffectis sanguine, & igni 70
 Inspirant oculis saniem, asperguntque venenum.
 Sed quis, fando, illas queat unquam dicere pœnas,
 Aut infandâ ullis tormenta includere verbis?
 Supplicium majus sibi sunt, & mutuus horror

Con-

-
- (a) *Paratus est diabolus, & Angelis ejus.* Matt. 25. v. 41.
 (b) *Sustinuit in multa patientia vasa iræ apta in interitum.* Ad
 Rom. 9. v. 22.
 (c) *Convertimini, & agite poenitentiam ab omnibus iniquitatibus
 vestris: & non erit vobis in ruinam iniquitas.* Ezech. 18. v. 30.

- Consortes pœnarum ipsi. *Discordia* pernœx 75
 Accubat, & miseris pœcordia ad intima tœdas
 Nigro adipe, & putri *Furiarum* sanguine tinctas
 (a) Subdit, & immortale odium incenditque, foveatque.
 Ardentes oculorum orbes truculentior ira
 Efferrat, horrifecatque immanius: undique atroci 80
 Dentum stridore, horrendisque ululatibus aures
 Rumpunt: crudescit laniena reciproca, necdum
 Carnificina iras explet, satiatve furorem.
 Eminet in pœnis quotquot sunt, pœque nefandis
 Tormentis, & pœ flammis crudelius angit 85
 (b) Avertisse Deum faciem, avertisseque vultum,
 Cujus ab aspectu toti dulcedine rorant
 Cœli, cui Sol compositus, cui sidera sordent:
 Et facile potuisse frui, æternumque beari,
 Nec superesse ullam sibi jam spem deinde videndi, 90
 Et neque fas tantos unquam finire dolores.
 (c) Heu! Suspirabunt mortem, mortemque vocabunt
 Incassum. Absorpti nunquam absumentur ab igne.
 Semper erunt vincti vinclis, tractisque catenis,
 Inter commixtas ultoribus ignibus umbras, 95
 Inter & ultrices vivaci sulphure flammæ.
 Hæc Deus in fontes nolens, & pœne coactus.
 Sed quam ultro ille Piis ingentia pœmia, palmas
 Dividit, & facit immensum, & sine fine beatos!
 Divitias Regum spernunt. Opulentius illi 100
 Regnant. Sublimes Solem ipsum, & sidera calcant:
 Nulli ibi sunt gemitus, aut luctus. Quidquid acerbi est
 Inter

-
- (a) Hic est gladius occisionis magna, qui obstupefcere eos facit,
 & corde tabescere, & multiplicat ruinas. Ezech. 21. v. 14.
 & 15. Ibi fletus, & stridor dentium. Matth. 12. v. 42. & 50.
 (b) Juxta immunditiam eorum, & scelus feci eis, & abscondi
 faciem meam ab illis. Ezech. 39. v. 24. Etenim cœli distil-
 laverunt a facie Dei Sinai, a facie Dei Israel. Pl. 67.
 (c) Desiderabunt mori, & mors fugiet ab eis. Apoc. 9. v. 6.

Inter mortales illis longe exulat oris.

- (a) Nam lacrimas Deus ipse manu detergit amica
Sanctorum ex oculis. Procul hinc lethumque, laborq; 105
Angorque, & mœror teterrima nubila, et omnes
Quæ tacitæ rodunt mortalia pectora curæ:
Quæ pulsæ exilio terris cessere: ibi regnant
- (b) Pax animi, & secura quies, *Concordiaque* inter
Sese, & purus Amor: solis nam sedibus illis 110
Est sincerus Amor: neque fert imbuta veneno
Spicula, nec nigro tingit clam felle sagittas.
Non sic sese aliquis; quin tantum diligit omnes
Felices socios, fortunatosque sôdales:
Alter in amplexu alterius suavissimus hæret, 115
Alter, & alterius gestit, plauditque triumphis.
Risus ubique, & ubique lepor, cantusque, chorique;
- (c) Deliciæque immortales, Candorque, Fidesque.
Augēt lætitiā veterum meminisse malorum.
- (d) Nam qua mensura, quondam, dum vita fluebat 120
Mortalis, conjurati crevere dolores;
Hæc rursus tum deliciæ, tum gaudia crescunt.
- (e) Instar torrentis sancte ebria pectora inundat
Semper inexhausta, & nunquam interitura voluptas.
Deliciarum equidem tantarum fons, & origo 125
Ipse illis Deus est. Felices cominus illum
Aspiciunt: nam cefferunt ænigmata, & umbræ,
Quæ

- (a) *Absterget Deus omnem lacrimam ab oculis eorum, & mors ultra non erit, neque luctus, neque clamor, neque dolor erit ultra.* Apoc. 21. v. 4.
- (b) *In loco isto dabo pacem dicit Dominus exercituum.* Agg. 2. v. 10.
- (c) *Sancti ejus exultatione exultabunt.* Ps. 131. v. 16.
- (d) *Unusquisque autem propriam mercedem accipiet secundum suum laborem.* 1. ad Cor. 3. v. 8.
- (e) *Inebriabuntur ab ubertate Domus tuæ, & torrente voluptatis tuæ potabis eos.* Ps. 35: v. 9.

- (a) Quæ procul aspectu divini luminis arcent,
 Mortalesque hebetant visus, oculosque profanos.
 Jam coram totum aspiciunt, totoque fruuntur; 130
 Nec capit humanum tam grandia gaudia pectus.
 Vos o! Felices estis, nimiumque beati!
 (b) Felicesque eritis, donec Deus altus olympo
 Regnabit, sceptrumque manu, imperiumque tenebit!

GTI

PULCHRITUDO

*Quorum si specie delectati Deos putaverunt, sciant quanto
 his dominator eorum speciosior est. Sap. 13. v. 3.*

CARMEN XIV.

Siquis pulchri hominis nil miraretur, & unam,
 Quam jacit a tergo, peramaret perditus umbram;
 Ac repens pedibus, pecudum de more, quaternis,
 Inter blanditias, inter mulcentia verba,
 Amplexus mille, & mille oscula porgeret umbræ: 5
 Proh quantæ in miserum sannæ, risulque creparent
 Undique! Quæ talis, quæ te dementia cepit
 Tanta? Quid instabilem, fugitivam amplecteris umbram?
 Nonne vides, quam sit Dominus mage dignus amari?
 Hunc sequere, hunc & ama. Sed nos imitamur iniqui 10
 Hæc eadem, quæ tantopere objurgamus acerbi
 Censores: furor idem, idem nos fascinat error.
 Umbras insani sectamur, amamus, & umbras.
 Repimus, & lippos oculos vix tollimus unquam
 Ad rerum-Dominum: & cum sit pulcherrimus unus 15
 Ille; illo nobis formosior umbra videtur.
 Sunt, fateor, cæli, Sol, Luna, & sidera pulchra.
 Stulti homines specie illecei, captique, putabant

Esse

-
- (a) Videmus nunc per speculum in enigmate; tunc autem facie
 ad faciem. 1. ad Cor. 13. v. 12.
 (b) Et securitas in sempiternum. Isa. 32. v. 17.

- Esse Deos. At debuerant cognoscere, quanto
 (a) Qui Solem accendit, Sole speciosior ipso est. 20
 Ast apage ista, inquis: jampridem insania tanta
 Excussa est, tantus jamdudum evanuit error.
 Esto, & nec Solem jam homines, nec sidera adorent.
 Quid juvat hoc, pejora sibi si numina fingunt,
 Pejoresque deos, quam sunt Sol, sidera, Luna? 25
 Fœmina quæ placuit Deus est: hæc sidere Eoo,
 Hæc Luna, & Stellis, & Sole est pulchrior: illam,
 (b) (Nec pudet hoc homines, ultroque fatentur) adorant,
 Posthabito te, contemptu, Deus alme, nefando:
 Quæ tibi deberi edixisti, quæ tibi poscis, 30
 Cor totum, mentem totam sibi fœmina tollit
 Prædatrix, & sacrilegas contra erigit aras,
 Ac prope divini carni cumulantur honores.
 (c) Fœmina principium luctus fuit una, malique,
 Unaque mortales nos fœmina perdidit omnes. 35
 Nulla unquam strages, aut pestis acerbior orbem
 (d) Vastavit, nec tot populos exhaustit, & urbes.
 Multo quam torvus, profuso sanguine gaudens
 Mars, scelerosa fuit Venus exitialis orbi.
 (e) Pulchra quidem titillando alliciuntque, trahuntque: 40
 Et *pulebri* unus inest amor omnibus, una voluptas;
 Sed

- (a) *A magnitudine enim speciei, & creatura cognoscibiliter poterit creator horum videri.* Sap. 13. v. 5.
 (b) *Speciem mulieris alienæ multi admirati reprobi facti sunt.* Eccl. 9. 11.
 (c) *A muliere initium factum est peccati, & per illam omnes moriuntur.* Eccl. 25. v. 33.
 (d) *Multos enim vulneratos dejecit, & fortissimi quique interfecti sunt ab ea, via inferi domus ejus penetrantes in interiora mortis.* Prov. 7. v. 26. & 27.
 (e) *Meretricis speciosa, & gratæ, & habentis maleficia.* Nahum. 3. v. 4. *Ne attendas fallaciæ mulieris. Fœvus enim distillans labia meretricis; & nitidius oleo guttur ejus. Novissima autem illius amara quasi absinthium.* Prov. 5. a 7. 2. ad 4.

Sed cæcutimus, nec quæ sint pulchra videmus.

Eja age, & huicce tuæ pulchræ, bellæque puellæ
Demc animam. Quid jam superest? informe cadaver.

En extincti oculi jam sunt, & marcida frontis 45

Lilia, pallentesque genæ: nigroreque tincta,
Murice consumpto, male hiantia labra dehiscunt.

Excessere simul cum anima tanta illa venustas,
Ac decor, & tæter successit pallor, & horror,
Incubuitque super tam fœde stragis acervum. 50

In vultu, inque oculis nidum fecere, cubantque
Horribiles visu, saturique putredine vermes.

(b) En consanguineos carnis, quam stultus adoras.

Umbra[m] umbræ insanus sequeris. Quæ forma caduca

(c) Te rapit, umbra mera est animæ, custodia, carcer. 55

Umbra, & imago Dei, divinique halitus oris
Est Anima. Hæc jam compedibus, vinculisque soluta

Corporis, ut recreat sese, & quæ vincula rupit,
Tamque diu traxit, nec sensit; libera tandem
Miratur! Meminit cælestis originis: illac 60

Ardet abire fuga, & scelerata excedere terra,
Illacque, unde fuit sibi origo prima, reverti.

Pulchrior est cunctis cælestibus ignibus. Illam
Attoniti cælorum orbis mirantur cunctem,
Quacumque incedit, pro floribus aurea spargunt 65

Lumina, consternuntque viam, pedibusque beatis
Sidera supponi, & calcari ardentque, petuntque.

Conjice, si poteris quanto est formosior auctor,
A quo processit tamquam levis halitus ille
Spiritus, auctoris rude vix imitamen, & umbra, 70

Stilla venustatis, divinæ particula auræ.

Aspexisse semel jam te, o pulcherrimæ rerum,
Di-

(a) *Putredini dixi pater meus es; mater mea, & soror mea
vermibus.* Job. 17. v. 14.

(b) *Educ de custodia animam meam.* Ps. 141. v. ult.

- Divinique tui vultus pascique, fruique
 Lumine, & in te oculos semel intendisse beari est,
 (a) Consimilesque tui fieri, teque ore referre. 75
 In te defixos oculosque, animosque tenentes
 Pennati juvenes, primi stellantis Olympi
 Indigenæ elapsos necdum sensere, putantque
 Annos millenos bis jam ter, temporis esse
 Punctum, dum coram te stant, tuaque ora tuentur 80
 Assidui, aspectuque tuo, obtutuque beantur.
 Vel sola innixi spe, te quandoque videndi
 Coram; terrenam molem, mortalia membra
 (b) Obliti, rapimur sursum, dulcissimus alto
 Irradians, vigor incendit præcordia, totis 85
 Undique divinus sese implicat ossibus ignis.
 (c) Qualis defessus longo per confraga cursu
 Exfertans linguam, singultuque ilia pulsans
 Fontanos Cervus latices sitibundus anhelat.
 Sic ego te irrequietus amo, cupioque beari 90
 Adspectu, amplexuque tuo; Sic flamma medullas
 Ambedit intimior; languenque ardore, sitique
 Uror, & impatiens toto sic pectore anhelio.
 (d) Hei mihi! namque diu detentus carcere, & exul
 Ingemo, & extorris patria pro! distrahor a te! 95
 Intuituque vetor, tenebris, luctuque sepultus!
 (e) Quando erit, ut liceat vidisse, tuoque potiri
 Amplexu, in faciemque oculos intendere coram?
 (f) Quis me corporco nexu hoc, & compede mortis

Exi.

-
- (a) *Similes ei erimus, quoniam videbimus eum sicuti est.* 1. Joa. 3. v. 2.
 (b) *Defecit caro mea, & cor meum: Deus cordis mei & pars mea, Deus in æternum.* Ps. 72. v. 26.
 (c) *Quemadmodum desiderat cervus ad fontes aquarum, ita desiderat anima mea ad te Deus.* Ps. 41. v. 1.
 (d) *Hei mihi! quia incolatus meus prolongatus est.* Ps. 119. v. 5.
 (e) *Quando veniam, & apparebo ante faciem Dei?* Ps. 41. v. 2.
 (f) *Quis me liberabit de corpore mortis hujus.* Ad Rom. 7. v. 24.

- Eximat, & carnis laqueos, nodosque relaxet? 100
 Jam satis exilio ingemui: miserere, & amanti
 (a) Pondere magna diu quæ traxit vincula solve.
 Interea, Deus alme, tuo largire Poetæ
 Divinum lumen, divini & luminis auram:
 Nempe ut de te semper jam cogitet, ipsum 105
 (b) Et te, nam solus pulcher, dein diligat unum.

CÆLI DOMINUS

*Cælum Cali Domino; terram autem dedit filiis
 hominum. Ps. 113. v. 16.*

CARMEN XV.

- M**æsta recurrit hiems, neque jam mihi vivere fas est.
 Obruor, hiberno ut viden nigrescere cælum
 Horrore: atrataque dies, caligine semper
 Nocti consimiles, pluviasque, nivelsque parari
 Æternas, & quæ truncos, quæ marmora findant 5
 Frigora, quæ cursu impendant, & flumina sistant.
 Sub cælo hoc nati rident me: ajuntque necesse
 (c) Hoc, ut deinde suo tellus det tempore fruges,
 Arboreisque comis, & gramine vestiât agros.
 Et cessaturam proventu, atque ubere partu; 10
 Hibernis nisi nunc pluviis, nivibusque maderet
 Ebria. Sed memini degisse ubi nubila nunquam
 Obducunt tenebris hiberno tempore cælum:
 Nix ubi siquando cecidit; videre cadentem
 Attonitis similes pueri, juvenesque: ubi vixdam 15
 In

(a) *Geminus, adoptionem filiorum Dei expectante. Ibid. 8. v. 23.*

(b) *Ecce tu pulcher es dilecte mi. Cant. 1. v. 15. Totus desiderabilis: talis est dilectus meus. Cant. 5. v. 16.*

(c) *Imber, & nix de calo... inebriat terram, & infundit cam, & germinare eam facit. Isa. 55. v. 10.*

In terram incubuit subito tepesacta liquecit:
 Nec riget in glaciem, neque sursum tollere cristas
 Audet, & in magnos concreta assurgere montes.
 Et tamen illa quidem longe est felicior ista
 Tellus. Nec solum quæ fert hæc omnia condit 20
 Uberiore sinu, ac reddit meliora; sed ultra,
 Plus viginti hic nec solo dum nomine nota
 Nestareo poma, ac vario condita sapore,
 Aspectuque etiam jucunda, & grandia mole
 Fertque, refertque sinu nutrix opulenta suorum. 25

Nil tam dissimile huic quam tellus illa. Colono
 Interea sua cuique placet: quam pastinat ipse,
 Antehabet, præfertque aliis: gratissima tellus
 Est sua cuique. Suis præstant hæc, illaque Matris
 Munera, & indigenas indefesso utraque lætat 30
 Ubere: contentusque sua unusquisque superbit

- (a) Matre. Ubertatem Deus impartitur utrique
 Amplam, diverso, atque alio, varioque tenore,
 Quo Dominum se esse ostendat. Sic imbribus isthic
 (b) Præcipit & nivibus descendant; impedit illic, 35
 Et jubet, ire Hiemes sudas, semperque serenas.
 Vult hic Phæbeo Æstatem candere rubentem
 Igne; illic autem æstivo intercedere Soli
 Nubes, ac large montes, camposque rigare;
 Continuoque migrare alio, lucemque, diemque 40
 Reddere, nec multum sisti, cæloque morari.

Subsumus, atque humiles concludimur undique cælo
 Excelso: & quamvis magna inde incommoda, & inde
 Proveniunt iterum quam plurima commoda vitæ;
 At faciem hanc, illam cælo dare, nulla potestas 45

H

Quid.

-
- (a) *Visitasti terram, & inebriasti eam: multiplicasti locupletare eam.* Ps. 64. v. 10.
 (b) *Præcipit nivi ut descendant in terram, & hiemis pluviis.* Job. 37. v. 6.

Quidquid conemur, nulla est humana facultas.
Terrarum imperium Dominus communicat ultro
Nobiscum, at cæli arbitrium sibi servat habendum.

- (a) Cum tonat (hæc Domini vox est) cum desuper aures
Verberat, & jugulo flammatis imminet alis 30
Impigra Mors; pallor vultus, tremor occupat artus:
(b) Stare loco nescit, subsultat, palpitat & cor
Haud aliter quam supplicii altum pegma, locumque,
Carnificemque videns propiorem, jamque parata
Instrumenta necis, pavet, aspectuque fatiscit, 55
Concutiturque reus: premit, extrema instat & hora.
(c) Ecquis erit, Dominum qui cæli in nubibus æquet?
(d) Sipariorum illas instar revocatque, vocatque
Ictu oculi totum involvit, totumque repente
Cælum operit, nostroque aspectu subtrahit; inde 60
Ictu oculi rursus, pandit, retegittque serenum.
Cum ruit, & sæva inter murmura, fulmina que inter
Funditur effusa tenebrosus grandine nimbus;
Nil opis humanæ contra est; diffugit arator,
Tristis & agricola, & scruposi fornice saxi. 65
Vix tectus, deflet lata læta, suosque labores,
Et spes momento absumptas, & turbine raptas.
Hac illac volventi oculos mœstissima rerum
(e) Undique se facies aperit; neque pascua campis
Apparent usquam, viridis neque frondibus arbos: 70
Nec

- (a) *Intonnit de caelo Dominus, & altissimus dedit vocem suam.*
Pl. 17. v. 14.
(b) *A voce tonitru tui formidabunt.* Pl. 103. v. 7.
(c) *Quis in nubibus aquabitur Domino?* Pl. 82. v. 7.
(d) *Si voluerit extendere nubes quasi tentorium suum.* Job. 46. v. 29.
(e) *Depopulata est regio, luxit humus: quoniam devastatum est
triticum, confusum est vinum, elanguit oleum: confusi sunt
agricola, ululaverunt vinctores.* Joel. 1. v. 10. & 11.

Nec saltem superest viduatus culmus arista,
 Aut frondens reliquus consumpta pampinus uva.
 Spirant horrorem omnia, mœroremque, famemque.

Impetuosa quidem minus, & sine murmure, nolens
 Audiri, inaccessu pigro, taciturnaque, lento 75

Agmine præcipitat cælo Nix; sed tamen illam
 Propulsare nefas, damnumve repellere. Sensim
 Insidiosa cadens, immani pondere testis

Incubat, & montes onerat, camposque, lacusque.

Nulla, viatorem superest quæ ducat, euntem 80

Semita: & immensi medio velut æquore ponti.

Navita, sic hærens errat, dubiusque vacillat.

At necdum cessat: super hæc venit, altera, adurens

Perstringensque oculos. Paullatim deinde liquefcit:

Debilitata imbre intestino testis fatiscunt: 85

Cælo etiam pluit innubi, repluitque: perennes,

Interea dum tabesceit, nix invehit imbres.

Jam lymphæ, atque oleum, ac vinum ipsum, sectile ferro.

Fit: sanie, & multo concreto sanguine turgent,

Rumpuntur: digiti extremi: mala stiria naso 90

Ambusto pendet: cutis arida, & aspera tactu

Finditur: invito tintinnant murmure dentes.

Intimiora etiam penetrabile frigus in ossa

Sævit: & accenso nisi te vallaveris igne,

Flammataque struem lignorum objeceris hosti; 95

Vincat enim, vitæque comes calor, ossa relinquat.

Et quid jam pluviz? Numquis prohibere ruentes

Imperio, aut queat exturbare, ac demere cælo

Triste supercilium, nitidamque reducere frontem?

Num contra resides premere, edictoque vocare 100

Nubes? Aut hos, aut illos cum navigat alto

Aut compellare, aut nutu compescere ventos?

Non ita. Nil homines aliud, nil possumus ultra,

Quam sursum aspicere, ac Dominum, Regemque precari,

H 2

Qui

(a) Qui pluvias terræ parat, & qui pondera ventis 105
Indidit, & gradiens super, impellitque, regitque.

Ibam olim (memini, ac nimium meminisse necesse est)

Infidum per iter pelagi, iratoque vehebar
Oceanus: nihil hic nimium ausos esse Poetas,
Expertus demum didici. Ultra culmina summa 110

Malorum vidi arrectos assurgere montes
Undarum, & colluctari, elidique vicissim
Fronte, & spumosa irrorari aspergine nubes.

Nox ruit interea: rabidi magis *Africus* illinc,
Hinc *Eurus* fundo volvunt mare: nulla salutis 115

Jam spes: cesserunt Nautæ temone relicto.
Nunc hoc, nunc abies illud defessa recumbit
In latus: horrendum tabulæ, horrendumque rudentes

Strident, rumpunturque: atrox ululatus ad astra
Undiq. confurgens dirumpit, & attonat aures. 120

Ecce autem majus quid: Per tabulata repente

Intima (suspensū qua læsti funibus) ibat:

A pōppi veniens succensæ sulphure tædæ

Nigranti assimilis, fumosus, & igneus orbis:

Et lente, & strepitu nullo, nulloque tumultu 125

Progrediebatur, recta qua cæpit eundo.

Donec, qua major navi committitur arbor,
Erumpens, tonitru increpuit, vastumque fragorem

Edens; dissecuit medium valido impete malum.

Restabant solum quæ circum sparteæ vincla, 130

Casurum arctabant vix: nutabatque maligne

Vertice. Quam dubiam præbebant fulgura lucem

Unus nautarum manibusque, oculisque sequutus;

Ægre & vix rupit tandem vincla illa bipenni.

Tum vero ipse suo ultro pondere corruit ingens 135

Quar-

(a) Qui parat terra pluvias. Pl. 136. v. 8. Qui fecit ventis
pondus. Job. 28. v. 25. Qui ambulant super pennas ventorum,
Pl. 103. v. 3.

Quantus erat, mediis malus se proluit uadis

Intacta in latus oppositum fugiente carina.

Et fuit illa salus nobis inde, unde periculum

Esse videbatur majus. Sperare, timere

(a) Nescimus: nostrum non est neque tempora nosse. 140

REFUGIUM

*Deus noster Refugium, & virtus, adjutor in tribulationibus;
quæ invenerunt nos nimis. Ps. 45. v. 1.*

CARMEN XVI.

QUam sumus ah! miseri mortales! Nascimur omnes

Flendo: sentimus primo ipso in limine vitæ

Quæ mala nos, & quanta manent, & pœnitet auram

Vitalem hausisse, & materno exisse sepulcro.

Flendo etiam morimur: lachrymæ, pars ultimavitæ, 5

Injussæ exiliunt, morientum & lumina claudunt.

Humanam luctus vitam concludit utrinque.

A luctu ordimur, luctu finimus eandem:

A fine in finem lachrymarum uberrima vita est.

(b) Felices, quibus extremas, ægreque cadentes 10

Expressit jam mors lacrimas! Felicior ille

Qui necdum natus, nec vidit quæ mala fiunt

Sub Sole, & necdum cervice excepit acerbum,

(c) Triste jugum, infelices quod portamus *Adami*.

Posterius, ab ipso utero jam Matris ad usq. sepulcrum. 15

Non solum, sceptrum, diadema, aut purpura Regum

H 3

Feli-

(a) *Non est vestrum nosse tempora. Act. 1. v. 7.*

Primam vocem similem omnibus emisit plorans. Sap. 7: v. 3.

(b) *Et laudavi magis mortuos quam viventes, & feliciter utroque judicavi qui necdum natus est, nec vidit mala quæ sub Sole fiunt. Eccl. 4. v. 2. & 3.*

(c) *Jugum grave filios Adam a die exitus de ventre matris eorum, usque in diem sepultura in matrem omnium. Eccl. 40. v. 1.*

Felices faciunt: non quos vertigine capti
 Cæca, fumosos, vapidosque sitimus honores:
 Non quæ divitiæ prope *Ditis* regna profundi
 Amandatæ, ipsa invita, ægreque ferente
 Natura, manibus passim effodiuntur avaris. 20

(a) Audent, & scandunt solium, perque aurea tecta;
 Per constrata ostro volitant laquearia curæ
 Mordaces, mentisque vagi, insomnesque tumultus:
 Et rigidi medio nascuntur pectore sentes. 25
 Nemo fuit, nemo est felix mortalis, eritve
 Unquam. Infelices homines æque sumus omnes

(b) Nusquam inventa quies; semper quæsitæ. Recedit
 Ac fugit, & nostris quam longe illa exulat oris.
 Ac veluti montes, quando e convalle profunda 30
 Et procul aspicimus, contingere vertice cælum,
 Sideribusque ipsis caput inseruisse putamus;
 Subludit tamen immensum, prorsusque perinde
 Quantum humilis vallis tantum mons distat Olympo.
 Sic itidem quos aut opibus, pompave, & honore 35
 Extolli aspicimus, felices remur; at illi
 Interea miseri sibi sunt, miserieque perinde
 Ac nos: & contra credunt nos esse beatos
 Duntaxat; stultusque errore rependitur error.

Vita mare, & litus mors est, quo tendimus: illac 40
 Imus per fluctus, & amararum undique aquarum
 Conflictus, per mille vices, per mille pericla.
 Vix respiramus: nam vix emerimus una;

Mer-

- (a) *A residente super sedem gloriosam usque ad humiliatum in terra, & cinere, ab eo qui utitur hyacinthis, & portat coronam; usque ad eum qui operitur lino strudo, zelus, tumultus, fluctuatio, & timor mortis. Eccl. 40. v. 3. & 4.*
 (b) *Oculus meus afflictus est, nec tacuit, eo quod non esset requies. Thren. 3. v. 49.*

- (a) Mergimur ecce alia miseri, obruimurque procella.
 Ventorum rabies siquando fessa remisit;
 Mox redit asperior, positasque redintegrat iras. 45
- (b) Nulla dies unquam tota est, qua lenior aura
 Spiret, & irasci faciles non asperet undas.
 Siquando ulla quies affulget; perfida rursus
 Terga dat, ac velut umbra fugit, suspiria secum 50
 Nostra ferens; sero, aut nunquam reditura deinceps.
 Hæremus tabulis ægre, & vix: pectora nuda
 Fluctibus objicimus, nec respirare potestas.
 Obdurare animum, queiscumque & fluctibus actum
 Perstare immotum, cum stat *Marpesia* cautes, 55
 Et nec sentire, ut blaterat bona turba sophorum;
 Grandiloquæ nugæ, mera sunt, & inania verba.
 Sentimus mala nostra nimis, neque marmore nobis
- (c) Obrigit, neque solum e ferro est, ære pectus.
 Ad cælum aspicere, & moribundos tollere vultus 60
- (d) Spes una est. In te una salus, Deus alme. Perimus
 Huc ades o! Misero succurre, extendeque dextram.
 Vel dic: nam verbo tumidos tu frangere fluctus
 Et potes, & plerumque soles: dic & satis hoc est.
- (e) Impera, & attoniti venti, fluctusque silebunt: 65
 Stagni instar, placidi sternentur: marmoris instar
 Pigrescent, pedibusque dabunt iter æquora tutum.
 Impera, & hac illac fugient, retroque reductæ,
 Arrectæ stabunt undæ, siccumque profundum

H 4

Lin-

- (a) *Circumdederunt me aqua usque ad animam: abyssus vallavit me, pelagus operuit caput meum.* Jonæ 2. v. 6.
- (b) *Cuncti dies eius doloribus, & ærumnis pleni sunt.* Eccl. 2. v. 23.
- (c) *Nec fortitudo lapidum fortitudo mea, nec caro mea anea est.* Job. 6. v. 12.
- (d) *Spes mea tu in die afflictionis.* Jer. 17. v. 17.
- (e) *In sermone ejus siluit ventus, & cogitatione sua placavit abyssum.* Eccl. 43. v. 25.

- (a) Linquent, per mediumque mihi via tuta patebit. 70
 (*) Impera, & immani siquod me gutture Cete
 Hauserit, atque avida, vastaue voragine ventris
 (b) Condiderit, vomet incolumem, ac me in littore ponet
 Servatum bis ab utro utro maiore periclo.
 Siquod in obscurum barathrum, caveamve *Leonum* 75
 Dejicior præceps, ingentique ostia saxo
 (c) Desuper occludant, nec sit spes ulla relicta;
 Tu placidos nutu efficies, cicuresque *Leones*,
 (d) Oraque compesces multam sitientia mortem.
 Ante pedes illi innocui, blandique jacebunt,
 Agnorum ritu, complaudentisve catelli,
 Et palpanda manu præbebunt colla, jubaque.
 Si me compedibus geminis, manicisque revinctum
 In quater accensam gravius, graviusque furentem
 (e) Fornacem de me victrix manus impia trudit; 85
 Non me destitues ibi tu: tu vincula franges
 Ferrea: tu solves ærata ab compede plantas.
 Et gradiar medios, media fornace, per ignes
 Incolumis neque dum tenues violare capillos
 Audebunt flammæ, neque dum contingere vestes. 90
 Tamquam essem circum rorantibus undique fultus

Flo.

-
- (a) Et mare divisisti ante eos, & transierunt per medium maris in sicco. 2. Esd. 9. v. 11.
 (*) Cete utique plurale; sed genitivo iidem plurali, in quo illud usurpato, Cete etiam est.
 (b) Et dixit Dominus pisci, & evomuit Jonam in aridam. Jonæ 2. v. ult.
 (c) Adduxerunt Danielelem, & miserunt eum in lacum leonum.... Allatusque est lapis unus, & positus est super os laci. Dan. 6. v. 16. & 17.
 (d) Deus meus misit Angelum suum, & conclusit ora Leonum, & non nocuerunt mihi. Ibid. v. 22.
 (e) Ceciderant in medio camino ignis, ardentis, colligati. Dan. 3. v. 23. Et non cessabant qui miserant eos ministri Regis succendere fornacem. Ibid. v. 46.

- (a) Floribus, indutusve rosis, ibi rore madebo;
 Et respirabo placidas placidissimas auras.
 Hæc Deus & tu olim fecisti, & quando libebit
 Efficies. Quod si nolis, & sæviat ignis, 95
 Tuque sinas, procul usque a me & videaris abesse.
 (b) Atque: *Ubi*, dic, *ubinam Deus est tuus?* acta nefanda
 Impietas rabie, morienti clangat ad aurem;
 (c) Nempe ibi tu mihi eris præsens, animosque viriles
 Addes, quæ possum crudelem spernere mortem. 100
Versa, & manduca, dicam pleno ore. Triumphus
 Hic major, minor est flammæ cohibere furentes:
 Effugere illud erat; sed enim hoc est vincere mortem.
 Ecce adûs modo tu, Deus alme, in utrumque paratum
 Me: quodcumque voles; hoc me quodcumque juvabit. 105
 Aut fugere irrisam, aut irrisæ occumbere morti.

DOMINUS EXERCITUM

Dominus Exercituum nomen ejus. Isa. 48. v. 2. Amos 4. v. ult.

GARMEN XVII.

- I**ncassum struit æreas ad mœnia turres,
 Incassum æratas vigilat defendere portas,
 Et tumido iratos bombo *Mars* evomit ignes;
 Excubiisque urbem, ac densa statione coronat.
 Urbs captiva solo sternetur tota, ruetque, 5
 (d) Ni Dominus custodem agat, & circumteget illam.
 Contra, si Dominus tutabitur; impia frustra

Arma

-
- (a) *Et fecit medium fornacis quasi ventum roris stantem, & non tetigit eos omnino ignis, neque contristavit, nec quicquam molestia intulit. Ibid. v. 50.*
 (b) *Ubi est Dominus Deus tuus? Mich. 7. v. 10.*
 (c) *Etiamsi occiderit me, in ipso sperabo. Job. 13. v.*
 (d) *Nisi Dominus custodierit civitatem, frustra vigilat qui custodit eam. Ps. 126. v. 1.*

- (a) Arma frement circum. Veluti insano obstrepit unda
Murmure, & attollit circum spumasque, minasque;
Sed tandem fessa, atque ad rupem illisa recedit. 10
Rege sub *Ezechia*, pene obrupta, peneque capta
Lugebant *Solyma*, & nil non crudele timebant.
Barbarus, assuetusque deos contemnere victor
Cum prope centenis bis millibus ibat ad urbem.
Ac demens insultabat Regique, Deoque. 15
Rex pius interea ad cælum tendebat inermes
- (b) Cum fletu, gemituque manus, Tu, qui regis *Israel*
Sublimisque *Cherubinis* accumbis, & unus
Es Deus, & Regum terræ Rex, quique jubendo,
Et nutu cælum, terramque, & cuncta creasti, 20
Eja age, caussa tua est: audi quæ, quamque nefanda
Assyrius. Tu deturba, tu sterne superbum,
Te putat ille, instar statuarum, instarque deorum
Fistilium, quos comminuit, quos tradidit igni
Irridens. Fac te esse, sciat, Dominumque, Deumque: 25
Fac, sciat, esse tuam dextramque, iramque potentem.
Audiit, & cælo Omnipotens miseratus ab alto,
(c) Octoginta hominum, centumque, & millia quinque
Dat morti, atque improvise uno demetit ictu
Angelus. Undabat cruor undique, & undique onusti 30
Tanta

- (a) *Bellabunt adversum te, & non pravelebunt: quia ego tecum sum, ut salvem te, & eruum te, dicit Dominus. Jer. 15. v. 20.*
- (b) *Oravit in conspectu ejus, dicens: Domine Deus Israel, qui sedes super Cherubim, tu es Deus solus omnium Regum terræ, tu fecisti cælum, & terram.... Audi omnia verba Sennacherib, qui misit, ut exprobaret nobis Deum viventem... Nunc igitur Domine Deus noster, salvos nos fac de manu ejus, ut sciant omnia regna terræ, quia tu es Dominus Deus solus. 4. Reg. 19. a v. 15. ad 19.*
- (c) *Factum est igitur nocte illa venit Angelus Domini, & percussit in castris Assyriorum centum octoginta quinque millia. Ibid. v. 35.*

- Tanta strage ipsi montes, campique gemebant.
 Nec cladem illius noctis, nec funera quisquam,
 Explere, aut ullis queat unquam expromere verbis.
 Non tamen interiit Rex impius. Esse superstes
 (a) Debuit, ut cladem totam sentiret, & inter 35
 Horroremque, metumque, & strata cadavera, posset
 Vix reperire viam, vix morti vertere terga
 Tantillum. Nam mox ferro confossus ab ipsis
 (b) Gnatis, æternas fugit indignatus ad umbras.
 Sic plerumque hebetat, confringit, & impia ridet 40
 Arma Deus. Siquidem mors, & victoria parent
 (c) Illi uni, nutusque suos, sua jussa sequuntur.
 Nec semper vult de cælis accire ministrum
 Alipedem, ultorem. Jubet ille; aciesque, ducesque
 (d) Imbellis gladio, vel clavo fœmina fundit: 45
 Vel puer in funda & lapide. En procedere nescit
 Armatus, galeamque, ensamque, ut inutile pondus
 Abjicit, & torpet belli ad præludia *David*,
 Et puer, & pastor, rudis est, & inutilis armis.
 Quinque sibi lapides, en arma, elegit; at unus 50
 Sat fuit. Ut primo contorsit verberare fundam;
 (e) Corruit immani, scopulosa mole *Getheus*
 Cum gemitu, introrsumque lapis cerebro altus inhæsit.
 Non secus ac nubes prætergressa, ardua pulsans
 Sidera ferali cono, concussa trifulco 55

Ful-

-
- (a) *Vidit omnia corpora mortuorum, & recedens abiit.* Ibid.
 (b) *Adramelech, & Sarasar filii ejus percuesserunt eum gladio.*
 Ibid. v. ult.
 (c) *Non secundum armorum potentiam, sed prout ipsi placet dat dignis victoriam.* 2. Mach. 15. v. 21.
 (d) *Judith: 13. v. 10. & Judic. 4. v. 21.*
 (e) *In tollendo manum saxo funda dejecit exultationem Goliæ: nam invocavit Dominum omnipotentem, & dedit in dextera ejus tollere hominem fortem in bello, & exaltare cornu gentis sue.* Eccl. 47. v. 5., & 6.

Fulmine, & ab summis radicibus eruta, grandi
Sylvarum fremitu, tundit terram cyparissus.
Prorumpit Victor, detractoque ense, jacenti
Nubiferum abscindit caput, ostentatque trophæum.

- (a) Confurgit plausus: Potuit *Saul* vincere mille; 60
Sed tu, *Jessides*, vinctis bis millia quinque.

Tu tamen interea: sunt isthæc rara, reponis,
Nec passim eveniunt. Ego contra dicere pergo,
Plerumque hæc fieri. Non humana arte reguntur

- (b) Bella, neque humano ingenio victoria surgit. 65
Immigrat improvvisa alio, manibusque proterva
Avolat, & spes humanas traducere gessit.

- (c) Fortia quæque cadunt; surgunt infirma repente:
Et lapis exiguus, casu de monte revulsus,
Ingentem vasta prostrernit mole colossam, 70
Auro, atque argento, ferroque, armisque superbum.
Esse Deum, occultamque manum, quæ clam regat arma,
Consensere omnes gentes. Hoc magna subinde
Viribus imperia exiguis deleta docebant,
Resque adeo bello variæ; sed nomen inane 75
Palladis & *Martis* nequidquam in vota vocabant.

- (d) Nempe invisibilis manus est, quæ præsidet armis,
Estque exercituum Dominus DEUS. Incutit ille
Desuper, at lubet, his, illisve, adimitve timorem:
Ingenium, vires, animum, ut vult, demit, & addit. 80

En

- (a) Et præinebant mulieres ludentes, atque dicentes: Percussit *Saul* mille, & *David* decem millia. 1. Reg. 18. v. 17.

- (b) Non enim in arca meo sperabo: & gladius meus non salvabit me. Ps. 43. v. 7.

- (c) Arcus fortium superatus est, & infirmi accincti sunt robore. 1. Reg. 2. v. 4. Dan. 2. v. 34. & 35.

- (d) Dei quippe est adjuvare, & in fugam convertere. 2. Paral. 25. v. 8. Dabo pavorem in cordibus eorum.... terrebis eos sonitus folii volantis. Levit. 26. v. 36.

- (e) En cur parva manus sæpe immania agmina fundit,
 Ut sancti annales passim, & monumenta profana,
 Ætatesque omnes millena exempla ministrant.
- (c) Huc ego te, magnum compello, *Jossua*, testem,
 Cujus ad imperium, *Jericuntibus* mœnia prorsum 85
 Strata solo, non balista, non ariete crebro;
 Sed clangore uno, & geminato horrore tubarum.
 Te quoque, bellipotens o *Samson*, te Gedeonque
 Magnificos testes, & te, *Machabae*, vocabo
Juda huc. Imparibus quoties vos viribus hostes 90
 Fudistis? Quantos confusæ stragis acervos,
 Maxilla tu asini, *Samson*, vos ense dedistis?

Nec te præteream, nostra ut quoque tempora tangam,
Austriaca (satis hoc fuerit) de gente, *Joannes*:
 Quem super & *Marios*, super & duo fulmina belli 95
Scipiadas, & quos alios quæ subdidit orbem
 Jactat *Roma* duces, *Naupacti* gloria tollet.
 Te tremuit, stetit & medio conterrita cælo
Odrysi numen, pullata, & pallida Luna.
 Agnovit te victorem, abjecitque tridentem 100
Neptunus, tibi & imperio, tibi & æquore cessit.
 Tu mare, *Neupacti* circum quod littora lambit,
Thracum effecisti sparso undique sanguine nigrum.
 Tu cladem pelagi classem, lunataque contis
 Agmina vicisti, submersistisque profundo: 105
 Dum pius ille senex, *Pius*, & cognomine *Quintus*,
 Quem

(b) Quomodo persequatur unus mille, & duo fuge decem mil-
 lia? Nonne ideo, quia Deus suis vendidit eos, & Dominus
 conclusit illos? Deut. 32. v. 30.

(b) Deficiet enim me tempus enarrantem de Gedeon, Barac,
Samson, Jephthæ, David, Samuel, & Prophetis, qui per fi-
 dem vicerunt regna . . . obturaverunt ora Leonum, extinxe-
 runt impetum ignis, effugerunt aciem gladii, convulnerunt de
 infirmitate, fortes facti sunt in bello, castra vertentur exte-
 rorum. Ad Hebr. 11. v. 32. & seq.

Quem tunc ornabant sceptrumque, facerque tiaras,
Urgebat precibus, tibi ut hæc victoria tanta
Inde exercituum ab Domino ad te missa veniret.

- (a) Ah pereat quicumque Deum obliviscitur, inque 110
Milite, & infans cassam spem ponit in armis?

DEUS SCIENTIARUM

Deus Scientiarum Dominus est. 1. Reg. c. 2. v. 3.

CARMEN XVIII.

Belligerare manu, & *Martis* concurrere campo
Haud magnum est. Pecudes quoq.; quadrupesq. feræque
Hoc faciunt. Pugnant *Thauri*, pugnantque *Leones*:
Cornuaque, atque ungues, dentesque in vulnera miscent
Fulmineos: large cruor it per colla, per armos. 5
Rugituque tremunt, & inundant sanguine cautes.
Nonne vides, quanto concurrunt impete, quanta
Se rabie, & strepitu laniant *Felæque*, *Canesque*?
Ne tu (crede mihi) nimium confide: periculo
Id facias, medius si vis componere pacem. 10
Bella *Coturnices* etiam, & fera prælia tentant;
Namque agrum in medium, pugnae, caussaue furoris
Pabula si jacias, mox in certamina tendunt
Hinc, atque hinc: atque adversis configere castris,
Et rapere irrumpunt rostris pugnacibus escas. 15
Mitis inermis *Olor*, siquando e nubibus alte
Bellatrix *Aquila* imprudentem invasit; in iras
Surgit, & Armigerum *Jovis*, haud perterritus hoste
Tanto, sustentat luctamine, verberat alis:
Et quis erit tandem duce dux animosior illo, 20
Qui cantu vocat Auroram, cui purpurat alto,

Ceu

(a) *Maledictus homo, qui confidit in homine, & ponit carnem
brachium suum, & a Domino recedat cor ejus. Jer. 17. v. 5.*

Ceu Regi, cristatus apex, perque ardua colla,
 Perque torosa cadit, clypei instar, pectora, crebris
 Mixta albo circumvolvens se purpura rugis?
 Nemo hoc impavidus magis, aut animosior unquam 25
 Accendat Martem, aut ardentius impetat hostem.
 Auden' ut belli horrorem, fremitumque tubarum
 Bellaces imitantur *Apes*? Concurritur: ingens
 Fit strages: pugnant Heroum more: pericla
 Spernunt, magnanimamq. petunt per vulnera mortem. 30
 Prælio item viles vel *Musca*, & *Aranea* certant,
 Insidiisque, atque oblongis per mutua nexis
 Cruribus, enixe, & valide luctantur utrinque.
 Bella gerunt itidem medio vel in æquore *Pisces*,
 Quamquam sunt adeo stolidi, manibusque carentes, 45
 Voceque. Magna ubivis, per terras, æra, pontum,
 Quadrupedum cernas, volucrumque, & bella natantum.
 Usque adeo quod cantare, & celebrare Poetæ
 Usque solent; vulgare est, atque ignobile *Bellum*.

Ingenium, & doctas mentem excoluisse per artes 40
 Hoc demum est aliquid. Nam vi, validisque lacertis
 Præstat *Equus*, præstant *Taurus*, *Leo*, *Tigris*, & *Ursus*:
 Vincimus ingenio tamen, exsuperamus & omnes
 Squamigerum, Alituumque acies, turbasque ferarum.
 Arte magistra, ignes incude, unca & forcipe ferrum 45
 Versamus; supplet vires industria: & armis,
 Cuspideque instructis telis, hastilibus, hamis,
 Quæ parat *Ars*, portentosa, atque immania *Cete*
 Confundimus, vastamque abducimus æquore prædam.
 (a) Atqui hoc a Domino est, ferrum tractare peritus 50
 Quod Faber est, ac tam varias quam postulat usus,
 Æri, Argento, Aure miras inducere formas.

Et

(a) Implevi eum spiritu Dei, sapientia, & intelligentia, & scientia in omni opere ad excogitandum quidquid fabrefieri potest ex auro, & argento, & ære. Exod. 31. v. 3. & 4.

- Et quis non multo plus quam fabrilis, pensa
 Et lanæ, & lini faciat, quæ sedula Mater
 Sede sedens, tacite, assiduo indefessa labori 55
 Incumbens; digitis, fuso, ducitque, trahitque?
 Frigora ne charos lædant gnatosque, Virumque.
 (a) Hoc iterum a Domino est: ignaros ille Parentes
 Edocuit primos (vel tum, cum crimina pœnas
 Poscebant) tegere, & circumdare corpora veste. 60
 Quis quocunque modo excellis sapientia, & arte,
 (b) Desuper immissa, ac divina hæc dona, Deique
 Munera sunt: inde & veniunt, manantque, fluuntque
 (c) Nil boni habes, montes quamvis congesseris auri;
 Si tibi lux animo nulla est, montemque profundæ 65
 Desidiosam, ignavamque obsedere tenebræ.
 (d) Ampla magis sunt hæc aliis; pretiosaque dona,
 Præ quas gignit opes opulenta *America* fodinis,
 Et præ quas nitidas dives parit *India* gemmas.
 Siquid habes horum; cave, ne tua stultus, & excors 70
 Esse putes. Non hæc nisi, humanoque labore
 Proveniunt; quamquam veniunt, crescuntque labore.
 (e) Non labor Agricolarum; sed quam Deus indidit almæ
 Telluri, ubertas turgentes explicat uvas,

Præ-

-
- (a) Fecit quoque Dominus Deus Adæ, & uxori ejus tunicas pelliceas, & induit eos. Gen. 3. v. 21.
 (b) Omnis sapientia a Domino Deo est. Eccl. 1. v. 1. Dat sapientiam sapientibus, & scientiam intelligentibus disciplinam. Dan. 2. v. 21.
 (c) Ubi non est scientia animæ, non est bonum. Prov. 19. v. 2.
 (d) Melior est enim sapientia cunctis pretiosissimis. Prov. 8. v. 11. Nec comparavi illi lapidem pretiosum, quoniam omne argentum in comparatione illius arena est exigua. Sap. 7. v. 9.
 (e) Neque qui plantat est aliquid, neque qui rigat; sed qui incrementum dat Deus. 1. ad Cor. 3. v. 7. Producentis sanum jumentis, & herbam servituti hominum: ut educaas panem de terra: & vinum latifcet cor hominis: & exhilaret faciem in oleo. Ps. 103. v. 14. & 15.

Præpinguesque oleas: & vestit gramine campos, 75

Et tempestivis sæcundat frugibus agros.

Frustra alii sudant; nulla & lux hæcenus illis

(a) Affu sit. Vapor est quidam, atque immissio quædam

Omnipotentis. Inexhausta illa ab Luce perennis

Lux oritur, quæ se nostris clam mentibus iadit. 80

Anne putas potuisse homines sine numine divo

Hanc reperire artem, qua, quot sunt omnia (mirum!)

Sensa animi, licuit paucis includere signis?

Et facili dextræ ductu, cursuque benigno

Omnigenas mentis formas interprete penna 85

Edere, & alienti, ac bibulæ transmittere chartæ?

Absentesque etiam coram, quasi adire, loquique?

Et sunt prima rudimenta hæc. Quid cætera? Numquid

Quas leges adeo certas *Dialectica* menti

Præfixit, quibus ex alio quid rite sequatur? 90

Quid non? ut recto possimus tramite verum,

Assequi, & eruere ex notis incognita: filo

Nostra regens semper tuto vestigia; nequa

Occupet incautam, & ludat Fallacia mentem:

Hæc, inquam, nunquidne DEI, Mentisque supremæ 95

(b) Munera non sunt? Infanis nisi senseris esse.

Quid germana soror *Dialectica*, ad usque remota

Vulgo hominum magis, ad vigili vix pervia menti

Affurgens contemplatrix? Non sensibus ortum

Debit hæc. Audet scrutari quæ procul omnem 100

Exsuperant sensum, Mentemque, Animumque, Deumq.

Te magis admiror *Geometria*. Tu nihil esse,

Esseve quid magicum ignaris, rudibusque videris,

Sed vero hunc adeo tristem, immanemque stuporem

I

Tu

(a) Vapor est enim virtutis Dei, & emanatio quædam est claritatis omnipotentis Dei sincera. Sap. 7. v. 25.

(b) Cor dedit illis excogitandi, & disciplina intellectus replevit illos. Eccl. 17. v. 5.

Tu rides. DEUS ipse, DEUS, cum condidit orbem; 105
 (a) Esse *Geometres* voluit, libramine terræ
 Fundamenta locans: hanc & nobis dedit artem,
 Perpetua, & certa mensura, pondereque usus.
 Tu charta super exigua, exiguoque Trigono,
 Maxima componens minimis; quid distet ab orbe 110
 Nostro hoc Luna, quid excelsi magis usque Planetæ?
 Quam facile pueros etiam instituisque, docesque.
 Sat tibi si *latus est unum, duo & anguli* utrinque
Nota; alia ut *latera ignota*, atque ut *tertius ille*
Angulus haud notus, certo, subitoque patecant. 115
 Mjora his audet tua collactanea, tecum
Algebra nutrita. Hæc siquidem quasi nota fuissent
 Jam, sic omnino quæ sunt incognita versat,
 Hinc illinc *transponendo*, & quæ sustulit isthac,
Mutato adversa *signo* jam parte locando: 120
Addendoque, & *demendo*: & quæ maxima vis est,
Substituendo aliud pro alio. Quod repperit esse
 Par *ignoto*; huic substituens procedit: & hisce
 Queis credas nodis magis irretire latentem
 Rem; prius ignotam explanat, panditque repente. 125
 Et nonne hoc etiam est divinum, abscondita scire?
 Atque intrinsecus extricare, & solvere nodos?
Mensuram sic, & *Numerum* tractamus, ab alto
 Foculi. *Pondus* vero (quippe hæc tria summus
 Rerum Opifex opere in magno exhibuitque, deditque 130
 Contemplanda oculis nostris) quanto impete, quanto
 Ingenio, ad lubitum versantque, moventque periti?
 Navem instar montis magnam e navalibus, apte
Mechanica applicitis *trocbleis*, & *vestibus*, etfi
 Usque

(a) *Ubi eras quando ponebam fundamenta terræ Quis posuit mensuras ejus, vel quis tetendit super eam lineam?* Job. 38. v. 4. & 5. *Omnia in mensura, & numero, & pondere disposuisti.* Sap. 11. v. 21.

Usque reluctantem, ventosque, undasque paventem 135
 Abripit: & tanquam si turbine luderet; uno
 Ictu a complexu terræ divellit, & altum
 Nequidquam contra obnitentem trudit in æquor.
 Usque adeo ingenium valet! & sic incitat augens,
 Multo, & longe ultra quam possent brachia, vires. 140
 Aspice quam varia, atque ingentia pondera, parvo
 Parte alia appenso, explorat, libratque *Statæra*
Romana. Exigui, magna est distantia *motus*
A centro; at magni, tanto est distantia eodem
A centro brevior, quanto hoc, quod corpore, mole 145
 Est majus, superat pondus, molemque minorem.
 Scilicet *inversa ratione* hinc *ponderis*, illinc
 Intervalli, atque *spatii*, quo distat utrumque
 A centro. Totidem sunt hæc miracula, quamvis
 Obvia. Vulgo omnes tractant Lanique, Coquique; 150
 Sed tamen hæc pauci capiunt *Mysteria Libræ*.

Et quanto est magis ingeniosum avertere fundo,
 Vastasque, & pigras *cocleis* siccare paludes?
 At facit hoc, facit ultra *Hydraulica* machina passim.
 Surgere aquam sursum, & valido prorumpere in auras 155
 Impete, & assiduo saltu, ludoque micare:
 Tanquam oblita sui, tanquam esset ponderis experts.
 Et gravior tamen usque est aere, quem super effert
 Sese; ast invitam sursum, facit *embolus* ire.
 Et quid sunt tandem cuncta hæc? imitamina quædam 160
 (a) Artificis magni, qui fundamenta pependit
Terræ, & *Aquis* leges dedit: immensumque furorem
Oceani, exigua, quasi vinclis, vinxit arena,
 Ulterius tentare vetans, jussuque coercens.

I 2

Quod

(a) Quando circumdabat mari terminum suum, & legem ponebat aquis ne transirent fines suos: quando appendebat fundamenta terræ. Prov. 8. v. 29. circumdedi illud terminis meis, & posui vectem, & ostia. Job. 38. v. 10.

- Quod Divina itidem fecit Sapientia prima 165
- (c) Circumiens cæli immensum rapidissima gyrum:
 Perque Maris tumide iratos placidissima fluctus
 Incedens pedibus, quin tingeret æquore plantas:
 Scilicet hoc cæli, *Astrorumque Scientia* nostra,
 Nauticaque, ut possunt, imitantur, parvaque magnis 170
 Aptando, exiguo cælum concludimus orbe,
 Certasque ad gyrum leges præscribimus astris,
 Tentamusque iter ambiguum, & vada cæca profundi
 Aggredimurque viam audaces, & pergitur ire;
 Quamlibet adversi fluctus, ventique repugnent. 175
- (b) Ne dubita: dedit ille viam, qua salsa secare
 Possemus, fragilique animam committere ligno;
 Nec tamen absorberi undis, per totque pericla
 Ire: tenere & iter certum qua semita nulla est.
- Dein metiri orbem, ac Regionum scire, situsque 180
 Regnorum, & quorsum cursum, aut intendere proram
 Expediat brevior via, si *Bactra*, vel *Indos*,
 Aut *Memphim*, *Meroenque* petas, contrave *Britannos*,
 Aut *Batavos*, aut *Mexicea*, aut *Peruvia* regna.
 Scire iterum ad Solis gyrum, Lunæque recursus 185
 Tempora digerere: & nec sæcula prisca movere,
 Aut turbare sua sede: & post inde futura
 Præsignare etiam, atque ortus, obitusque notare
 Astrorum, & certis cuncta hæc præfigere fastis,
- (b) Indubia hæc inquam sunt, & cælestia dona. 190
 Nec

-
- (h) *Gyrum cæli circumivi sola, & profundum abyssi penetravi, & in fluctibus maris ambulavi.* Eccl. 24. v. 8.
- (a) *Dedisti & in mari viam, & inter fluctus semitam firmissimam.* Sap. 14. v. 3. *Ut non essent vacua Sapientia tua opera: propter hoc etiam & exiguo ligno credunt homines animas suas, & transauntes mare per ratem liberati sunt.* Ibid. v. 5.
- (c): *Ipse enim dedit mihi horum qua sunt scientiam veram, ut sciam dispositionem orbis terrarum, & virtutes elementorum:*
 ini-

Nec minus est, potuisse homines, quæ septa tenebris
 Lux erat; exiguum saltem quid pellere, & ipsos
 Ante oculos, septem quibus est compacta colores,
 Ponere distincte, singillatimque videndos,
 Distractos omnes vitreo ruptosque trigono:
 Quis nobis tandem dedit? Omnino ille, tenebras 195
 Qui mentis nescit, qui Lux est. Ille profundis
 Qui fecit primam e tenebris erumpere lucem;
 Ætatem hanc voluit nostram his ornare repertis.
 Et pretiosa magis, non aut industria solers,
 Aut vis ingenii; sed *Sors* (ut sæpe loquuntur 200
 Nunc homines) *casus* nil unquam tale putanti,
 Conantive aliud, detexit, & obtulit ultro.
 Sic & *Magnetis* vis est primo illa reperta,
 Qua ferrum trahit ad sese: hunc & indit amorem
 Ferri ferro ipsi. Nihil ultra sæcula prisca 210
 Cognorant. Sed dein multis volventibus annis,
 Sors iterum virtutem aliam, vimque undique miram,
 Excelsamque magis detexit: & attulit orbi
 Commoda tot, tot divitias, quot nempe per undas
 Perque mare immensum, tempestatesque furentes, 215
 Longe ex orbe alio venientes pyxide, acuque
 Confisæ, nobis passim advexere carinæ.
 Casu itidem nil tale putans, dum sulphura nitro
 Miscet homo armorum ignarus, bellicque; tremendo
 Pulvere concussit, totumque exterruit orbem: 220
 Nil prisca arma juvant, neque jam defendere muros,
 Aut expugnare ut quondam, & prosternere fas est.
 Nec jam *Balista*, aut *Aries*, *Catapultæ* quidquam
 Efficiant. Expugnandi, bellicque gerendi
 Longe alia est ars, & ratio. *Bombarda* repente 225

initium, & consummationem, & medietatem temporum, vicissitudinum permutationes, & commutationes temporum, annus, & stellarum dispositiones. Sap. 7. & v. 17. ad 19.

Fumiferam attollens commixto sulphure noctem;
Mœnia subvertit momento, subruit Urbes.

Hoc uno invento, totus (quis credere tantum?)
Terrarum aspectum, faciemque aliam induit orbis.

Fortuito rursus morbos depellere, & usus, 230

Atque potestates herbarum, visque medendi
Fossilium, verbo, utilior *Medicina* reperta est.

Quo magis hanc opis, aut artis non esse pateret

Nostræ, qui ne tale quidem præsumere mente,

(a) Aut sperare. Dei sunt certe hi munera casus.

Jam regere imperio populos, sancireque leges

Quas decet, & motas apte discernere lites,

(b) Hoc opus Excelsi, atque Dei admirabile donum;

Ecce tibi geminæ lacrimis; clamoreque Matres 240

Implorant Regem. Prima infit: Filius unus

Cum mihi; tum Matri fuit huic & filius alter.

Utque ætate pares, oculos, atque ora, manusque

Consimiles adeo; ut vel Matres falleret error,

Sæpe etiam nos. Quippe ædes habitamus easdem

Cum parvis solæ gnatis. Hæc obruta somno, 245

Imprudensque suum, gremio quem forte fovebat,

Extinxit; sed enim surgens de nocte silenti,

Fessa ego cum primum proflabam pectore somnum,

Accessit, rapuitque meum: & jam morte peremptum,

Infantemque suum lecto, gremioque locavit 250

Me stertente meo. Simul ac lux alma refulsit;

Ubera, lac nato properabam: lumina clausa,

Pallorem mortis video. Exquisitius illum

Contemplans, signa & quædam variantia vultus

Obfer-

(a) *A Deo est enim omnis medela.* Eccl. 38. v. 2. *Deus vester... vobis forte divisit.* Jos. 23. v. 3. & 4. *In manibus tuis sortes mea.* Pl. 30. v. 16.

(b) *Per me reges regnant, & legum conditores justa decernunt. Per me Principes imperant, & potentes decernunt justitiam.* Prov. 8. v. 15. & 16.

- Observans; non esse meum, fraudemque malignam 255
 Comperio. Vix finierat: succensa furor
 Altera: Sicne, inquit, mentiri, illudere Regi
 Audes? omnino meus, o Rex, ille superstes
 Infans est. Puerum ista suum, infantemque tenellum
 Se super injiciens male cauta, ignara peremit. 260
 Quæ sua sunt, effrons mihi dat: mendacia vendit.
 En litem. Quid agat tandem Rex? Nulli ibi testes
 Omnino, nulla Instrumenta, probatio nulla.
 Nec facile indicium hic aliquod captare, sequive.
 Nec via, nec ratio est ulla, aut præsumptio tuta, 265
 Quæ tam perplexam litem expeditave, regatve.
- (a) Afferte huc, inquit, gladium, mediumque secate
 Infantem vivum. Medium hæc; medium altera secum
 Portet. At his verbis perculsa, exterrita Mater.
 Ne tu hoc o! ne tu id jubeas, Rex optime Regum.
 Nam mihi quod vivat satis est: ferat altera totum. 270
 Ast illa: hoc melius quod Rex decrevit: utrique
 Dimidium detur. Tum Rex: Date protinus illi
- (b) Infantem vivum, cui prorsus viscera Matris
 Sunt, quæque est adeo pueri expavescita periclo.
 Immissa huic fuerat Regi sapientia ab alto. 275
 Sin minus haud facile ambiguam dignoscere Matrem.
 Et nunquidne Theologia penetrare profunda,
 Evehi & ad cæli culmen sublime licebit,
 Ni DEUS & passus regat, & vestigia firmet?
- (c) Hoc sancti præstant Libri, & quæ verba profari 280
 Dignatus DEUS est ipse: & signata sigillis

-
- (a) *Dividite, inquit, infantem vivum in duas partes: & date dimidiam partem uni, & dimidiam partem uni.* 3. Reg. 3. v. 25.
- (b) *Date huic infantem vivum, & non occidatur: hæc est enim mater ejus... & simuerunt regem, videntes Sapientiam Dei esse in eo ad faciendum judicium.* Ibid. v. 27. & 28.
- (c) *Lucerna pedibus meis verbum tuum.* Ps. 118. v. 105.

- Septem, ne quisquam speret referare suopte
 Ingenio posse; hæc nobis dat sancta, profunde
 Submisso, docilique animo, ingenioque legenda.
 En cur delirant adeo veteresque, novique 285
Philosophi. Neque enim datur his mysteria Regni
 Cælestis capere, ideirco, quia nempe superbi
 (a) Sunt, ipsique sibi nimium arridentque, placentque:
 Si tibimet, tumidus, prudens, sapiensque videris
 Esse; hæc semper erunt tibi magna obstructa sigilla: 290
 Atque die media, & media nil luce videbis.
 Lux DEUS est. Nulli sine luce agnoscere lucem
 Fas. Neque nosse DEUM, nisi tumet, *Spiritus alme*;
 (b) Par *Patri*, *Genitoque* tua ad nos lumina magna
 Desuper irradians, tuaque alta incendia mittas. 295
 Sed neque fas est humana prudentia, & arte,
 Ingeniove refrenare; & componere mores.
 Quo nemo æterna est fama celebratior ullus
 Legumlatorum, permisit furta *Lycurgus*. 300
 Quodque horrent aures, exsecranturque: puellas
 Luctari iussit nudas (solemnia quædam
 Hæc gravis, & rigide *Spartæ*) Juvenumque manipulis
 Mixtas, saltare, infamesque agitare choreas.
 Vix infans natus quisquam, si forte vigore
 Destitui, atque adeo ad bellum, & minus aptus ad arma 305
 Esse videbatur senibus; prope *Taygeta* montem
 In fossam (horrendum dictu!) immanemque cavernam
 Præcipitabatur miser ille, & parvulus Infans.
 Nec m-liora *Solon* his: nec meliora dedere
 Qui *Tabulas* Romæ dederunt peccare vetantes. 310
 Et tamen hæc *Tabula* Patri jus esse volebant,
- Ven-

(a) *Dicentes se esse sapientes; stulti facti sunt*, ad Rom. 1. v. 22. *Auferetur ab impiis lux sua* Job. 38. v. 15. *Ut videntes non videant*. Luc. 8 v. 10.

(b) *Qua Dei sunt nemo cognovit nisi Spiritus Dei*. 1. ad Cor. v. 11.

Vendere ter, gnatosque etiam demittere morti:

Atque impune cruore manus scelerare paternas.

In totidem rursus discerpi membra jubebant

(Tanquam essent pecudes) quot debita solvere pressi 315

Pauperie haud poterant. Dirum, infandumque macellum!

Et tamen hoc *Tabula* faciunt peccare *vetantes*.

Legumlatores omnes quotcunque fuere,

Philosophosque omnes quotquot sunt volve, revolve.

Fœde omnes labi interdum, atque errare videbis 320

Turpiter, atque etiam ipsum pejerare *Lycurgum*.

(a) *Lex Domini* est sola immaculata, atque undique sancta;

Quæ digito conscripta DEI, & clangore tubarum

Promulgata fuit fumanti in vertice montis.

(b) Sola hæc æternæ via tuta, & semita vitæ est. 325

Quæ non divina est, fert legum latio mortem.

Et jam sola manes, mihi tu dicenda leporum

Mater, & æthereo tu prima, *Poetica*, partu

Edita, Legifero & Vati data tu quoque prima.

Qua tu cunque is, *Ambrosiæ* diffundis odores. 330

Semper & ad numerum gradiens, pulcherrima semper,

Magnifice incedis. Tua te Germana, Sororque,

Quæ certa nescit gressus componere lege;

Admiratur enim, & vestigia semper adorat.

Tu sola æternare vales monumenta, virosque. 335

Nam lapide es *Pario*, solidoque perennior ære.

Quid sine te *Æneas*? nihil: & nihil esset *Achilles*.

Flexanima es tu, & sola potes mœrore jacentem

Erigere, & consolari, recreareque cantu.

Tu peregrinaris terris, neque semper inhæres. 340

Improvisa venis, volitalque, fugisque repente

Improvisa etiam: neque fas te persequi euntem,

Aut prensare manu; donec tu sponte benigne

Subri-

(a) *Lex Domini immaculata convertens animas*. Pl. 18. v. 8.

(b) *Si autem vis ad vitam ingredi, serva mandata*. Matt. 19. v. 17.

Subridens, iterum redeas, rediensque serenum
 Divini spargas quasi ludens luminis imbrem. 345
 Cætera tu cælo assistis, cæloque moraris:
 Ingeminasque DEO cantus: lituosque tubasque
 Ore inflas: digitisque moves citharamque chelynque.

SCRUTANS COR

Tu solus nosti cor omnium filiorum hominum.

3. Reg. 8. v. 39. 2. Paral. 6. v. 30.

CARMEN XIX.

PEctore conclusum medio cor, & undique vallo
 Perplexo septum gerimus. Penetrabile nulli est.
 Scindit homo, & reseat ferro penetralia terræ,
 Et trahit inde quod attonitum tum palluit aurum,
 Admirans, latebras vinci, & sua claustra recludi. 5
 Quin barathrum explorat maris, immensumque profundum
 Rimatur fune, & plumbo, descendereque audet
 Illac, & ponti cæco sub gurgite gemmas
 Vindicat, & gazam furacibus eximit undis,
 Quin etiam canna oblonga sese inserit astris, 10
 Astrorumque vias premit, implexosque meatus:
 Et quam quodque viam, quem cursum quodque tenebit,
 Quosque abitus peragent, reditusque, in sæcula mille
 Non dubitat, certis Vates præfigere fastis;
 At non humani penetrare in pectoris ima 15
 Evaluit: neque eum juvat hic industria victrix
 Sæpe alibi, totis cælo, terraque, marique.
 Et tamen hocce parum est. Superis delapsus ab auris
 Angelus, ingenium, viresque, hominumque labores
 Immane est quantum superet, perque omnia vincat. 20
 Nec

(a) *Parvum est cor hominis, & inscrutabile. Quis cognosces illud* Jer. 17. v. 9.

Nec tamen humani potis illa repagula cordis

Vincere, inaccessas neque debellare latebras.

Colligit usque adeo totum se, seque coarctat

Intus, & ambiguis cor sese ambagibus abdit.

Præterquam Domino, nulli hos intrare recessus 25

Fas. Geminæ arcani claves sunt: & dedit ille

Unam, cuique suam nobis; aliam sibi servat.

(a) *Scrutans cor nomen divinum est, & DEUS inde*
Stemma sibi; titulumque, & vult adsciscere nomen.

(b) *Olli cuncta patent tacita quæ mente revolvis 30*

Clam, tecum vix, quæque adyto interiore recondis.

Quæ desiderio vix est amplexa fugaci

Ocyor & ventis, rapidisque citatior alis

Fulminis, introgressa, simulque egressa voluntas.

Intravit, fugitque etiam indeprensa, neque illam 35

Præ foribus stantes oculi sensere, neque aures,

Excubiasque tuas veniensque, abiensque fefellit.

Hæret, & interdum sese impedit, inque voluta

Mens vario, ancipitique irretitur labyrintho

Ipsa suo. Nolens gressusque, notasque viarum 40

Turbat: & ipsa suæ plane stupet inscia mentis.

(c) *Ast introspiciens discriminat omnia, & omnes*
Dinumerat gressus DEUS, ambagesque resolvit:

(d) *Et faciem ambiguam scelerum, tricasque bilingues*

Expediit, ac toti orbi olim vulganda reservat. 45

Nemo hominum menti, atque animo præscribere leges

Ausus

(a) *Ego Dominus scrutans cor. Jer. 17. v. 10. Scrutans corda,*
& renes Deus. Pl. 7. v. 10.

(b) *Oculi Domini multo lucidiores sunt super Solem, circumspi-*
ciens omnes vias hominum, & profundum abyssi, & hominum
corda intuentes in absconditas partes. Eccl. 23. v. 28.

(c) *Intellexisti cogitationes meas de longe, semitam meam, &*
omnes vias meas prævedisti. Pl. 138. v. 2. & 3.

(d) *Ipsa revelat profunda, & abscondita, & novis in tenebris*
constituta, & lux omni eo est. Dan. 2. v. 22.

- Aufus, nec potuit. Sunt regna illa invia nobis;
 Non amor, aut odium sanciri, aut pectore pelli;
 Nec desiderium contundi, aut lege vetari,
 Aut perimi humana potuit satis. Usque latebit 50
 Tutum; nec possis tenebrosum extundere furtum.
 Altius assurgit, mentemque, animumque coercet,
 Et desiderium vetat, atque indicit amorem
 Lex divina. Est illa quidem mitissima; at imis
 (a) Cordibus inscripta est, mediisque infixæ medullis. 55
 Tota anima, totis, quibus intus agitque, valetque
 Viribus, ac totis, penitusque edicit amandum
 (b) Corde, ac mente Deum. Hoc primum. Simile inde secundum
 Inter sese homines nectens dulcissime, amare,
 Ut se quisque, alium jubet. His contenta duobus 60
 Divina est pulchri Lex quam suavissima amoris.
 Etsi inter silvas, & inhospita lustra ferarum
 Nutritus, neque dum vocem auscultaveris unquam
 Humanam, neque mandata hæc exceperis aure;
 Corde geres, hanc & Legem tibi dicet amoris, 65
 Auctoremque tuum tua te mens ipsa docebit.
 (c) Adveniet suprema dies, quo buccina signum
 Terribilis dabit horrendum, & consurgere gentes
 Undique, & ex imis eructari ossa sepulchris
 Semesa, & sparsos cineres hinc inde coire 70
 Rursus, & absumpta instaurari corpora, rursusque
 Erigi,

- (a) *Dabo legem meam in visceribus eorum, & in corde eorum scribam eam.* Jer. 31. v. 33.
 (b) *Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua.* Luc. 10. v. 27. *Hoc est maximum, & primum mandatum. Secundum autem simile est huic, diliges proximum tuum sicut te ipsum. In his duobus mandatis universa lex pendet.* Matth. 22. v. 38.
 (c) *Dies tubæ & clangoris.* Sophon. 2. v. 16. *Canet enim tuba. & mortui resurgent.* 1. ad. Cor. 15. v. 52.

Erigi, & actutum sisti imperiosa jubebit.

(a) Ante tribunal divinum tum stabimus omnes,

(b) Quanto proh! quanto attoniti exsanguesque pavore!

Tum demum secreta adyta, & penetralia cordis 75

(c) Humani incustodita, & nudata patebunt

Omnibus. Ut siqua grandi stupefacta ruina

Pandat se tellus imo, umbrarumque profundum

Sistat sese oculis patulum, trepidareque cernas

Insueta attonitos luce, & formidine Manes. 80

Huc ego *Philosophos* istos, qui credere nollent

(d) Esse Deum, arcanis nostris qui sensibus adsit

Præsens, qui fundo conantur vertere sancta

Dogmata, uti sistant sese, compello, citoque.

Huc veteratores vafros, prætere vultu 85

(e) Præclaram solitos larvam pietatis; & hamos

Interea instruere; & secretos tendere casses,

Et simulare fidem, & fraudem prætexere risu.

Fingit *olorinas* interdum *Noctua* plumas

Subdola, velleribusque *Agni* didicere rapaces 90

(f) Delituisse *Lupi*, & balatum reddere voce.

Detrahet illa dies has larvas: fraudesque, dolusque

Victi aberunt, habituque suo, in sua quemque reponent.

(g) Tunc respirabunt quos atra calumnia pressit

In-

(a) *Omnes enim stabimus ante tribunal Christi. Ad Rom. 14. v. 9*

(b) *Unusquisque ad proximum suum respondebit: facies combustæ vultus eorum. II. 13. v. 8.*

(c) *Illuminabit abscondita tenebrarum, & manifestabit consilia cordium. ad Cor. 4. v. 5.*

(d) *Et dixerunt: non videbit Dominus, nec intelliget Deus Jacob. Ps. 93. v. 7.*

(e) *Habentes quidem speciem pietatis; virtutem autem ejus abnegantes. 2. ad Tim. 3. v. 5.*

(f) *Veniunt ad vos in vestimentis ovium; intrinsecus autem sunt lupi rapaces. Matt. 7. v. 15.*

(g) *Judicabit pauperes populi, & salvos faciet filios pauperum: & humiliabit calumniatorem. Ps. 71. v. 4.*

- Infantes: & quas dudum traxere, videbunt 95
 (a) In scelerum artifices translatae isse catenas.
 Quae pietas sincera, olim dum vita manebat,
 Conspectum fugiens hominum, contentaque solo
 Teste Deo, obscuris ultro sese abdidit umbris;
 (b) Efferet os sacrum caelo, & regnabit Olympo. 100
 Ceu regnat postquam latuit dudum obruta, tandem
 Per pigra irrumpens, nocturnaue nubila Luna.

c3

QUI FECIT MIRABILIA SOLUS

Ps. 71. v. 15. Ps. 135. vers. 4.

CARMEN XX.

- Q**UA tu eumq. oculos, mentemq. animumq. reflectas,
 Divini Artificis surgunt impressa sigilla,
 Omnipotensque ubivis manus eminent. Undique caelum
 Portenta, ac portenta etiam fert undique tellus.
 Sed tamen his, longo a pueris assuevimus usu; 5
 Nilque admiramur nisi rarum. Sydera, Solem
 Spernimus immemores, at enim si forte minacem
 Explicuit caelo barbam, crinemve Cometa,
 Tum vero attoniti vulgo puerique, senesque
 Attollunt caput in caelum: oblitosque quietis 10
 Haud piget insomnem admirando ducere noctem.
 Scilicet excutimur somno, excutimurque veterno
 Cum nova lux oculos perstringit, cum tonat aethra
 Omnipotens, & quas fixit, rerumque perennes
 Principio statuit leges, nutu ipse refigit. 15
 Et facit interdum hoc Deus, ut torpore jacentes
 Excitet

-
- (a) *Juxta est dies Domini super omnes gentes: sicut fecisti, fiet tibi, retributionem tuam convertas in caput tuum.* Abdias v. 15.
 (b) *Tunc erumpet quasi mane lumen tuum... & anteibit faciem tuam justitia tua, & gloria Domini colliget te.* Il. 58. v. 8.

Excitet, utque sua sibi amicos protegat umbra.

Quam gentem Deus e reliquis sibi legerat unam
Religione piam, sanctisque parentibus ortam
Servitio addictam infami, insanoque labori 20
Vexabat *Pharao*, ac sensim delere parabat.
Armavit *Mosem* virga Deus, iræque jussit,
Et portentorum magna vi rumpere vincla
Captivi populi, & Regem terrere superbum.
O tu, si scires quantam, Rex impie, cladem 25
Et tibi, & *Ægypto* toti virga illa ferebat?

Principio in colubrum immanem conversa, ferocem
Exsertans linguam, improvisaque guttura pandens,
(a)Dentibus infrendens indignabunda; voravit
Quos similes fecere Magi, aut finxere dracones. 30
Prodigium! Majora tamen portenta manebant.

Percussus virga, mutata decolor unda,

(b)Obscæno intumuit retro, obrigitque cruore
Nilus, & oblitus cursum, sitiens stetit amnis.
Frustra inde innatis conati assurgere remis, 35

(c)Hæserunt putri tumulati in sanguine pisces.
Stagna, lacus, fontes, urnæque, & aquaria vasa
Omnia sanguis erant, horrebantque omnia tabo;

(d)Nec sedare sitim fas, nec restinguere lympa.

Rursus ad imperium virgæ, erupere repente 40

(e)Spissa coxantum triste, absurdeque canentum

Agmina ranarum. Agros, urbes, tecta, domosque,

Ipsa-

(a) Projeceruntque singuli virgas suas, quæ versæ sunt in dracones: sed devoravit virga Aaron virgas eorum. Ex. 7. v. 20.

(b) Et elevans virgam, percussit aquam fluminis coram *Pharaone*, & servis ejus: quæ versa est in sanguinem. Ex. 7. v. 20.

(c) Et pisces qui erant in flumine mortui sunt. Ibid. v. 21.

(d) Convertit in sanguine flumina eorum, & imbres eorum, ne biberent. Pl. 77. v. 44.

(e) Ebulliet fluvius ranas, quæ ascendent, & ingredientur domum tuam, & cubiculum lecti tui, & super stratum tuum. Ex. 8. v. 3.

Ipsaquet penetralia, pulvinaria Regis
 Pestifera illuvie cum raucifono lamento
 Omnia sordabant, complebantque omnia ranæ: 45
 Nec cibo ali; neque fas unquam dare lumina somno.

- (a) Ranis dein culicum nimbi, horribilesque phalanges
 Successere. Æstu accensus veluti irruit Auster.
 Pulvereamque trahens tenebroso turbine nubem,
 Eripit, abducitque oculis lucemque, diemque. 50
 Vulnera portantes, & inévitable telum,
 Atrox, atroci stimuloque, tubaque ciebant
 Bellum, nulla unquam requie, nec pace sequestra.

- (b) His cognata phalanx suffecta est pessima musca,
 Quam dixerunt *Æstrum Græci*, cui nomen *Asilo*
ROMANUM est. Audax, & sanguinolenta caterva 55
 Horrendis late implebat stridoribus auras.
 Quoque magis biberat; mage mox sitibunda bibebat
 Effusum rivis pecudumque, hominumque cruorem.

Hanc tamen asperior clades, & plaga sequuta est.

- (c) Corrupto cæli tractu, teterrima pestis 60
 Ingruit, & pecudum genus omne, armenta, gregesque
 Exitio dabat, & morti. Validi sub aratro
 Interclusa anima, occumbebant alter, & alter,
 Et super hunc alius geminata morte juveni.
 Demittunt aures, patulis & naribus ægre 65
 Spirant, & tremulo tundentes vix pede terram
 Exanimi sternuntur equi: passimque cameli;
 Dulces exhalant animas: & cum grege toto,
 Balatu in medio procumbit spes gregis agnus.

Nec

(a) *Omnis pulvis terra versus est in sciniphes per totam terram Ægypti. Ibid. v. 17.*

(b) *Et venit musca gravissima in domos Pharaonis, & servorum ejus, & in omnem terram Ægypti. Ib. v. 24.*

(c) *Super equos, & asinos, & camelos, & boves, & oves pestis valde gravis. Exod. 9. v. 3.*

- (a) Nec tamen *Ifacidum* peltis popularier agros
Ausae est, aut pecudes, armentave dēdere morti.
Et mirabatur; sed vero obduruerat Rex 70
- (b) Impius, exemplum seris ætatibus olim,
Heu! nimium triste exemplum, ostentumque futurum.
Pulveris exigui jactu, cinerisque pugillo 75
- (c) In cælum sparsit, *Moses* nova vulnera genti
Intulit: iniana serpens prurigine, scædis
Ulceribus, papulisque ardentibus omnia vulgo
Corpora, contactosque artus sacer ignis edebat.
Nec vero hic juvere Magos præstigiæ, & artes 80
Circææ: probrosam hanc ab se avertere pestem,
- (d) Nullis carminibus miseri potuere, neque herbis.
At Rex nec mentem insanam, nec ferræa corda
Exuerat: promissa dabat; promissa negabat.
- (e) Elata *Moses* virga, cælum omne tumultu 85
Miscuit. *Ægypto* non unquam cognita grando
Fulminibus commixta ruit: tonat omnis fragore
Insolito cælum, trifida face fulmen, & imber
Saxeus immani devastant pondere silvas,
Et nemora, & frondes circum, pecudesque, virosque. 90
- (f) At vero *Hebræis* in *Gessen* omnia tuta.
Necdum Rex sapere, & necdum ad sese ipse redire.

K

Ex-

-
- (a) De animalibus vero filiorum *Israel* nihil omnino perit. Ib. v. 6.
(b) Ingravatumque est cor Pharaonis, & non dimisit populum. Ib. v. 7.
(c) Tulerantque cinerem de camino, & steterunt coram Pharaone, & sparsit illum *Moses* in cælum: factaque sunt ulcera vesicarum turgentium in universa terra *Ægypti*. Ibid. v. 10.
(d) Nec poterant malefici stare coram *Moyse* propter ulcera. Ib. v. 11.
(e) Extenditque *Moyse* virgam in cælum, & dedit Dominus tonitrua, & grandinem... Et percussit grando in omni terra *Ægypti* cuncta quæ fuerant in agris ab homine usque ad iumentum. Ex. 9. v. 23. & 25.
(f) Tantum in terra *Gessen*, ubi erant filii *Israel* grando non cecidit. Ibid. v. 25.

- (a) Extenta rursus virga, nova plaga locusta
 Siquid erat reliquum petrosæ grandinis iræ,
 Consumpsit. Nusquam frondes, aut læta, virensve 95
 Arbos, aut pomum, aut fructus, foliumve superstes,
 Aut gramen. Nudi squallebant undique campi,
 Inque voluta suo lugebat funere tellus.
- (b) Rex incusabat sese, & resipiscere tandem
 Velle videbatur; sed vix terrore solutus; 100
 Rursus ad ingenium vecors, fraudesque redibat.
- (c) Ergo iterum *Moses* virgaque, manuque minatus
 In cælum, horribiles civit, sparsitque tenebras,
 Quas palpare manu, quas attrectare licebat,
 Et quales nunquam retro olim viderat orbis. 105
- (d) Nulli accensi ignes poterant, funalia nulla
 Aut lucem impertiri aliquam, aut solatia ferre,
 Aut tam crudelem exturbare, aut rumpere noctem.
 Nulli fas oculis uti, aut spectare propinquum.
- (e) Diræ oculos tantum facies, simulacraque visu 110
 Horrenda, & stridens terrebat sibilus aures.
 In quo quisque loco fuerat, quasi compede victi,
 Per tres immoti steterunt noctesque diesque.

Et

-
- (a) *Et extendit Moyses virgam . . . & mane facto ventus urens levavit locustas . . . Operueruntque universam superficiem terræ vastantes omnia. Devorata est igitur herba terræ, & quidquid pomorum in arboribus fuit, quæ grando dimiserat. Ex. 10. v. 13. & 15.*
- (b) *Pharaon vocavit Moysen, & Aaron, & dixit eis: peccavi in Dominum Deum vestrum, & in vos . . . nec dimisit filios Israel. Ibid. v. 16. & 20.*
- (c) *Extenditque Moyses manum in calum, & facta sunt tenebræ horribiles in universa terra Ægypti tribus diebus. Ex. 10. v. 22. Tam densa ut palpari queant. Ibid. v. 21.*
- (d) *Et ignis quidem nulla vis poterat illis lumen præbere. Sap. 17. v. 5.*
- (e) *Sonitus descendens perturbabat eos, & persona tristes illis apparentes pavorem illis præstabant. Ibid. v. 4.*

Et, quod mirandum magis est, ubicumque fuissent,

(a) Lux erat interea *Isacidis*. placidissima ubique. 115

Et Rex attonitus: per me, inquit, jam licet, ite

Ite ait, at dixit vixdum, dixisse pigebat.

(b) Quin *Mosi* asperior: si dein se sistere coram
Audeat; exitium intentat, mortemque minatur.

Heu miser! in temet tuamet sententia vertet, 120

Et fatalis erit Gnato, Regnoque, tibi que.

(c) Quotquot erant primigeniti, primæque parentum
Blanditiæ, cui Rex sceptrum, & diadema parabat,
Quique ad pistrinum, inter vincla, in carcere, Matre
Captiva est natus, rox, & mors abstulit una 125

Omnes. Nulla domus planctu, gemituque vacabat.

Plangor ubique, & lamenta, atrocesque ululatus

Orbarum Matrum, desertarumque sororum.

Credere nolebant oculis. Usque anxia Mater

Nil jam sensurum juvenem, surdumque cadaver, 130

Os ori adstringens, iterumque, iterumque vocabat.

Tum demum luctu immerfus, patrioque dolore

Victus, uti vellent, *Pharao*. concessit, abirent

Hebræi, ferrentque greges, suæque omnia secum.

Manissetque utinam dictis. Sed pristina rursus 135

Impulit, avertitque retro sententia mentem.

(d) Quidquid in *Ægyptia* fuit armorumque, ducumque

K. 2.

Appa-

(a) Ubicumque autem habitabant filii Israel, lux erat. Ex. 10. v. 23.

[b] Dixitque *Pharao* ad *Moysem*: recede a me, & cave, ne
ultra videas faciem meam, quocumque enim die apparueris
mibi, morieris. Ex. 11. v. 28.

(c) Factum est autem in noctis medio percussit Dominus omne
primogenitum in terra *Ægypti* a primogenito *Pharaonis* qui in
solio ejus sedebat usque ad primogenitum captivæ quæ erat in
carcere... Et ortus est clamor magnus in *Ægypto*; neque enim
erat domus, in qua non jaceret mortuus. Ex. 12. v. 59. & 30.

(d) Junxit ergo currum, & omnem populum suum assumpsit se-
cum. Tulitque sexcentos currus electos, & quidquid in *Ægypto*
currum fuit, & duces totius exercitus. Ex. 14. v. 6. & 7.

Apparat, insequiturque premens vestigia: currus
 Sexcentos magnos, pluresque, lecuribus omnes
 Armatos, vimque immensam, immersa agmina ducens 140
 A tergo instabat *Pharao*; hic stabat mare contra.
 Ur vidit *Moses* venientes, sustulit alte

- (a) *Virgam*, & *Erythraos* percussit verberare fluctus.
 Extemplo (mirum!) hæc, illac diducier undæ,
 Stareque, & undarum arreæi concrefcere montes 145
 Hinc, atque hinc. Mare divisum in latera ardua utrinque,
 Terram inter fluctus, nudamque reliquit arenam.
Isacides properare fugam, qua pandit hiatus
 Sese, qua nunquam visa antehac semita ducit.
 Irruit & *Pharao*, demensque, iter illud apertum 150
 Credidit esse sibi quoque. Jamque *Aurora* rubebat
 Roscida, & ambiguo spargebat lumine terram,
 Litore ab opposito cum cernens omnia *Moses*,
 Significansque manu; jussit concurrere fluctus
 Rursus, & in præceps revoluta pondere ferri. 155
 Nulla mora: actutum gemino hinc, inde aggere moles
 Præcipitavit; & immenso implicuitque, ruitque
 Vortice vesanum Regem; currusque, virosque.
 Obluctantur equi frustra, passimque supinos
 Ad litus, galeas inter, clypeosque, rotasque, 160
 Armaque, corporaque inter dilaniata virorum
 Evomit assurgens curvato gurgite pontus;
 (b) Rursus in abruptum sorbet, tumulatque profundo.
 Tot nuper, nusquam apparebant. Nemo superstes
 Nemo equidem fuit e nuper tot millibus unus. 165
 En portenta. Deum jam tu admirare, & adora.

AN-

-
- [a] *Incepit mare rubrum, & exsiccatum est. Ps. 105. v. 9. Erat enim aqua quasi murus a dextra eorum, & lava. Ex. 13. v. 22.*
 [b] *Involvit eos Dominus in mediis fluctibus, ... nec unus quidem supervixit ex eis. Ex. 14. v. 27. & 28.*

ANNUNTIANS FUTURA.

*Annuntians que præterierunt, & qua superventura sunt,
revelans vestigia occultorum.*

Eccl. 42. v. 19.

CARMEN XXI.

Divinandi avidi, ac rerum, fortisque futura
Anxii, & ignari Mortales, omnia frustra
Tentabant, siqua antegredi, explorareque casus
Dorso impendentes possent. Oracula adibant,
Extaque mactatarum ovium, hædorumque, bouumq; 5
Plurimaque auspicia ad cantus, aviumque volatus.
Omnia quin totidem, præsagaque signa futuri.
Captabant, quæcunque oculis objecta repente,
Aut inopinatum siquid pulsaverat aures.
Defectus etiam Solis, Lunæque labores 10
Ad conjecturam, vestigandique trahebant.
Artes, & quam cæli regione tonaret:
Astrorumque situm, & faciem, & quæ sidera cuique
Nascenti obtigerant, & quas cava utraque ferebat.
Inscriptasque manu, designatasque figuras: 15
Somniaque, & quotquot deliria inania casto
Fatiloquarum anuum cudi potuere cerebro.

Et tamen hæc tua, *Roma*, fuit, tua, *Græcia*, quondam
Religio. Lituo cælum ut diviserat Augur;
Auscultabatur, tanquam divina loquutus,
Tanquam scita Jovis daret, ac responsa decorum.
Roma orbis domina expectabat, ut arma moveret,
Educti cavea pulli pultemne vorarent?
Dictator, Consul, fasces ponebat uterque
Territus, augurio siquid fortasse sinistro 25
Actum, cum dictus Consul, Dictator utervis.

Hoc bene, quod potior regno, potiorque supremo
 Religio fuit imperio; sed digna cachinnis,
 Dignaque ridiculis prisca illa oracula divis.

(a) Falsa deos falsos, fictosque oracula decebant; 30

Verum vera Deum, qui solus ad usque futura

(b) Intuitu penetrat, nullo & discrimine quæ sunt,
 Quæque fuere, & erunt videt, aspectuque gubernat.

Inde equidem libitum quos ipsi est præscia rerum

Eventurarum tacito Sapientia lapsu

35

Descendens implet: Sanctorumque ore profatur

(c) Eventura Deus. Sic tu qui carcere victus,

(d) Vinculaque inter eras insons, qui vincula tandem

Mutasti Ægypti imperio, tutissimus Augur

(e) Prædicti, sibi quid vellent per somnia visa 40

Expressæ in Regis calicem uvæ? tresque canistri

Panis? quid volucres supra, circumque volantes?

(f) Quid nixidæ, ac læta septem pinguedine vaccæ

Insignes? ac dein totidem maciæque, fameque

Informes? quid septem iterum modo pulcher opimis, 45

Et modo jejunis oneratus culmus aristis?

Sic Pater adstantes coram moriturus Jacob

(g) Affatur natos duodenos, singula pandens

Ordine cuique sua, & quamvis regione morari

Unusquisque olim, multis volventibus annis

50

Deberet? quos forte datos habitare penates?

Sic

(a) *Prophetabant in Baal, & decipiebant populum. Ser. 13. v. 13.*

(b) *Quis similis mei? vocet & annuntiet, & ordinem exponat mihi. . . ventura, & quæ futura sunt annuntient eis. Isa. 44. v. 7.*

(c) *Loquutus es per os Sanctorum. Luc. 1. v. 70.*

(d) *Eloquium Domini inflammavit eum. Misit Rex, & solvit eum. Ps. 104. v. 19.*

(e) *Gen. 40. a v. 8. ad fin.*

(f) *Gen. 41. a v. 27.*

(g) *Congregamini ut annuntiem quæ ventura sunt vobis in novissimis diebus. Gen. 49.*

Sic *Moses*, *Samuelque*, etiam post funera, & expers
Mortis adhuc Vates, rapidoque simillimus igni
(a) Haud placitura quidem, nulla formidine, ad aurem
Regibus, ignari assentandi, oracla tonabant. 55

Nec minus impavidus *Michæas* tristia *Aschabo*
Nuntia fert. Aderat venalis, & omnia Regi
Fausa adpromittens, lætissimaque omnia jactans
Ariolus. Vatem hic prælagia vera canentem
(b) Excepit petulans colapho: excepitque catenis 60
Rex, iræ, mentisque impos, plenusque triumphi
Vana spe, curru tendit sublimis in arma,
Et Martem movet. At librata utcunque per auras,

(c) Atque incerta volans, temereque impulsæ sagitta
Sibilat, ac pulmonem inter, stomachumque recepta 65
Singultantem animam, & spem Regi extorquet inanem:
(d) Undantemque canes linguntque, bibuntque cruorem.

Quid tu, cui Patris geminatus contigit ardor
Elie? Fame inaudita, horribilique gemebat
Urbs obsessa diu, circumdataque undique vallo 70
(e) Hostili: caro empta dabant jam stercore victum.
Tu vero, fors promittis, mox omnia vertant
In melius, subitoque, amplam, vilemque futuram

K 4

Anno-

-
- (a) Exod. 8. & seqq. & 1. Reg. 13. & 28. & 3. Reg. 18. & 21. & 4. Reg. 1. v. 16.
(b) Percussit *Michæam* in maxillam. 3. Reg. 22. v. 24. Hac dicit Rex: mittite virum istum in carcerem, & sustentate eum pane tribulationis, & aqua angustia, donec revertar in pace. Ibid. v. 27.
(c) Vir autem quidam tetendit arcum, in incertum sagittam dirigens, & casu percussit Regem Israel inter pulmonem, & stomachum. Ibid. v. 31.
(d) Mortuus est autem Rex & linxerunt canes Sanguinem ejus. Ibid. v. 37. & 38.
(e) Facta est fames magna in Samaria, & tamdiu obsessa est, donec venundaretur ... quarta pars cæbi stercore columbarum quinque argenteis. 4. Reg. 6. v. 24.

- Annonam cras. Irrisit te incredulus alte
 Aulicus, in quem Rex cubito incumbibat, & : eja, 75
- (a) Eja, inquit, fac de cælo descendere fruges,
 Ceu grando ruit interdum, aut densissimus imber;
 Necdum tanta fuit subito cras copia rerum.
 At fuit. Obscura nocte improvisus ab alto
- (b) Armorum impendentum horror, fremitusque pavore 80
 Obruit, inque fugam attonitos procul impulit hostes.
 Solliciti celerare fugam, tentoria, castra,
 Sicuti erant, plenolque aggesta cibaria acervo,
 Immenfas & opes pavidi abjecere, fuitque
- (c) Publica projecti vilissima copia victus. 85
 Ipse suis oculis, fieri hæc qui posse negabat,
 Vidit enim; sed nil potuit gustare (negarat
 Hoc illi Vates) jussusque ab Rege præesse
- (d) Portis; erumpentum urbe, intrantumque tumultu
 Obrutus, atque supercalcatus, sanguine dentes 90
 Commixtos, linguamque, atque intima viscera fudit.
 Quid vero *Helciades*? certissima vincula, vincla
 Ipse ferrens, & captivam prænuntiat urbem.
- (e) Et migraturos *Babylonem*: deinde ibi ad annos
 Septenos decies mansuros. Omnia prorsus 95

Eve.

-
- (a) Si Dominus fecerit etiam cataractas in celo, nunquid peterit esse quod loqueris? Qui ait: videbis oculis tuis, & ipse non comedet. 4. Reg. 7. v. 2.
- (b) Dominus sonitum audiri fecerat in castris Syria curruum, & equorum, & exercitus plurimi... Surrexerunt ergo, & fugerunt in tenebris. Ibid. v. 6. & 7.
- (c) Factusque est modius similis statere uno, & duo modii hordei statere uno juxta verbum Domini. Ibid. v. 26.
- (d) Porro Rex ducem illum, in cujus manu incumbibat constituit ad portam; quem conculcavit turba in introitu portæ, & mortuus est juxta quod locutus fuerat vir Dei. ibid. v. 17.
- (e) Abducemini in Babyloniam captivi. Bar. 6. v. 1. Cum ceperint impleri in Babylone septuaginta anni, visitabo vos... ut reducam vos ad locum istum. Ser. 29. v. 10.

Eveniunt sic. Quin populo adblandiriēt ausis

Falsidicis, tanquam rupes immota, resistit

(a) Vatribus. O *Hanania*, audi, moriere, neque istum
Præterlabentem lapsum jam videris annum.

Tu, qui promissis populum mendacibus imples. 100

Nec secus evenit: Mors blanda, & falsa sonantem

Abstulerat, necdumque annus perfecerat orbem.

Majora his *Daniel*. Quæ turbida somnia Regi

E mente exciderant memorat: dein fata, vicesque

(b) Regnorum, Regi Statuæ sub imagine visa 105

Explicat. *Assyrio* capita aurea: pectora *Medis*,

Ac *Ferfis*, itidemque argentea brachia desert.

Assignat *Græcis*, ventrem, ac femora ærea: datque

Romanis crura e ferro durissima; at imos

Ad talos commissa luto, pedibusque futura 110

Infirma: atque adeo, vicino e monte voluti

Impulsu lapidis, vastam tractura ruinam.

Quin videt Oceano fulvam, alatumque *Leenam*

(c) Surgere: deinde *Ursum*: rapido post impete *Pardum*,

Bis geminas alas, totidem capita alta ferentem: 115

Horribilemque magis, calcantemque omnia quartam

Postremamque feram: quæ quatuor ipsa notabant

Regna. Videt rursus exsultantem cornibus *Hircum*,

Soleque ab occiduo venientem: nec pede terram

(d) Tangere: namque *Aries* contra stans truxq; feroxq; 120

Vincereque, & solitus late dominariet arvis,

Hirco animos, & pugnandi incendebat amorem.

Con-

(a) Audi *Hanania*... tu confidere fecisti populum istum in mendacio. Idcirco hac dicit Dominus... hac anno morieris. Et mortuus est *Hanania* Propheta in anno illo mense septimo. Ser. 28. v. 15. & seq.

(b) *Daniel*. 2. a v. 31.

(c) *Dan*. 7. a v. 3.

(d) Ecce autem *hircus caprarum* veniebat ab Occidente super faciem totius terræ, & non tangebatur terram. *Dan*. 8. v. 5.

- Confligunt, strepituque ingenti in cornua surgunt
 Frontibus adversis: trepidat nemus omne, siletque
 Attonitum. Sed vero *Aries* non sustinet *Hirci* 125
- (a) Vim vegetam, retroque fugit, retroque recedit:
 Ac tandem victus cadit, imperiumque relinquit.
- (b) En tibi *Pellæum juvenem*, victumque *Darium*
Persarum extremum, vatemque ætate priorem
 Annis bis centum, *Cyros* hæc sub Rege canentem. 130
 Sed quorsum feror? insano conamine tentans
 Augusto immensum perstringere limite campum.
 Huc refereor, totaq; lubens huc mente revolvor,
 Qua digitum video cunctos intendere Vates
 Præcipue, quo concordi clamore vocabant 135
 Omnes ad Regem lapsu succurrere Mundo
 Venturum. Ventura canunt; transacta putabis
 Tu canere, aut oculis quæ jam præsentia cernant:
 Sic res anticipant, sic ordine singula narrant,
 Atque minutatim. *Davidis* sanguine cretum 140
- (c) Concinit hic, sobolemque suam, sanctumque nepotem
 Devenerans, vocat ipse suum *Dominumque Deumque*
- (d) Ceu matutinis tacitus cælo advenit imber,
 Quam super incumbit quin senserit herba cadentem;
 Haud aliter sanctæ insinuandum Matris in alvum, 145
 Præcantant alii: atque oriturum in luminis auras
 Virgineo partu. Cunas canit ille daturam
- (e) *Bethlem*: toto alii Pacem tunc Orbe futuram,
 Mulceat ut cunis Puerum: Regesque *Sabaos*

Thura

-
- [a] Et percussit arietem; & non poterat aries resistere ei. Ibid. v. 7.
 (b) *Aries*... rem Nedorum est, atque Persarum. Porro hircus
 caprarum rex Græcorum est. Ibid. v. 20. & 21.
 [c] De fructu ventris tui ponam super sedem tuam. Pl. 131. v. 11.
 (d) Descendet sicut pluvia in vellus. Pl. 71. v. 3. Ecce Virgo
 concipiet, & pariet filium. Isa. 7. v. 14.
 (e) Michæas 5. v. 2. Orietur in diebus ejus justitia, & abunda-
 ntia pacis.

- Thura recens nato, myrrhamque, aurumque ferentes. 150
 (a) Ecce tuus (lætare Sion) Rex pauper, aselli
 Terga premens, venietque tibi, optatamque salutem,
 [b] Justitiamque orbe extorrem, profugamque reducet.
 Cum veniet, cæcis oculos referabit, & aures
 Surdis: & salient claudi, mutique loquentur. 155
 [c] Nummis triginta tamen est vendendus: & illum
 Perfidus hoc pretio addicet, quem pascere, quicum
 Partiri solitus panem. Nihil ille recuset,
 Detrectetve pati. Quin perferet ille dolores
 [d] Languoresque ultro nostros, neque mittere vocem, 160
 Aut lamentari discet. Mactandus, ad aram
 Sponte sua tendet: balatum non dabit *Agnus*.
 (e) Quid sunt plagæ istæ, intimius, medioque tuarum
 Quas video infixas manuum? Crudeliter cheu!
 Confossus geminasque manus, geminosque pedes est! 165
 [f] Ecce, & acetum ore sitientis, felque propinant!
 (g) Nil superest illi sanum, atque a vertice ad ima
 It venis cruor effusus, tumet undique vulnus!

Omnia

-
- [a] *Exulta satis filia Sion, jubila filia Jerusalem. Ecce Rex tuus veniet tibi justus, & salvator: ipse pauper, & ascendens super asinam, & super pullum filium asinae.* Zach. 9. v. 9.
 [b] *Tunc aperientur oculi cæcorum, & aures sutorum patebunt &c.* Il. 35. v. 5.
 [c] *Appenderunt mercedem meam triginta argenteas.* Zach. 11 v. 12. *Homo pacis mea, in quo speravi, qui edebat panes meos magnificavit super me supplantationem.* Pl. 40. v. 10.
 [d] *Vere languores nostros ipse tulit, & dolores nostros ipse portavit. Oblatus est quia ipse voluit, & non aperuit os suum: sicut ovis ad occisionem, ducetur, & quasi agnus coram tondeute se obmutescet.* Isa. 53. v. 4 & 7.
 [e] *Quid sunt plaga ista in medio manuum tuarum?* Zach. 13. v. 6. *Foderunt manus meas, & pedes meos.* Pl. 21. v. 17.
 [f] *Dederunt in escam meam fel, & in siti mea potaverunt me acetum.* Pl. 68. v. 22.
 [g] *A planta pedis usque ad verticem capitis non est in eo sanitas: vulnus, & livor, & plaga tumens.* Isa. 1. v. 6.

- (a) Omnia distento facile numeraveris ossa! --
 Sed violare nefas ultra: neque crura, neque ullum 170
 (b) Dein sibi comminui, frangive os siverit *Agnus*:
 Nec dirimi in partes tunicam. Discindere velles
 (c) Fas alias; tunicam vero fors deferet uni.
 (d) Ludificabuntur capite, & convicia dicent
 Expiranti animam. At stupefactus crimine tanto
 Contrahet interea radios Sol: culmine cæli
 (e) Stans medio, mediaque die, circumteget atra
 Nocte caput, luctu involvens terramque, polumque.
 Ipsæ etiam nigra Stellæ ferrugine tinctæ
 Lugebunt, lumenque suum dare Luna negabit, 180
 Concussusque suo titubavit cardine Mundus.
 Mox autem Mortis domitor, victorque, ferocem
 (f) Conculcans victam pedibus, Morti inferet ipsi
 Mortem: diripietque Erebi tenebrosa profunda:
 (g) Heroumque animas diuturno ibi carcere victas 185
 Eximet, ac secum revchet, secumque beabit,
 (h) Ascendens nube exceptus, repetensque triumpho

Quæ

-
- [a] *Dinumeraverunt omnia ossa mea*. Ps. 21. v. 18.
 [b] *Nec os illius confringetis*. Exod. 12. v. 46. *Os ejus non confringent*. Num. 9. v. 12.
 [c] *Diviserunt sibi vestimenta mea, & super vestem meam miserunt sortem*. Ps. 21. v. 8.
 (d) *Omnes videntes me deriserunt me: locuti sunt labiis & moverunt caput*. Ps. 21. v. 8.
 (e) *Et erit in die illa, dicit Dominus: occidet Sol in meridie*, Amos 8. v. 9. *Sol & Luna obtenebrati sunt, & Stella retraxerunt splendorem suum... & movebuntur cali, & terra*. Joel. 3. v. 15. & 16.
 [d] *Ero mors tua o mors*. Osee 13. v. 14.
 [g] *Eduxit eos de tenebris, & umbra mortis, & vincula eorum dirupit*. Ps. 106. v. 14.
 (h) *Ponis nubem ascensum tuum*. Ps. 103. v. 3. *Quis est ille rex gloriæ? Dominus fortis, & potens, Dominus potens in prælio*. Ps. 23. v. 8.

HEROICA.

157

- Quæ sua bello etiam fecit caelestia Regna.
 Hæc procul, atque annis intordum mille priores
 De Christo sancti cecinere oracula Vates. 190
 Ipsemet testes primi, qui facta fuisset
 Aspexere oculis hæc omnia, pingere nunquid
 Vividius potuere, aliisve coloribus uti?
 At Vates tendunt ultra, infandamque suorum
 Perfidiam vexant: Serpentum hausere furorem, 195
 [a] Consimilesque illis facti sunt: Aspidis instat
 Obturant aures. Infida ah! perfida proles!
 [b] Occident Christum! Sed pro! quas pendere pœnas
 Cogentur! Deus abjiciet, neque diliget ultra
 Ut quondam; Sed destituet, populumque negabit 200
 Esse suum. Italia venient navesque ducesque;
 Urbemque excident templumque, ac diruta flammis
 In cineresque redacta dabunt ferri omnia ventis.
 [c] Devastabuntur penitus, nunquamque coibunt
 Rursus: per gentes omnes, totumque per orbem 205
 Dispersi, errantes, pavidi excipientur ubique
 Sibilo, eruntque illis comites Horrorque, Pavorque,
 Obprobriumque, odiumque, & semper passibus æquis
 Qua demum se cunque ferent illi, ista sequentur.

Ob-

- (a) Furor illis secundum similitudinem serpentis: sicut aspidis
 surde, & obturant aures suas. Pl. 57. v. 5. Generatio e-
 nim perversa est, & infideles filii. Deut. 32. v. 20.
 [b] Occidetur Christus; & non erit ejus populus qui eum nega-
 turus est. Et civitatem, & Sanctuarium dissipabit populus
 cum duce venturo. Dan. 9. v. 26. Et venient super eum tri-
 res & Romani... & eruent in gladio, & in flamma. Dan.
 11. v. 30. & 33.
 [c] Et post finem belli statuta desolatio. Dan. 9. v. 26. Veni-
 labo omnes reliquias tuas in omne ventum. Ezec. 5. v. 10.
 Et eris opprobrium, & blasphemia exemplum, & stupor in
 gentibus. Ibid. v. 15. & Ser. 19. v. 18.

()

[a] Obscurabuntur, medioque in lumine, lumen 210
 Ultro ipsi involvent, obscurabuntque tenebris.

Atqui oracula manu hæc nobis contingere fas est.

Romani illi orbis domini periere, neque ultra
Usquam sunt: lapide exciso de monte, superba
Corruit, attrita & statua est; durantque, manentque 215
Hebrai extorres patria, totoque vagantur

Orbe, urbemque suam nusquam, aut sua moenia cernunt,
 Nec potuere una coalescere, figere sedes.

Secreta semper quadam formidine tristes,
 Et viles habiti, ac ludibria quæque verentes, 220
 Omnia tuta timent. *Hebraeos esse, pavori*

Caussa est, atque odio: nullo impellente, suapte
 Oderunt etiam pueri, trimæque puellæ

Irridentque, notantque manu. Interesque libenter
 Obdurant miseri, circumdati & undique luce, 225
 Obnubunt oculos contra, lucique repugnant,

Et placide æternæ requiescunt mortis ad umbram.

(a) Sero illi lucem accipient, oculosque recludent,
 Tum cum deficient jam cæli lumina, & orbis
 Ibit in interitum, patefietque hætenus *Arca*

(b) Abdita. Sic scriptum est. En cur domitoribus orbis
 Extinctis; reliqui tamen, innumerique supersunt
Hebrai, super usque & erunt ad funera *Mundi*.

Finis Partis Primæ.

(a) *Excava cor populæ hujus... & oculos ejus claudere, ne forte videat oculis suis. Isa. 6. v. 10. Joa. 12. v. 39.*

(b) *Nolo enim vos ignorare fratres mysterium hoc... quia eccitas ex parte contigit in Israel, donec plenitudo gentium intraret, & sic omnis Israel salvus fiet. Ad Romi 11. v. 25. velamen positum est super cor eorum. Ad Gal. 3. v. 14. Cum autem converteretur fuerit ad Dominum auferetur velamen. Ibid. v. 15.*


(c) 2. Machab. 2. v. 7. & 8.

PARS SECUNDA¹⁵⁹

DEUS HOMO.

Fecit potentiam in brachio suo. Lucæ I. v. 5.

CARMEN XII.

 Uando librabat terras, cælosque tetendit
Admiranda adeo mensura, pondereque usus
Omnipotens; jam majus opus tum mente fovebat
Arcana, fieri nemo quod posse putaret,
Non homo, non aliquis felicior incola cæli. 5

(a) Majus opus, cui majores impendere vires
Debebat, cui sollicitus, tot sæcula retro
Jam proludebat, vel tum cum condidit orbem.
Scilicet humano vestiri corpore, & alvo
Virginis includi quem totus non capit orbis, 10
Et fieri Puer, atque Infans Deus ipse parabat.

[b] Ergone descendens cælo immutabile Nomen,
Mutabit vultus, pueri & puer induet artus,
Ut nos, mortales, fragilesque? Stupescite cæli.
Jam quater implebat millenos orbibus orbes 15
Sed, postquam nostri primi, infauftique Parentes
Humanam secum stirpem, & genus omne suorum
Nunquam lugenda satis involvere ruina.

(c) Femina caussa mali tanti, cantamine vatri
Serpentis, portentificoque implexa veneno,

Quam-

Dispensatio sacramenti abscondidi a sæculis in Dec. Ad Eph. 3. v. 9.

(a) *Supereminens magnitudo virtutis ejus in nos. Ad Eph. 1. v. 19.*

(b) *Ergone credibile est, ut habiet Deus cum hominibus super terram? 2. Paral. 6. v. 18.*

(c) *Serpens Hævam seduxit astutia. 2. ad Cor. 11. v. 3.*

(a) Quando in concessa decerpſit ab arbore pomum
 Fœdſſragum, obtruſitque etiam importuna Marito.

At Pater Omnipotens jamtum miſeratus iniquam
 Stragem (quandoquidem totum ſubverſerat orbem
 Fœmipa) femineo ex utero, volventibus annis, 25

(b) Ultorem magnum promiſerat, & fore Matrem,
 Quæ ſerpentinos vidrix contunderet aſtus,
 Quæ pede contereret caput exitiale *Draconis*.
 Nec ſemel hoc. Iterum, atque iterum promiſſio facta
 Magna hæc *Tbaviade* Patri: de ſemine quondam 30
 Illius tandem venturum in luminis auras,

(c) Qui commune malum, ſtirpique hærentia damna
 Verteret in melius, genitivaque ſigna, luemque
 Antiquam ablueret, qui ſanctum redderet orbem
Jeſſiade hæc iterata eadem promiſſio Regi eſt 35

(d) Terque quaterque: thronum æternum, imperiumq. futurum
 Venturi Regis, qui mirando ordine rerum
Jeſſiade Dominus, Rexque ipſe, & filius eſſet.
 Et jam tempus erat promiſſa exſolvere. Virgo
 Ipſa futura Dei Genitrix, contempta; humilique 40
 Ipſa ſibi, hæc reputans tum forte oracla; beatam
 Dicebat, Matremque Dei, quæcumque futura
 Eſſet, adorabat, trepidans, ſubmiſſaque vultu:

Infœciaque ipſa ſuos admirabatur honores.

Eccæ autem inſolita circum late omnia complens 45
 Luſcæ, immortalẽ ſpirans de vertice odorem,

Im-

(a) *Et tulit de fructu illius & comedit: deditque viro ſuo, qui comedit.* Gen. 3. v. 6.

(b) *Inimicitias ponam inter te, & mulierem, & ſemen tuum, & ſemen illius: ipſa conteret caput tuum.* Ib. v. 15.

(c) *In te benedicentur omnes cognationes terræ. Gen. 12. v. 3. Benedicentur in ſemine tuo omnes gentes terræ. Gen. 22. v. 18.*

(d) *Thronus David erit ſtabilis coram Domino in ſempiternum. 3. Reg. 2. v. 45. Ponam in ſæculum ſæculi ſemen ejus, & thronum ejus ſicut dies cali. Pl. 88. v. 30.*

Improvisus adest coram celer actus ab alto

- (a) Angelus, e septem primis, septemque supremis,
 Qui propius solio assistunt, solioque propinquant
 Omnipotentis, & ille prior sic farier orsus: 50
 Salve ingens cæli decus, ingens gloria gentis
 Humanæ, in quam cælestis, divinaque cælo
 Descendens, pleno cumulata est Gratia cornu.
 Te Deus adlegit cunctis de Matribus unam
 Inter quotquot erunt, quot sunt, quot & ante fuerunt, 55
 Cui subolem daret ipse suam. Castissima sancto
- (b) Dona geres utero, & paries, qui Filius idem
 Excelsi Patris est, nomenque vocabis Jesum.
 Ille Patris *David* sedem, imperiumque tenebit
 Æternum, imperium magnum, sine fine futurum. 60
 Audiit, & pavitans, penitusque exterrita Virgo:
 (c) Qui fieri hæc? Virum ego nullum. Nec plura loquuta;
 Conticuit. Roseo Alipotens hæc addidit ore:
 (d) Exue, Diva, metus: sanctis te desuper auras
 Spiritus afflabit, requiescet Spiritus in te 65
 Sanctus & omnipotente implebit viscera fœtu.
 Sancta manens, intacta manens, gravidabere Verbo,

L

In-

-
- (a) *Missus est Angelus Gabriel a Deo . . . ad Virginem desponsatam viro cui nomen erat Joseph de domo David, & nomen Virginis Maria. Et ingressus Angelus ad eam dixit: Ave gratia plena: Dominus tecum: Benedicta tu in mulieribus. Luc. 1. a v. 26. ad 28.*
- (b) *Ecce concipies in utero, & paries filium, & vocabis nomen ejus Jesum. Hic erit magnus, & filius Altissimi vocabitur, & dabit illi Dominus Deus sedem David Patris ejus, & regnabit in Domo Jacob in æternum, & regni ejus non erit finis. Ib. a v. 31. ad 33.*
- (c) *Dixit autem Maria ad Angelum: quomodo fiet istud, quoniam virum non cognosco. Ibid. v. 34.*
- (d) *Et respondens Angelus dixit ei: Spiritus Sanctus superveniet in te, & virtus Altissimi obumbrabit tibi. Ideoque, & quod nascetur ex te sanctum vocabitur filius Dei. Ibid. v. 35.*

Ingenitique Patris soboles, erit & tua proles.
 Ne dubita: nam vera audis, en sanguine juncta,
 Et cognata tibi *Elisabeth* jam mente laborat 70
 Sexto, fertque utero puerum, nova pignora Matris;
 Quamlibet infœcunda, etiamque effœta senili
 Ætate. Usque adeo nil non facile Omnipotenti est.

His firmata animum Regina, humilisque etiamnum
 (a) Ipsa tibi: Ecce ancilla, inquit, Domini: omnia fiant 75
 Ut dixti. Dixit vixdum, simul annuit illa;
 Totum sponte sua cælum inclinavit, ab altoque
 Ad nos descendit Deus, æternique Parentis
 Unica progenies, & inenarrabile Verbum.
 Qui Patri æquævus, fuit ante exordia rerum, 80
 Antequam quam ridens orbi lux prima niteret,
 Quem maria, & terræ, cælique volubilis orbes
 Auctorem agnoscunt, cui, quod sunt omnia debent,
 Quique infinita majestate omnia complet;
 Vult similis nostri fieri, & conjungere summis 85
 Infima, & in nobis habitare, & filius esse
 Femine: & humanam, carnemque, animamque cooptans
 Ipse tibi, & pueri exiguos collectus in artus,
 Virginea totum se inclusit, & abdidit alvo.

Primi exemplo hominis, statura, & viribus æquis 90
 Vir fieri extemplo potuit: neque carcere cingi
 Materno, ullius neque Matris filius esse.
 Angustari utero tamen, ut nos, parvulus infans
 Maluit. At nos sopiti, & quasi sensibus orbi
 Tunc fuimus: neque tunc habiles sentire, neq. arcta 95
 Fastidire uteri clauetro, aut horrere tenebras.
 Ille autem sensu vigil, excelsaque, Deoque
 Digna vel jamtum mente, & ratione vigeat:

Hæc.

(a) *Dixit autem Maria: Ecce ancilla Domini, fiat mihi secundum verbum tuum.* Ibid. v. 38.

Inclinavit celos, & descendit. Pl. 17. v. 10.

Hæstenus & Vir erat jamtum: Infantemque, Virumque

(a) Femina (quod Vates cecinit) circumdedit alvo. 100

(b) O bene! Rorastis cæli jam, tuque tulisti

Virgineo tellus de germine Servatorem!

Exopratus adest tot retro ætatibus ille

Humano Vindex Generi promissus, & Ultor.

(c) Sic nos dilexit Deus, ut parem sibi prolem 105

Unigenam dederit, quo nil dare majus habebat.

(d) Qui tribus appendit digitis, & sustinet orbem,

Quas habet immensas vires huc contulit omnes,

Brachii & extenti huc congesta potentia tota est.

Conscia tu tanti mysterii, & æmula cæli 110

(e) Parva domus, semper jam deinde vocabere Sancta

Jure tuo. Totus te orbis, te *Vesper*, & *Ortus*,

Austerque, & *Boreas*, & te colet ultima tellus.

Litore ab extremo maris, ignoto procul orbe

Ex alio venient, properabuntque undique gentes 115

Portantes manibus vota, & donaria plenis.

(f) In terram vultu proni tua limina tangent.

Et pretiosa tibi cumulabunt munera Reges.

Cuncta cadent, & falce sua *Cæpitolia*, & urbes

Affliget: Mundi miracula proruet ætas 120

Omnia, reliquiasque etiam, cineresque vorabit

L 2

In-

(a) Creavit Deus novum super terram. Fœmina circumdabit virum. Jer. 31. v. 22.

(b) Rorate cali desuper, & nubes pluant justum: aperiatur terra, & germinet Salvatorem. Il. 45. v. 8.

(c) Sic enim Deus dilexit mundum, ut filium suum unigenitum daret. Jo. 3. v. 16.

(d) Appendit tribus digitis molem terra. Isa. 40. v. 12.

(e) Domum tuam Domine decet sanctitudo in longitudinem dierum. Ps. 92. v. ult.

Nationes ex longinquo ad te venient, & munera deferentes adorabunt in te Dominum. Tob. 13. v. 14.

(f) Et erunt Reges nutritii tui, & Regina nutrices tue: vultu in terram demisso adorabunt te. Isa. 49. v. 2. 3.

Ingluvie; at te suscipiet, venerabitur unam
 Te; nec mordaci violare, aut tangere dente
 Audebit delens, consumensque omnia tempus.
 Quin avulsa tuis, abreptaque fundamentis, 125
 Aligerumque choris subtus tendentibus alas,
 Pennatis innixa humeris, & nubila tranans,
 Et mare velivolum, nimbofaque culmina, montes
 Subtus despiciens, iterumque, iterumque per auras,
 Perque iter insuetum, liquidumque per aera vecta, 130
 Ad maris *Adriaci* occiduum, atque hoc nomine felix
 Litus, frondosas *Piceni* ad litoris oras
 Consistens; oculos cæcis, auresque reduces
 Surdis, & vita defuncta cadavera vitæ
 Restitues, ac portentis impleveris orbem. 135
 Facta renarrabunt quæ suspendentur ad aras,
 Nequa dies memori portenta tot eximat ævo,
 Artis *Apellen* memores, pictæque tabellæ.

PRINCEPS PACIS.

Orietur in diebus ejus justitia, & abundantia pacis.
 Psal. 71. v. 7.

CARMEN XXIII.

ET jam Luna suas novies pudibunda latebras
 Intrarat, noviesque iterum se fulgida cælo
 Extulerat, fratris totis tota obvia flammis;
 Cum paritura venit quo oracula sancta vocabant
 (a) In *Bethlem* Virgo. Ignorans hæc omnia *Cæsar* 5
 Implebat, tuleratque edictum *Augustus*, ut orbis
 Accen-

(a) Et tu *Bethleem* *Epbrata* parvulus es in milibus *Juda*: ex te
 mihi egredietur qui sit dominator in *Israel*, & egressus ejus
 ab initio, a diebus æternitatis. Mich. 5. v. 2. Exiit edictum
 a *Cæsare Augusto* ut describeretur universus orbi. Luc. 2. v. 1.

- Accenseretur. Compositus pace quierat
 Totus in obsequium Pueri. Sopiverat arma;
 Ne sua, ne circum streperent cunabula, jamque
 (a) Pacis venturus Rex tranquillaverat orbem. 10
 (b) Venerat & describi una cum conjuge sancta
 In *Bethlem Joseph*: siquidem de sanguine *David*
 Deque antiquorum Regum stirpe ortus uterque.
 Pauperie tamen obscuri, hospitioque recepti
 (c) Nullo sunt. Quin rejecti, passimque repulsi, 15
 Ut mos pauperibus fieri: aspernarier omnes.
 Spelunca ima fuit silvestribus horrida dumis,
 Atque intus topho, & viridi multo obsita musco.
 Illuc Pastores, cælo densissimus imber
 Cum ruit, accelerare gradum, abscondique solebant, 20
 Tutarique gregem sera jam nocte bubulci,
 Cum tandem fessi repetebant tecta, casaque.
 Atque erat hospitium hoc cælo, hæc cunabula Regi
 Regum venturo. Quam sunt contraria nostris,
 Quamque arcana Dei, quantumque impervia nobis 25
 Consilia! Umbriferas nox alta tetenderat alas,
 Jamque fere cæli medium trascenderat axem,
 Alta, manu, indicens, faciensque silentia terris;
 Cum carne indutus manifeste apparuit Infans
 Factus, qui *Verbum* Patris est, cum Regia Virgo, 30
 (d) Virgo manens, nullo nixu, nullo ægra dolore,

L 3

Edi-

- (a) *Et erit iste pax. Mich. 5. Non sumet gens adversus gentem gladium, & non discent ultra belligerare. Mich. 4. v. 3.*
 (b) *Ascendit autem & Joseph a Galilea de civitate Nazaret in Judæam in civitatem David, qua vocatur Bethleem: eo quod esset de domo, & familia David, ut proficeretur eum Maria desponsata sibi uxore pregnante. Luc. 2. v. 4. & 5.*
 (c) *In propriis venit, & sui eum non receperunt. Jo. 1. v. 11. Non erat eis locus in diversorio. Luc. 2. v. 7.*
 (d) *Porta hac clausa erit; non aperiatur, & vir non transibit per eam: quoniam Dominus Deus Israel ingressus est per eam, eritque clausa, Ezech. 44. v. 2.*

Edidit Infantem divinum, Hominemque, Deumque:

Quam solet intemerata manens, illæsaque ubique,

Quin & pura magis fœtu, partuque futura,

De cælo allapsam transfundere limpida lucem. 33

CrySTALLUS. Vos nascenti, vos plaudite sancto

Aligeri Puero, Puerique applaudite Matri,

Ac puero, & Matri mecum vos dicite carmen.

Salve vera Dei soboles, & Virginis idem

Proles. Præcipue nunc admirabile nomen, 40

Consiliumque tuum, tuaque alta potentia nunc est,

(a) Cum vili in stabulo, tanquam puer ultimus orbis,

Nasceria ignotus: cum dat cunabula fœnum:

Cum vix sunt panni, & puerilia lintea Matri;

Nec satis ut non te crudelia frigora lædant: 45

Cum tacitæ e teneris lacrimæ labuntur ocellis:

Cum lac dulce trahens labris, & ab ubere pendens,

Languidulus dormis, vagisque tenellulus Infans.

Ut vult, nec possunt tam parvula brachia Matrem

Amplecti! Ut Mater conatus dicere; vixdum 50

Dimidiatam iterat vocem, balbutit & ore!

Ut gremio insurgit ridens, pedibusque tenellis

Insistens; Matri mille oscula dulcia figit!

Hæret in obtutu Matris Puer; illa modestos

Attollens oculos, oculis respondet amori. 55

Salve Auctor, salve Rex pacis: te veniente

Clauduntur belli portæ: dudum exsul ab orbe

Alma redit tandem quam formosissima vultu

(b) Pax: in vomerem, & in falcem conlabitur ensis

Barbarus: in stabulo cum *Pardo* accumbet eodem 60

Hadus,

(a) *Parvulus enim natus est nobis, filius datus est nobis, & vocabitur nomen ejus Admirabilis, Consiliarius, Deus fortis.* Isa. 9. v. 6.

(b) *Et constabunt gladios suos in vomeres, lanceas suas in falces* Isa. 2. v. 4.

- (a) *Hædus*, cumque *Lupis* impune morabitur *Agnus* :
Et simul una ibunt, simul herbida pascua carpent
Innocui inter oves, interque armenta *Leones*.
- (b) Horrida pestiferis habitata draconibus antra ;
Et *Junci* & *Calami*, & *Nardi* benevolentis aristis 65
Frondeſcent: vulgo *Aſſyrium* prorumpet *Amomum*,
- (c) De ruidis oleum ſaxis; & limpida mella
Diſtillata fluent, & lactea flumina current.
Salve ſancta Parens, ſola & tu Virgo, Parensque. ;
Ancillam te humilem, non plus, tu te ipſa vocabas? 70
Utere jam tandem, dulci utere nomine *Matris*.
Natura attonita, & confuſa, alteque ſilente
Mater es: Auſtorique tuo quam coepit inire
Huic noſtræ ſimilem vitam Puero alma dediſti.
Exhauſit ſeſe Omnipotens, Altiffimus in te: 75
Quique poteſt nutu pulchros mage cudere Soles
Millenos alios, melioraque ſidera, & orbes;
Nec poterit deinceps, nec jam conabitur unquam
Majorem te, nec meliorem ſiſtere Matrem.

Salve iterum Mater divina, puerpera Virgo. 80

- (d) Tu *Rubus* ille ardens illæſus: tu quoque es illud

- (e) *Vellus* rore madens, circum ſitientibus agris;

Rurſus & intactum medio agro vellus ab imbre.

- [f] Tu Domini excelfus *Mons* es, qui vertice cælum

L 4

Con-

- (a) *Habitabit lupus cum agno, & pardus cum hædo arceubabit:*
vitulus & leo, & ovis ſimul morabuntur. . . . Et leo ſicut
bos comedet paleas. *Iſa.* 11. v. 6. & 7.

- (b) *In enſilibus, in quibus prius dracones habitabant, orietur*
viror Calami, & Junci. *Iſa.* 35. v. 7.

- (c) *Et erit in die illa: Stillabunt montes dulcedinem, & colles*
fluent lacte. *Joel.* 3. v. 18.

- (d) *Exod.* 3. v. 3.

- (e) *Judic.* 6 v. 37.

- (f) *Erit in noviffimis diebus præparatus mons Domini in ver-*
tice montium. *Iſa.* 2. v. 2.

Contingens, prætergrederis toto ordine magnos 85

Te super extollens, superansque cacumina montes.

(a) Tu Spes, tuque illa *Elia Nubecula* parva,
Quæ totum subito cælum circumtulit alvo.

(b) Tu de *Jessæ* radice es mystica virga,
De qua prorupit tandem flos candidus ille, 90

(c) Quem suspirantes, votis, lacrimisque vocabant
Æterni colles, veteres, sanctique Parentes.

(d) Tu Thalamus, de quo Dominus processit, & instat
Sponsi, mortalem non dedignatus amictum;
Humanam æterno sobolem sibi foedere junxit. 95

(e) Agnovit *Bos*, & rudis ipse agnovit *Asellus*
Numen: & officiosi procubuere, & anhelo
Ore, anima, argentem Puerum recreantque soventque,
Pastores huc o celeres, plenisque canistris
(Quandoquidem ridet, fert & nunc omnia tellus) 100
Ferte citi flores, & circumfundite florem

Mexiceum, florum regem, florum decus ingens:
Nam gestat secum nostræ argumenta salutis,
Tergeminus alto capitatos vertice clavos,
Cuspide obarmatos imo, & ferrugine tinctos 105

Tristi, surgentem in medio arrectamque columnam
Marmoream: & quasi vibratum, intortumque flagellum
Et spisse circumtextam, implexamque coronam:
Quinaque sanguineis magnis extantia guttis

Vulnera. Flos equidem Puerο gratissimus hic est. 110

Interea canta tua tu, *Cumæa Sybilla*,
Carmina, quæ rerum ignarus male carmina torfit

Nei

(a) Reg. 18. v. 44.

(b) Egre dietur virga de radice Jesse, & flos de radice ejus ascendet. Isa. 11. v. 1.

(c) Desiderium collum aternorum. Genesi 49. versiculo 26.

(d) Tanquam sponsus procedens de thalamo suo. Pl. 18. v. 3.

(e) Agnovit bos possessorem suum, & asinus praesepe Domini sui. Isa. 1. v. 3.

Nescio quis; sed erat, memini, bonus ille Poeta:

„Magnus ab integro sæclorum nascitur ordo.

„Jam nova progenies calo descendit ab alto. 119

„Te duce signa manent sceleris vestigia nostri

„Irrita, perpetua solvent formidine terras.

„Occidet & serpens, & fallax herba veneni

Occidet. Hæc rerum tantarum ignarus, & audax

Sacrilego rapuit furto, cantuque Poeta. 120

Tu Virgo, tu diva Parens, fera colla tumentem

Porro calcasti, contrivisti que draconem.

Nec vero potuit draco teter, & improbus ille

Te morsu sædare, tibi ve aspergere virus

Immane, & saniem horrendam, latebrosa venena, 125

Queis necdum natos mortales implicat omnes.

Dicite io! ingeminate & io! Male faucibus anguis

Ad caput illisum pavitantes vix plicat orbes.

Ad mala, quæ nobis primæ hærent semina culpæ,

Tu Mater Virgo, tuus & dulcissimus Infans 130

Divina, & præsens esis medicina saluti.

Nobiscum Deus est, cæloque æterna Parentis

Bis genita, & nova progenies descendit ab alto.

Servati, & memores hæc nos ab cardine rerum

Venturos deinceps, nostrosque putabimus annos, 135

Et novus hinc oritur, sæclorum, & vertitur ordo.

[*] Aurea nunc ibit; subsidet decolor ætas.

Ignotoque etiam surget gens aurea mundo.

SU.]

(a) *Benedicentur in ipso omnes tribus terra; omnes gentes magnificabunt eum. Ps. 71. v. 17. Et dicam non populo meo, Populus meus es tu: & ipso dicet, Deus meus es tu. Osé. 2. vers. ult.*

SUPER OMNE NOMEN.

Donavit illi nomen, quod est super omne nomen, ut in nomine JESU omne genuflectatur, caelestium, terrestrium, & infernorum.

Ad Philip. 2. v. 9. & 10.

CARMEN XXIV.

ERgone tam tenero, primos & luminis haustus
 Orso vix Puerο quærendum sanguine nomen?
 Ne puer o! ne tu antecape, & ne præripe tempus.
 Cum ter plus denis jam tres exegeris annos,
 Explebis tua vota, tuoque cruore madebis: 5
 Atque etiam extincto tibi jam, postremus ab imò
 Diffluet, immiti ferro actus, pectore sanguis.
 Hæc Puer hæc equidem jamnum suspirat, & ardet;
 Sed mora longa nimis visa est, & ponere gestit
 Dura rudimenta, optatæ præludia mortis. 10
 Et qui nec prisco ritu, nec lege tenetur;
 Sponte tamen subdit sese, legique severæ
 Obsequitur. Nonne exemplo instaurare videtur
 Ipse suo legem hanc nobis? Delere parabat.
 (a) Delevit: sanctis & nos, pro sanguine tingi 15
 Jussit æquis: & virtutem, vimque addidit undis;
 Tergere manentem clam prima ab origine labem.
 Quæ tulit ille tener dura Infans vulnera, cultros
 Abstulit, amovit. Sed enim sibi parcere non vult;
 Sanguine quæsitum sibi vult & nomen Jesu. 20
 Nomen de cælo missum, quod nuntius Ales
 [b] Aptè etiam attulerat, divinus quam foret Infans
 Vir-

(a) *Qua libertate Christus vos liberavit. Ad Gal. 4. v. ult.*

(b) *Quod vocatum est ab Angelo, priusquam in utero conciperetur. Luc. 2. v. 21.*

Virginea inclusus divinæ Matris in alvo:

Qui præsci Heroes cognomina tanta tulere,
Myſtica [magnus honor!] fuerant præludia Dii 25

Quondam venturi Infantis, qui munera ſolus

Tam magno, ac præſus divini nominis implet:

(a) Nam ſolus Puer hic ſalvos nos fecit Jeſus.

Nec fuit in Pucro hoc vacuum, aut umbratile nomen.

Tu, Puer, Æterna Æterni es Sapiens Patris, 30

(b) Splendorque, 2c Virtus, præſusque ſimillima Imago.

(c) Tu Primogenitus rerum: te propter eundem

Eruta de nihilo ſunt quæ ſunt cumque creata.

(d) Nativo imperio tu es Rex, & Legiſer orbis:

(e) Tu Vis, tu Veri exemplar, tu Vita perennis: 35

(f) Tuque tenebroſi Lux es puriſſima Mundi.

(g) Tu Paſtor bonus es; tu idem miſiſſimus Agnus,

Hoſtiæque, averſum noſtra ob commiſſa Parentem

Concilians, & manſuram per ſæcula pacem,

(h) Sanctus Sanctorum quoque tu, æternusque Sacerdos. 40

(i) Tu quoque es Emmanuel, & Adonai: nomina magna,

Quæ ſemel accumulæ, ſimul aggerat omnia nomen

Divinum, Jeſus. Nil nomine dulcius hoc eſt.

Dulce magis quam ſtipat apis quæ florea mella:

Quam matutinus ros eſt ſentientibus herbis: 45

Quam

(a) Ipſe enim ſalvum faciet populum ſuum. Matth. 1. v. 21.

(b) Splendor gloria, & figura ſubſtantia ejus, portansque omnia verbo virtutis ſue. Ad Hebr. 1. v. 3.

(c) Primogenitus omnis creatura. Quoniam in ipſo condita ſunt univerſa in calis, & in terra, viſibilia, & inviſibilia... omnia per ipſum, & in ipſo creata ſunt. Ad Coloff. 1. v. 15. & 16.

(d) Dominus legiſer noſter, Dominus Rex noſter. Iſa. 33. v. 22.

(e) Joan. 14. v. 6.

(f) Joan. 8. v. 12.

(g) Joan. 10. v. 11. & Joan. 1. v. 29.

(h) Dan. 9. v. 24. & Pl. 109. v. 4.

(i) Iſa. 7. v. 14. & Exod. 6. v. 3.

- Quam sopor assiduo fessis, duroque labore:
 Quam lux sese oculis captum flenti indita rursus:
 Quam litus, mediis qui jactabatur in undis
 Naufragus, & jamjam languebant brachia, vires.
 Quamque est improvisa salus, cum funera gnato, 30
 Unigenæque suo Mater jam mœsta parabat.
 Qui cæli convexa tenent, qui sidera calcant,
 Qui terras, quacumque suos Sol igneus orbes,
 Exoriens, moriensque iterat, qui Sole carentes,
 Informesque domos habitant, immitia regna 55
 De genu adorabunt submissi hoc, quod super omne
 (a) Scilicet est nomen, divinum nomen Jesu.
 (b) Desuper effusum est oleum, ac mortalibus ægris
 Una illud lucem fert almam, fertque medelam.
 (c) Ad templi portam *Speciosam* nomine dictam 60
 Æger homo, utroque & pede inutilis, inque ligatus
 Materno ex utero, tristem, afflictamque trahebat
 Vitam. Conspexit *Petrum*, intrantemque sodalem;
 (d) Ac de more stipem miseram, victumque rogabat.
 Aurum, atq. argentum mihi nullum est, quæ dare possin 65
 (e) Hæc tibi do, dixit *Petrus*, atque in nomine Jesu
 Surgere confestim, pedibusque incedere jussit.

Et

-
- (a) *Super omnem principatum, & potestatem, & virtutem, & dominationem, & omne nomen quod nominatur non solum in hoc sæculo; sed etiam in futuro. Ad Eph. 1. v. 21.*
 (b) *Oleum effusum nomen tuum. Cant. 1. v. 2.*
 (c) *Quidam vir, qui erat claudus ex utero matris suæ bajulabatur: quem ponebant quotidie ad portam templi qua dicitur Speciosa. Act. 3. v. 2.*
 (d) *Is cum vidisset Petrum, & Joannem incipientes introire in templum, rogabat ut eleemosynam acciperet. Ibid. v. 3.*
 (e) *Petrus autem dixit: Argentum, & aurum non est mihi: quod autem habeo, hoc tibi do: In nomine Jesu Christi Nazareni surge, & ambula.*

- (a) Et nihil addubitans urget, dextraque prehensum
 Arrigit. Extemplo ille miser fundamina sensit
 Firma pedum, solidasque bases: jam se regit ipse 79
 Arduus: huc, illuc sese versatque, movetque,
 Insultatque solo, ut vult, lætitiaque triumphans
 Exsilit, & cursu potis est pervertere ventos.
 Nomen ad hoc illa insana, atque infanda deorum
 Colluvies, dominata olim imperiosa per orbem 75
 (b) Corruet, atque avulsa suis de sedibus, aris
 Subversis, totoque vicissim extorris ab orbe
 Nusquam comparet. Traduntur inertia flammis
 Idola, in cineresque abeunt ludibria ventis.
 Fatidici celebrata adeo spiracula *Disis* 80
Delphica muta silent, neque jam ructare vapores
 Audent insanos: *Libycis* neque syrtibus *Hammon*
 Corniger, aut quercus, *Dodonaæve* *Columba*.
 Aut usquam stygiæ pestes, Manesque profundi,
 Hiscere deinde audet, æterna silentia servant. 85
 Hæc monstra, has furias vinxit, contrivit Jesus.
 Terribile hoc illis vel solo nomine Nomen;
 (c) Nobis deliciæ, mel, nectâr, vita, salusque.

Rex

-
- (a) Et apprehensa manu ejus dextera allevavit eum, Et protinus consolidata sunt bases ejus, & planta. Et exiliens stetit, & ambulabat. Ibid. 2 v. 6. ad 2.
 (b) Et eris in die illa dicit Dominus exercituum: Disperdam nomina idolorum de terra, & non memorabuntur ultra, & pseudopphetas, & spiritum immundum, auferam de terra, Zahc. 13. v. 2.
 (c) Omnis qui invocaverit nomen Domini salvus eris. Joel. 2 v. 32. & ad Rom. 10. v. 13.

R E X G E N T I U M :

*Reges Arabum, & Saba dona adducunt, & adorabunt eum
omnes Reges terra: omnes gentes servient ei.*

Pf. 71. v. 10. & 11.

C A R M E N X X V.

- Q**Uæ lux! Quæ tenebræ! Prisco verso ordine rerum,
Mortis, & umbrarum in regione inopina refulsit
Lux; ubi regnabat, lux insidiosa repente
Nox Erebo ex imo quas funderet extudit umbras.
Stella peregrina officiosa renidet *Eois* 5
Regibus, ac dulci, & vocali lumine, natum
Quem Gentes dudum expectabant, nuntiat orbi.
(a) *Hebraei* contra, quibus hæc & stella micabat
Pridem, promissus quibus & de Virgine Matro
(b) *Filius*; hunc nollent venisse, diemque perosi, 10
Avertunt oculos retro, seseque volentes
(c) Obcæcant miseri, propria & sua dona recusant.
Sceptrum de *Juda* exierat, prorsusque perempta
Spe reditus, manus ignota, atque aliena regebat
Sceptrumq. imperiumq. Atqui omnino hoc fore tempus, 15
(d) Quo Rex promissus, quo Rex venturus adesset,
Carmine, & Oraclo insigni morientis *Jacob*

Præ-

*Habitantibus in regione umbrae mortis lux orta est eis. Isa. 9. v. 2.
Lux obtenebrata est. Isa. 5. v. ult.*

- (a) *Orietur stella ex Jacob. Num. 24. 17. Vide Bened. XIV.
in festo Epiphan.*
(b) *Ecce Virgo concipiet, & pariet filium. Isa. 7. v. 14.*
(c) *Incrassatum est enim cor populi hujus, & auribus graviter
audierunt, & oculos suos compresserunt, ne forte videant.
Act. 28. v. 27.*
(d) *Non auferetur sceptrum de Juda, & dux de femore ejus,
donec veniat qui mittendus est. Gen. 49. v. 10.*

Præmoniti, parvi pueri, & vix farier orsi,
Perque vias passim, per compitaque ore caneant.

Præterea arcanas jamtum *Danielis* abisse 20

(a) Hebdomades, componendo hæc Oracula primis;

Exacta annorum series, resque ipsa docebant.

Et tamen hunc adeo optandum, optatumque repente
Destituunt, coramque adstantem agnoscere Regem
Nolunt, spesque suas jugulant, ultroque recidunt, 25

Scilicet hæc soboles illa est, quæ perfida posthæc

Sacrilegam intendet vocem, & clamore nefando,

Nolumus hunc, dicent illi, *regnare super nos*.

Heu pietas! heu prisca fides, prisque Parentes!

[b] Quam vos degeneres nacti, infidosque nepotes! 30

Sideris interea ductu, & radiantis Olympi

Tergemini *Solyman* Reges venere. Necesse

Hoc erat, *Hebrais* nequa excusatio, nequis

Perfidiz infandæ color, obtentusve maneret.

Percunctabantur: quænam cunabula nuper 35

Natum exceperant Regem? Titubatio nulla.

(c) In *Bethlem* nasci omnino debere, fatentur,

Testanturque uno ore omnes: meminereque Vatis,

Qui tam magnificos *Bethlem* assignabat honores.

Audit, & varia confusus imagine rerum 40

Herodes (quo non *Libycis* immanius antris

Prorupit monstrum) furit; & quæ, fraudibus, astu,

Et laniena etiam infanda, male parta tenebat

Sceptra, sibi e manibus labi, ad Puerumque reverti

Angitur, & cura infelix tabescit inani. 45

Ah miser! haud equidem venit, ut mortalia demat

Regna; sed ut nobis Puer hic cælestia donet.

Non aufert; dat regna Puer. Jam pelle timorem:

Rex

(a) Dan. 9.

(b) *Generatio enim perversa est, infideles filii*. Deut. 32. v. 20.

(c) *At illi dixerunt ei in Bethleem Jude*. Matth. 2. v. 5.

- (a) Rex est p̄acificus: quam Regum tollere nemo;
 Quam Regum dare nemo potest, fert munera pacis. 50
 Ista illi sordent, possunt quæ crimine haberi,
 Quæ tumet multo invalisti crimine regaa.
 Sed quid ago? Nullo possunt medicamine tolli.
 Quæ super adventu Regum, Regisque supremi
 Arcanæ Herodem curæque, iræque coquebant. 55
 Diffimulat tamen, ac frontem, vultumque serenat.
 Ac veluti ambiguos *Serpens* dans corpore tortus,
 Obliquat sese contra quam fronte minatur;
 Aut veluti humanam fingit vocem *Crocodilus*,
 (b) Fingit, adorare Infantem, Numenque precari 60
 Se quoque velle: instat multis, comperta doceri
 De Puero: quæ vidissent sibi cuncta referri
 (c) Mandabat. *Bethlem* Reges contendere pergunt.
 Stella quidem *Solymis*, quæ dedignata rebelles
 Hebræos, vultum indignata averterat, effert 65
 Splendida sese iterum Cælo, lucemque coruscant
 Exhibet, anteparatque viam, & præcedit cuntes.
 Ad stabulum donec veniens, quasi diceret: Ecce,
 In stabulo hoc humili, hic est divinissimus Infans,
 Grandius expandens jubar, instauransque nitorem. 70
 Constitit, atque suo jam munero functa quievit.
 Tum vero unanimi plausu, & fremitu æthera complens
 Confurgit clamor: standi dant cornua cantu
 Signum: respondent alte barritu *Elephanti*.

Hin-

-
- (a) *Rex Salem, quod est Rex pacis. Ad Hebr. 7. v. 2. Pacem meam do vobis: non quomodo mundus dat ego do vobis. Joan. 14. v. 27.*
 (b) *Et mittens illos in Bethlem dixit: Ite, & interrogate diligenter de Puero, & cum inveneritis, renuntiatis mihi, ut ego veniens adorem eum. Matth. 2. v. 8.*
 (c) *Qui cum audissent Regem abierunt. Et ecce stella, quam viderant in oriente antecedebat eos, usque dum veniens staret supra, ubi erat Puer. Ibid. v. 9.*

HEROICA:

177

Hinnitu alipedes, & pectora, collaque in orbem
Circumvolventes, fræna spumantia mandunt. 75

- (a) Nec mora prosternunt se, prosternuntque coronas
Reges ante pedes Pueri, tum forte sedentis
In gremio, & gemina impliciti inter brachia Matris
Virginis: & neque tam agrestis fastigia tecti 80
Mirantur, nec res inopes: hæc omnia Vates
Præcuisse sciunt olim, & placuisse beatam
Pauperiem Regi. Dein mystica munera porgunt
Quisque suum: myrrha mortem, & crudelia quæque
Ultro amplexurum agnoscunt: rursusque *Sabeo* 85
Thure Deum: Regemque auro, obsequioque fatentur.

- (b) Plaudite quas oriens, & quas afflavit anhelis
Sol moriturus equis, una omnes plaudite gentes.
Vos designabant, pro vobis dona ferebant
Illi *Arabum* Reges: expressa in imagine jamtum 90
Vos hominem, Regem, atque Deum coluistis Jesum
Nascentem. Vos tum stella, vos lumine sancto,
Vos, cum vagitus primos dabat ille, vocabat.
Ignotus vobis olim Deus, ecce videndum
Exhibuit sese, & manifesto in lumine totus 95
(c) Est coram. Lux nunc estis; tenebræque fuistis.

M

Si-

- [a] Et intrantes domum invenerunt Puerum cum Maria Matre
ejus, & procidentibus adoraverunt eum: Et apertis thesauris
suis, obtulerunt ei munera aurum, thus, & myrram. Ibid.
v. 11. Dabitur ei de auro Arabia. Ps. 71. v. 15.
(b) Omnes gentes plaudite manibus, jubilate Deo in voce exul-
tationis. Ps. 46. v. 1.
(c) Eratis aliquando tenebra; nunc autem lux in Domino. Ad
Ephes. 5. v. 8.

SIGNUM CUI CONTRADICETUR.

*Ecce positus est hic in ruinam, & in resurrectionem
multorum in Israel, & in signum, cui contradicetur.*

Lucæ 2. v. 34.

CARMEN XXVI.

AD templum, læva gestans, ad pectora pressum
Dulce onus infantem Puerum, dextraque gemellas
Lacteolasque ferens, Matrum de more columbas
Pauperiorum, it Virgo Parens, sine labe pudoris
Enixa, atque adeo non illi obnoxia legi. 5
It tamen, & quamvis communi lege soluti
(a) Et Puer, & Mater; legi ultro paret uterque,
Ut Puero est Mater, Matricque simillima proles.
Intranti occurrit cano venerabilis ævo,
Et pietate senex: quem Sanctus desuper aura 10
Spiritus allabens, pulchris impleverat olim
(b) Promissis: non ante, diem, non lumina morte
Clausurum, quam vidisset, quem sæcula retro
Quem suspirabant tot prisca oracula Vatum.
Ergo ubi adesse Deum, propioraque numina sensit; 15
Irruit impatiens, Puerumque trementibus ulnis
Exceptum stringens arte, amplexansque subinde,
Et largo fletu ora rigans, incanaque menta,
Vaticinansque, ut erat divino percitus æstro:
Ægre has, multa inter rupit suspiria, voces; 20
Ergone

-
- (a) Tulerunt illum in Jerusalem, ut fisterent eum Domino....
Et ut darent hostiam... per turturum, aut duos pullos co-
lumbæ. Luc. 2. v. 22. & 24.
- (b) Nunc dimittis servum tuum Domine secundum verbum tuum
in pace: quia viderunt oculi mei salutare tuum, quod parasti
ante faciem omnium populorum, lumen ad revelationem gentium,
& gloriam plebis tue Israel. Ioh. 1. v. 29. ad 32.

Ergone jam tandem venisti, oculisque meismet
 Vidi ego te, expectata diu lux alma, salusque
 Orbis, & *Isacidum* immortalis gloria gentis?
 Hac ego defessam ætatem, tristemque senectam,
 Hac sustentabam spe longæ tædia vitæ.
 Magnifice implesti tua tu promissa beata

23

- (a) Summe Pater: nunc dimitte, & me corporis hujus
 (Quando aliud nihil est, quod sperem ultra) exue vinclis.
 Et quam te memorem, Virgo, quæ sola salutem
 Tam suspiratam peperisti sospita terris!
 Ecce hic in vitam, in mortemq. etiam, inque ruinam
 Multorum Puer est positus, positus quasi signum
 In jaculum: ferroque huc, huc armata veneno
 Spicula torquebunt. Contradicetur inique.
 Tu quoque magna Parens, cladis pars magna futura es.
 Tempus erit, tibi cum crudelis ad intima adactus
 Viscera, dilaniet, præcordiaque hauriat ensis.
 Et fuit hæc postrema senis, postremaque cygni

30

35

- (b) Vox; ac demittens quasi concedentia somno
 Lumina; mox placida, optataque ibi morte quievit.
 Nec mora: læta fides jamtum dictisque, minisque.
 Incaffum opperiens Reges, ubi sensit ab illis

- (c) Delusum sese *Herodes*; quos mente furores
 Hactenus arcanos obduxerat, impius omnes
 Effudit. Sicut stridens, tumidusque repente,
 Seque ipso major, mille undique, & undique tela
 Apparat, & furiis accensus concutit *Histris*.
 Aut tanquam latitans herbofo gramine tectus
 Propter aquam; tandem calcatus, & improbus ira

45

M 2

Si-

(a) Et dixit ad Mariam Matrem ejus: Ecce hic *Chr.* Et tuam
 ipsius animam pertransibit gladius. Ibid. v. 35.

(b) Ita Menolog. Græcorum. Vide Benedict. XIV. in festo Purificat.

(c) Tunc *Herodes* videns quoniam illusum est a Magis iratus est
 valde. Matth. 2. v. 6.

- Sibilat, & caput, & furialia pectora *Serpens* 30
 Arduus in cælum attollens, late omnia tabo
 Inficit exitiali, omnesque interficit herbas,
 Et calice exortos flores vix, enecat omnes.
- (e) Horrendum! Pueros annis retro inde duobus
 In *Betblem*, pagisque etiam, villisque propinquis 55
 Natos transfadigi, ferroque absumier omnes
 Jussit, inundarique insontum sanguine cunas.
- (f) Vox in *Rama* audita est, lamentatioque ingens
Rachel. Amissos primo ipso in limine vitæ
 Perpetuum luget fœtus: & ab ubere raptos 60
 Anxia conquirens frustra, solatia nulla
 Audit, & immoritur luctu: quia nullibi jam sunt.
 Barbare, crudelis, multoque immanior hydri,
 Aspidibusque soporiferis, furdisque, & *Hyæna*
 Sanguinolentior, & *Crocodilo*. Tantulane ætas, 65
 Quæ Pœnos etiam potuit lenire Leones;
 Visa tibi apta suo involvi, mergique cruore?
 Impie mentis ubi es? Cælone indicere bellum
 Audes? Cui cælum famulatur, sidera subsunt;
 Huic tu sperasti immaturam arcessere mortem 70
 Nolenti? Incassum furis. Hunc tu perdere ferro
 Unum non poteris, quem demens, quem petis unum
 Excidio tanto, Deus est, & cum volet ille,
 Cumque ab Divino sibi credita munera Patre
- (d) Implerit, furdisque aures, & lumina cæcis 75
 (d) Indiderit, tumultisque vocata cadavera, magno

Im.

-
- (a) Et mittens occidit omnes pueros, qui erant in *Bethleem*, & omnibus finibus ejus a limatu, & infra, secundum tempus quod exquisierat a Magis Ibid.
- (b) Vox in *Rama* audita est, ploratus, & ululatus multus: *Rachel* plorans filios suos, & noluit consolari quia non sunt. Ibid. v. 18. & Jer. 31. v. 15.
- (c) Aperientur oculi cæcorum, & aures surdorum patebunt. II. 35. v. 5.
- (d) In resurrectionem multorum. Luc. 2. v. 34.

Imperio superas iterum revocarit ad auras,

- (a) Intuleritque novam lucem, nova fœdera mundo;
 Tum demum, nam mortales ideo induit artus,
 Tum jam sponte sua, omnes nos, veterumque Parentum 80
 Antiqua labem largo lavet amne cruoris.
 Nunc autem, morti, quantumlibet omnia vertas,
 Quamvis millenos contra illum strinxeris enses;
 Necdum maturus, necdum est obnoxius Infans.
 At te jam viventem etiam sibi pabula vermes 85
 Obscœni addicent: ignisque introrsus obortus
 Viscera consumet, tundens: animamque ferinam
 Efflabis, fontes novus horror iturus ad umbras.

Interea fuge chare Puer, fuge Rêgia Virgo,

Inque sinu abscondens Puerum pluviz inscia regna, 90

- (b) Hermopolimque pete. Hôc demissus ab æthere pennis
 (c) Nuntius admonuit *Josepb*, cui mûnia Patris
 Ipse gerenda dedit Pater, adlegitque futurum
 Exsilio comitemque viz, comitemque laboris.
 I gemebunda Parens, i Virgo, assuesce dolori 95
 Jam nunc, & gladio: nam te graviora manebunt
 Vulnera. Quæ nunc orta cito subsidet, & ultio

- (d) Ponet tempestas: ex *Ægypto*que vocatum
 Infantem (utrumque hoc oracula sancta canebant)
 (e) Excipiet reducem *Galilæa*, & *Nazara* tellus. 100

Post ubi jam pueri firmata adoleverit ætas,
 Et bis jam senos dulces tecum egerit annos;
 Rursus inundabunt lacrimæ, & nova vulnera libans
 Tentabit rursus tua tum præcordia mucro.

Nam *Solymis* reditura domum, atque emensa dici 105

M 3

To-

-
- (a) Dedi te in sadius populi, in lucem gentium. Isa. 42. v. 6.
 (b) Vide Cabinet Lib. 7. Hist. Vet. & Nov: Testam. —
 (c) Accipe Puerum, & Matrem ejus; & fuge in *Ægyptum*.
 Matth. 2. v. 13.
 (d) Ex *Ægypto* vocavi filium meum. Ibid. v. 15.
 (e) Quoniam *Nazareus* vocabitur. Ibid. v. ult.

Totum iter; ereptum ignarz, amissumque dolore
 Ingenti agnosces Puerum: & vestigia retro
 Observata legens, scitaberis anxia: nunquid
 Inter cognatos comes additus iverit ille?
 Anne labore viz fessus, fortasse resedit?
 Sicubine abductus variarum errore viarum?
 Jamque dies, alterque dies, claudentur, & alter,
 Et totidem insomnes inter suspiria noctes;

110

[a] Cum tandem in templo, attonita auscultante corona
 Doctorum, invenies, priscorum oracula Vatum 115
 Percunstantem ultro, atque ignaros inde docentem,
 Melligenisque alta irrumpentem in pectora dictis.
 O ut tum, Mater, tibi jam, & qui munia *Joseph*
 Patris agit, conversi aberunt in gaudia luctus!
 At majora manent te vulnera, & altius ensis 120
 Viscera transfodiget: capulo tenus abditus olim
 Harebit totus. Neque tum cum conjugē sancto
 Fas, ut nunc, curam, aut partiri, Virgo dolorem.
 Vera nimis, gravius senis in te dicta recurrent.

SUBDITUS ILLIS.

Et erat subditus illis. Lucæ 2. v. 51.

CARMEN XXVII.

EN quid agam? Attonitus, præstetne filere, loquine?
 Hæreo. Triginta annorum, quos egit Jesus
 Carne Deus nostra indutus (mirabile dictu!)
 Hi sunt annales, duo verba hæc: *Subditus illis.*
 Abditus ille domi, conclusus paupere tecto,

5

Obsc.

(a) *Et factum est post triduum invenerunt illum in templo sedentem in medio Doctorum audientem illos, & interrogantem eos. Stupebant autem omnes, qui eum audiebant super prudentia & responsis ejus. Ibid. v. 46. & 47.*

- Obsequio (dicamne hoc?) servitioque Parentum
 Intentus, neque præterea dum cognitus ulli;
 (a) Filius esse humilis fabri, ac de millibus unus
 Esse putabatur, manibusque perinde laborem
 Ipse exercebat, quasi fabri filius esset, 10
 Curvabatque humeros lignis, & ligna dolabat.
 Nec putat indignum hoc manibus, quibus omnia jamtum
 (b) Omnipotens dederat Pater, & fabrilis pensa
 (c) Scilicet ille subit; per quem sunt omnia facta.
 Usque adeo obscurus Deus, ignotusque latebat! 13
 Qualis *Erythrae*, qualis *Garamantidos* undæ
 Egregium decus, obscura latet abdita concha
 Gemma, futura & honos olim, Regumque corona,
 Et tamen illa jacet, meritos neque poscit honores.
 Aut veluti assurgens pater *Apenninus* ad auras, 20
 Quantumvis toto miscet se vertice cælo;
 Nube peregrina, atque alio vestitus amictu
 Quantus erat fugit ex oculis: mera nubila censet
 Aspicere ignarus rerum procul usque viator.
 Quorsum me stupor abripuit? Vilissima quæque 25
 Ad rem infinitam frustra hæc componere tento.
 Ipsum ipsi (hoc unum fas est) componere pergo.
 (d) Præsepe excepit natum; miserabilis infans
 Esse videbatur, pauper, rerum omnium egenus;
 Sed tamen esse Deum testantur, & æthera cantu 30
 (e) Cælicolæ complent, miscentque, agitantque choreas:

M 4

Pa-

- (a) Nonne hic est fabri filius? Matth. 13. v. 55.
 (b) Sciens quia omnia dedit ei Pater in manus. Joan. 13. v. 9.
 (c) Omnia per ipsum facta sunt. Joan. 1. v. 3. Quem constituit
 heredem universorum, per quem fecit & sæcula. Ad Hebr. 1. v. 2.
 (d) Reclinavit eum in præsepis. Luc. 2. v. 7.
 (e) Facta est cum Angelo multitudine militia celestis, laudantium
 Deum. Ibid. v. 13.

[a] Pastoresque vocant parvi ad cunabula nati:

Et nova prorumpens, nova fundens sidera cælum;

(b) Evocat, & stella ab regis adducit *Eois*

Ternos tergemina allaturos munera Reges.

35

(c) Vel tum, cum tanquam reus, & sceleratus, & inter
Latrones geminos hinc inde, manusque pedesque
Confossus, mortem infamem amplectetur *Jesus*;

(d) Cum moriente, volet quoque *Sol* comes ire, morique:

Et gemitum dabit immensum, & vix non ruet orbis: 40

Exspirare, morique Deum vel saxa loquentur.

Nunc autem nusquam apparet Deus. Undique totus

Delituit, specie obscura, obscurisque latebris

Abditus. Humanis nulla hic admixta resurgit

Prodigia. Indicio nullo Deus eminet. Unum hoc 45

Eminet, hoc unum præsert: *Subditus illis*.

(e) Rex erat, & Regum supremus, & arbiter orbis.

At nusquam Regum pompa illi, insignia nulla.

Non sceptrum, aut diadema gerit: non alta superbo

Marmore, non ostro constrata palatia surgunt.

50

Non illum crebræ excubiæ, densæque phalanges

Circumstant, aut armata statione coronant.

Quocumque aspicias, credas de millibus unum;

Non plus: ligna dolat: Matri officiosis obedit,

Ac *Joseph*: totusque apparet *Subditus illis*.

55

Lux

[a] Pastores loquebantur ad invicem: *Transamus usque ad Bethleem*, & videamus hoc verbum quod factum est, quod Dominus ostendit nobis. Ibid. v. 15.

(b) *Anbulabunt gentes in lumine tuo*, & Reges in splendore ortus tui. Isa. 60. v. 3.

(c) Cum sceleratis reputatus est Isa. 53. v. ult.

(d) Et erit in illa die, dicit Dominus; occidet Sol in meridie. Amos 8. v. o.

(e) Habet in vestimento, & in femore suo scriptum; Rex Regum, & dominus Dominantium. Apoc. 19. v. 16.

- (a) Lux erat, & tenebras veniebat pellere mundo,
 Et monstrare viam, divinum & spargere lumen:
 Et narrare palam, & divina arcana docere
 Abdita Philosophis, priscisque incognita sæclis.
 Et quondam Puer hæc fecit, munusque Magistri 60
 Egit, Doctorum toto admitante senatu.
 At nunc abscondit radios, lucemque coerces
 Intus, & immensum splendorem obaubit, obumbrat,
 Perque annos bene ter deos, auditque, siletque,
 Atque oculis hominum nihil est nisi *Subditus illis.* 65
 Audisne? Hæc quoque habent divina silentia vocem,
 [b]Esse humilem corde, ac mitem (quod nemo profecto
 Philosophus) tunc exemplo; dein voce docebat.
 (c)Esse Deo similes (proh quanta superbia, quamque
 Insana!) humani generis voluere Parentes 70
 Primi. Ex illo eadem vesana superbia fudit
 Sese, ac famosa, & tumida caligine circum
 Mortales cinxit. Tristissima origo malorum
 (d)Hæc erat. Huic Jesus exemplo, ac voce mederi;
 Sed prius exemplo vult, exemploque Magistrum 75
 Se dat inauditæ, neque dum dictæ hætenus ulli
 Doctrinæ: voluitque Deus despectus haberi
 Passim, & censerī quasi fabri filius esset.
 Primus homo, oblitus se hominem, Deus esse volebat.
 At Deus humana specie se, & corpore totum 80
 [e]Abscondit: nec se esse Deum meminisse videtur.
 Hæc tulit ille illi primæ medicamina culpæ
 Di.

-
- (a) *Erat lux vera, quæ illuminat omnem hominem venientem in hunc mundum.* Joan. 1. v. 9.
 (b) *Discite a me, quia mitis sum & humilis corde.* Matt. 11. v. 29.
 (c) *Eritis sicut dii.* Gen. 3. v. 5.
 (d) *Initium omnis peccati est superbia.* Eccl. 10. v. 13. *In ipsa, initium sumpsit omnis perditio.* Tob. 4. v. 14.
 (e) *In similitudinem hominum factus, & habitu inventus ut homo* Ad Philip. 2. v. 7.

Digna Deo. Nulla est prorsus medicabilis arte,
 Sicui non tulerit tanta hæc medicina salutem.
 Tu quis es, aut quorsum te effers, quorsumve superbis? 8g
 Ecce homo, & ecce Deus submissus, *Subditus illis*.

L U X M U N D I.

Ego sum Lux Mundi. Joan. 8. v. 12.

C A R M E N XXVIII.

Ignotus dudum; tandem *Jordanis* ad undas
 Ostendit sese. Sed adhuc caligine luci
 Permista, vult lustrari, vult flumine tingi:
 Et jam se ostendens, etiamnum sed abdit *Jesus*.
 Necdum, queis latuit totas bene dispulit umbras. 5
 Non secus ac cæli cum primi albescere tractus
 Incipiunt, surgit sensim, nec tota repente
 Lux oritur: nec tantum oculi præferre nitorem
 Assueti tenebris possent. Affinia nocti
 Obscurum quid habent creperæ primordia lucis. 10
 At cælum interea, ac de cælo audita sonora
 Vox, confessa Deum, tandem claravit *Jesum*,
 Quæque illi supra caput adstitit [almus ab alto
 (b) *Spiritus* hac specie veniens] delapsa columba.
 Atque Deum Trinum, tum demum innotuit esse: 15
 De cælo auditi primum Genitusque, Paterque.
 Tantam lux oriens *Jesus* lucem attulit orbi.
 Sensit *Jordanes* sua munera, nec capit ultra
 Jam se, nec ripis, nec jam se continet alveo

Spir.

(a) *Venit Jesus in Galilæa in Jordanem ad Joannem ut baptizaretur ab eo.* Matth. 3. v. 13.

(b) *Et descendit Spiritus Sanctus corporali specie, sicut columba in ipsum.* Luc. 3. v. 22. *Et ecce vox de cælis dicens: Hic est Filius meus dilectus, in quo mihi complacui.* Matth. 3. v. ult.

- Spumens. Attollens viridi oblita cornua musco 20
 N Fervet, & arrectis, iterumque cadentibus undis,
 Exultatque vadis, assentaturque, favetque.
 Quos sibi laudari audierat jam spernit *Araxem*,
 Et decantatum perplexa ab origine *Nilum*:
 Spernit & *Euphratem*, & *Tigrim*, fastuque tumentem 25
 [a] *Eridanum*, quamvis ausum se tollere cælo,
 Quamvis fluviorum Regem se dicere suetum.
 Senserat exortam lucem, qui regna profunda
 Torquet, & imperium tenebrarum, animasque nefandas:
 Prorumpensque nigris, & noctipotentibus antris; 30
 Extulit infandum caput in cælumque, Deumque.
 Longa, præcul monte abducto, noctesque diesque
 Orando assiduus, tulerat jejunia Jesus.
 [b] Et sentire famem voluit, voluitque docere
 Nos, exemplo, hostem antiquum, immanemque domare. 35
 Adstitit hic, lapidemque manu protendit, & : cja
 Si Deus es [dubitabat enim] dic ut lapis iste
 Sit jamnum panis. Scriptum est, subjunxit Jesus,
 [c] Sustainere hominem sancto, quod manat ab ore
 Divino, verbo; neque solo vivere pane. 40
 Fractus erat; neque desistit tamen improbus hostis.
 Abreptum, excelsæ templi summæque locavit
 Vertice: & hinc inquit, pronum te mitte deorsum:
 Quandoquidem cæli Aligeris Deus ipse jubebit,
 Ut scriptum est, te sustineant, ne forte cruentes, 45
 Offendasve pedem ad lapidem. Sic ille maligne
Scripturas ausus primus corrumpere. Jesus

Erro-

- (a) *Eridanus una e constellationibus, ut ajunt, celestibus in parte Australi.*
 (b) *Cum jejunasset quadraginta diebus, & quadraginta noctibus, postea esurivit. Matth. 4. v. 2. Tentatum, autem per omnia pro similitudine absque peccato. Ad Hebr. 4. v. 15.*
 (c) *Scriptum est, non in solo pane vivit homo, sed in omni verbo, quod procedit de ore Dei Matt. 4. v. 4.*

- Errorem emendans: Dominum tentare nefas est;
 (a) Inquit: & hoc etiam scriptum est. Sed perstitit audax
 Insidiator: & ad Montis fastigia raptum 50
 Momento; ostendens illi regna omnia Mundi:
 Hæc tibi cuncta, inquit, dabo mox; & pronus a doras
 [b] Me. Jesus vero: I retro, longeque recede
 Perfide. Qui Deus est unus, Dominusque supremus
 Solus adorandus. Tum vero exterritus hostis. 55
 Et caudam pavitantem utero, inter crura, pedesque
 Committens; caput obnubit, penitusque profundis,
 Multa gemens ignominiam, sese abdidit umbris.
 [c] Tunc autem Aligeris famulis, cælique ministris
 Accitis; tandem jejunia solvit Jesus. 60
 [d] Discipulos legit bis senos, retia tantum
 Nectere, & assuetos indagine cingere pisces.
 Non jam divitiis, atavisve, aut artibus ullis
 Ingeniis, non doctrinæ, ingeniive decoros
 Fama, non suadæ, aut facundæ munere linguæ. 65
 Hos tamen, hos Orbis fieri jubet ille Magistros:
 (e) Vos lux Mundi estis dixit, fecitque perinde
 Ac dixit. Vocem exaudivit, factaque lux est.
 Obscuri illi homines facti clarissima Mundi
 Lumina, divinæ sparserunt munera lucis 70
 Undique: quæque diu, longe lateque per Orbem
 Regnabant ubivis tenebras, noctemque fugarunt,
 Qualis cælestes inter pulcherrimus ignes
 Auroram increpitat seram, nitidusque refulget

Luci.

-
- (a) Rursum scriptum est: Non tentabis Dominum Deum tuum. Ib. v. 7
 (b) Vade Satana: scriptum est enim: Dominum Deum tuum adorabis, & illi soli servies. Ibid. v. 10.
 (c) Et ecce Angeli acceperunt, & ministrant ei. Ibid. v. 11.
 (d) Elegit duodecim. Luc. 6. v. 13. Erant enim piscatores. Matth. 4. v. 18.
 (e) Vos estis lux mundi. Matth. 5. v. 14. Dixit de tenebris lucem splendescere 2. ad Cor. 4. v. 6.

Lucifer; ille tamen rudis est, & terrea moles. 75

Totum ab Sole suum trahit ille, bibitque nitorem.

Quin desperata penitus caligine merfis

(a) Ignoram primus lucem impertivit *Jesus*.

Nempe oculis, qui nativas, nimiumque sequaces

Ex utero secum *Matris* traxere tenebras, 80

Qui nihil [ah!] poterant, præterquam flere, nec ullos

Gustarent unquam jucundi luminis haustus;

Perpetuis vivi tenebris, quasi morte sepulti.

Tot retro sæclis, quamvis excusserat umbras

Mortis nonnemo; nemo has excusserat umbras. 85

Cæcigenorum oculis superaddere, & indere lucem,

[b] Usque recensendo prima inde ab origine *Mundi*,

Nulla unquam audierat tale hoc, nec viderat ætas.

Exigua hæc. Multo *Jesus* majora parabat

[c] Munera, Divino ut lustraret lumine mentes 90

Venerat. Huic operi intentus (mirabile dictu!)

(d) Nec sibi tam charæ *Matris* meminisse videtur.

Hoc agit, huic operi incumbit. Per castra, per urbes,

Qua se *Jordanes* fundit circumque, supraque,

Quaque *Palestinae* contra, Mare litora torquet, 95

[e] Itque, reditque viam. In monte, in convallibus imis,

In templo, in triviisque etiam, per compita sæpe,

Perque vias passim lucem accenditque, docetque.

[f] Undique convenere omnes audire docentem,

Nec

(a) *Ut aperies oculos cæcorum. Isa. 42. v. 7.*

(b) *A saculo non est auditum, quia quis apernis oculos cæci nati. Joan. 9. v. 32.*

(c) *Illuminare his qui in tenebris, & in umbra mortis sedent, ad dirigendos pedes nostros in viam pacis. Luc. 2. v. 79.*

(d) *Quæ est Mater mea? Matth. 12. v. 48.*

(e) *Et circumibat Jesus omnes civitates, & castella docens in synagogis eorum, & prædicans Matth. 9. v. 35.*

(f) *Et sequebatur eum turba, & comprimebant eum. Marc. 5. v. 24. Ita ut non possent neque panem manducare. Marc. 3. v. 20.*

- Nec cibo ali finit interdum circumflua turba: 100
 Ante chaos deformis erat orbis, & omnia densis
 Obvolvebantur, turbabanturque tenebris.
 Devenere homines fabri, artificesque deorum:
 (a) Et qui dimidium lignum combusserat igni;
 Lignum dimidium, manuumque opera ipsa suarum, 105
 Degener, & tota obbrutescens mente, putabat
 Esse deos. Vix *Philosophi*, vix unus, & alter
 Agnorant Unum; sed turpiter hi quoque multa
 [b] Numina adorabant. Ierant per devia cæci,
 Cæcorumque dures fuerant cum *Socrate*, *Zeno*, 110
Pythagoras, *Plato*, *Aristoteles*, quæ nomina magna
 Inflat is adeo crepitabat *Græcia* buccis.
 Nam constare Deum, veluti nos, corpore quodam
 Censebant; nec quid tandem, quid *Spiritus* esset,
 Cognorant illi satis, aut confinia iusti, 115
 Injustique, unus potuit sat cernere quisquam.
 Nemo unus regere, & recte componere mores
 Evaluit. Quæ recta quidem bene multa docebant,
 Turpibus, & crebris erroribus incessabant.
 Ac veluti manibus puerorum turbo, flagello 120
 Percitus, incertis subsultans saltibus errat,
 Et redit unde abiit, rursusque repente recedit,
 Ancipitemque trahit gyrum erro, stareque nescit:
 Sic inconstantes, varique, levæque seruntur
Philosophi, nusquam tandem consistere certi. 125
 Nunc animos nullo perimi, neque posse resolvî
 Interitu, nullis cum consent partibus: ajunt:
 Mox autem super hoc titubant, misereque vacillant.
 Nunc

(a) *Medium ejus combussit igni. . . reliquum autem ejus deum fecit.*
 Isa. 45. v. 16. *Opus manuum suarum adoraverunt.* Isa. 2. v. 8.
 (b) *Cum cognovissent Deum; non sicut Deum glorificaverunt.*
 Ad Rom. 1. v. 21. *Et soluerunt, & servierunt creatura po-*
tius quam Creatori. Ibid. v. 25.

Nunc humana regi cura, certoque deorum
 Consilio, nunc consilium intercedere nullum, 130
Nec curare Deum credunt mortalia quonquam,
 Sed surdi immoto volvi omnia tramite fati;
 Aut contra instabili temere impelli omnia casu.
 Et modo condemnant, modo laudant qui sibi mortem
 Conscivere ipsi, fugerent ut tædia vitæ; 135
 Nunc super hoc titubant, solita & vertigine rapti,
 Ambiguos semper circumvolvuntur in orbes.

- (a) *Philosophis* puer est, & anus sapientior illis
 Omnibus, ex quo Orbi vox est audita Magistri
 (b) Divini. Ille novi sanxit pia fœdera amoris. 140
 (c) Infensosque ipsos inimicos jussit amari;
 Quos odisse erat & virtus, & gloria quondam
 Barbara; nec satis est adeo ignovisse. Magister
 Vult, bene item factis odia, & malefacta rependi.
 Rursus, quod fieri passim sine more solebat, 145
 (d) Edicto vetuit, dein vincla jugalia solvi.
 Crimen adulterii admitti [exsecrabile crimen!]
 (e) Vel solo intuitu, solaque cupidine mentis,
 Admonuit. Tantum potuit vesana nocere
 Corde latens, solisque oculis grassata libido! 150
 (f) Pauperibus cælum addixit, contraque negavit
 Hoc fore divitibus facile, & proclivius esse

Ad-

-
- (a) *Univerfos filios tuos doctos a Domino.* Isa. 54. v. 13.
 (b) *Mandatum novum do vobis, ut diligatis invicem, sic ut dilexi vos.* Joan. 13. v. 34.
 (c) *Diligite inimicos vestros, & benefacite his qui odernant vos.* Matth. 5. v. 44.
 (d) *Qui dimittit uxorem suam, & alteram ducit mæchatur, & qui dimissam a viro ducit, mæchatur.* Luc. 16. v. 18.
 [e] *Qui viderit mulierem ad concupiscendam eam, jam macatus est eam in corde suo.* Matth. 5. v. 28.
 (f) *Beati pauperes spiritu: quoniam ipsorum est regnum calorum.* Mat h. 5. v. 3. *Facilius est Camelum per formam acus introire, quam divitem intrare in regnum calorum.* Luc. 18. v. 25.

Addidit, intrare, & per acum transire *Camelum*;

- (a) Discipulos omnes post se jubet ire, crucemque Ferre humeris. Qui detrectans portare reculat; 155
Hunc negat esse suum. Pleno vocat ore beatos
(b) Qui lugent, qui nil meriti, patiuntur acerba,
Et mala multa. Ingens cælo his est, atque merces.
Infligenti alapam porgi patienter, & ultro
(c) Vult aliam necdum percussam verbere malam. 160
Interea, vult ille, suos contemnere mortem
Impavidos: & non illos, qui perdere ferro
(d) Corpora, de se ultro demum peritura; sed illum.
Qui potis est animas etiam multare, timendum,
Cumque animæ æternis corpus quoque tundere flammis. 165
(e) Edicit: *Mosis* cathedram, sedemque verendam,
Vel cum Scriba aliquis sedet, indignusque sedere est.
(f) Vult: qui præcedit, majorque est, ceu minor esset,
Se gerere, & nullo inflari, aut turgescere fastu.
(g) Siquid cui dederit, siquid bene dextera fecit; 170
Non vult germanam, non vult id scire sinistram.

Quod.

-
- (a) Si quis vult post me venire abneget semetipsum: & tollat crucem suam quotidie, & sequatur me. Luc. 9. v. 23. Qui non bajulat crucem suam, & sequitur me: non potest meus esse discipulus. Luc. 14. v. 27.
(b) Beati qui lugent. Matth. 5. v. 5. Beati estis cum maledixerint vobis homines, & persecuti vos fuerint, & dixerint omne malum adversum vos mentientes, propter me. Ib. v. 11. & 12.
(c) Si quis te percusserit in dextram maxillam tuam, præbe illi & alteram. Ibid. v. 39.
(d) Nolite timere eos, qui occidunt corpus.... sed potius timeate eum, qui potest, & animam, & corpus perdere in gehennam. Matth. 10. v. 28.
(e) Super cathedram *Mosis* sedebunt Scribæ, & Pharisei. Omnia ergo quæcumque dixerint vobis, servate. Matth. v. 23. 2. & 3.
(f) Qui major est in vobis fiat sicut minor, & qui precessor est sicut ministrator. Luc. 22. v. 26.
(g) Te autem faciente elemosynam, nesciat sinistra tua quid faciat dextera tua. Matth. 6. v. 3.

- (a) Quodque unum, laudem, pompam virtutis amabant
Philosophi; condemnavit, longeque removit.
- (b) Ille orare Deum rite, assidueque precari
 Nos docuit, nosque instituit (quod nemo suapte 175
- (c) Auderet) non tam Dominum; quam dicere Patrem .
- (d) Orbis non caperet libros, siquis modo posset
 Scribere quæ docuit, quæ fecit & omnia Jesus.
 Nox erat, & tenebris involverat omnia: flammæ
 Sideræ cælo vixdum, timideque micabant, 180
 Cum Jesus tres discipulos, quæ sæpe solebat
 Plus indulgere, arcans & credere sensus,
 In montem secum abducit, de moreque Patrem
 Orabat. Sed enim sublimis in æra raptus,
 Fulgorem immensum, ingenitum, quamque intus alebat 185
 Impulit, explicuitque, & tum prorumpere lucem
- (e) Concessit: neque erat jam vultus, nec color idem.
 Fusa videbatur nix undique texere vestem:
- (f) Instar Solis erat facies: lux undique totus.
 Qualis erat tum demum apparuit: Alter, & alter 190
- (g) Austabant lateri Vates: qui scilicet olim
 Captivam exemit vinclis, & duxit ab oris
 Isacidum gentem Phariis, Regemque ferocem
 Contumulavit aquis: & qui trepidantibus auris,
 Flammigero excelsum vectus super æthera curru. 195
 At sermo interea (quis tale hic?) de cruce, deque

N

Com-

-
- (a) *Attendit ne justitiam vestram faciatis coram hominibus, ut videamini ab eis.* Ibid. v. 1.
- [b] *Oportet semper orare & non deficere.* Luc. 18. v. 2.
- [c] *Sic ergo orabitis: Pater noster, qui es in calis.* Matth. 6. v. 9.
- (d) *Quæ si scribantur per singula, nec ipsum arbitror mundum capere posse eos, qui scribendi sunt libri.* Joan. ult. v. ult.
- (e) *Et facta est dum oraret species vultus ejus altera.* Luc. 9. v. 29.
- [f] *Et resplenduit facies ejus sicut Sol: Vestimenta autem ejus facta sunt alba sicut nix.* Matth. 17. v. 2.
- (g) *Et ecce apparuerunt eis Moyses, & Elias cum eo loquentes.* Ibid. v. 3.

(a) *Complendo Solyms excessu. Gloria nempe
Hæc illi est, hæc deliciæ, hoc unum ardet, amatque.*

REX MANSUETUS.

Ecce Rex tuus venit tibi mansuetus. Matth. 21. v. 5.

CARMEN XXIX.

ULtra quam dici fas, quam comprehendere mente,
Mansuetus noster Rex est, & mitis Jesus.
Ælius ille hominis vulgo cognomine dici
Vult: nec supra hominem, quamquam est Altissimus, effert
Sese. Affabilior nemo, mansuetior alter
Nemo fuit. Regum Rex est, atque Arbiter orbis;
Sed non majestas, non alta potentia frontem
(b) Asperat, aut tristem vultu, aspectuque severum
(c) Reddit. Non ille imperiosam attollere vocem,
Aut majestatem rigido portendere vultu, 10
Aut aliquem meritæ sceleratum dedere morti
Qui mortis dominus, vitæque est. Hanc dedit ille
Multis, at nulli eripuit: nam venerat, Orbem
Pacare, & gravibus vinclis; & carcere victos
(d) In libertatem asserere, afflictisque mederi, 15
Et recreare, & lugentes solari omnes.
Non autem dampnare aliquem. Deprensa recenti
Femina adulterio (quod non nisi morte piandum,
Et

[a] *Et dicebant excessum, quem complaturus erat in Jerusale-
m. Luc. 9. v. 31.*

(b) *Non erit tibi, neque turbulens. Isa. 42. v. 4.*

[c] *Non clamabit... neque audietur vox ejus foris. Ibid. v. 2.*

[d] *Misit me ut mederer contritis corde, & predicarem captivis
indulgentiam, & clausis apertionem... ut consolarer omnes lu-
gentes. Isa. 61. v. 1. & 2. & Luc. 4. v. 17. Non enim mi-
sit Deus Filium suum in mundum, ut judicet mundum, sed
ut salvetur mundus per ipsum. Jo. 3. v. 17.*

- Et quod terrendum; tumulandumque undique saxis
 Crimen erat) vinclis religata adducitur: argenti 20
 Accusatores duri, legemque nefandi
 Ultricem ostentant sceleris, pœnamque reposcunt
 Sancitam: lapides ultro; citroque minantur.
 Et quid tum Judex? Arcana recondita quædam
 Nescio quæ, digito, curvans se, in pulvere signat. 25
 Et mox confurgens: Primus lapide impetat ille,
 Qui sine peccato est vestrum. His quasi fulmine, verbis
 Percussi; aut quasi versa retro in se saxa redirent;
 (a) Conticuere, abiere omnes. Conversus ad illam,
 Et quævis vinclis manus (sic fama est) vincula solvens: 30
 Qui te accusabant ubinam sunt? Némone tandem
 (b) Te condemnavit? Neque ego; I, respisco periclo,
 I salva, i melior, veterumque extingue malorum
 Famam, & conscelerari ultra; & peccare deinceps
 Jam noli, Ut Rex; utque Auctor, dominosque supremus 35
 Legis supplicio exemit, legemque refixit.
 Festinabat iter *Solyman*, fessumque labore
Sidoniam ingrediens urbem, succedere testis,
 Et recipi hospitio, seraque recumbere nocte
 (c) Poscebat. Sed inhumani repulere precantem: 40
 Nec lassum veriti peregrinum, more feraum,
 Arcere, & tectum fello, hospitiumque negare.
 (d) Vellent discipuli, descendere fulmina cælo,
 Absumique domos, & inhospita mœnia flammis.

N 2

Non

- (a) Audientes autem unus post unum exibant... & remansit solus Jesus, & mulier in medio stans v. 9. Dixit ei: Mulier, abis sunt qui te accusabant: nemo te condemnavit? v. 10.
 (b) Neque ego te condemnabo. Vade, & jam amplius noli peccare. v. 11.
 (c) Ei non receperunt eum; quia facies ejus erat euntes in Jerusalem. Luc. 9. v. 53.
 (d) Domine, vis dicamus, ut ignis descendat de celo, & consumat illos? v. 54.

- Non tulit hoc dici, & iustas pius obtudit iras. 45
- (a) Iesus: Nescitis, inquit, quo vos rapit ardor,
 Quamque mei facit, absumiles, qui ferre salutem,
 Qui servare animas veni; non perdere morte.
 Sicubi quam possit lucrari, quidquid inepti
 Censores contra obstreperent; neque limina adire; 50
 Nec sceleratorum plerumque accumbere mensis
 Horrescit. Quin *Zachaeo* sese oggerit ultro,
 Qui nempe infando, & male nato scenore partas
 Accumulabat opes. Sed amor satiatus habendi
 Est, simul ac tantus successit sedibus hospes. 55
- (b) Quæ fraude, & furto congesserat; omnia reddit
 Quadrupla: dimidiata sua impertitur egenis.
 Tantum hospes potuit Iesus suadere bonorum.
 At (mirum omnino hoc magis est) affabilis ipsis
 Prostribulis fuit: ut piceas extinguere flammæ, 60
 Eque volutabro, & gravenolenti abducere cæno
 Posset, & abjecti curam inspirare pudoris.
 Tempus erat, quo Sol medio sublimis Olympo
 Regnat, & excelsa de culmine fulminat æstus
 Urentes, nemorumque altorum contrahit umbras. 65
 Fervet anhela dies; languent, sitientibus agris,
 Demittuntque caput flores: animalia passim
 Strata jacent, patulisque expirant naribus ignes:
 Et cantu cessant, obmutescuntque volucres.
- (c) Hac ora, ad puteum, propter Samaritanos urbis 70
- Mœ-

-
- (a) Et conversus increpavit illos dicens; Nescitis cujus spiritus estis. Filius hominis non venit animas perdere; sed salvare. v. 35. & 36.
- (b) Stans autem *Zachæus* dixit ad Dominum: Ecce dimidium honorum meorum Domine do pauperibus; & siquid aliquem defraudavi reddo quadruplum. At Iesus ad eum: Quia hodie salus domui huic facta est. v. 8. & 9.
- (c) Iesus ergo fatigatus ex itinere sedebat sic supra fontem. Hora erat quasi sexta. Joan. 4. v. 6. Venit mulier de Samaria haurire aquam.

Mœnia, longum iter emensus, mediique diei
Sole fatigatus, tandem consedit Jesus.

Venit & ad fontem vicina ex urbe, procaci
Incessu, altivolisque oculis lasciva puella,
Dextra hydriam, tricasque ferens, de more, sinistra. 75
Hauferat allatura domum, cum supplice voce

(a) Imploravit aquam Jesus. Ast illa superba,

(b) Quorsum *Judæus* mihi tu te sistere coram
Audere, & potum petere a me? Si modo scires

(c) Qui sum, qui posco; tu a me, fortasse petisses: 80
Et tibi aquam meliorem ista, vivamque dedissem,
Multis hinc illinc sermonibus, omnia tandem
Vicit: & in melius mitis mutavit Jesus.

Quæque lupanaris nuper spirabat odorem
Femina; longe alias casto jam pectore flammæ 85

[d] Excipiens, hydriumque suam, laqueosque relinquens;
Egit præconem Christi, totamque per urbem
Discurrens; totam Christi inflammavit amore.

Tu multo felix mage *Magdalena Maria*,
Ut tu, hilares inter mensas, convivique, audax, 90
Et bene nunc effrons, irrumpis! Et omnia luctu

(e) Confundens, lacrimis oneras revoluta, rigasque
Quos amplexa pedes Jesu: tergisque capillis
Formosis. Frustra tamen hoc: nam rursus amaro

N 3

Flu.

(a) Dicit ei Jesus: da mihi bibere. v. 7.

(b) Dicit ergo ei mulier illa Samaritana: Quomodo tu Judæus cum sis, bibere a me poscis, quæ sum mulier Samaritana? non enim contutur Judæi Samaritanis. v. 9.

(c) Respondit Jesus & dixit: Si scires donum Dei, & quis est qui dicit tibi: Da mihi bibere: tu forsitan petisses ab eo, & dedisset tibi aquam vivam. v. 10.

(d) Reliquit ergo hydriam suam mulier.... Ex civitate autem illa multi crediderunt in eum Samaritanorum, propter verbum mulieris. v. 28. & 39.

[e] Lacrimis capit rigare pedes ejus, & capillis capitis sui tergebat & osculabatur pedes ejus, & unguento ungebat. Luc. 9. v. 38.

Flumine, & immenso lacrimarum turbine inundas. 95
Nec te usque hærentem pedibus, repetitaque dantem
Oscula detrectat, neque dedignatur Jesus.

- (a) Sed neque quos (frangens alabastrum, nequa super sit
Gutta tibi) pedibus rursus, capitique sedentis
Jesu, thesaurus pretiosos, nardi, & amomi, 100
Et caliz, & stantes manu utraque effundis odores.

Arguet hoc, & perjurus damnabit Judas,
Discipulique alii ignari; at non linquet inaltam

- (b) Jesus te. Obtrectatores compescet, ægetque
Pro te stans defensorem: totumque per Orbem, 105
Et quacumque sua expandit Sol lumina, magna
Præconum voce extolli hæc tua facta jubebit.

- Perge modo, & jamjam moriturum (namque sepultum
(c) Haud poteris) nunc præverte, & nunc unge volentem.

Magaa hæc Marfucti Regis documenta; sed ultra 110

Ecce aliud majus. Confossus, pendulus alta
De trabe: tormento, pœna, rituque latronum
Expirans inter sceleratos, undique septus
Hostibus; his ipsis ignosci postulat, & vult:

Excusans, ignoranter fecisse, Supremos 115

Hoc inter mortis gemitus poscitque, rogatque

- (d) Patrem: dum rabidi insultant, & sævius hostes

- (e) Impia inhumani obtrudunt convicia ad aurem.

Usque

- (a) Unguenti nardi spicati pretiosi, & fracto alabastro effudit
super caput ejus. Marc. 14. v. 3.

- (b) Quid molesti estis huic mulieri? opus enim bonum operata
est in me... Amen dico vobis, ubicumque prædicatum fuerit
hoc evangelium in toto mundo, dicetur & quod hæc fecit in
memoriam ejus. Matth. 26. v. 10. & 13.

- (c) Quod habuit lac, fecit: prævenit ungere corpus meum in
sepulturam. Marc. 14. v. 8.

- (d) Crucifixi sunt eum, & latrones, unum a dextris & alterum
a sinistris: Jesus autem dicebat: Pater dimitte illis; non enim
scimus quid faciunt. Luc. 23. v. 33. & 34.

- (e) Et stabat populus spectans, & deridebant eum. v. 33.

HEROICA

199

Usque adeo clemens, ad portentumque benignus,
Usque adeo noster Rex est mansuetus Jesus!

120

BONUS PASTOR.

Ego sum bonus Pastor. Joah. 10. v. 11. & 14.

CARMEN XXX.

ECquis hic est *Libani* veniens de vertice, tranans
Colles, transiliens montana cacumina Pastor?
Kore madens, & lacteolus, rubicundus & ore,
Quo sine nil dulce est quidquam, neque amabile quidquam.
Tetqua per horrida, per vepreta, per invia laxa, 5
Per scopulosa, per & prærupta, per aspera quæque,
Errabundam, quam ab sese malus abstulit error,
Quærit ovem. Et quamquam tam longo errore viarum
Fessus; nec vultum meminit sudore madentem
Tergere nec Solis furias, æstusque veretur, 10
Nec gelidam noctem, matutinamque pruina,
Nec torvis cælum involventes nubibus imbrës.
Nil sentit. Plenus curarum, plenus amoris,
Interea dum perditæ ovis vestigia lustrat;
Nullum horret, nullum non devorat ille laborem. 15
Sollicitum sic reddit ambr. Quotcumque perirent,
Præcipitesque agerentur oves; non pauper, inopse
Propterea fieret: millenis undique caulis
Sunt illi innumeri tuti cum matribus agni.
Pastorum princeps est, & ditissimus agri, 20
Atque ovium; sed ne pereat, sic anxius unam,

N 4

Tan-

*Ecce iste venit saliens in montibus, transiliens colles. Cant. 2.
v. 8. Caput meum plenum est rore, & cincinni mei guttis
noctium. Cant. 5. v. 2.
Dilectus meus candidus, & rubicundus, electus ex mil-
libus. Ibid. v. 10.*

Tanquam sola foret, tanquam non amplius una
 Illi esset, sic ingratis conquirat, amatque.

- (a) Desertis alias, folisque in montibus omnes,
 Tanquam si illarum foret immemor ille, reliquit. 25

Utque est cantandi, pastorum more, peritus,
 Interdum dulci movet ore, & arundine carmen,
 Si trahat errantem, si forte ad ovile reducat,
 Illiciatque iterum sensim dulcedine cantus.

Et memini vocem, nuperque & verba tenebam. 30

- (b) Vos omnes quotquot mœsti, immerisque dolore,
 Quique humeris onus, & pondus portatis iniquum,
 Et gemitis fessi, victique labore, venite

Illicet ad me omnes: feram ego solamen, opemque
 Et tergam lacrimas, gemitusque flere jubebo. 35

- [c] Ipse humeros oneri supponam, vosque levabo.
 Inque sinu blande ipse meo, gremioque fovebo.
Jordanis memini hæc illum cecinisse sub antris,

Ac proceræ etiam scripsisse in cortice cedri
 Sæpius: atque etiamnum non delebile carmen 40

Eminet. Est aliud scriptum hoc in cortice palmæ,
 Et nisi me fallunt pastores, ipse canebat:

- (d) Surge, veni, speciosa veni, & mea casta *Columba*:
 Inque foraminibus petreæ faciam tibi nidum,

Quo, *Milvo* prædone procul, secura quiescas 45

- (e) Ostende o! faciem: tua fac sonet auribus & vox:

Nam

- (a) *Nonne reliquit nonaginta novem in montibus, & vir dis-*
querere eam, qua erravit. Matt. 18. v. 12.

- (b) *Venite ad me omnes, qui laboratis, & onerati estis & ego*
reficiam vos. Math. 11. v. 18.

- (c) *In brachio suo congregabit agnos, & in sinu suo lavabit.*
Isa. 40. v. 11.

- (d) *Surge unica mea, speciosa mea, & veni: columba mea in*
foraminibus petreæ, in caverna materia:

- (e) *Ostende mihi faciem tuam, sonet vox tua in auribus meis:*
vox enim tua dulcis, & facies tua decora. Cant. 2. v. 13. & 14.

- Nam tua vox est quam dulcis, faciesque decora.
 Currite *Idumæ* teneræ, castæque puellæ,
 Ferteque Pastori divino lilia plenis
 (a) *Fiscellis*, & narcissos, calthasque, rosasque 50
 Fragrantes, quibus ille suum soletur amorem.
 Ferte & odorifera inter flores *Citria* mala:
 Et succum exprimate, & lymphis, & melle remixtum
 Porgite languenti; siquod fortasse levamen
 Afferat, ardentemque hæc potio mitiget æstum. 55
 (b) Pestis acerba, luesque infanda infecerat omnem,
 Vastabatque gregem. Serpens vaser omnia circum,
 Pascuaque, & fluvios, ipsaque in origine fontes
 Arcano imbuerat tabo, imbueratque veneno.
 Sæpe cadaveribus congesta cadavera, propter 60
 Flumina, perque vias, perque agros fusa jacebant.
 Præterea quasi non strages tanta hæc satis esset;
 (c) Debacchabantur passim furesque, lupique,
 Donec ab æthereo descendens vertice Pastor,
 (d) Arcuit a stabulis furesque, luposque rapaces. 65
 Sanavitque gregem, docuitque salubribus undis
 Fonte novo, quem monstravit, quemque extudit ipse,
 (e) Mortiferamque sitim, veteremque avertere pestem.
 Nec satis hoc: oleo fragrantia balsama miscens,
 Quam dederat salientis aquæ vitale lavacrum 70
 Infirmis auxit, confirmavitque salutem.
 Prælagivit, oves ductas errore, suamet
 Sponte petituras mortali intincta veneno

Pa-

-
- (a) *Fulcite me floribus, spirata me malis*. Ibid. v. 5.
 (b) *Regnavit mors ab Adam usque ad Moysen etiam in nos*. Ad
 Rom. 5. v. 14. *In omnes homines mors pertransiit*. Ibid. v. 12.
 (c) *In medio luporum*. Matth. 10. v. 16.
 (d) *Salvabo gregem meum, & non eris ultra in rapinam*.
 Ezech. 34. v. 22.
 (e) *Aqua, quam ego dabo ei, fiet in eo fons aqua salientis in
 vitam æternam*. Joan. 3. v. 14.

- Pabula, quasque ater serpens afflaverat herbas.
 Quique indignari, irascique perire volenti 75
 Debuerat; tulit huic etiam medicamina morbo
 Accersito ultro: quædamque recondita verba
 (a) Pastores docuit, queis & depellere morbos,
 Tabificamque luem confestim abstergere possent.
 Quin, ultra hæc, ne cui mala gramina deinde placerent, 80
 Toxicaque illecebris pellacibus illita; sanctam
 (b) De cælo allatam Cererem, cerealibus liba
 Manducanda dedit, mensasque paravit opimas,
 Queis positæ in tuto constarent vita, salusque.
 Dein ducturus oves meliora ad ovilia, sursum: 85
 Siqua lateret adhuc fortasse recondita labes
 Velleribus, siqua aut forsan vestigia morbi
 Præteriti; delere etiam, sanctoque linitu
 (c) Tergere, candoremque dedit renovare nivalem.
 Et cum mortalem speciem, mortalia membra 90
 Induerit, mortem exoptans, animamque daturus
 Pro grege; Pastores, queis danda vicaria cura,
 (d) Suffecit, qui nempe gregis detergere sordes,
 Cælestemque etiam cælo deducere panem,
 Sicuti erant docti, verbis, ac voce valerent. 95
 Cumque videret agi in præceps pecudesque, gregesque
 Impulsos stimulis sine lege furentis amoris;
 Protinus instabilem, variumque, vagumque refigens;
 Firmavit quæ nutabant socialia jura,
 (e) Mansuramque fidem, & sanctissima sædera sanxit. 100
 Si-

- (a) *Quacumque solveritis super terram, erunt soluta, & in calo.* Matth. 18. v. 18.
 (b) *Panem de calo dedit eis manducare.* Joan. 6. v. 31. *Ut si quis ex ipso manducaverit non moriatur.* Ib. v. 50.
 (c) *Et si in peccatis sit remittentur ei.* Jacob. 5. v. 14.
 (d) *Sicut misit me Pater, & ego mitto vos.* Joan. 20.
 (e) *Præcipio non ego, sed Dominus uxorem a viro non discedere.* 1. ad Cor. 7. v. 10.

- [a] Siquis erit, qui te, Pastor dulcissime Jeshu,
Non amet; ille odium mortalibus omnibus, ille
Fomes inextinctis, tenebrosisque ignibus esto.

T R I U M P H U S.

Ecce Rex tuus venit sedens super pullum asinae, Jo. 12. v. 15.

C A R M E N XXXI.

- D**efine (connivet quamquam tibi subditus orbis)
Define, *Roma*, tuos jactare superba triumphos,
Quosque triumphales agis ad *Capitolia* currus,
Victricesque tuas ad cælum tollere pompas.
En major *Solymis* supereminet, itque triumphus. 5
Non Reges hic (infandum!) post terga revincti
Squallentes luctu: non auri immensa valenta
Captiva, aut captivæ urbes: non pompa superba,
Pompa cruenta, volens hominum data millia morti:
Nec lugubre rubent, neque rorant sanguine palmæ: 10
Omnia lætitiâ spirant hic, omnia rident.
Ecce venit Rex mansuetus, venit & sine pompa,
Pullo *asini* insidens: nam sic prædixerat, olim
Venturum, totis quingentis amplius annis:
(b) Retro, hæc vaticinans præfago carmine Vates. 15
Frons, oculi, major mortali gratia vultus,
Omnia divini portendunt signa decoris.
Nudus erat vertex: per dorsum a vertice crines,
Cincinnique ibant sinceri: missa fluebat
Ad talos, sine futura, contextaque gyro 20

Uno

-
- (a) *Si quis non amat Dominum nostrum Jesum Christum, sit anathema, Maran. Atha. 1. ad Cor. 16. v. 22.*
(b) *Zachar. 9. v. 9.*

- [a] Uno perpetuo; violasque imitata colorē
 Vestis, quam parvo Puero properaverat olim
 Ipsa suis Mater manibus, noctesque, diesque
 Incumbens operi: dein sensim creverat una
 Cum Puero; neque tot lapsos dum senserat annos. 25
 Effudit sese portis urbs. Quam solet alto
 Fundere se, rupto cælo, spessissimus imber.
 Quacumque incedit, quacumque incedere tentat;
 (b) Detractas humeris venienti sternere vestes
 Certatim accurrunt omnes, seseque vicissim, 30
 Utro uter obsequio impigrior, prævertere, certant,
 Præripiuntque aliis alii sortemque, vicemque.
 Lilia, purpureasque rosas super undique plenis
 Effundunt calathis, & inumbrant aera nimbo,
 c.) Frondes de arboribus, palmas, oleasque virentes, 35
 Quisque suam populatus iter, sternuntque, feruntque
 Præ manibus. Credas ipsas incedere silvas:
 Quin ipsas videas ultro ab radicibus imis
 Lauros, ultro etiam submittere culmina palmas,
 Et placide Regi clinare cacumina montes. 40
 Tempus erit, cum submittent *Capisolia* frontem,
 Cum septemgemi curvabunt se quoque colles.
 [d] *Hosanna* Rex de excelsis, fatis sanguine *David*,
 Clamore immenso ingeminant. Fremit undique plausus
 Undisonus: longe valles, montesque resultant. 45
 Pone sequebatur tanti pars magna triumphi

La-

-
- (a) *Erat autem tunica inconsutilis; desuper contexta per totum.* Joan. 19. v. 23.
 (b) *Plurima, autem turba straverunt vestimenta sua in via.* Matth. 21. v. 8.
 (c) *Alii autem cadebant ramos de arboribus, & sternebant in via.* Ibid.
 (d) *Turba autem, quæ præcedebant, & quæ sequebantur, clamabant dicentes: Hosanna Filio David: benedictus, qui venit in nomine Domini: hosanna in altissimis.* Ibid. v. 9.

- ¶ *Lazarus*. Hunc, nequeunt satiari corda, tuendo.
 Exsequias nuper comitati, & funera testes:
 (a) Nos expiranti adstitimus, gelidumque cadaver
 Lugubri extulimus planctu, obruimusque sepulchro. 50
 Quatuor ille dies, totidem jam funere noctes
 Mersus erat, graveolentemque exhalabat odorem,
 Pestiferamque luem circum, mortemque, metumque,
 (b) Sed tamen ad vocem, imperiumque iubentis, Jesu
 Exire, exivit, non stans, non viribus usus. 55
 Ille suis; sed qualis erat, tumultoque jacebat,
 Subtentus dorso totus, facieque supinus,
 Sindoneque, & circum replicatis undique vinclis
 Funereis; vittisque immobilis, inque volutus.
 Hæc illi. Nec multo alii diversa ferebant: 60
 (c) Ut juvenem Matri unigenam, melioribus annis,
 Tum cum prima genis vernabat flore juvena,
 Fato immaturo ereptum, feretroque repostum
 Funereo, tangens feretrum revocaverit Orco,
 Lugentis immensa, improvisaque gaudia Matri. 65
 (d) Ut flenti rursus Matri, Patrique puellam,
 Reddidit: & tanquam somno, non morte jaceret:
Surge puella. Hoc uno, excussit funera, verbo.
 Ut consanguineos lethi, lethumque ferentes

Di-

-
- (a) Testimonium ergo perhibebat turba, qua erat cum eo quando Lazarum vocavit de monumento, & suscitavit eum a mortuis. Joa. 12. v. 17. Jam fatet, quatruiduanus est enim. Joa. 11. v. 39.
 (b) Voce magna clamavit: Lazare veni foras. Et statim prodiit qui fuerat mortuus, ligatus pedes, & manus infirmis, & facies ejus sudario erat ligata. Joa. 11. v. 43. & 44.
 (c) Defunctus efferebatur filius unicus Matris suæ... Et accessit, & tetigit loculum. Et ait: Adolescens tibi dico, surge. Et resedit qui erat mortuus. Luc. 7. v. 12. 14. & 15.
 (d) Tenens manum ejus clamavit dicens: Puella surge: & reversus est spiritus, & surrexit continuo. Luc. 8. v. 54. & 55.

- (a) Dispulerit passim morbos, febresque, tumentemque 70
Hydropem, insanamque sitim: infestæque *Diana*
Iras fulmineas pacarit, & arida membra.
Tabidaque implevit succo, implevitque vigore:
Sopitosque diu, extricaverit illicet artus,
(b) Vixque habiles desudando reptare, repente 75
Fecerit æquato celeres incedere gressu.
(c) Utque exsiccavit, compescueritque cruoris
Flumen vel furtim contacta lacinia vestis.
Utque loqui dederit, queis turpe, & inutile pondus
(d) Lingua hærebat iners: & respondere vocanti 80
Indociles, ac semineces animaverit aures:
(e) Extinctisque afflans oculis lucemque, diemque,
Nativas etiam plerumque absterferit umbras.
(f) Tumque, ut squammigera illuvie, sanieque nefanda
Corpora mandavit passim. Hæc tunc pessima pestis 85
Regnabat; sed erim jamtum pene exsulat orbe.
Tartareas etiam pestes irrumpere passim
Corporibus miserorum, & iniquam ibi figere sedem
(g) Assuetas, quanto imperio procul egerit, utque
Osten-

- (a) Obtulerunt ei omnes male habentes, & variis languoribus,
& tormentis comprehensos... & lunaticos, & paralyticos,
& curavit eos. Matth. 4. v. 24.
(b) *Claudi* ambulavit, Matth. 11. v. 5. Tunc saliet sicut cervus
aleudus. Isa. 35. v. 6.
(c) Luc. 8. v. 44.
(d) Sordos fecit audire, & mutos loqui. Marc. 7. v. ult. *A-*
perta eris lingua mutorum. Isa. 35. v. 6. & aurea surdorum
patibunt. Ibid. v. 5.
(e) *Cæci* vident. Matth. 11. v. 5. Ut aperires oculos cecorum,
& educentes de conclusionibus vinclum de domo carceris sedentis
in tenebris. Isa. 42. v. 7.
(f) *Leprosi* mudentur, Matth. 11. v. 5., & Luc. 7. v. 22.
(g) Obtulerunt ei multos *damonia* habentes, & ejiciebat spiri-
tus verba. Matth. 8. v. 16.

HEROICA:

207

(a) Auditus gemitus: *Venisti* (heu!) *perdere tu nos?* 90

Undique confurgit clamor: sua munera quisque
Ostentans, ad sese oculos rapiuntque, trahuntque.

Narrabant alii: vidisse per æquoris undas

(b) Tutum ire, & stabili calcantem cœrula passu:

Et colluctantes solitum compescere ventos,

95

(c) Et facere irato tranquilla silentia ponto.

Seque fuisse inter convivas, seque bibisse

Quas (simul ac velle hoc sese tacite innuit adsians

Mater) mutavit generosa in pocula lymphas.

Interea panes alii, Cereremque beatam

100

Ostentant, plenas lances, plenosque canistros.

Et: quinque hi panes fuerant; at jussit Jesus

Turbæ hos sufficere innumeræ, fufisque per herbam

Distribui; simul, ut voluit, simul omnia facta.

(d) Millia quinque hominum longeque, diuque retentam 105

Agrestem, sævamque ultro ingluviemque, famemque

Explevit: puerosque etiam, imbellemque sequentem

Turbam. Quantumvis magnas absumere messes

Possent; at panes quinque haud potuere. Superfuit

Bis seni expletis grandes, plenique canistri:

110

Victa fames spolia hæc nobis pretiosa reliquit.

Hæc illi. Plausus magis increbrescit, & alta

Sidera pulsantur fremitu, instaurantque triumphum.

Deus

(a) *Venisti perdere nos?* Marc. 1. v. 24. & Luc. 4. v. 34.

(b) *Venit ad eos ambulans super mare.* Matth. 14. v. 25.

(c) *Imperavit ventis & mari, & facta est tranquillitas magna.*
Matth. 8. v. 16. Joa. 2. a v. 1. ad 11.

(d) *Et manducaverunt omnes, & saturati sunt: & tulerunt reliquias duodecim cophinas fragmentorum plenos. Manducantem autem fuit numerus quinque millia virorum, exceptis mulieribus, & parvulis.* Matth. 14. v. 20. & 21.

DEUS ABSCONDITUS:

Vere tu es Deus Absconditus. Isa. 45. v. 15.

CARMEN XXXII.

- C**UM dilexisset sibi quos delegit amicos;
 Mirum, incredibile est quantum dilexit eosdem
 In finem vergens, & jam moriturus Jesus.
 Qua nocte, horribili mox prodicione nefandi
 (a) Discipuli, tradendus erat cui venditus hosti, 5
 E cœna surgens, erat etsi perfidus ille
 Inter bis senos, jubet illos usque sedere
 Ordine quemque suo: celer ipse, & plenus amore,
 Mittit aquam in pelvim, circum sibi candida cingit
 Lintea, deque genu toto ore, & pectore pronus, 10
 Sollicitus modo aquas manibus, modo lintea tractans;
 Illorum ille lavare pedes, & tergere cœpit.
 Hic admirari attonitus, blandæque precari,
 Deinde etiam multa *Petrus* vi tendere contra.
 (a) Tune lavare pedes: & me cessare quietum 15
 Sperasti? Quorsum tu te demittere tantum?
 (b) Tune mihi? Nunquam per me tibi tale licebit:
 Nil agis dî! tu sancte senex, frustra que repugnas.
 Abluet ille pedes, dabit hæc tibi & ultima amoris
 Pignora cara sui, frustra que moraris *Amantem*. 20
 Et tamen hoc quantum est nihil est. Majora supersunt
 Majus

-
- (a) In qua nocte tradebatur. i. ad Cor. 11. v. 23. Cœna facta, cum diabolus jam misisset in cor, ut traderet illum Judas Simonis Iscariota. . . surgit a cœna ponit vestimenta sua, & cum accepisset linteam præcinxit se. Deinde misit aquam in pelvim, & cepit lavare pedes discipulorum & extergere linteo, quo erat præcinctus. Joa. 13. a v. 1. ad 5.
 (b) Et dicit ei Petrus: Domine tu mihi lavas pedes? Ibid. v. 3.
 (c) Non lavabis mihi pedes in æternum. v. 8.

Majus amoris opus parat, & molitur Jesus:

Vox o! vos omnes accerso, & provo, Amantes:
Quotquot in Orbe aliquando, nuncve, olimve fuistis,
Dicite, siquid amor magnum, & memorabile suavit 25
Moliri, vestros laudando expandite amores.

Congerite huc etiam quotquot vel Fabula mendax
Obstrepat, Historia aut siquos miratur Amantes.
Quam sunt momenti exigui! quam frigida sordent
Omnia, divino si componantur amor! 30

Sordent *Euryalus*, *Nisus*: *Pyladesque*, & *Orestes*:
Tyndarideque, & *Atride* ambo: *Patraclusque*, & *Achilles*
Frigent *Mausoli* cineres, quos miscuit omnes,
Vinoque, & mixtos lacrimis carissima conjunx
Exhaust. Quam majus opus molitur Jesus! 35

Omnipotens, ut erat, potuit plus, plus & amavit.
Ille intentatam ante viam tentavit, & alto
Quæsitique sibi, invenitque in pectore sedem:
Ingeniosus, inaudito miraculo amoris,

[a] In panem, in vinum, extollens vocem omnipotentem, 40
Verbo. transformat sese. Cibus, esse videtur:

Et semet manibus gestat, se dividit ipse:
Infert sese in discipulorum pectora totus,
Quique Homo, quique Deus; totus sub imagine panis;
Qualis erat coram, & rursus sub imagine vini 45
Totus erat. Latebras interdum querere Amantes,
Et furtim, auscultare solent: placet usque latere,

(b) Clamque esse. Hunc morem sibi nunc adiscit Jesus:
Nec putat indignum, nec dedignatur amare.

Has tam humiles latebras: facilem de vite liquorem, 50
Et facilem, exiguam & Cererem. Ultra se abdidit ille

Q

In

(a) Caro mea vere est cibus, & sanguis meus vere est potus.
Qui manducat meam carnem, & bibit meum sanguinem, in
me manet; & ego in illo. Joan. 6. v. 56. & 57.

(b) Respiciens per fenestras, & prospiciens per cancellos. Cant. 2.
versic. 9.

In mica, in puncto. Deus en *Abconditus* hic est :
Audax est; sed enim nunquam ausa est Fabula tantum.

Parce precor, Jesu, sine me o! mitissime Jesu,
Succensere tuo, si fas, audenter amori. 55
En quid agis? Necdum tu homines bene nosse videris,
Impium, & ingratum semper genus. Huncmet amorem
Christe tuum, tanquam vana esset fabula, multi,
Heu! multi excipient risu, infandoque cachiono.

Credere portentent alii se, ibuntque frequentes 60
Templa: tuas passim proni sternerentur ad aras.

Te coram stabunt; stabunt sed corpore coram;

(a)Mente tamen procul usque aberunt, & nil minus illi,
Quam te, o dulcis Amor, secum tum mente revolvent,
Nonne vides? Alios vel tum meditantur amores, 65
Cum tua templa adeunt, & cum tua sacra frequentant.
Unum nempe tuum illi obliviscuntur amorem,
Contemnunt te unum. Tamquam vilissima quæque
Tractarent; audent scelerati hæcmet tua sacra
Polluere: & sanctæ polluti accedere mensæ. 70

Ecce modo, immane hoc audet jam perfidus ille.

Quisquis amat, saltem (minimum hoc est) sperat amari.

Tu quid agis? Quorsumque tuos sic perdis amores?

Sed nihil ista movent Jesum: nam plus amat ille,
Quam sumus ingrati, crudeles, perfidi, acerbis. 75

Nos homines: neque amasse unquam nos penitet illum

Scilicet ut mater furiatum, menteque captum,

Atque reluctantem gremio fovet anxia gnatum,

Deliciasque suas vocat, & mille oscula figit,

Perdita, blanditiasque novas meditatur, & urget; 80

Ille oculos circum asper volvens, torva tuetur,

Et sputa, & spumas Matri male torquet in ora;

f. Sed

(a) *Appropinquat populus iste ore suo: & labiis suis glorificat me; cor autem ejus longe est a me. Isa. 29. v. 13. Matth. 18. v. 8. & March. 7. v. 6.*

Sed necdum pueri Matrem, neque tædet amoris:

(a) Sic nos, multo etiam magis nos dilexit Jesus.

Digredi, & a nobis avelli, & corpore abesse 85

Non tulit; offensæ potius, scelerique scienter

Perfidique protervorum, opprobriisque patere

Maluit, & tacitus, præsensque oblivia nostra

Adspicere, & graviora etiam, atque infanda subire,

Quæ ravidus contra furor, impietisque parabant. 90

Giiscit amando, & multiplici præsentia adesse

Vult, ubicunque volet, quoties, & voce vocabit,

Et quoties: *hic est* dicet firmo ore Sacerdos

Innumerabilia accumulans portenta, suique

Oblitus, totusque suo duntaxat amori.

95

Intentus, nostro sese committit habendum

Arbitrio. Hæc eadem, quæ feci, & vos facite, inquit

(b) Quæcumque animus feret, & mihi amica voluntas:

Et memores estote mei. Quis talia fundo.

Expiicet, aut verbis immensum hunc æquet amorem? 100

Ecce & ego, quot sunt hominum, & indignissimus unus.

Vix ego, vix, inquam, tono dum sanctissima verba;

Protinus & panis perit, & sit corpus Jesu,

Illieet, & vinum nullum est; sed sanguis Jesu:

Solaque jam superest mera vini, & panis imago. 105

Quantus amor! Quantus! Proh sanctum nomen *Amoris*

Usque profanatum! Nunc demum, quid sit *amare*,

Agnosco. Solus nempe o! sincerus amator.

Tu Jesu, & vere Deus, alte *Abconditus es tu*.

(a) *Quomodo sicui Mater blandiatur, ita ego consolaber vos.*
Ila. 66. v. 13.

(b) *Hoc facite in meam commemorationem.* Luc. 22. v. 19 &
1. ad Cor. 11. v. 24.

M Æ R O R.

Anxius est super me spiritus meus: in me conturbatum est cor meum. Ps. 142. v. 4.

CARMEN XXXIII.

- P** Rotinus exsurgens, in montem, ubi ducere noctes
Orando, insomnes solitus, contendit Jesus.
Horridior solito nox, & mage nigra tegebat
Omnia. Terrorem augere, & stillare cruorem
Luna videbatur, funesta, & lurida vultu. 5
Ibant discipuli pavidi, tristesque, nefandam
Perfidiam *Juda* edocti, tacitique Magistrum
Cuncti aspectabant flentes, lacrimisque dolorem
Explebant. Jesus illis ventura recensens:
(a) Vos inquit, vox nocte ista, ut Pastore perempto, 10
Disperguntur oves gregis, abscedetis, & omnes.
Conturbabimini, perterriti abibitis omnes.
Sed ne despondete animum: ipse a morte reductus
Præcedam vos in Galilæam, & semper amabo
Vos. Haud consensit *Petrus* his: animosus, & audax, 15
Quoque erat ingenti erga Jesum abreptus amore.
(b) Quidquid agant alii; me nulla pericula, nulli
Terroribus abs te avellent. Per tela, per hostes
Te sequar. At Jesus: mox jam tu, scilicet ante
Quam

Egressus ibat secundum consuetudinem in montem olivarum. Secuti autem sunt illum & discipuli. Luc. 22. v. 39.

- (a) Omnes vos scandalizabimini in me in nocte ista: quia scriptum est: percutiam pastorem, & dispergentur oves gregis. Sed postquam resurrexero, præcedam vos in Galileam. *March. 14. v. 27. & 28.*
(b) *Petrus autem ait illi: etsi omnes scandalizati fuerint in tei sed non ego. Et ait illi Jesus:*

(a) Quam gallus cantet bis; ter me, *Petre*, negabis. 10

Petrus adhuc refragari, seseque paratum

Afferere in gladios ruere, & contemnere mortem.

(b) Jamque propinquabant horto, & de nomine dicto
Gethsemani: arboribus locus obsitus undique opacam

Lunam obscurabat magis, addensabat & umbras 25

Et jam tempus erat, quo crudelissima quæque

Omnia, ut ardebat dudum, exhauriret Jesus.

[c] Hoc desiderium, pro nobis quidquid acerbi est

Perferre, hæc illum fitis insatiabilis urit.

Carnifices poterant corpus laniare: dolores 30

Vulnæraque aggerere, & probrosæ dedere morti;

Angorem tamen, & mœrorem afferre beatæ

Haud poterant animæ. Voluit tamen hunc quoque tantum,

Quantum nemo, unquam mortalis, sponte subire.

Ergo uno obtutu cuncta impendentia cernens 35

Tormenta, anticipansque animo, atque in imagine multo

Vividiore ipsis rebus, ludibria, probra,

Verberaque, & sputa, atque alapas, palmasque, pedesque

Multa vi, & ferro terebrandos, & paliurum

Hæsurum capiti, atque introrsum fustibus actum. 40

Hæsuramque hastam lateri, sævissimaque, ultra

Mortem, vulnæra defuncto infligenda: sitimque

Viscera torrentem irridendam felle, & aceto:

Atque inimicorum rabiem, suspiriaque inter

(d) Postrema, irrisus, sannas, maledictaque ad aurem: 45

Quin etiam adstantemque cruci, absumptamque dolore

O 3

Aspi-

(a) *Amen dico tibi, quia tu hodie in nocte hac priusquam gal-
lus vocem bis dederis; ter me es negaturus. At ille amplius
loquebatur: etsi oportuerit me simul commori tibi non te ne-
negabo. Ibid. a v. 29. ad 31.*

(b) *Tunc Jesus venit cum illis in villam quæ dicitur Gethse-
mani. Matth. 26. v. 36.*

(c) *Quomodo coarctor, usque dum perficiatur. Luc. 12. v. 50.*

(d) *Omnes videntes me deriserunt me. Ps. 21. v. 8.*

Aspiciens gladio trajectam pectora Matrem;

(a) Horrui, intravitque animi penetralia mœror
Tetrior; & laniena ipsa crudelior angor,
Et pavor, immensumque & ineluctabile pondus. 30

(b) Et festinaſſent mortem, mortemque dediffent
Extemplo; niſi probroſæ ſe abducere morti
[*] Nolens, atque avidus patiendi plura, vetaffet
Ipſe, uni ſalcem cui mors ſubmittit, & arcum.

Longius ab reliquis lapidis jactu ab tribus iſtis 35

(c) Diſcipulis mage dilectis avuſſus, & illos
Exhortans, ut & orarent, laqueosque caverent

(d) Orando; ſternens ſe in terram, cernuus ore
Oravit Patrem: ſi ita fert tua ſancta voluntas,
Mortiferum hunc a me calicem devolve, necique 60
Eripe. Nec vero quod vellem ego; ſed quod tu vis,
Id fiat. Totum oblitus, totumque videtur
Sepoſuiſſe Deum, nequid non ille doloris
Sentiret, nequod ſibimet ſolamen, opemque
Ferret. Sed ruruſus tanquam Deus, omnia jamtum 65
Antevidens longe; vidit tot deinde futuros
Ingratos homines, qui quos tulit ille dolores

(e) Peccando augerent, ruruſumque affigere ligno
Tentarent furioſi illimet, pro quibus ibat
Sponte animam tam crudeli demittere morti. 70
Inſurrecturum contra ſe vidit *Arium*:

Nc-

-
- (a) *Intraverunt aquæ uſque ad animam meam. Pl. 68. v. 2.*
 (b) *Triftis eſt anima mea uſque ad mortem. Matt. 26. v. 38.*
 (c) *Vetaffet uſque a vetavi. Habet autem vetavit pro vetuit. Ovid. Metam. L. X. v. 387. & Perſius Sat. 5. v. 90.*
 (d) *Avuſſus eſt ab eis quantum jactus eſt lapidis. Luc. 22. v. 41.*
 (e) *Procidit in faciem ſuam orans, & dicens: Pater ſi poſſibile eſt tranſeat a me calix iſte. Veruntamen non ſicut ego volo; ſed ſicut tu. Math. 26. v. 39.*
 [e] *Ruruſus crucifigentes ſibimetipſos filium Dei, & aſtentus habentes: Ad Hebr. 6. v. 6.*

Nestor in Matrem, *Helvidiumque*, & pessima monstra
Lusberum hinc, illinc *Calvinum*, tota trahentes
 Mortiferis post se regna incantata venenis.

Vidit pejora ausuros, quos hæc tulit ætas 75

Philosophos: qui nil sanctum, intactumque relinquunt:

Divinosque etiam ridere & spernere libros,

Sacrilegumque insani audent stabilire tribunal,

Atque ibi Censores de Religione sedere.

Vidit, quod peragebat opus tam grande salutis, 80

Atque suæ mortis pretium fore inutile multis!

Et pro centenis, centenis millibus, eheu!

Frustra effusurum sese cum sanguine vitam.

Hoc tetrum magis, hoc illi attulit infinitum

(a) Mœrorem: totisque undis maris obrutus ille est. 85

Tum jam sanguineus sudor prorumpere: guttæ

(b) Uberrim filo in terram stillare cruento.

(c) Et vestes saturare, & largis currere rivis

Undique, quæ revehunt vasis hinc inde cruorem

Extrebratis præ mœrore, angoreque ruptis. 90

Heu! ego pars pœnæ tantæ, immensumque dolorem

Movi ego: nam sæpe in te ausus peccare protervus,

Et reficere tua, & rursus diducere sævus

Vulnora. Tu vero, tu nunc, charissime Jesu,

Accipe quæ solæ lacrimæ, gemitusque supersunt. 95

(d) Labere, sancte Ales cælo, & solare jacentem.

Vult (mirum!) Deus ipse tuo solatio egere.

(a) *Veni in altitudinem maris, & tempestas demersit me.* Pl. 68. v. 4.

(b) *Factus est sudor ejus sicut gutta sanguinis decurrens in terram.* Luc. 22. v. 45.

(c) *Quare rubrum est indumentum tuum, & vestimenta tua sicut calcantium in torculari?* Isa. 63. v. 2.

(d) *Apparuit autem illi Angelus de cælo confortans eum.* Luc. 22. v. 43.

OPPROBRIUM HOMINUM:

Opprobrium hominum, & abjectio plebis. Pl. 21. v. 7;

C A R M E N X X X I V.

- H**AËtenus ignari flendi, expertesque doloris
 Lugete o cæli, vosque o! lugete beati
 Aligeri, & pulchros lugendo obnubite vultus.
 Vester Amor, quem vos adeo exardescitis usque
 (a) Aspicere, aspectu qui vos recreatque, beatque; 9
 Proh scelus! Opprobrium est hominum, atq; irrisio plebis!
 (b) Nummis triginta, quæis despectissima quæque
 Mancipia exponi vulgo, addicique solebant,
 (c) Ab sibi quam charo; sed perquam perfido amico
 Proditus, atque suis venundatus hostibus ecce est. 10
 Perfidioso illi lugubria dicite verba,
 (d) Figitque, obruite horrifonis illum undique diris.
 (e) Excelsam, execranda, tuam sedem occupet alter.
 (f) Abrumpas vitam laqueo, infletumque cadaver
 Rixa cruenta avidis jaceas canibusque, lupisque. 15
 Tundatque, & rostro trahat ilia vultur obunco.
 Subsidat imo umbrarum, abruptoque profundo:
 (g) A dextrisque tuis draco stet, sævissimus ultor,
 Arbi-

Obstupescite cali super hoc, & porta ejus desolamini vehementer. Jer. 2. v. 12.

- (a) *In quem desiderant Angeli prospicere. 1. Petr. 1. v. 12.*
 (b) *Appenderunt mercedem meam triginta argenteas. Zach. 11. v. 12.*
 (c) *Homo pacis mea, in quo speravi, qui edebat panes meos, magnificavit super me supplantationem. Pl. 40. v. 10.*
 (d) *Dilexit maledictionem, & veniet ei. Pl. 108. v. 18.*
 (e) *Episcopatum ejus accipiat alter. Pl. 108. v. 8.*
 (f) *Suspensus crepuit medius, & diffusa sunt omnia viscera ejus. Act. 1. v. 18.*
 (g) *Et diabolus stet a dextris ejus. Pl. 102. v. 6.*

Arbiter ille draco tenebrarum, & legifer Orci.

Quandoquidem tam execranda benefacta rependis 20

- (a) Perfidia, infontemque inimicis osculo amicum
Prodere sustinuisti, ausus canibus dare sanctum.
- (b) Irrumpunt illi armati. Quibus obuius ultro
Procedens Jesus, ut sese ostenderet ire
Sponte sua ad mortem, non vi: Quem quæritis adsum, 25
Ecce ego sum. Vix, ut dixit, simul arma, virosque
- (c) Præcipites retroversum afflixitque, ruitque,
Effuditque solo, ceu posset fulmine, verbo.
Procubere omnes relupini, Mortua credas
Corpora. Sic illi exanimi, immotique jacebant, 30
Præterea! necui damnum intentare suorum
- [d] Auderet quisquam, verbo, imperioque coegit.
Quin *Malcho*, ante omnes tentanti immittere vincla;
- (e) Quam gladio, & grandi *Petrus* dejecerat ictu
Aurem; restituit, populataque tempora tactu 35
- (f) Integrat, & reddit quem ferrum excussit honorem:
Debuerant agnosce Deum, & portenta fateri;
- (g) Ast erat illa hora illorum, umbrarumque potestas:
- (h) Ergo iterum cæci irrumpunt, manicisque ligatum,
Et, sceleratorum de more, ad terga reuinctum. 40
Ori intentantes gladios, funalia, tædas,
Funibus, & pugnis etiam, multaue trahentes

Vi

-
- (a) Odium pro dilectione mea. Ibid. v. 3.
(b) Circumdederunt me canes multi. Ps. 21. v. 17.
(c) Ut ergo dixit eis: ego sum, abierunt retrorsum, & ceciderunt in terram. Joa. 18. v. 6.
(d) Si ergo me quæritis, finite hos abire. Ibid. v. 8.
(e) Simeon ergo Petrus habens gladium eduxit eum, & percussit Pontificis servum: & abscidit auriculam ejus dexteram. Ibid. v. 10.
(f) Et cum tetigisset auriculam ejus, sanavit eum. Luc. 22. v. 51.
(g) Hæc est hora vestra, & potestas tenebrarum. Ibid. v. 63.
[h] Cohors ergo, & tribunus, & ministri Judæorum comprehenderunt Jesum, & ligaverunt eum. Joa. 18. v. 12.

- Vi captum Jesum, quem paucis ante diebus;
 Tanto illo, & tam magnifico exceperere triumpho.
 Quantum ignominiz, quantum nox illa doloris 45
 Attulit! Horresco referens. Mastigia vilis,
 (a) Heu! alapa impetere, & divinum cadere vultum,
 Sacrilegaque manu ausus, tartareoque furore est.
 Expavit cælum, gemuitque extrerrita tellus.
 (b) Concilium horrendum cogunt, præfeseque *Caipbas*, 50
 Quo non aut rabie, scelere aut immanior alter:
 Fare age, per vivens te obtestor; perque supremum
 (c) Numen: Num tandem Christus, numquid Deus es tu?
 (d) Omnino is sum, quem dixi, subjecit Jesus.
 Adjecitque: olim sese, cernentibus ipsis, 55
 Nubi insidentem venturum, ut judicet Orbem.
 Tum vero ille senex furiata mente sacerdos
 [e] Dirumpens vestes, tamquam execrabile quidquam
 Audisset: Quid opus nobis jam testibus? Ecce
 Audistis vosmet verba execranda. Quid ergo 60
 Nunc vos, aut quæ nunc animo sententia surgit?
 [f] Et reus est mortis (tamquam essent ore loquuti
 Uno omnes) scelerato omnes simul ore fremebant.
 Audi-

-
- (a) Unus assistens ministrorum dedit alapam Jesu. Joa. 18. v. 22.
 Dabit percutienti se maxillam, saturabitur opprobriis.
 Thren. 3. v. 30.
 (b) Principes autem sacerdotum, & omne concilium quarebant
 falsum testimonium contra Jesum. Matth. 26. v. 59. Conci-
 lium malignantium obsedit me. Pl. 21. v. 27.
 (c) Adjuro te per Deum vivum, ut dicas nobis, si tu es Chri-
 stus Filius Dei. Matth. 26. v. 63.
 (d) Tu dixisti, verumtamen dico vobis: amodo videbitis filium
 hominis sedentem a dextris virtutis Dei, & venientem in
 nubibus cæli. Ibid. v. 64.
 (e) Scidit vestimenta sua dicens: Blasphemavit: quid adhuc
 egemus testibus: quid vobis videtur?
 (f) At illi respondentes dixerunt: Reus est mortis. Ib. v. 65. & 66.

- [a] Ausique expuere in faciem, insanoque tumultu
 Irruere, & colaphis pulsare: & tundere pugnis, 65
 Irasque explere, invidiamque, instarque Leonum
 Circumfrendere, & certatim illudere capto.
 Nequid inexpertum furor, impietasque relinquant;
 (b) Obnubant oculos velo, multoque cachinno:
 Eja age, quandoquidem Deus es tu, vaticinare, 70
 Nomine compella, qui te hoc nunc verberat ictu.
 Interea *Petrus* (neque pars hæc parva doloris)
 Quamlibet admonitus nuper; tamen ille pavore
 Abreptus, penitusque excussus mente, Magistrum
 (Pro quo, nil dubitans medium se opponere morti; 75
 Infestis ultro impavidus se objecerat armis)
 (c) Destituit ter, terque illum se nosse negavit.
 Deseruere omnes. Circum hostes undique. Nemo
 Qui misereretur, solareturve relictus.
 Post ubi lux scelus horrescens, invitaque fulsit; 80
 [d] Concilium rursus sceleratum habuere, & inique
 Damnatum, vinctumque retro adduxere *Pilato*,
 Qui tum *Romanus* Prætor, Præfesse regebat
Judaam, satis ille sagax, & callidus. Illi
 Vestibulum ante ipsum, cum stulta, cumque procaci 85
 Ple-

- [a] Tunc expuerunt in faciem ejus, & colaphis eum ceciderunt.
 v. 27. Aperuerunt super me os suum sicut leo rapiens, &
 rugiens. Pl. 21. v. 14.
 (b) Et velaverunt eum, & percussiebant faciem ejus: & inter-
 rogabant eum dicentes: Prophetiza quis est, qui te percussit.
 Luc. 22. v. 64. Et lumen oculorum meorum, & ipsum non
 est mecum. Pl. 37. v. 11.
 (c) Nescio hominem istum, quem dicitis. Marc. 14. v. 71. In
 circuitu ejus hostes ejus. Thren. 1. v. 17. Sustinui qui simul
 contristaretur, & non fuit: & qui consolaretur, & non in-
 veni. Pl. 68. v. 21.
 (d) Et confestim mane concilium facientes summi sacerdotes cum
 senioribus, & scribis, & universo concilii vincientes Jesum
 duxerunt, & tradiderunt Pilato. Marc. 15. v. 1.

- Plebe sacerdotes mixti, amentesque furore;
 (a) Seditionis in Augustos, clamore protervo,
 Infimulant Jesum. Hæc odiosa calumnia visa
 Opportuna magis rem præcipitare, & acerbam;
 Quamque exoptabant insonti arcessere mortem. 98
 Nec vero sua spes illos, odiumve fefellit.
 Atque equidem rabiem, accusatorumque tumultum,
 Atque ex adverso tam mitem, tamque serenum
 Vultum accusati (quisquis tandem foret ille)
 Aspiciens; facile invidia fieri omnia Præses 95
 Agnovit. Sed adhuc Jesum scitatur, & urget:
 [b] Rexne tu es? Aut quorsum hæc in te accusatio regni?
 (c) Et didicit: Regem esse quidem, nec regna caduca
 Curare hæc, nec venisse hæc evertere regna.
 Venisse, ut fuerat quæ cæca, & pærvia nulli 100
 Hastenus; extaret jam publica semita veri.
 Exiit, insontemque hominem, pro munere Judex
 [d] Testatus; conabatur lenire furentes
 Incassum. Rabidi magis illi attollere vocem:
 [e] Seditiosum illum appellare, vocare rebellem, 105
 Turbarumque facem, & caput, osoremque quietis,
 Et pacis. Primos ausum præbere tumultus
 In Galilæa: inde egressum turbasse per omnem

Ju

-
- (a) Cœperunt autem accusare illum dicentes: Hunc invenimus subvertentem gentem nostram, & prohibentem tributa dari Cæsari, & dicentem, se Christum Regem esse. Luc. 23. v. 2. Accuerunt linguas sicut serpentis: venenum aspidum sub labiis eorum. Ps. 139. v. 5. Insurrexerunt in me testes iniqui. Ps. 26. v. 12.
 (b) Pilatus autem interrogavit eum dicens: Tu es Rex Judæorum? At ille respondens ait: Tu dicis. Luc. 23. v. 3.
 (c) Regnum meum non est de hoc mundo. Joa. 18. v. 36.
 (d) Ait autem Pilatus ad principes sacerdotum, & turbas: Nihil invenio causæ in hoc homine. Luc. 23. v. 4.
 (e) At illi invalescebant dicentes: commovet populum docens per universam Judæam, incipiens a Galilæa usque huc. Ibid. v. 5.

Judeam. Prætor causam quacumque liceret
Ab se amoliri, seque hinc subducere tentans; 110
Ut *Galileum* esse audivit, transmisit Jesum
Herodi Regi, qui forte advenerat urbem
Nuper, sacrorum studio, extinctique paterni
Imperii partem, *Galilææ* sceptrâ tenebat.

Audierat Christi *Herodes* miracula, lætusque, 115
Et sperans, portenta aliquot, se judice coram
Facturum; multis Jesum sermonibus ultro

- [a] Aggrediens, præter propter, quam multa rogabat.
At Jesus nihil audire, & perstare perinde
Immotus tanquam surdus: nullum hinc verbum. 120
Mutus erat. Vocem illius Rex ille peremptam,
Sanguinea & lance investam inter fercula, nuper
Prostibulo infando obtulerat furialia dona.
Spretum se *Herodes* ratus; et si excanduit; iram
Dissimulans, tanquam male sanum, menteque captum 125

(b) Ludicra indutum veste ad prætoria misit.

Et Prætor tunc: ecce, inquit, nil morte repertum

- (c) Dignum est: & neque ego, neque Rex invenimus ullum
In misero hoc crimen. Quorsum furor, iraque tanta?
Nuntius interea dederat quæ Præsidis uxor 130

(d) Hæc mandata ferens aderat: ne perdere Justum

Illum, neu tali scelerari funere mallet,

Nil meruisse: indigna pati: portenta minari:

Multa

(a) At ipse nihil illi respondebat. Ibid. v. 8. & 9. Ego autem tanquam surdus non audiebam, & sicut mutus non aperiens os suum. Pl. 37. v. 14.

(b) Sprevit autem illum Herodes cum exercitu suo: & illius indutum veste alba, & remisit ad Pilatum. Luc. v. 11.

(c) Nullam causam invenio in homine isto. . . . Sed neque Herodes: nam remisi vos ad illum & ecce nihil dignum morte adest ei. Ibid. v. 13. & 14.

(d) Misit ad eum uxor ejus dicens: Nihil tibi; & Justo illi: multa enim passa sum hodie per visum propter eum. Matth. 27. v. 19.

Multa objecta oculis sibi mira, atque horrida visu:

Moris erat, cum nempe aderant illa annua sacra 135

(*Habreo Habrei dicebant nomine Pascha*)

- (a) Quem populus vellet vinculis educere vincitum,
Quemque ipsi optassent sontem subducere morti.
Nunc tamen hanc Præses veniam, arbitriumque coercens.
- (b) Ecquem mavultis, Jesum ne hunc, an *Barabbam* 140
Dimitti vobis? Fieri neque posse putabat,
Ut non mavellet Jesum. Tam odiosus, & atrox
Alter erat. Sed lymphati, stolidæque protervi,
- (c) Et stygia accensi rabie, optavere *Barabbam*.
At tu pro scelere hoc tanto gens perfida, pœnas 145
- [d] Quas tibi tu horrendas, ferisque nepotibus, amens
Oprasti, exsolvas. Videas tua mœnia circum
Millia centena, & centena cadavera truncis
Transversis affixa; atroque fluentia tabo,
Donec deficiant jam silvæ, & ligna, locusque. 150
Dira fames rabidos in mutua corpora dentes
Vertere compellat: pueros, partusque recentes
- (e) Moribus absumptos rursus in sua viscera condant
Matres. Ipsi hosti moveas lacrimas, gemitusque.
Corruat in cineres tristi, æternaque ruina 155
- [f] Templum: nec tua in urbe super lapidem lapis exstet.
Tu tamen, in pœnas, totum errabunda per orbem
- [g] Durabis, cunctis iusta execratio, & horror Gen-

-
- (a) *Per diem autem solemnem consueverat Præses populo dimittere unum vincitum quem voluissent. Matth. 27. v. 15.*
- (b) *Congregatis ergo illis dixit Pilatus: Quem vultis dimittam vobis, Barabbam, aut Jesum, qui dicitur Christus? Ibid. v. 17.*
- (c) *Clamaverunt ergo rursus omnes dicentes: Non hunc; sed, Barabbam. Joa. 18. v. ult.*
- (d) *Sanguinis ejus super nos, & super filios nostros. Matth. 27. v. 25.*
- (e) *Ita ut comedatis carnes filiarum vestrorum. Lev. 26. v. 29.*
- (f) *Non relinquetur hic lapis super lapidem. Matth. 24. v. 2.*
- (g) *Dabo eos in vexationem universis regnis terre, in maledictionem, & in stuporem, & in sibilum, & in opprobrium cunctis gentibus, ad quas ejeci eos. Jer. 29. v. 18.*

Gentibus, & cunctis odium opprobriumque futura.

Prætor tum vitam saltem se posse tueri 160

Sperans infanti, tentansque an sanguine posset
Feralem, immanemque sitim extinxisse cruoris;

(a) Verberibus cædi Jesum jubet. Horreo totus,
Verbaque, mensque etiam fugiunt, ac destituunt me.
Heu! atrox nimium, nimiumque infame luiti 165

Supplicium! plenum tormento, ignominiaque!
Nec triste hoc magis, aut ignominiosius ullum!
Addunt verberibus ludibria barbara: tritam

Jam chlamydem, fuerat quondam quæ purpura Regum,

[b] Ridentes circumvolvunt, capitique coronam 170
Sanguinolentis intertextam sentibus aptant.

Ridiculum dextræ sceptrum est fluvialis arundo.

Deinde genu posito: *Salve rex*, sputaque in ora

Torquent, ingeminantque alapas, & arundine sentes

Altius infigunt capiti, immanesque cachinnos 175

[c] Rumpunt. Nemo hominum, nemo unquam talia passus
Credidit aspectu hoc Prætor, quascumque ferinas,
Quamlibet indomitas tandem mitescere posse,
Et deflare, & pietate obtundier iras.

[d] Ergo iterum coram eductum, flagrisque cruentum, 180

Et spinis, digito ostendens: en inquit Jesum,

Ecce Homo. Tolle illi clamabant, figeque ligno,

Voci.

(a) Tunc ergo apprehendit Pilatus Jesum, & flagellavit. Joa. 19. v. 1.

(b) Et exuentes eum, chlamydem coccineam circumdederunt ei
Et plectentes coronam de spinis, posuerunt super caput ejus,
& arundinem in dextera ejus. Et genuflexo ante eum, illu-
debant ei dicentes: Ave Rex Judæorum. Et expuentes in eum
acceperunt arundinem, & percutiebant caput ejus. Matt. 27.
v. 28. ad 30. Et debant ei alapas. Joa. 19. v. 3.

[c] Attendite, & videte si est dolor, sicut dolor meus.
Thren. 1. v. 11.

(d) Exiit ergo Jesus portans coronam spinæ, & purpureum
vestimentum: Et dixit eis: Ecce homo. Joa. 19.

- [a] Vociferabanturque audacius. Insuper audent
 Prætori quoque terrorem intentare, minasque:
 [b] Hunc nisi supplicio dedis, nisi morte coerces; 185
 Tu quoque *Romani* Imperii te, & *Cæsaris* hostem
 Præfers: nam contra hic audet turbare, sibi que
 Arrogat imperium, sceptrumque invadere tentat.
 Prætor ad hæc animo fractus, victusque timore
 (c) Improbo, & incassum tergens, quas sanguine tinxit, 190
 Fœdavitque manus, infontem & rursus Jesum
 (d) Testatus; morti tamen amandavit iniquæ
 Impius. Auctorem vitæ, Auctoremque salutis.
 Festinatur ubique, oculisque ostenditur ingens
 Pondere crux valta, & rabide properata: suisque 195
 (e) Vestibus induto, necui non cognitus esset,
 Semianimique, ac dilaniato, artusque trementi
 (f) Imponunt humeris transversum, infameque lignum,
 Cui configendus, cui suspendendus erat mox.
 Flagitiosorum, sua qui commissa luebant 200
 Supplicio, excussis craniis, atque ossibus, alte
 Horridus, ad Solem occiduum, egredientibus urbem
 Mons erat: inde illi nomen *Calvarius*. Illac
 Abducendus erat Jesus. Dat martia signum
 Buccina: porticibus, tectis, plenisque fenestris 205
 (g) Impendent avidi spectandi: compita, calles

Com.

-
- (a) Et clamabant dicentes: Crucifige, crueifige eum. v. 6. Et
 invalescebant voces eorum. Luc. 23. v. 23.
 (b) Si hunc dimittis non es amicus Cæsaris: omnis enim qui se
 regem facit contradicit Cæsari. Joa. 19. v. 12.
 (c) Accepta aqua lavit manus coram populo dicens: Innocens
 ego sum a sanguine justii hujus. Matth. 27. v. 24.
 (d) Tunc ergo tradidit eis illum, ut crucifigeretur. Joa. 19. v. 16.
 (e) Et induerunt eum vestimentis suis. Mar. 15. v. 20.
 (f) Et bajulans sibi crucem exivit in eum qui dicitur *Calvaria*
 lacum, hebraice autem *Golgotha*. Joa. 19. v. 17.
 (g) Ipsi vero consideraverunt, & inspexerunt me. Pl. 21. v. 18.

Complentur,* fremitu, concursuque omnia fervent.

(a) Dant manibus plausum ingentem, illuduntque superbi
Victo victores, insultantque auribus hostes.

Vix aliquot gemituque piæ, lacrimisque, sequuntur, 210

[b] Et lamentantur perculsæ pectore Matres.

Hinc, atque hinc densæ incedunt, sævæque cohortes,

Nudos præ manibus gladios, hastasque gerentes,

Aspectumque trucem. Caputum cava tegmina, cristæ

Sole incenduntur, flammisque minacibus ardent, 215

Terrificantque oculos. Raptatus funibus, iter

Lictores, interque hostes, interque latrones,

Ad vepresque pedes passim, atque ad saxa cruentans

It Jesus, nos ut moriens vitæ asserat, utque

(c) Affigat ligno decretum mortis acerbæ.

DOMINUS MORTIS.

Habeo claves mortis. Apoc. i. v. 18.

CARMEN XXXV.

N Il magis indomitum, nihil imperiosius unquam
Morte est. Regnandi mire ambitiosa, feroxque,
Arbitrium cerebrosum, exlex, cæcumque superba
In nos imperium exercet. Sic, ut lubet illi,
Quando & cunque lubet, quin fas obistere contra 5
Ulli sit, nulloque status discrimine, nullo
Ætatis, quot sunt homines (Regesque perinde
Ac plebem abjectam, & vulgus, puerosque, senesque
Confundens passim temeraria) calcatur iisdem

P

Ad

(a) *Plausum suæ te manibus. Thren. 2. v. 15.*

(b) *Plangebant, & lamentabantur eum. Luc. 23. v. 27.*

(c) *Delens quod adversum nos erat chirographum decreti, quod erat contrarium nobis, & ipsum tulit de medio effigens illud cruci. Ad Colos. 2. v. 14.*

- Ad libitum cunctos pedibus, subigitque domatque. 10
 Fatiferamque atrox falcem rotat undique, & arcum
 Horrisonum, prout instigat, suadetque libido.
- (a) Nec retinere aliquanto ictum, saltemque morari
 Tantisper, cuiquam mortali est facta potestas.
 Sponte sua, suo & arbitrio duntaxat Jesus 15
 Mortuus est. Moriendi unus tempusque, modumque
 Optavit. Sicut veniendi in luminis auras,
 Et Matrem, & tempus nascendi elegerat unus.
 Non illi, ut nobis, Animam Mors eripit. Ultro
- (b) Pro nobis Animam dare vult, & ponere vitam. 20
 (c) Ut vitam daret, utque etiam horroremque metumque
 Eriperet moriendi; conculcare ferocem
 Vult, atque amplexu omnipotente elidere Mortem.
 Ut Mortis Dominus moritur. Non deficit illum,
 Non fracta est vox, aut animus. De more serenus 25
 Fronte, oculis, gestu, imperturbatus, eodem
 Quo pacare undas, tempestatesque solebat,
 (d) Vultu est. Et: Pater, exclamat, dimitte: quid isti
 Committant, haud agnoscunt, Patientia tanta,
 Tantaque pax animi morienti est. Pro hostibus usque 30
 Ad mortem immani, rabidaque furentibus ira,
 Invidiaque, Deum supplex, Patremque precatur.
 De geminis Crucis, ac pœnz confortibus, unum
- (e) Adsciscit cælo comitem, exauditque precantem.

Aft

-
- (a) Non est in hominis potestate prohibere spiritum, nec habet potestatem in die mortis. Eccl. 8. v. 8.
 (b) Ego pono animam meam... Nemo tollit eam a me: sed ego poro eam a me ipso, & potestatem habeo ponendi eam, & potestatem habeo iterum sumendi eam. Joan. 10. v. 17. & 18.
 (c) Ut per mortem destrueret eum qui habebat mortis imperium, id est diabolum, & liberaret eos qui timore mortis per totam vitam obnoxii erant servituti. Ad Hebr. 2. v. 14. & 15.
 (d) Pater dimitte illis: non enim sciunt quid faciunt. Luc. 23. v. 34.
 (e) Hodie tecum eris in Paradiso. Ibid. v. 43.

HEROICA:

217

- Ast alium maledicentem nihil increpat: audit
 Leniter opprobria, & convicia vana vomentem. 35
 Dein prope se stantem transfixam pectora Matrem
 Aspiciens gladio; ne *Marris* nomine vulnus
 Asperet, immensumque, infinitumque dolorem
 Augeat: appellans comuni nomine, caro 40
 (a) Præ reliquis coram adstanti commendat Alumno.
 Inque vicem Matri dilectum credit Alumnum.
 Utque palam faciat, quidquid crudele, & acerbum
 In morte est, exhaustisse, & subiisse libenter;
 (b) Conqueritur sibi de cælo solatia nulla 45
 Esse: Deumque vocat, neque tum cognomine *Patrem*
 Appellat. Tanquam abjectus, curæque paternæ
 Experts, & tanquam prorsus foret ille relictus.
 (c) Dein rursus lamentatur, dicitque sitire
 Se. Sitis ultra etiam mortem violenta palatum 50
 Visceraque urebat. Neque jam, si non Deus esset,
 Ac sitis, ut *Mortis Dominus*; prorumpere vocem
 Posset. Profuso toto, exhaustoque cruore;
 Hærerent siccis verba immorientia labris.
 Nec sedare sitim quærit, solatiave ulla 55
 Ambit. De sese quæ sunt cuncta edita Vatum
 (d) Oracula impleri vult. Scriptum: felle, & aceto
 Potandum. Simul utrumque ut gustaverat ore.
 (e) Omnia jam completa, alte pronuntiat. Inde
 Altius attollens vocem, clamoreque magno 60
 Compellans iterum Patrem tranquillus, & ipsi

P 2

Con-

-
- (a) *Mulier ecce filius tuus. Ecce Mater tua.* Joa. 19. v. 26. & 27.
 [b] *Deus meus, Deus meus ut quid dereliquisti me?* Matth. 27.
 v. 46. Pl. v. 2. Vide Bened. XIV. de Fer. sexta in Pa-
 rasceve n. 103.
 (c) *Sitis.* Joa. 19. v. 28.
 (d) *Dederunt in escam meam fel, & in siti mea potaverunt me*
aceto. Pl. 68. v. 22.
 (e) *Consummatum est.* Joa. 19. v. 30.

- (a) Concredens quam vult Animam demittere morti;
 Divinum inclinans fessum caput, expiravit.
 Exspiravit enim, nostramque hanc vivere vitam
 Delit ipse Auctor vitæ, cui scilicet uni est 65
 In vitam, in mortemque etiam suprema potestas.
- (b) Centurio admirans clamorem, voceque tanta
 Exhalasse animam: longe hoc excedere morem
 Humanum agnoscit, Dominumque, Deumque fatetur.
 Tantum illum clamor docuit morientis Jesu! 70
 Divisere sibi dein vestimenta. Sed illa
 Quam puero tunicam Jesu properaverat olim
 Ipsa suis Mater manibus, sorte obrigit uni.
- (c) Nam sancta hanc etiam cecinere Oracula sortem.
 Dissentis cruce moris erat contundere crura 75
 Fuisse aliquo, aut clava, aut ferro: fregere & utrique
 Latroni. Solus Jesus restabat. At ille
- (d) Hoc vetuit. Sibi comminui sibi que ossa refringi
 Noluit. Hoc *Agno* fieri *Lex* ipsa vetabat:
 Et fuit ille hujus Divini umbra, & typus *Agni*. 80
 Vel minima hæc, & cuncta suam spectantia mortem
 Pro libitu regit, atque ut vult moderatur Jesus.
 Morte ipsa ostendens *Mortis Dominum* esse, Deumque.
- (e) En *Primogenitus* cur Jesus dictus eorum,
 Qui morti concefferunt. Sic dicitur ille, 85
 Sponte sua amplecti quia vult, gustareque mortem:
 Et quia *Mors* illi *claves*, sceptrumque reliquit.

- (a) *Et clamans voce magna Jesus ait: Pater in manus tuas commendo Spiritum meum. Et hæc dicens expiravit.* Luc. 23. v. 46.
 (b) *Videns autem centurio... quia sic clamans expirasset, ait: Vere hic homo filius Dei erat.* Marci 15. v. 39.
 (c) *Diviserunt sibi vestimenta mea, & super vestem meam miserunt sortem.* Ps. 21. v. 19.
 (d) *Ut Scriptura impleretur: Os non comminuetis ex eo.* Joan. 19. v. 36. Exod. 12. v. 46.
 (e) *Primogenitus ex mortuis ad Coloss. 1. v. 18. Primogenitus mortuorum.* Apoc. 1. v. 5.

E X C E S S U S.

*Dicebant excessum ejus, quem completurus erat in Jerusalem.
Lucæ 9. versic. 31.*

CARMEN XXXVI.

HEu! Quianam tanta gemuit convulsa ruina
Undique totius tremefacti machina Mundi!
Quid tam atrata dies! Quid tam lugubribus umbris
Extinctus medio Sol supra in culmine cæli est!
Luna procul nunc est: nec totum extinguere Solem 5
Luna potest, nec tam ambitionem offundere noctem,
Quæ cælum, totumque involvat, & obruat Orbem.
(a) Templi vela, hominum nullis cogentibus, ipsa
Sponte indignantur, summoque a vertice ad ima
Stridorem, irasque ingeminant, & rupta dehiscunt! 10
Saxa etiam rumpuntur! Hiant revoluta sepulchra!
Apparent simulachra modis surgentia miris!
Succutitur fundo imo tellus! Omnia lugent
Immensum, interitumque Orbi, exitiumque minantur!
Scilicet indigna, & crudeli morte peremptus 15
Exspirabat Homo Deus. Et sensit, gemuitque,
Auctoremque suum morientem exhorruit Orbis.

Hicine, quem spinis horrentem tempora circum,
De clavis, de vulneribusque, & de trabe cerno
(b) Pendentem, mediumque duos hinc inde latrones, 20
Hicine Homo Deus est? Et quis committere tantum

P 3

Aufus

*Oscutatus est Sol. Luc. 23. v. 45. Et facta hora sexta tenebra
facta sunt per totam terram. Marc. 15. v. 33.*

(a) *Et ecce velum templi scissum est in duas partes a summo
usque deorsum, & terra mota est, & petra scisse sunt. Et
monumenta aperta sunt. Matth. 27. v. 51. & 52.*

(b) *Crucifixerunt eum, & cum eo alios duos hinc, & hinc; me-
dium autem Jesum. Joa. 19. v. 18.*

Aufus, vel potuit?

Quam lacerum ha! quam triste, cruentatumque cadaver!

Aspice diffusum totum exhaustumque cruorem!

(a) Aspices vibices, plagasque & verbera: sputaque, 29

Atque alapas in vultu ipso: & quæ vincula, funes

Passim imprefferunt vestigia multa cruenta!

(b) Aspice distenta, exturbataque ab ossibus ossa!

Obsignatos morte oculos, & sanguine multo

Concretos! Etiam concretos sanguine crines:

30

Imbutasque, & rochantes quoque sanguine spinas!

(c) Et manum utramque, & utrumque pedem grandi, atque trabali

Clavo confixos ad palum, & vulnere ruptos!

Ruptum etiam pectus! Vulnus crudelius hoc est.

Postremum ediderat gemitum, exspiraverat; atra 35

Mors erat in vultu, palam erant vestigia mortis.

(d) Et tamen immanis tentavit lancea pectus,

Ultima scrutatum est ferrum penetralia cordis;

Siqua lateret ibi vitæ pars ulla superstes.

Ferrum crudele, & multo crudelius ipso

40

Clavorum ferro! Nihil o crudelius unquam!

Quis tibi nunc Mater Virgo afflictißima sensus,

Cum prope stans immota, Deum, Gnatumque videres

Inter tormenta, atque inter ludibria, clavis

Infami affixum palo, & jam morte natantes

45

Defigentem oculos in te, & suspiria dantem

Postrema, & tandem claudentem lumina morte?

Ultra etiam mortem transfossam cuspide pectus.

(e) Stabat. Perque genas mutæ lacrimæ, atque silentes

Ibant

(a) *A planta pedis usque ad verticem capitis non est in eo Janitas.* Isa. 1. v. 6.

(b) *Dispersa sunt omnia ossa mea.* Pl. 21. v. 15. *Dinumeraverunt omnia ossa mea.* Ibid. v. 18.

(c) *Foderunt manus meas, & pedes meos.* Ibid.

(d) *Unus militum lancea latus ejus aperuit.* Joan. 19. v. 34.

(e) *Stabant autem juxta crucem Jesu Mater ejus.* Ibid. v. 25.

Ibant. Nec planctu, nec femineo ululatu
 Obstrepit. Infanctum, dirum, immensumque dolorem 50
 Pectore conclusum, laniantem viscera; totum
 Sustinuit, Materque, eademque tenerrima Virgo
 Stabat, cum totus rueret, pectus iret & orbis.
 Mira, ingens, & digna Dei constantia Matre!

O bene, quod video geminos & sanguine claros, 55
 Et pietate Viros accinctos tollere corpus
 De cruce! Jam scalas ambo subiere, crucemque.
 Evellunt spinas primum, sævamque coronam:
 Stillat adhuc multus renovato e vulnere sanguis.
 Percrepat, & gemitu, & repetitis ictibus instat 60
 Malleus, & crebra forceps vi annixa laborat
 Eruere intortos retrorsum a cuspide clavos:
 Hos jam tandem exemere, amplexuque cadaver
 Divinum stringunt, mœstissimaque oscula figunt.
 Fortunati ambo nimium! Qui sustinet orbem 65
 Sustenant. Ipsorum humeris, colloque recumbit.
 Heu! major, Virgo, major te pœna manebat!
 Illa quidem Gnati lacerum, & miserabile corpus
 Virgineo excepit gremio, complexaque, & hærens,
 Materno vultum vultu, atque os ore premebat. 70
 Pallida, & attonita ubertim, & sine murmure fufis
 Vulnere tergebat lacrimis, lacrimisque lavabat.
 Agnoscisne hos, Virgo, oculos, hæc ora, manusque?
 Filius hicne tuus, sobolesque æterna Parentis,
 Divini, & cum Patre Deo Omnipotens Deus ipse: 75
 (a) Heu! quam dissimilis, quantum mutatus ab illo,
 Cujus in aspectu noctesque, diesque trahebas!
 Cujus ad imperium Manes, & paruit ipsa
 Improba Mors: surda actutum patuere sepulchra,
 Redditaque amissæ viguere cadavera vitæ? 80

P 4

Hoc

[a] Non est species ei, neque decor, & vidimus eum, & non erat aspectus, & desideravimus eum. Isa. 53. v. 2.

Hoc amor, hoc [mirum] potuit, mortemque Deumque
Miscuit. En utrumque tibi! Ecce Deum! Ecce cadaver!
[a] Mortuus est nostra infanda ut commissa piaret.

Mortuus, ut nostra ablueret peccata cruore;
Ne nos, qui meriti, nos qui peccavimus ipsi 85
Morte immortalī, æterno lueremus & igne.
Flere libet. Pro me extincto, extinctoque latronum
Supplicio; lacrimis saltem exsequialia solvam.
Ergone tu ferro ad palum? Et quis ego, ut morerere
Tu pro me sic?.... 90

[b] Audebo, & dicam: Mente excessisse videris,
Cum nos, cum me ac eo ingratum tam perditte amasti,
Prodigus, ut velles divinam effundere vitam,
Et tam ignominiosa, & acerba occumbere morte. 95
Hic erat excessus *Solymis* complendus amoris,
Quem *Moses*, quemque *Elias* in vertice tecum
Mortis, mussabant, mirabanturque vicissim.
Excessit Deus: excessum complevit: amavit
Ad mortem, atque ultra. Spirant hæc vulnera amorem.
Hæret, & attonitum Carmen fileat, ac fileat orbis: 100
[c] Vos lacrymæ, & gemitus succedite....

SOPOR EXCUSSUS.

Ego dormivi, & soporatus sum, & exsurrexi. Ps. 3. v. 5.

CARMEN XXXVII.

I Te procul gemitus, procul hinc abssilite luctus:
Nam sopor ille fuit; non mors. Dormivit, & alte
Sponte soporatus; mox jam surrexit Jesus.

Magda-

[a] Mortuus est pro peccatis nostris. 1. ad Cor. 15. v. 4.

[b] Judæis quidem scandalum, Gentibus autem stultitiam. 1. ad Cor. 1. v. 23.

[c] Plangent eum planctu quasi super unigenitum. Zacch. 12. v. 10.

- Magdala*, quid tumulo tu inconsolabilis hæres,
 Lugendo, & vix non moreris consumpta dolore? 5
 Quidve unguenta paras, interque cadavera demens
 (a) Quæris viventem? Nulla hic jam funera. Nullum
 Stringere quod possis flendo inter brachia corpus,
 Atque aloë, & mixta lacrimis perfundere myrrhæ:
 Spargere cui violas possis, & lilia circum, 10
 Et mœrentem hyacinthum, inimortalesque amaranthos.
 Huc ades o! Vacuum sine corpore cerne sepulchrum.
 Crede oculis tu te ipsa tuis. Quem perditæ luges
 Tantum, quem tantum suspiras, *Magdala*, vivit.
 Vivit, & ille tuus non est hic *Magdala*, Jesus. 15
 Rupit, si nescis, perrupit vincula mortis,
 Ceu posset facilem, placidumque abrumpere somnum:
 Nil vigilum excubiæ, miles nihil obstitit illi,
 Nec lapidem immanem superimposuisse sepulchro,
 Quem nulli vestes, posset vis nulla movere. 20
 Et poterat solo nutu ille revolvere saxum;
 Noluit: intacto juvat illum exire sepulchro,
 Integra ut exivit quondam de Virginis alvo.
 Olim erat afficis Morti sopor; illa sopori
 Fastu se extollens affinem se esse negabat. 25
 Quippe recensēbat crebros sine fine triumphos:
 Tot populos, urbesque, & regna sepulta ruinis,
 Tot, tantos, tamque excelsos, Regesque, Ducesque;
 Qui fuerant quondam populorum terror, & Orbis;
 Nunc cinis exiguus sunt, exiguaeque favillæ: 30
Hic Jacet, hoc illis superest de Regibus unum.
 Non ita Rex Regum. Morti concessit, obivit
 Ille, sed illius super hæc sunt scripta sepulchro:
 [b] *Surrexit jam, Non est hic, surrexit Jesus.*

Nunc

Maria autem stabat ad monumentum foris plorans. Jo. 20. v. 11.

(a) *Quid queritis viventem cum mortuis.* Luc. 24. v. 5.

(b) *Surrexit, non est hic.* Marc. 16. v. 6.

Nunc primum affinis placidoque similima fomno 35

Mors fuit. Illa alios jam dedignata triumphos;

Immortalem etiam tandem vicisse canebat.

Vulnera vulneribus, tanto diffusa triumpho,

Congessit post mortem etiam, obstruxitque sepulchrum.

Jamque videbatur sibi met secura triumphi: 40

Et currus, & equos, atque aspernata quadrigas;

Alta triumphales, nigras superinduit alas,

Tentabatque superba ipsum conscendere cælum,

Atque ipsi, ut terris, cælo dominarier atrox.

Vah! Infanisti. Nescis, temeraria, nescis 45

Contra quem steteris. Nescis vicisse volentem

(a) Sponte sua vinci. Tua te victoria perdet.

(b) Tu quoque, *Mors*, moriere, crucique affixa trophæum

Augebis. Cælos dum *Mors* meditatur, & astra;

(c) De cruce descendit Deus ille ad regna profunda, 50

Ad manes, *Erebumque*, potestatesque tremendas

Acrias, quæ devictum, fessumque premebant

Crudeli imperio, & sceleratis legibus Orbem.

[d] Tunc autem trepidare metu, penitusque repositis.

Abcondi tenebris. Conantibus edere contra 55

Cum clamore horrendum ululatum; faucibus hæsit.

Vox retro, inceptus clamor frustratur hiantes.

(e) In genua, in vultus pronæ curvantur, adorant

Omnes Victorem attonitæ, totoque profundo

Contremuere cavæ, gemitumque dedere cavernæ. 60

At Rex æthereas iterum subiturus ad auras,

Pal-

(a) Oblatus est, quia ipse voluit. Isa. 63. v. 7.

(b) Ero mors tua, o mors. Ose. 13. v. 14. Absorpta est mors in victoria. Ubi est mors victoria tua? 1. ad Cor. 15. v. 54. & 56.

(c) Descendit primum ad inferiores partes terræ. Ad Eph. 4. v. 9.

(d) Infernum subter te conturbatus est in occursum adventus tui Isa. 14. v. 9.

(e) Mibi flectetur omne genu. Ad Rom. 13. A. 11. Cælestium, terrestrium, & infernorum. Ad Philip. 2. v. 10.

Pallidaque imperio effringens, tenebrosaue claustra,
Et spolia, & tanto dignam Victore reducens
Prædam, captivas dudum, dudumque gementes

(a) Exemit vinclis animas, cœtusque verendos 65
Patrum, laurigerosque choros, piaque agmina Vatum,
Carmina qui, distante Deo, divina loquuti,
Venturum cecinere Orbi. Quin corpora multa

(b) Sanctorum, in mutos cineres, per sæcla, redacta
Stare iterum secum iussit, secumque venire, 70
Consectumque sibi, & pulchros glomerare triumphos.
Nec mora: quæ nuper cineres; jam plena vigoris,
Plenaque jam vitæ, circumdata & undique luce
Corpora erant. Ingens, vivum de Morte trophæum!
Mortem ipsam Victor pavitantem, & multa gementem 75
Ire catenatam ad currum, & post terga revinctam
Jusserat, inque rotas, longa cervice reflexa
Retrorsum, scabros, avidosque inlidere dentes.

Panduntur portæ: tenebrosa sub axe tonanti
Congemuit tellus, matutinisque volucrum 80
Gantibus assurgens Aurora, & roscidus unda
Lucifer Aurora antevolans comitantur euntem
Hinc, atque hinc: liquidum prorumpit in æthera Victor:
Victor io! Bellator io! Tu vincere solus
Mortem: tuque Erebi solus perrumpere claustra 85

(c) Ferrea, & umbrarum æternos contundere vestes.
Solus tu Assessor, Vindexque es. Tu genus ultus
Humanum, tu captivis, tu vincula collo
(d) Eximis, & pigro, & tenebrosa carcere vindictos In

(a) *Eduxit eos de tenebris, & umbra mortis, & vincula eorum dirupit.* Ps. 106. v. 15. *Expolians principatus, & potestates.* Ad Coloss. 2. v. 15.

(b) *Multa corpora sanctorum, qui dormierant, surrexerunt.* Matth. 27. v. 52.

(c) *Contrivit portas æreas, & vestes ferreas confrexit.* Ps. 106. v. 16.

(d) *Tu quoque in sanguine testamenti tui emisisti vinclis tuos de lacu.* Zach. 9. v. 11.

In diam lucem, in libertatem afferis almam: 90
 Vicisti; at te vicit Amor. Redivivus ab umbris
 Quæ tibi fecit Amor charissima vulnera servas.
 Vulneraque in corde; in manibus, revehisque, tenesque:
 Vicit Amor: Victor Mortis nam victus Amore est.

R E X G L O R I Æ.

*Astolite portas, principes vestras, & elevamini portæ
 æternales, & introibit Rex Gloriæ. Pl. 23. v. 7.*

C A R M E N XXXVIII.

Immortalis erat: dignos jam nactus honores,
 Deque triumphata repetitum Morte triumphum
 Acturus Jesus, Rex debebatur Olympo:
 Et tamen ille moras terris nectitque, trahitque,
 Tanquam esset mortalis adhuc. Neque tædet amoris, 5
 Nec meminisse piget, pro nobis vulnera, mortem,
 Quidquid & infame est unquam, & crudele tulisse.
 (a) Sæpe suis coram se sistit, seque videndum
 (b) Exhibet, & palpanda manu sua vulnera porgit:
 Atque manum in latus insinuandi, introque ferendi 10
 (c) In plagas digitos (quanta indulgentia!) *Thomæ*
 Quam temere imprudens optarat, facta potestas.
 Deinde aliis, pægrini habitu, dubitantibus ultro
 Occurrens; percunctatur: Quæ caussa quietos
 Exagitet? Quanam sic tristes cura remordet? 15
 Audit narrantes de se, quæ passus iniqua
 Nuper erat: fieri, & sic evenisse, necesse

Cunctis

[a] *Per dies quadraginta apparens eis. Act. 1. v. 3.*

[b] *Videte manus meas, & pedes palpe, & videte.*
Luc. 24. v. 39.

[c] *Infer digitum tuum huc, & vide manus meas, & asser-*
maum tuam, & mitte in latus meum. Joa. 20. vers. 27.

Cuncta fuisse ait. Et simulans se longius ire ;

Ire videbatur. Retinent, maneatque præcantur,

(a) Cognuntque. Agnoscunt dum panem frangit utrisque 20

De more ; ac sese ex oculis subducit, abique.

Mentita specie Agricolæ tibi, *Magdala*, coram

(b) Adstitit, &, Mulier, quid fles? quem quæris? Ut ille

Diffimulat percunctando! Tu perdita luctu,

Amenisque, ignotum censebas esse olitorem: 25

Urgebasque prece, & lacrimis, num forte tulisset

Illum? Tuque tuis humeris asferre parabas,

Quæ tantæ vires? Num tu asportare cadaver?

Ne dubita: tulit hic olitor quem quæris, habetque

Omnino secum, Jesumque abscondit, & ille 30

Ipsemet est. Audi, nam te vocat ille: *Maria*.

Jamquæ quater decies revoluto præpete cælum

Axe, diem nocti alternans iteraverat ortus,

Et fulgore novo, & solito formosior ibat

Aureus, & medium Sol jam pulsabat Olympum, 35

(c) Cum montem, prope *Bethaniam* (radicibus illa

Hærebat) densæ dederant cui nomen olivæ,

Conscendit jamjam in cælum ascensurus Jesus.

Non fragor hic, aut horrifico stridore rotarum

Flammigeræ e cælo lapsæ, aerivæ quadrigæ. 40

Nullum vult circum se ire horroremve, metumve:

Nulli hic quos victos ad currum duceret hostes.

(d) Ipse sua innixus virtute (videntibus illis;

Qui

(a) Et aperti sunt oculi eorum, & cognoverunt eum: & ipse evanuit ex oculis eorum. Luc. 24. v. 31.

(b) Dicit ei Jesus: Mulier quid ploras? Quem quæris? Illa existimans quia bertulanus esset, dicit ei: Domine, si tu sustulisti eum, dicito mihi ubi posuisti eum, ut & ego eum tollam. Dicit ei Jesus: *Maria*. Joa. 20. v. 15. & 16.

(c) A monte qui vocatur Oliveti. Act. 1. v. 12.

(d) Videntibus illis elevatus est. Act. 1. v. 9. Amictus lumine, sicut vestimento. Pl. 103. v. 2.

- Qui fidi adstabant comites cum Virgine Matre)
 Sese magnifice sublimis in aera tollens, 45
 Dulcique, ac placido circum undique lumine cinctus
 Provehitur fursum. Qualis vada nota *Caystri*
 Linquens; se pedetentim effert, atque ardua blande
 Nubila tranat *Olor*, niveas neque commovet alas.
 I decus, i nostrum: exelsi ad fastigia cæli 50
 (a) Exaltare: sede a dextris Patris Omnipotentis.
 Filius, atque hæres voluisti tu quoque bello
 vincere; vicisti. I Victor, conscende, triumphas,
 (b) Quæque manu meruisti etiam cape debita regna.
 Ibat jam; sed enim cui postremo institit ille 55
 (c) Tunc sensit, nunc servat adhuc vestigia saxum.
 Fortunata silex! ergo tua tuta manebunt
 Munera, nec geminanda olim pia furta nocebunt:
 Nec cælo prohiberi unquam, nec fornice testi 60
 Includi patiere: quasi & consurgere velles,
 Molirique viam fursum, quaque ivit, & ire
 Tu quoque, & usque sequi quæ fers vestigia Jesu.
 Surgenti collesque cavi, montesque profundi
 Demisere caput, pictosque repente tapetas 65
 Explicuere, boant plausu, fremituque resultant.
 Aer ut venientem aspexit, sternitur ultro,
 Alternansque vices, subtus refluitque, fluitque
*Pauca*is madidas periusus odoribus alas.
 Tum nubem jubet ire, thronumque effingere Regi 70
 Umbriferum: præpes volat illa, & candida pennas
 Ex-

- (a) *Exaltare Domine in virtute tua*. Ps. 20. v. ult. *Sede a dextris meis*. Ps. 109. v. 1. & ad Hebr. 1. 13.
 (b) *Quia est iste Rex gloria? Dominus fortis, & potens: Dominus potens in prælio... Dominus virtutum ipse est Rex gloria*. Ps. 23. v. 3. & 10.
 (c) Vide Bened. XIV. in festo Ascen.

- (a) Expandens, varieque interlita murice, & auro,
Provocat Auroram, formosam despicit Irim,
Ardentem magni aspernatur lampada Solis.
Interea pandi, totumque occurrere cælum 75
- (b) Obviam, & altifono Aligeri clangore tubarum
Victorem excipere, & cantu, fidibusque canoris
Acclamare. Illum mox ut videre propinquum;
(c) Procumbunt humiles coram, Regemque fatentur
Esse suum, Regem magno clamore salutant, 80
Pronique in vultus omnes illum Angeli adorant.
Tum Patrum veneranda manus, sanctusque senatus
In libertatem, divino vindice, ab umbris
Infernis nuper superas adductus in auras,
Immenso rumpunt plausus, & carmina cantant, 85
Quæ sceptro insignis Vates, citharaque præbat:
Vos o cælorum vigiles, Custodia sancta,
Hactenus obstructas aperite, & pandite portas.
Ecce triumphalis Rex vester, millia secum
[d] Haud pridem captiva, magis captiva reducens. 90
(e) Ipse suo ascendit conspersus sanguine Victor.
(f) Sanguine qui Regem tenebrarum, & regna profunda
Debellovit, & æternas, arctasque catenas
Comminuit, victis viam patefecit Olympi:
Pandite jam, vestrasque attollite cardine portas.
Hunc iterant illi præana, aliosque subinde, 95
Hu-

- (a) *Nubes suscepit eum. Act. 1. v. 9. Qui ponis nubem ascensum tuum, qui ambulas super pennas ventorum. Pl. 103. v. 3.*
 (b) *Ascendit Deus in iubilo, & Dominus in voce tubæ. Pl. 46.*
 (c) *Profectus in cælum subjectis sibi Angelis, & Potestatibus, & virtutibus. 1. Petr. 3. v. ult. Adorent eum omnes Angeli ejus. Pl. 96. v. 8. & ad Hebr. 2. v. 6.*
 (d) *Ascendens in altum captivam duxit captivitatem. Ad Eph. 4. v. 8.*
 (e) *Vestitus erat veste aspersa sanguine. Apoc. 19. vers. 13.*
 (f) *Eripuit nos de potestate tenebrarum, & transfudit in regnum filii dilectionis sue. Ad Coloss. 1. v. 13.*

- Humano includi nequeunt qui carmine cantus.
 Qui Pater humani generis, nos perdidit omnes,
 Ibat *Adam*, attonito similis, genibusque volutus
 Vulneribus pedum inhærebat: non inde moveri,
 Non inde avelli poterat; sed flebat inhærens 100
 Osculo, & effuso crescebant gaudia fletu:
 Et quamquam meminuit morsu uno, seque, suosque,
 Et genus horrenda humanum involvisse ruina;
 Audet, &: O, inquit, felix, o culpa beata,
 Quæ tam divino mæruit sic vindice tolli! 105
- (a) *Même en qui feci. Quorsum tu vulnera portas?*
 Adsum qui merui: tua tu in me vulnera transfer.
 Sed quis ego? Pretiosa tibi tua vulnera serva:
- (b) *Esse necesse tua est, tanta ut mea crimina tollant.*
 Hæc ille: & longo processerat ordine pompa 110
 Augusta, & cælum jam tandem intraverat agmen:
 Illam nempe urbem sanctam, quo tendere nisu
- (c) *Non vox, non oculi, non ipsa silentia possunt.*

S A C E R D O S.

Tu es Sacerdos in æternum secundum ordinem Melchisedech.
 Ps. 109. v. 4. Ad Hebr. 6. v. 6. & 7. v. 17.

C A R M E N X X X I X.

[d] **C**onstabilita salus nostra est: confedit, habemus
 Pontificem cælo excelso, a dextrisque sedentem
 Pa-

-
- (a) *Quid sunt plage ista in medio manuum tuarum?* Zach. 13. v. 6.
 (b) *Sicut in Adam omnes moriuntur, ita & in Christo omnes vivificabuntur.* 1. ad Cor. 15. v. 25.
 (c) *Oculus non vidit, nec auris audivit, nec in cor hominis ascendit quæ preparavit Deus his qui diligunt illum.* 1. ad Cor. 2. v. 6.
 [3] *Talem habemus Pontificem, qui confedit in dextera sedis magnitudinis in celis;* ad Hebr. 8. v. 1. *Introivit semel in sancta, æterna redemptione inventa.* ad Hebr. 9. v. 12.

- Patris. Discissum velum est, quo *Sancta* latebant
Sanctorum, patuitque adytum: nobisque prævit,
 (a) Explicuitque viam, sedemque, locumque paravit, 5
 Qui prior intravit magnus, summusque Sacerdos.
 Restituit postliminio, qui nuper eramus
 Nativa generis macula, pœnaque Parentum,
 Perpetuo exilio ejecti, cæloque repulsi.
 Et si est ille Deus, Divini & Patris imago; 10
 Submitti tamen, atque humano corpore tectus
 (b) Patre minor dici voluit, Patrique subesse.
 Sin minus hand poterat pro nobis munere fungi
 Pontificis, supplexque Deum implorare precando:
 Consimilis nobis factus, tanquam nihil esset 15
 Præquam nos: nihil erubuit (dignatio mira!)
 (c) Dicere nos *Frates*, & quod plus, dicere *Amicos*:
 Atque ample officium, nomenque hoc implet utrumque:
 Vult adeo tanquam *Sponsor*, fratrumque *Sacerdos*
 (d) Ante Patrem sisti, causamque orare, palamque 20
 Pro nobis medius Patris interponier iræ.
 Sanctorum exemplar cum sit, Sanctusque perinde
 (e) Ac Deus (horresco reputans) sibi crimina nostra
 (f) Adscribi est passus, neque detrectavit haberi 25
 Q Ut

- [a] *Præcursor pro nobis introivit Jesus.* ad Hebr. 6. v. ult.
Vado parare vobis locum. Joa. 14. v. 2.
 [b] *Pater major me est.* Ibid. v. 28.
 [c] *Non confunditur fratres eos vocare.* ad Hebr. 2. v. 11.
Vos autem dixi Amicos Joa. 15. v. 15.
 [d] *Ut appareat nunc vultui Dei pro nobis.* ad Hebr. 9. v. 24.
Mediator Dei & hominum Christus Jesus. 1. ad Tim. 2. v. 5.
Interpellat pro nobis. ad Rom. 8. v. 34. & Jer. 18. v. 20.
 [e] *Quia in ipso habitat omnis plenitudo divinitatis corporali-*
ter. ad Col. 2. v. 7.
 [f] *Posuit Dominus in eo iniquitatem omnium nostrum.* Isa. 53. v. 6.
Longè a salute mea verba delictorum meorum. Ps. 21. v. 1.

Ut sua. Peccatum qui nullum noverat, ultro
Fit reus: & scelerum nostrorum pondere onustus;

- (a) Angitur, obruitur, consternaturque pudore.
Hinc Pater, & medium hinc homines urgentque premuntq.
(b) Vindictam exposcit justam Pater, ac sibi reddi
Quos defraudavit, quos crimen ademittit honores. 30
Contra homines planctu mœsti, gemituque precantes,
Ignosci tandem poscunt sibi: seque tuentur
(c) Sponsore, objiciuntque illum, solumque relinquunt.
Quid faciat? nunquid ritus, moresque sacrorum
Antiquos repetens, profuso sanguine adoret 35
Agnorum Dominum? taurosve, aut immolet hircos
Ante aras? Quorsum vero hæc? Num mandere carnes
(d) Taurorum Dominus? Caprorum aut sanguine pasci?
(e) Infirma hæc fuerant, & egena elementa, figura,
Umbra futurorum. De se, nihil illa juvabant, 40
(f) Nec poterant placuisse Deo, aut mortalibus ægris
(g) Porgere opem, nostrisque malis, morbisque mederi.
Sed tamen hic opus est aliquam intercedere mortem:
Sanguine placandus Pater est. Hoc illa monebant
Quæ dedit Hebræis solemnia legisfer Heros. 45
Omnino huc respectabat quantacunque cadebat
Victima, & effuso tingebat sanguine cultros:

Huc

-
- [a] *Auxiatus est super me spiritus meus.* Pl. 142. v. 4. *Ope-*
ruit confusio faciem meam. Pl. 68. v. 8.
[b] *Ait Dominus . . . Vindicabor de inimicis meis.* Isa. 1. v. 24.
Ubi est honor meus? Malach. 1. v. 6.
[c] *Respice in faciem Christi tui.* Pl. 83. v. 10. *Torcular cal-*
carii solus. Isa. 63. v. 3.
[d] *Nunquid manducabo carnes taurorum; aut sanguinem hircorum potabo.* Pl. 33. v. 9.
[e] *Infirma, & egena elementa.* ad Gal. 4. v. 9. *Umbra habens*
lex futurorum honorum. ad Hebr. 10. v. 1.
[f] *Nec placida sunt tibi qua secundum legem offerantur.* Ib. v. 8.
[g] *Impossibile enim est sanguine taurorum, & hircorum auferri*
peccata. Ibid. v. 4.

Huc etiam quod & aspergi, infundique cruore

- [a] Cuncta jubebantur: neque sine sanguine tergi
Utcunque admissas maculas lex illa sinebat. 50

Esto hoc. At quænam satis aut succurrere lapsis

Humanis? Aut quæ tandem, quæ victima tanta,

Propitiare Deum, parque exæquare valore,

Ac reparare queat Divini Patris honores?

Filius. Hoc equidem præsignificaverat olim 55

- (b) Qui primus Pater *Isacidum* præ se sibi carum

Unicoitum, strue lignorum alti in vertice montis

- (c) Subtus composita, ipse sua jugulare tremente

Dextera, & ut jussus, Domino mactare parabat.

Isac vero ultro gladium, mortemque subibat, 60

- [d] Lignaue fert humeris, mera rursus imago futuri.

Sic nos dilexit Pater, ut qui sceleris iniret,

- (e) Unigenam daret, ac mortem tolerare juberet.

Una salus miseris erat hæc, & reddere vitam

Mors sola hæc poterat: demta hac, spes nulla manebat. 65

Filius interea, qui victima, quique Sacerdos

Idem, mire ardet Divini jussa Parentis

Exsequi, & ultra etiam ferri, pretiumque salutem

- [f] Humanam exundans dare, & exsuperare medendo.

Nonvult propterea facili, neque simplice fungi 70

Morte, & inhumanam magis, atrocemque præoptans;

Vult inimicorum invidiam, rabiemque furentum

Q 2

Ex-

- (a) *Omnia pece in Sanguine secundum legem mundantur, & sine Sanguinis effusione non fit remissio.* ad Hebr. 9. v. 21 & 22.

- (b) *Abraham pater vester exultavit ut videret diem meum, vivit, & gavisus est.* Joa. 8. v. 56.

- (c) Gen. 22. v. 9. & 10.

- (d) *Tulit quoque ligna holocausti, & imposuit super Isaac filium suum.* Ibid. v. 6.

- (e) *Proprio Filio suo non pepercit, sed pro nobis omnibus tradidit illum.* ad Rom. 8. v. 32. *Sicut mandatum dedit mihi Pater, sic facio.* Joa. 14. v. ult.

- (f) *Copiosa apud eum redemptio.* Ps. 129. v. 7.

Excipere, atque suo large exsaturare cruore:
Carnificumque rapi manibus, truncoque cruentus
Pendens, exspirare animam, exhalareque vitam. 75

- Hoc inter Patrem divino, interque gementes
[a] Mortales, pacis sancitum est sanguine fœdus,
[b] Extinctæque inimicitiz, prorsusque peremtæ.
Et neque vult harum posthac meminisse: profunda,
[c] Grataque placatum subiere oblivia Patrem.
[d] Nosque cohæredes moriens, proprioque cruore
Filius instituit, testamentoque reliquit.

Anteit ipse, suæque volens proludere morti,
Qua tradendus erat nocte ipsa, antistat, & ultro
Semet sacrificat, quo ritu, atque ordine rerum, 85
[e] Aspiciens huc, pane Deo, vinoque litabat
Melchisedech, Rex idem hominum, excelsique Sacerdos.

- [f] Dicitur hic (quod mirandum) sine matre fuisse,
Ac sine patre: illum sic jam clarissime adumbrans,
Qui sine matre fuit soboles altissima Patris, 90
Et sine patre fuit Soboles castissima Matris.

En cur *Tbariades* magnus Pater ipse, minorem
[g] Se tamen agnorit, decimasque pependerit ultro

Mel-

- (a) *Pacificans per Sanguinem crucis ejus sive qua in terris, sive qua in calis sunt.* ad Coloſſ. 1. v. 20.
(b) *Interficiens inimicitias in semetipſo.* ad Ephes. 2. v. 16.
(c) *Et peccatorum, & iniquitatum eorum jam non recordabor amplius.* ad Hebr. 10. v. 17.
(d) *Melioris testamenti ſponſor factus eſt Jeſus.* ad Heb. 7. v. 12. *Ut juſtificati gratia ipſius, hæredes ſimus.* ad Tit. 3. v. 7.
(e) *Melchizedech Rex Salem proferens panem, & vinum, erat enim Sacerdos Dei altiffimi.* Gen. 14. v. 18.
(f) *Sine patre, ſine matre, ſine genealogia . . . aſſimilatus autem Filio Dei.* ad Heb. 7. v. 3.
(g) *Intuemini autem quantus ſit hic, cui & decimas dedit de præcipiis Abraham Patriarcha.* Ibid. v. 4. *Benedixit ei.* Gen. 14. v. 19. *Sine ulla autem contradictione quod minus eſt a meliore benedicatur.* ad Heb. 7. v. 7.

HEROICA.

245

Melchisedech, illum venerans, credensque daturum,
Se super extenta, cœlestia munera dextra.

95

Quippe agnoscebat vel tunc in imagine Christum
Pontificem magnum, qui nunc sub imagine panis,
Hostia digna Deo est, & sacrificatur ad aras,

(a) Quacunque exoriens, moriensq., & utrosque recurrens
Antiquumque, novumque alium Sol aspiciat Orbes.

100

Absunt carnifices hinc, flagitiumque, nefasque

Omne, cruentataque manus, at victima prorsus

Est eadem, libanda Deo, absumendaque, quodam

Nunc etiam interitu, quodamque imitamine mortis

Pro nobis obitæ. Nam verba ab Sanguine corpus

105

Abjungunt, dirimuntque sono quæ sunt simul una,

Ut mortem memorent. Immo qui adstabat, eratque

Sub panis specie præsens; ibi vivere cessat,

Cum consumpta fuit, superest neque panis imago.

Sic mortis meminisse suæ delectat Amantem,

110

Sæpeque pro nobis fieri hostia; sit licet usque,

(b) Vivens, ac summus cælo, æternusque Sacerdos,

S P O N S U S.

Venerunt nuptiæ Agni, & uxor ejus præparavit se.
Apoc. 19. v. 7.

C A R M E N X L.

Nunc ego cœlitibus vellem inferi, & ore profari
Non humano equidem; sed quo sublime canentes
Aligeri, Sponsum citharis, Agnumque sequuntur.
Argumentum ingens, & inenarrabile mentem,

Q 3

Omnia-

(a) *Ab ortu enim Solis usque ad occasum... & in omni loco sacrificatur, & offertur nomini meo oblatio munda.* Malach. i. v. 11.

(b) *Semper vivens ad interpellandum pro nobis.* ad Hebr. 7. v. 25. *sempiternum habes Sacerdotium.* Ibid. v. 24.

Omniaque humana exsuperat, cœlestia poscit.

5

Non tamen interea tu, divinissime Sponse,

Despicias, aut humanæ aspernabere vocis

Munera, qui non cœlituum, sed fœdera mavis

(a) Nostra, neque Aligerum stirpem, sobolemque beatam;

Sed nostram thalamo placuit tibi jungere gentem. 10

Balbutire igitur sine me hæc, patienter & audi

Si minus apta tibi, si te non digna loquamur;

Quando hæc culpa tua est, qui nos sine limite amasti:

Atque ea fecisti divino impulsus amore,

Quæ neque præpetibus quæ gens super æthera senis 15

Tendit iter pennis queat unquam æquare canendo,

Aut tacite rapida vi alarum æquare volando.

Quid nos? quæ dictavit Amor [dabis id quoque Amori]

Qualiacumque feres, quoniam nil possumus ultra.

Vel præi, & ipse mihi quæ cantem suggere ad aurem. 20

Ægra erat, & mœsta, & moribunda jacebat Adami

Progenies. Pater ipse manu, quo tristior esset

Mors, mortem excivit, lethaleque vulnus ad ima

Intulit. Extemplo illa almo spoliata decore,

Quem Deus indiderat, quo, cælo pulchrior ibat: 25

Viribus attenuata etiam, & caligine multa

Circumfusa oculis, intestinoque tumultu

[b] Turbida, diffociata sibi, atque ignara quietis;

Anxiaque, & mire macilenta, & squalida vultu;

Nil nisi funus erat, nisi victima debita morti. 30

Et tamen hanc sic afflictam miseratus ab alto

Progeniem Æterni Genitus, summoque Parenti

Par, sibi delegit Sposam, aspexitque benigne.

Et quam pertulerat magnam reparare ruinam,

Multa

(a) *Nusquam enim Angelos apprehendis, sed semen Abraha apprehendis.* Ad Hebr. 2. v. 26.

(b) *Video aliam legem in membris meis, repugnantem legi mentis meae.* Ad Rom. 7. v. 23.

(a) (Multæ opus impensæ, & multum, ingentemq. laborem 35
Sponsio allaturum) moribundam & reddere vitæ,

(b) Absumptumque instaurare, atque augere decorem,
Connubiiq. arcto voluit sibi sœdere jungi.

Fama est: id simul ac Superis innœuit; omnes
Attonitorum insta-, primo obstupuisse silentes. 40

Mox autem plerosque genu, vultuque profunde
Supplice adorasse, ac solvisse libenter honores
Divinos jam tum Sponsæ, plausumque dedisse
Immensum, quem vix cœli capere atria possent.
Dissenfisse alios tamen, obsequiumque negasse 45

Pennator forma juvenes, fastuque superbos,
Conclamasseque ad arma, atque auctorasse maniplos
Seditiosorum, ac bellum attentasse nefandum

In Patris Unigenam Sponsum, Sponsamque futuram.
Sed fama est etiam famæ huic contraria: nulli 50

Cœlicolum arcanum hoc ingens patuisse, nec ulli
Compertum dum, cum cœlo miscere tumultus
Conjuratæ ausæ, profligatæque phalanges.

Et fama hæc propior vero est, cui nescia falli

(c) Adstipulantur enim divina oracula, faventque: 55

Arcanum siquidem hoc ajunt multumque diuque
Delituisse, Dei procul alta mente repositum.

Sed tamen ipsi illi miseram qui vulnere prolem

Q 4

Strat-

(a) *Empti enim estis pretio magno. 1. ad Cor. 6. v. ult. Non corruptibilibus auro vel argento redempti estis . . sed pretioso Sanguine quasi agni immaculati. 1. Pet. 1. v. 18. & 19. Sub arbore malo suscitavi te. Cant. 8. v. 25.*

(b) *Concupiscat Rex decorem tuum. Ps. 44. v. 12.*

(c) *Dispensatio Sacramenti absconditi a sæculis in Deo . . . ut innascat Principatibus, & Potestatibus in celestibus per Ecclesiam multiformis Sapientia Dei. Ad Ephes. 3. v. 9. & 10. Mysterium, quod absconditum fuit a sæculis, & generationibus. Ad Coloss. 1. v. 26.*

- (a) Straverat, obscure spes hæc est magna Parenti
 Indita, cum scelus horrescens; quæ fecerat ipse 60
 Imprudens, flebat moriens mox funera Natæ.
 Ast ut tanta capi poterat vix pectore; sæpe
 Confirmanda fuit, spesque hæc iteranda salutis.
 Propterea hanc uno vates concorditer ore
 [b] Omnes, hanc itidem tantum spem magna fovebant 65
 Portenta, & variz, varioque colore figuræ.
 Quæ longo post intervallo deinde futura;
 Non secus ac transacta forent, Oracla canebant.
 Ergo ut facta fides, vulgataque fama per orbem;
 Pronubus ætherea celer est tum missus ab arce 70
 Nuntius, & mora nulla, simul delapsus ab alto
 (c) Sponfus, & egressus summi de vertice cæli,
 Virgineo exceptus thalamo est: inibique recumbens,
 Virgineoque iterum, sanctoque, & cælibe nexu,
 Atque infinito Spontam obligat, arctat amore: 75
 (d) Subjicit & lævam capiti, dextraque volentem
 Adstringit, nunquam solvendo postea vinclo:
 Milleque blanditias meditatur, & irgeit auri.
 Quidquid in humanis dulce est, & suave, & amoris
 Plenius, ingeminat, resonatque uxorius, ore 80
 Arcano includit Salomon quæ carmina cantu.
 (e) Quam tum pulchra es amica mea & tota undiq., pulchre,
 Et

- [a] *Inimicitias ponam inter te & mulierem, & semen tuum, & semen illius: ipsa conteret caput tuum.* Gen. 3. v. 15. *Hæc illum, qui primus formatus est a Deo pater orbis terrarum... custodivi: & eduxit illum a delicto suo.* Sap. 10: v. 1. & 2.
 [b] *Et incipiens a Moyse, & omnibus Prophetis interpretabatur illis in omnibus Scripturis quæ de ipso erant.* Luc. 24. v. 27.
 [c] *Omnia in figura contingebant illis.* 1. ad Cor. 10. v. 11.
 (c) *A summo calo egressio ejus.* Pi. 18. v. 7.
 (d) *Leva ejus sub capite meo, & dextera illius amplexabitur me.* Cant. 8. v. 3.
 (e) *Quam pulchra es amica mea, quam pulchra es!* Cant. 4. v. 1.

Et speciosa! in deliciis charissima tu mi!

- [a] Labra tua instar coccineæ, instar murice tinctæ
Virtutis: instarque ovium, nuper quæ fonte lavabant, 85
Sunt tibi candiduli, densique æquo ordine dentes.
- (b) Nectare apum gratum magis, *Hybleoque* liquore
Mel tibi distillat labiis, lac ore redundat.
Quacumque ingrederis, tactu quos vestibus indis,
Ambrosiæ circum, spiras & thuris odores. 90
Nil tam suave sinu quidquam gestaverit hortus.
- (c) Statura ut palma assurgis: collum eminet alte,
Turritumque imitatur ebur candore, nitore.
- (d) Uno oculorum equidem, uno & rursus crine tuorum
Non medicanda meo fixisti vulnera cordi. 95
- (e) Ah! diverte oculos a me jam, alioque revolve:
Namque coegerunt illi me excedere mente.
Talia voce refert, humano & more loquutus,
Sic Sponsæ Sponsus blanditur: terque, quaterque
- (f) Et Sponsam vocat, & rursus vocat ille Sororem. 100
Usque adeo Sponsæ est, nostrique per omnia factus
- (g) Confimilis! Sic ille oculos, sic ora, manusque,

Sic

1. *Tota pulchra es amica mea. Ib. v. 7. Quam pulchra es: & quam decora charissima in deliciis. Cant. 7. v. 6.*

- (a) *Sicut vitæ coccinea labia tua. Ibid. v. 3. Dentes tui sicut greges tonsarum, quæ ascenderunt de lavacro. Ibid. v. 2.*
- (b) *Favus distillans labia tua, mel, & lac sub lingua tua: & odor vestimentorum tuorum sicut odor thuris. Hortus conclusus soror mea sponsa. Cant. 4. v. 11. & 12.*
- [c] *Statura tua assimilata est palma. Cant. 7. v. 7. Collum tuum sicut turris eburnea. Ibid. v. 4.*
- (d) *Vulnerasti cor meum in uno oculorum tuorum, & in uno crine colli tui. Cant. 4. v. 9.*
- (e) *Averte oculos tuos a me, quia ipsi me avolare fecerunt. Cant. 6. v. 4.*
- (f) *Soror mea sponsa. Cant. 4. v. 9. & 10. & 12.*
- (g) *In similitudinem hominum factus, & habitu inventus ut homo. Ad Philip. 2. v. 7.*

Sic Immortalis mortalia cuncta ferebat

- (a) Præ se! Invisibilis potuit jam deinde videri,
Tractarique manu, tangique & frigore, & æstu, 105
- (b) Atque fatigari, sitiensque exposcere lymphas:
Et cibi egere, instar nostri, atque accumbere mensis:
Moreque nostro, oculos etiam submittere somno
Divinos. Tandem, nequid mortale deesset,
- (c) Mortuus est: Animam, Corpus divisit utrinque 110
Falce sua Mors. At Sponsi connubia sancta,
Vinculaque, & nexus, & fœdera rumpere amoris
- (d) Haud potuit Mors ipsa quidem: mansere, perinde
Ac fuerant, innexa arcte, Sponsamque nec ipsa
Morte ab se est dirimi passus, neque morte revelli. 115
Nec vero æthereas iterum ascensurus ad arces,
Intervallo aliquo Sponsam abstrahit, aut jubet ire
- (e) Post se. Majestate pari conscendit, & ultra
Culmina, stellantisque ultra fastigia Olympi
Sublimis, suffulta humeris, pennisque Cherubin, 120
Ad Patris assidit dextram, regnatque Supremo
Cum Sponso imperio, solioque recumbit eodem,
Regifico superinduta, ac circumdata cultu.
Tu quoque, Sancta Sion, tibi Sponsæ accinge paratus;
Tu

-
- (a) *In terris visus est, & cum hominibus conversatus est.* Bar. 3. v. ult. *Quod prospeximus, & manus nostra contrectaverunt de verbo vita.* 1. Joa. 1. v. 1.
- (b) *Fatigatus... Sedebat... Da mihi bibere.* Joa. 4. v. 6, & 7. *Verit Filius hominis manducans, & bibens.* Luc. 7. v. 34. *Ipse vero dormiebat.* Matth. 8. v. 24.
- (c) *Christus mortuus est.* 1. ad Cor. 15. v. 3. *Emisit spiritum.* Matth. 27. v. 50.
- (d) *Fasciulus myrrha dilectus meus mihi, inter ubera mea commorabitur.* Cant. 1. v. 12.
- (e) *Qua est ista, qua ascendit de deserto deliciis affluens, innixa super dilectum suum.* Cant. 8. v. 5. *Astitit Regina a dextris tuis in vestitu deaurato circumdata varietate.* Pl. 44. v. 1.

- (a) Tu quoque Sponsa fide Sponso es: procul abjice luctus: 125
 (b) Excute jam tandem mœrorem, exporrigere fr̄ntem:
 Solveque captivo pendentia vincula collo.
 (c) Surge age, neu mœstis te tu jam deinde tenebris
 Occule. Lux Domini super in te effusa refulsit:
 Proripe te, præferque manu, portendeque lumen, 130
 Quod Populi, Gentisque omnes, Regesque sequantur.
 (d) Volve, revolve tuos oculos circum undique quantus
 Undique concursus fiat, circumspice. At isti
 Venerunt omnes ultro tibi: & en tua proles
 Sunt hi, tuque Parentes, Genitrixque eris omnibus una. 135
 (e) Lætare o! sterilis quondam, infœcundaque, & orba
 Sola domo mœrens vacua; nunc jam pia Mater
 Confertam sobolem, Sanctorumque agmina ducens.
 Haud totidem illuni surgunt radiantia nocte
 (f) Sidera, quot video excelsa procedere pompa 140
 Millia Sanctorum. Qui sunt hi, qui agmina ducunt
 Bis seni numero? Pedibus talaria nectunt,
 (g) Vincuntque & nubes, zephyrosque, & fulmina cursu,
 Et

- (a) *Elegit Dominus Sion. Pl. 131. v. 23. Sponsabo te mihi in fide. Osee 2. v. 20.*
 (b) *Excutere de pulvere, consurge: sede Jerusalem, solve vincula colli tui captiva filia Sion. Isa. 53. v. 2.*
 (c) *Surge illuminare Jerusalem: quia venit lumen tuum, & gloria Domini super te orta est. Et ambulabunt gentes in lumine tuo, & reges in splendore ortus tui:*
 (d) *Leva in circuitu oculos tuos, & vide: omnes isti congregati sunt venerunt tibi: filii tui de longe venient, & filia tue de laiere surgent. Isa. 60. v. 1. & 3. & 4.*
 (e) *Lætare sterilis... erumpe, & clama... quia multi filii deserta magis quam ejus que habet virum. Ad Gal. 4. v. 47. & Isa. 54. v. 1.*
 [f] *Suspice calum, & numera stellas si potes..., sic eris semen tuum. Gen. 15. v. 5.*
 [g] *Qui sunt hi, qui ut nubes volant? Isa. 6. v. 8. In omnem terram exiit sonus eorum, & in fines orbis terra verba eorum. Pl. 18. v. 5. & ad Rom. 10. v. 18.*

Et resona vincunt, superantque tonitrua voce:
 Aspice dein, neque enim fas est numerare, sequentes 145
 Heroas, immortalis qui tempora cingunt
 Lauro, quique suo alte imbutas sanguine palmas
 Præcellas manibus gestant, eaque arma cruenta,
 Quæ laceri, augusto mortem occubere triumpho.
 Succedunt his innumeri, quibus aurea pendens 150
 Vertice, per canos dimittitur infula crines.
 Hi sunt Pastores magni; virtuteque fulti
 Præcedunt, ducuntque gregem, pascuntque, reguntque.
 Deinde Sacerdotum sequitur chorus almus: & ipsi
 Pastorum vice funguntur, partemque laboris 155
 Sortiti; erudiunt Populos, & mistica Sponsi
 Dona ferunt, ac thura adolent, & carmina cantant.
 His intermixti incedunt qui lampada dextris
 Desuper immisso fulgentem lumine monstrant,
 Et sparsas circum tenebras terrentque, fugantque: 160
 Ostenduntque viam ignaris, quæ ducit ad astra
 Angustam, & clamant alte, errantesque reducant.
 Ecce autem major, majorque frequentia circum
 Sanctorum! cælo hos credas, non ducere vitam
 Mortalem terris: adeo mortalia cuncta 165
 Despiciunt, ac mente Deum, cælumque repossunt.
 Mire disparilis vita est: spelæa ferarum,
 Speluncasque habitant illi, nemorumque recessus
 Sepositos magis: hi communi tramite, vitam
 Urbibus in medijs degunt, portantque coronam 170
 Interdum, sceptrumque manu; sed corde, perinde
 [a] Ac illi, hæc aspernantur, seseque coercent
 Assidue, pariterque crucem amplectuntur, amantque:
 Crux illis, quoniam Sponsi est, est sola voluptas.
 En

(a) *Omnia detrimentum feci, & arbitror ut coram, sicut ut Christi-
 sum lucrifaciam. Ad Philip. 3. v. 8.*

- (a) En quot eunt forma egregiæ, innuptæque puellæ. 175
 Virgineique chori! Bellum cum caræ gerendum
 Suscipiunt, bello & vincunt, commixtaque palmis
 Præstendunt manibus, nectuntque & lilia fronti:
 Et quem divinum de vertice fundit odorem
 Sponsus adorantes, properant, avideque sequuntur. 180
 Adjungunt sese his comites gravitate verendæ
 Matronæ, quæ sancte olim socialia jura,
 Sanctius & vidui servant divortia lecti.
 Defixæ cælo cælestia pabula mente
 Volvunt, & densa miserorum, inopumque corona 185
 Stipatæ, cunctis Matres se munere præstant.
 Accedunt itidem, quas cæcus, & improbus olim
 Illaqueavit Amor; sed enim fregere catenas
 Indignabundæ, atque infandam pectore pestem
 Amolitæ; ab sese ipsæ exegere cruentas 190
 Peccati poenas, longoque cupidinis æstus
 [b] Fletu extinxerunt. Mirum est quam castus adurat
 Fervor! divinus quantus successerit ardor!
 His vero, his tandem tu Mater es omnibus una.
 Nec tu jam poteris prolem enumerare tuorum. 195
 Concipe quam poteris spem magnam; spem tamen ultra
 Advenient inopina tibi, insperataque surgent
 Implebuntque tuum Matris nova gaudia pectus.
 Namque mari & spatio immenso procul usque remotas,
 Et longe orbe alio positas, ubi posse negabant 200
 Mortales habitare, ubi cuncta ardere putabant,
 Torrida propterea male credita, distaque zona

Illinc

-
- (a) *Adolescentule dilexerunt te curremus in odorem unguen-
 torum tuorum.* Cant. 1. v. 2. & 3.
 (b) *Mulier in civitate peccatrix Lacrimis cæpit rigare pedes
 ejus.* Luc. 7. v. 37. & 38. *Remittuntur ei peccata multa,
 quoniam dilexit multum.* Ibid. v. 47.

- [a] Illinc omnino innumeras mirabere gentes
 Accelerare gradum, concurrereque undique, & aurum
 Argentum, tibi calcandum, cumulare libenter, 205
 Teque unam expetere, & certatim exquirere Matrem.
 Jam quicumque Dei, tuus hic quoque filius idem
 Semper erit, semperque tuum, ceu parvulus infans,
 Lac bibet, atque tuo pendebit ab ubere semper:
 Aspernans, horrensque etiam quod adultera porget 210
 Æmula, clam furtum, clamque abs te abducere tentans
 Natos. Quos autem meretrix hæc subdola fraude
 Involvet, gremioque tuo divellet; eosdem
 (b) Exitio dabit, & morti. Velut Arca Noemi
 Perfugium nobis sola es tu; cætera pontus 215
 Occupat, indubiamque intentant omnia mortem.
 [c] Cælestis claves Regni tibi Sponsus habendas
 Obtulit: obstructasque olim, nullique patentes
 Aut referare palam, aut iterum præcludere portas,
 Et prohibere aditu, tibi soli est facta potestas. 220
 Gaude, sancta Sion, divina, & Sponsa, Paresque.
 (d) Sponsus erit semper tecum, neque deinde relinquet,
 Te neque destituet, donec labentia cælo
 Ibunt, & neque dum sistant vaga sidera cursum.

VIR.

-
- (a) *Mirabitur, & dilatabitur cor tuum quando conversa fueris ad te multitudo maris, fortitudo gentium venerit tibi. Me enim insula expectant, & naves maris, in principio, ut adducam filios tuos de longe: argentum eorum, & aurum eorum cum eis nomini Dei tui.* Isa. 60. v. 5. & 9.
 (b) 1. Petri 3. v. 10.
 (c) *Tibi dabo claves regni caelorum.* Matth. 16. v. 19.
 (d) *Ecce ego vobiscum sum usque ad consummationem sæculi.* Matth. c. ult. v. ult.

HEROICA.
VIRTUS EX ALTO.

255

Sedete in civitate, quoadusque induamini virtutis ex alto.
Lucæ 24. v. 49.

CARMEN XLI.

Postquam ab olivarum extollens se monte, volucris
Nube sedens, debellata de Morte triumphum
Victor agens, super astra redux conscendit Jesus.
Cum jam frustra oculis illum sequerentur euntem
Discipuli, opposita invidiosa nube, & ab alto 5
[a] Nuntius ulterius vetuisset stare tuendo
In cælum; incessu tardi, invitique reverfi
Ad *Solyman*, flebant. Ceu cum trans nubila longe
Alituum Regina abiit, quos forte reliquit
Implumes nido pulli pipiuntque, gemuntque 10
Irrequieti, unaque alte capita exsertantes,
Qua possunt, oculis Matrem, gemituque sequuntur.
Omnibus idem animus: secreto, & paupere tecto
Inclusi, procul humanarum turbine rerum,
Quæ jam discedens dederat, promissa Magistri 15
Volvebant memores, expectabantque beata
[b] Munera: & unanimes geminabant vota, precesque:
Sancte veni, *Dia* Aura veni, *Dia*, altaque Virtus
Influe. Et interea bis quinque exegerat orbes
Lux, & tunc ibat placido nitidissima vultu 20
Per sudum. Ecce autem ruere omnia visa repente,
[c] Vastusque audiri fragor, Ut cum, turbine rupto,
Fron-

-
- (a) Cumque intuerentur in cælum euntem illum, ecce duo viri
adstiterunt juxta illos in vestibus albis, qui & dixerunt: Viri
Galilæi quid statis aspicientes in cælum? Act. 1. v. 1.
(b) Erant perseverantes unanimiter in oratione. Ibid. v. 14.
[c] Factus est repente de cælo sonus tanquam advenientis spiri-
tus vehementis, & replevit totam domum ubi erant seden-
tes. Act. 2. v. 2.

Frontibus adversis *Boreasque*, *Notusque* protervi
 Confligunt, imisque ruunt radicibus ornos.

Contremuere domus sanctæ penetralia, totum 25
 Axe suo abruptum credas descendere cælum.

Sed majus quid erat: nam descendebat Olympo

(a) *Aura* potens, *Amor* Omnipotens, *Vigor* omnia complens,
 Ipse *Deus*, *Deus* ipse, *Deus*, *Genitoque*, *Patrique*
Compar, & amborum communis mutuus ardor, 30
 Majestate unus, septempace munere dives
Spiritus. *Æthereo* simul una vertice visus

Cum sonitu irrumpens descendere flammeus imber,

(b) Et superincubuisse: in linguas diditus aureas,
 Multifidusque illis supra caput adstitit ignis: 35

Lambebatque comas blanda, atque innoxia tactu

Flamma; alte tamen immiscens se, imisque medullis

Insinuans, afflanque animis, membrisque vigorem

Arcanum, insolitum, divinum. Quos modo segnes

Omnes terrebant auræ, pavidique tremebant 40

Unius ad vocem ancillæ; jam Numine tacti

In gladios, mortemque ruunt: mortalia cuncta

Spernuunt: extinctumque Ducem, atque a morte reductum

Magnifico ore tonant, regeruntque e pectore flammæ

Ardentes, ignem spirant, incendia vibrant, 45

Nec mortale sonant, *Deus* insidet, ignis anhelat.

Annua tum *Solymis* aderant solemnia, & ingens

Undique visendi studio concursus ad urbem

Sanctam diversis acciti ab sedibus orbis,

(c) Qua qua stelliferum premit, ambit & omnia cælum. 50

Illac & gens *Isacidum* confluxerat omnis,

Li-

(a) *Spiritus Domini replevit orbem terrarum: Sap. 1. v. 7.*

(b) *Et apparuerunt dispersitque lingue tanquam ignis, seditque supra singulos eorum. Act. 2. v. 3. Spiritus Sanctus dabat eloqui illis. v. 4.*

(c) *Ex omni natione, quæ sub celo est. Act. 2. v. 5.*

Littore ab extremo maris; & *Jordanis* utraque
Ripa, abque excelsis *Libano*, *Hermontique*, *Thaborque*.
Illac & clari bello, celeresque sagitta

[a] *Parthi*: Orbisque olim imperio, & virtute feroces 55
Et *Medi*, & *Perse*, hi *Cyros*, illi *Arbace* superbi.

Qui *Tigrim*, *Euphratemque* bibunt, lateque patentes
Inter utrumque colunt campos, ubi barbara moles
Tollere in astra caput, cælumque lacerare fronte
Aufa; peregrinas improvise intulit Orbi 60

Linguas, & linguarum unanimis consortia secum
Obruit, & secum tulit, afflixitque ruina.

Et quos *Thermodon*, tumidusque interluit *Iris*:

Quos & *Sangarius*, rigat & quos amne *Caycus*;

Et quos tortilibus *Meander* circumit undis, 65
Retro etiam auscultans quos margine parit olores.

Quique tuas tondent felix *Pamphylia* silvas,

Unde iter ingrediens immensum maximus Orbis
Mons, alte incedit protendens brachia *Taurus*.

Et quibus ignotus venientis ab æthere teli

Terror, & horrifico, saxosque agmine grando,

Elisusque ruens torvis e nubibus imber,

Uno contenti *Nilo*, semperque sereno

Cælo: & qui terram jam tum scindebat, aratro,

Qua steterant olim victæ *Carthaginis* arces; 75

Vix jam stramineis habitata mapalia testis.

Et quos ubere alit: læto celeberrima centum

Urbibus, immitti & *Rhadamanto* *Gnoſſia* tellus:

Terrarumque Orbis domini, rerumque potentes

Romani, & *Cyrenenses*, pictique *Sabei*, 80

Diversi linguis, habituque, & moribus omnes.

R

Et

(a) *Parthi*, & *Medi*, *Ælamita*, & qui habitant *Mesopotamiam*,
Judeam, & *Cappodociam*, *Pontum*, & *Asiam*, *Phrigiam*,
& *Pamphiliam*, *Aegyptum*, & partes *Libyæ*, qua est circa
Cyrenem, & advena *Romani*... *Cretes*, & *Arabes* audivi-
mus eos loquentes nostris linguis magnalia Dei. Ib. v. 9. Sec.

- Et tamen ut cœpere loqui, & magno ore tonare
 Bis seni illi homines; eadem vox, & sonus idem
 Jam non idem, alias (mirum!) totidemque sonabat
 (a) Linguas, quot varias allabebatur ad aures, 85
 Ut solet in tēplis quæ centum surgit ahenis
 Machina arundinibus, variaque, & dispare canna,
 Tot variare sonos, dulces tot rumpere voces,
 Quot stant, quot circum sunt spiramenta, tubique,
 Qua possit veniens prorumpere desuper aura. 90
 (b) Quisque videbatur patrio sermone loquentes
 Audire, & magna circumcingente corona,
 Attoniti auscultabant, attonitique silebant
 Alte, & adorabant jam tum longo ordine gentes
 Omnes ad palum confixum nuper Jesum: 95
 (c) Quocum, bis seni hæc, nos manducavimus ipsi,
 Et bibimus; postquam devicta morte trophæum
 Extulit, infernis rediens redivivus ab umbris
 (d) Magni instar tonitru, vox hæc audita per omnes 100
 Qua sese extremos in fines porrigit Orbis.
 Exin Religio, te, Spiritus alme, sovente
 Intus, & afflante ex alto, omnipotentibus auris
 Advecta invaluit, totoque increbuit Orbe.
 Teque ideo plena passim veneramur æcerra,
 Teque Sacerdotes casti, populique frequentes 105
 Assiduo cantu celebramus, & ore cœmus.
 Nunc quoque Sancte veni, sanctisque ardoribus Orbem
 Usque senescentem, lapidosaque, & algida corda
 Ure: opus ipse tuum instaura, & tua numina firma.

En

-
- (a) Cœperunt loqui variis linguis. Act. 2. v. 3.
 (b) Audiebat unusquisque lingua sua illos loquentes. Stupebant autem omnes, & mirabantur. Act. 2. v. 6. & 7.
 (c) Nobis, qui manducabimus, & bibimus cum illo post quàm resurrexerit a mortuis. Act. 10. v. 41.
 (d) In omnem terram exivit sonus eorum, & in fines orbis terræ verba eorum. Ps. 18. v. 6.

HEROICA.

259

- En contempta jacet, digitoque notata protervo
 Religio! Descende, veni, compesce furentes,
 Infansque ausus, tonitruque, & fulmine vindex
 (a) Irrue. Vel potius (neque enim vis perdere tu nos):
 Exsere divinum, blandum jubar, exsere lumen
 Vitale, & ritu roris descende, benignusque
 (b) Ad meliora voca, & tacitus fera pectora molli.
 Me quoque, quando adeo pius es, nil tale merentem
 Desuper irroras. Quin totum concute pectus
 Igne tuo, atque tuis imple prœcordia flammis.

RELIGIO VICTRIX.

Porta inferi non prœvalebunt adversus eam. Matth. 16. v. 18.

CARMEN XLII.

- V**ix orta, interitum, & tragicam subitura ruinam;
 Nec dominatura, aut unquam vulganda per Orbem
 Esse videbatur, Christus quam sanxit Jesu,
 Religio. Nova vult credi Myſteria, necdum
 Haſtenus audita, & pretergredientia longe
 Quamlibet excelsæ humanæ fastigia mentis.
 Edicit *Patrem*, & *Genitum*, & quem spirat uterque
 Tres esse; & tamen hos tres unum, ac prorsus eundem
 Esse Deum. Huncmet, qui *Patri* est par *Filius*, alte
 (c) Prædicat esse Hominem factum, nulloque virili
 Complexu, intacta, & sancta de Virgine natum:
 Sponteque pro nobis; qua non deformior ulla,
 Aut odiosa magis voluisse occumbere morte.
 Mox autem everforem *Erabi*, *Morsisque*, triumpho

R 2

Su.

-
- (a) *Non enim delectaris in perditionibus nostris. Tob. 3. v. 22.*
 (b) *Dabo vobis cor novum, & spiritum novum ponam in medio vestri: & auferam cor lapideum de carne vestra, & dabo vobis cor carneum. Ezech. 36. v. 26.*

Sublimi investum redivivum ad luminis auras: 15
 Cælique excelsa ascendisse, thronoque sedere,
 Divino æqualem Patri, & stipante corona
 Sanctorum, rediturum iterum: ut dijudicet Orbem:
 Præmiaque & pœnas, utraque sine fine futura
 In luce, inque oculis hominum quotcumque fuerunt, 20
 Sunt, & erunt, statuatur justus, Judexque supremus.
 Quippe tubæ clangore, imis commota sepulchris,
 Ossa animabuntur rursus, cineresque coibunt
 Pristina quæ fuerant reparati in corpora. Qualis
 Aridus, enectus glaciali frigore truncus, 25
 Fronde iterum novus exsurgit, rursusque virefcit.
 Adjicit his arcana magis, magis invia nostris
 Sensibus, & credit: simul ac rata verba Sacerdos
 Murmurat; orbiculum Cereris, vitisque liquorem,
 Quem manibus tenuit perimi, ad nihilumque revolvi: 30
 Nec superesse aliud, nisi quæ nos ludit imago
 Panis: & hoc velo, ac specie, vinique latere
 Verum Hominem, verumque Deum, qui crimina lavit
 Sanguine nostra suo: atque hæc exemplaria mortis
 Pro nobis obitæ, divinaque fercula, robur 35
 Vitæ hujus miseræ eximium, pignusque beatæ
 Semper, & angorum ignaræ, mortisque futuræ,
 Immensique sui monumenta reliquit amoris.
 Quantumcumque hæc excellant superedita sensus
 Omnes, & nostræ captum, & conamina mentis: 40
 Ast Auctori illi, dictis qui immobilis unus,
 Unus & est, qui nec falli, neque fallere norit,
 (a) Innituntur, habent immobile firmamentum.
 Talis nostra Fides. Quid Lex? contraria rursus
 Sensibus, austera aspectu, assidueque coercens 45
 Assultus animi, morbosque propagine nobis

In-

(a) Ut per duas res immobiles, quibus impossibile est mentiri
 Deum, fortissimum solatium habeamus. Ad Hebr. 6. v. 18.

Ingenitos, quæis ignavi succumbimus ultro.
 Scalpturit, atque animum rapit, illaqueatque volentem
 Terrigenis geniale malum insidiosa *Voluptas*,
 Et dulci mixtum propinat melle venenum. 50

[a] Tabida depascit fensim, absumentque medullas
 Successu alterius mostissima, nubila fronte,
 Torva supercilio semper, rabiemque colorans
 Falso obtentu aliquo *Invidia*. Impatientior *Ira*
 Horrendum tonat ore: oculis quoque fulminat, ardet: 55
 Vindictamque atrox, & cædem spirat: anhelat
 Carnificinam. Addit germana *Superbia* utrisque
 Vires, & stimulat magis, impellitque furentes.
 Pigrior, atque adeo diuturnior incubat, uncus
 Dissimulans ungues, ignominiamque nefandam, 60
 Quam nunc vulgo homines detestanturque, foveatque
Auri sacra fames, sitis haud exemptilis auri.
 His nihil indulget morbis sanctissima Christi
 Lex, Oculos etiam, si forte libidinis æstu
 Inflammati, alium qui nunquam extinguitur ignem, 65
 Jugesque æterno accensuri fomite flammæ
 Sunt (hunc omnino ut sceleratum averteret usum,
 Utitur hoc verbo asperiore) & luminis orbes

(b) Funditus extrudi, opportunum sit esse, jubetque.
 Qua se quisque amat; hac mensura, legeque amoris 70
 Vult & amari alios: instatque hoc, terque, quaterque
 Mandatum hoc urget: jugulatque hostilia monstra
 Lege hac, *Invidiam*, atque *Odius*, nutrita venenis
 Crimina, amaroris plenissima, noxia cordi.
 Si quando erupit; non vult occumbere Solem 75
 (c) Quin deferbuerit, pacataque cesserit ira.

R 3

Im-

(a) *Putredo ossium Invidia*. Prov. 14 v. 30.

(b) *Si osculus tuus dexter scandalizat te, erue eum & projice abs te*. Matth. 5. v. 29.

(c) *Sol non occidat super iracundiam vestram*. Ad Ephes. 4. v. 26.

- Imperfecta etiam jubet, interruptaque linqui
 Vota Deo; si quis cum vota imponeret aris,
 Inferretque pius, meminit fortasse repente
 Dissidii necdum sopiti. Huic vertere terga 80
- (a) Mandat, & ire prius ruptam componere pacem.
 Qui sibi grandescit tumidus, fierique recusat
 Parvulus, atque infans tanquam si parvulus esset,
 Submitti; cæli hunc aditu, portisque repellit.
- (b) Angusta est, altum quæ porta adducit Olympum. 85
 Nec capit inflatos, capit hæc neque porta superbos.
- (c) Rursum divitibus cælum ægre, vixque patere,
 Scanfile vix cælum fore nuntiat. Aggravat aurum,
 Pondereque ad terram prosternit. Proxius esse
 Inquit; gibbosum angustari, perque meatum, 90
- (d) Perque foramen acus adigi, & transire *Camelum*.
 Ponit & ante oculos documentum horrore tremendum,
 Immerſi, ac barathro flammarum ardentis, aquai,
- (e) Extremo digiti quæ pendet acumine guttam 95
 Exiguam efflictim sine spe sitientis *Avari*.
 Lurco hic dum vixit fuerat, foribusque jacentem
 Ulceribus miserandum aspernabatur egenum:
 Et quæ de mensa exciderant, canibusque dabantur,
 Reliquias panis misero, micasque negabat,
 Auget terrorem, & generaliter occidit illis 100
Va

- (a) *Relinque ibi munus tuum ante altare, & vade prius reconciliari fratri tuo. Matth. 5. v. 24.*
 (b) *Quam angusta porta, & arcta via est quæ ducit ad vitam? Matth. 7. v. 14. Nisi efficiamini sicut parvuli, non intrabitis in regnum calorum. Matth. 18. v. 3.*
 (c) *Quam difficile qui pecunias habent, in regnum Dei intrabunt. Luc. 18. v. 24.*
 (d) *Ibid. v. 25.*
 (e) *Mitte Lazarum, ut intingat extremum digiti sui in aquam, ut refrigeret linguam meam. Luc. 16. v. 23.*

- (a) *Vae*, qui divitias, irritamenta malorum
 Maxima; magnaue habent hujus solatia vitæ.
 Intima præterea Lex hæc penetralia cordis
 Ingreditur, desideriumque impune vagari
 Haud sinit: hoc etiam domat; infringitque severa. 105
- (b) Alte illos damnat, quorum damnabilis factum
 Apparet nullum, atque extrinsecus omnia munda
 Cum sint; obscenas abscondunt pectore sordes.
 Non secus; atque horrore intus, fetoreque mortis
 Plena, atque erosio, saniem stillantibus atram 110
 Ossibus; extra autem albata, & speciosa sepulchra.
 Ergone *Lex* adeo injucunda, inimicaque carni,
 Hæccine *Lex*, hæc *Religio* contendere cursu
 Cum Sole? Ultra etiam Solis, metasque diei
 Ire, & terrarum totum regnare per Orbem? 115
 Nulla humana quidem capere, aut præsumere posset
 Spes hoc. Hoc autem *Fidei* Auctor Christus Jesus
 Nil dubitans præsignificat, saturque perinde,
 [c] Ac si præterita de re jam, neque peracta
 Colloqueretur. Erant sic jam perspecta, priusquam 120
 Effent, sic & erant olim jam certa futura.
 Undique consurgunt denso agmine, & undique diri
 Conjurant *Solymis* hostes obistere contra:
 Nascentem & vix Religionem extinguere cunis.
 Christi Præcones illos, qui prima ferebant 125
 Vexilla, & gentes Christi sub signa vocabant,

R 4

Pro-

- (a) *Vae vobis divitibus, quia habetis consolationem vestram.*
 Luc. 6. v. 24.
- (b) *Vae vobis scribe, & Pharisei hypocrite, quia similes estis sepulchris dealbatis; quæ foris apparent hominibus speciosa; intus vero plena sunt ossibus mortuorum, & omni spurcitia:*
 Matth. 23. v. 27.
- (c) *Ubiunque predicatum fuerit hoc Evangelium in toto Mundo.* Matth. 26. v. 13.

- (a) Propositis terrent pœnis; ne deinde docere
 Pergant, neve ausint laudando extollere nomen
 Jesu: & verberibus, vinclisque, & carcere multant:
 Despiciunt illi mortem, & tormenta, minasque: 130
 Altius & vocem extollunt: & verbera, vincla
 [b] Multa pati Jesu caussa, sibi gaudia ducunt.
 Utque fidem faciant: se, quæ Myſteria narrant,
 Quæ pandunt oracla, Deo aspirante profari;
 Perpetuas rerum leges, stabilemque tenorem 135
 (c) Naturæ ad libitum rumpunt, formidineque implent
 Obſtreſcatores, portentisque omnia complent.
 Adſtabat coram quem *Petrus*, nomine Jesu,
 Crure, & utroque pede intercluſum Matris ab alvo,
 Fecerat arreſtum ſtare, & conſiſtere plantis, 140
 Et properare gradum, celereſque extendere curſus.
 (d) Vellent; non poterant hæc tam manifeſta negare
 Signa, utcunq; eſſent perſcripſta fronte nefandi
 Pontifices. Ut fulgentem mœſta, improbaque odit,
 Sed tamen agnoſcit vel nolens *Noſtus* lucem. 145
 In medio *Soly morum* urbis, frendentibus iſtis,
 Millia ter primum, mox & dein millia quinque
 Turmatim Chriſti ſunt caſtra, & ſigna ſequuti.
 (e) Plures inde alii, atque alii, quos magna trahebant

- (a) *Comminemur eis, ne ultra loquantur in nomine hoc ulli hominum.* Act. 4. v. 17.
 (b) *Ibant gaudentes a conſpectu concilii, quoniam digni habitis ſunt pro nomine Jeſu contumeliam pati. Omni autem die non ceſſabant... evangelizantes Chriſtum, Jeſum.* Act. 5. v. 41. & 42.
 (c) *Multa quoque prodigia, & ſigna per Apoſtolos in Jeruſalem fiebant, & metus erat magnus in univerſis.* Act. 2. v. 43.
 (d) *Hominem quoque videntes ſtantem cum eis, qui curatus fuerat, nihil poterant contradicere.* Act. 4. v. 14.
 (e) *Magis autem augebatur credentium in Domino multitudo virorum, ac mulierum, ita ut in plateas eſſeicerent infirmos, & ponerent in lectulis, ac grabatis, ut veniente Petro, ſaltem umbra illius obumbraret quemquam illorum, & liberarentur ab infirmitatibus ſuis.* Act. 5. v. 14. & 15.

HEROICA

169

Prodigia : Umbra etiam [quo nil neque fingere fas est 150
Magnificumve magis, magis aut mirabile] euntis
Qua vult cunque *Petri* dabat ægris umbra salutem.
Asportabantur milleni. Si modo quemquam
Solpita inumbrabat, siquem *Petri* umbra tegebat;
Hoc satis, hoc morbos omnes, mortemque fugabat. 155

Quo nullus fuerat Christo ante ardentior hostis

(a) De cælo *Saulus* vehementi luminis ictu
Tactus, & *Hebræa* subito caligine mentis
Pulsa, quæ tantas accenderat hætenus iras;
Antiquum infinito odium mutavit amore. 160
Continuoque inter Procures, Fideique Magistros]
Primores *Duodenorum* numero additus; instar
Fulminis, hæc, illac rapidissimus ambiit Orbem,
Undique collectas ardens adsciscere Christo :
Gentes. Plusque ipsis *Duodenis* omnibus, unus 165

(b) Nomen ob hoc ultro tulit, exhaustique laborum :

(c) Hi *Petrus*, *Paulus* Romanis arcibus, Orbem
Calcatum superinstructis, tumideque superbis
Alte elata Crucis, Christique insignia primi
Impavidi invexere; hostilibus undique cincti 170
Turmis, ac valide oblustantibus undique ventis.
Non prece, non genibus, neque dein jam thure colendus;
Quin *Capitolinis* procul exturbandus ab aris
Tandem erat, ac vulgi vulgo ludibrio habendus
Juppiter Imperii Deus optimus, & Superum Rex 175
Creditus, atque Urbis Tutor, Servator, & Auctor.

Cum

(a) Per illuminationem Salvatoris nostri J. C. . . . positus sum
ego Prædicator, & Apostolus, & Magister Gentium. 2. ad
Tim. 1. v. 10. & 11.

(b) Abundantius illis omnibus laboravi. 1. ad Cor. 15. v. 10.

(c) Constans esto : sicut enim testificatus es de me in Jerusalem,
sic te oportet & Roma testificari. Act. 23. v. 11.

- (a) Cum *Jove* quotquot erant simulachra, Diique, Deoque
Imperii averruncanda: & capitale futurum,
Siquis adoraret, vel plures crederet, uno
Esse deos: abolenda etiam meretricia sacra: 180
Nec fas jam *Veneri*, *Bacchoque* litare, sequive,
Aut imitari hæc propudiosa exempla deorum:
Præterea plebejorum quia poena latronum
Crux erat, & majus qua nullum dedecus; atrum
- (b) Romanis horrorem oculis, probrumque ferebat. 185
Prælata est tamen, ac *Rome* exaltata; domumque
- (c) *Cesaris* ingressa: & curvato poplite, & aris,
Et thure, & sancto Crux est investa triumpho.
- (d) Et *Romana* fides Christo data, gloria *Petri*
Præcipua, atque ingens comitis quoque gloria *Pauli*, 190
Fama jam fuerat vel tum vulgata per Orbem.
Ultra etiam Imperium *Romanum*, & ad usque repostas
Cælo alio Gentes: trans utraque litora *Gangis*,
Ad *Ceromandelos*, ubi primos exserit ortus,
Qua vigil Eois *Aurora* resurgit ab undis: 195
Usque & ad *Æthiopas*, nascenti conscia *Nilo*:
Regna, & *Sauromatas* ultra, *Scythiamque* nivalem,
Qua septem super impendent, præsuntque *Triones*:
Qua *Romane* Aquilæ, nec pila minantia pilis
Cognita dum fuerant; quo vix languentia, & istu 200
Obliquo, & fracta jam vi, Sol spicula vibrat,
Ad *Gangem* *Thoma*, ad *Scythiam* ductore *Philippo*,
Usque & ad *Æthiopas* *Levi*, & *Simone*, & *Juda*,
Prolatum imperium Crucis est, & nomen *Jesu*.

Tu

-
- (a) Qua autem conventio Christi ad *Belial*? Aut eua pars fide-
li, cum infideli? Quis autem consensus templo Dei cum ido-
lis? 2. ad Cor. 6. v. 14. & 15.
- (b) Improperium ejus portantes. ad Hebr. 13. v. 13.
- (c) Salutant vos omnes sancti, maxime qui de *Cesaris* domo sunt.
Ad Philip. 4. v. 22.
- (d) Fides vestra annuntiantur in universo mundo, ad Rom. 1. v. 8.

HEROICA.

267

Tu quoque, tu major *Jacobe* [veterrima fama 205

Patrum sic est ad seros perlata nepotes]

Cesar ad *Augustam Fidei* tu altissima sanctæ

Dogmata, tuque Crucis primus vexilla tulisti

Gentis ad *Hesperie Tartessia* litora, & usque

Herculis ad metas, ubi Sol postquam ambiit Orbem, 210

Sistit anhelantes, recreatque, lavatque jugales.

(a) Occidit *Herodis* gladio hic, primusque Magistrum

De *Duodenorum* numero, sanctoque Senatu,

Quem fuerat vita, sic est & morte sequutus.

Romani Herodis jussu, rigidique *Neronis* 215

Imperio, diro distentus corpora trunco

Petrus, & exsecta capite a cervice revulso

Paulus, Christiadam duo maxima lumina, *Rome*

(b) Occubuere, pares causa, et si dispare morte.

Ultra etiam mortem socios, comitesque futuros 220

Abstulit una dies, & funere meruit utrosque.

Consimili ac prorsus fraterna morte peremptus

Andreas, decussatis, nexisque vicissim

Ad medium geminis suffixus brachia truncis.

A latere oblongis, valide facto impete utrinque, 225

Hastis confossus *Thomas*: dejectus & alter

Jacobus summi præceps de culmine templi,

Exceptusque fude, & violento stipitis ictu.

Tu vero absumptus nece, *Bartholomæe*, cruenta,

Crudelique magis. Nam (carnificina ferarum 230

Quæ sola est) cute direpta, pendenteque circum,

Vivo etiam tibi dum patulæ, trepidæque micabant

Venæ, ac totus eras cruor undique, & undique vulnus

Vcr

(a) Misit *Herodes* rex manus, ut affligeret quosdam de *Ecclesiæ*
occidit autem *Jacobum* fratrem *Joannis* gladio. A.R. 12. v. 1.

(b) Hæc, & historica dehinc ad finem omnia, ab Auctoribus,
non quidem Hagiographis, qui nulli jam sunt; sed tamen pro-
batissimis, & severiore Critica instructissimis excerpta sunt.

Verbo, quotquot erant *Fidei*, morumque Magistri

A Christo primi, varie & crudeliter una 235

Omnes carnificum manibus laniati, & acerba

Vi, ferro, excelsas animas posuere, caputque.

Morte tua solus tu, quem dilexit amore

Præcipuo, Matrem, cui commendavit Jesus

Commoriens, & postrema jam voce vocavit, 240

Ac dedit esse tuam, testamentoque reliquit,

Morte tua extinctus solus tu. Sub Cruce namque

Tu solus fueras. Nullum hoc atrocius ullum

Supplicium: coram expirantem cernere Jesum:

Ultima & excepisse sinu suspiria vitæ. 245

Sanguine quin etiam aspergi morientis. Amoris

Sic tu *Martyr* eras, gladio trajectus eodem

Cum Matre. Ille tibi, rupit qui pectora Matri

Ensis; plus oleo, quo dein fervente natasti,

Attulit infandi, ac diri præ morte doloris. 250

Instar erant *Duodeni* ovium: illos undique sævi

(a) Mactabant hostes rabidorum more luporum.

Hoc semel, hoc iterum prædixerat ante Magister

(b) Discipulis: odia horrenda, & tristissima quæque

Omnia passuros, nil unquam tale merentes; 255

Hac una tandem de causa, ob nomen Jesu.

Hæc Sanctis, hæc ille suis patrimonia liquit,

Carne quidem meritis oculis, oculisque profanis

(c) Tristitia; Discipulis autem charissima, Regni

Cælestis cuncto pignus pretiosius auro. 260

Qui fuit *Hyrcana* sceta *Nero Tigryde* multo

Sæviior, arctatos loris, valideque revinctos,

Incensaque pice, atque ardente bitumine tinctos

Chri-

(a) Ecce ego mitto vos sicut oves in medio luporum. Matt. 10. v. 16.

(b) Eritis odio omnibus propter nomen meum. Ibid. v. 22. & Marc. 13. v. 13. Si me persecuti sunt, & vos persequentur. Joa. 15. v. 20.

(c) Si sustinebimus, & conregnabimus. 2. ad Tim. 2. v. 12.

Christicolas, passim per compita, perque plateas
Roma, accendebat nocturni in luminis usum.

265

Et quid non egit *Decii* furor impius? Ille
 Barbara, inhumana, atque exquisitissima quæque
 Supplicia exhaustit, laniandoque obtudit enses,
 Confregitque rotas, delassavitque secures.

Tunc & Virginibus veterum de stirpe creatis
 Heroum, & virtute magis quam sanguine claris,
 Vulnere, quo nullum fortasse immanius, alto
 Impete, dejectæ ferro, absumptæque papillæ.

270

(a) Quid sub Principibus, quorum vel Garmen abhorret
 Nomina? Vix talem recipit te, seve *Diocles*,

275

(b) Qualis eras plebeja ortus de gente, priusquam
 Cingeret indignos diademate Purpura crines.

Exsecrabilior *Decio*, asperiorque *Nerone*

Hic, non ut *Nero* singillatim in lumina noctis;

Sed coarctervatos uno dabat impete flammis

280

Millenos, & millenos. Processit & ultra

Christi odio, & *Phrygiam* infandis totam ignibus urbem

Absumsit, nigro involvens Matresque Virosque

Turbine flammarum, lactentesque ubere Matrum

Infantes, nullo ætatis discrimine, nullo

285

Sexus, in cineres ferri dedit omnia ventis:

Hos sic, ignitaque alios sartagine, subtus

Applicito, & lento paullatim torruit igne:

Ne *Siculi* pejora ulla essent facta tyranni.

Nec flammis solum: innumeros etiam obruit undis

290

Christi cultores. Manicis, & compede victos,

Lintribus impositos ruptis, lacerisque phaselis,

Et super hos alios, quasi muta, & inania sensu

Cor.

(a) *Intellige* Domitianum, Maximinum, Valerianum, Aurelianum, Diocletianum Christianorum insectatores atrocissimos, quorum syllaba carmini repugnant.

(b) *Diocletianus ante adeptum imperium* Diocles dicebatur.

Corpora congereret, turmasim pondere inique
 Agglomerans; vasto pessumdari, & æquore mergi, 295
 Et dabat adjectis una cum lintribus omnes
 Fluctibus hauriri, spargique, rapique procellis.
 Urforum exuvias alios, pellesque ferarum
 Indutos, & compulsos incedere ritu
 Quadrupedum, sic, deceptis, avidisque *Molossis* 300
 Objecit discerpandos. Sed parcere Sanctis
 Addidicere *Canes* tum, carnificesque vorarunt.
 Desuper impulsu, ac pœnas sumpsere merentum.
 Sed quos non ausi indomiti lacerare *Molossi*;
 Hos, aut dejecto ex humeris capite hauriit ensis. 305
 Aut ruida attrito prostravit clava cerebro:
 Aut spissus lapidum tumulavit grandine nimbus.
 Sed quid ago? Nemo pœnarum nomina, nemo
 Voce queat (vox etsi alicui indefessa sonaret,
 Ferreaque) aut totidem scelerum comprehendere formas, 310
 Aut totidem, quot dilaniandi exercuit artes.
 Demens! qui quod opus rexit Deus ipse, Deique
 Filius, eruere, & se profligare putavit
 Posse, & sanguineis tegere, & tumulare ruinis.
 Imbecillæ oculis hominum, & laniatæ, & inermi 315
 Armatæ dumtaxat *Oves* patientia, & ipsa
 Morte obita, vicere *Lupos*, vicere *Nerones*,
 Ac *Decios*, teque his truciores, sæve *Dioles*.
 Sic vicisse opus *Excelsi* est, divinaque prorsus
 Hæc est, non opibus, non vi, non impete, & armis 320
 Proveniens; tota & cedens victoria victis.
 Sanguine inundata, ac pene obruta sanguine; crevit
 Uberior, magis aucta, ac propagata per Orbem
 Relligio. Caput alte elata, Palatia Regum
 Conscendit victrix! Et qui diadema gerebant 325
Augusti, quorum vel nutus audiit Orbis,
 Submisere Cruci caput: hoc & fronte tulerunt
 Non jam ignominiz, ut quondam; sed gloriæ, honoris
 Ac

Ac Regia Regum monumentum, insigneque signum.

Horum tu, cuius laudi præconia nulla 330

Digna satis, ductor tu *Constantine* fuisti,

Ac Princeps. Tibi nam sublimis in aere visa

Crux, medio ardentis cælo tum, lampade Solis

Pulchrior. Inde tuis præcedens edita castris,

Vexillisque tuis prælata; exterruit hostem, 335

Et gelida super injecta formidine; turpem,

Præcipitemque optare fugam ac dare terga coegit.

Ponte quoque indignante hosti, abruptoque repente,

Tibridis exhaustus periit *Maxentius* ille

Undis, qui *Dioclis* rabide feritatis, & iræ 340

Æmulus; innocuum Christi vastabat ovile.

Nec mona, iussisti: quæ *Roma*, plena cruoris

Ibant Christiadam, sicari, & flumina sisti

Impia: & edicto Præconis voce per Urbem

Vulgato, requiem Sanctis, pacemque dedisti. 345

Donec sancta *Fides*, donec *Romana* vigebit

Religio, æternis quæ sustentata columnis

Est; honor hic tuus; eximii hæc & gloria facti

Semper erunt, serisque ætatibus usque manebunt.

Viderat ab stygiis, semperque gementibus antris 350

Noctipotens scelerum inventor, quod moverat atrox

Hactenus effuso large undique sanguine bellum

Successisse parum; quin & firmamina Christi

Regno accessisse: & tantis, tot testibus usque

Ad mortem, atque ultra immotis, quam vertere fundo 355

Religionem attentabat; nova germina passim

Emisisse, nova & noctam incrementa per Orbem,

Qualiter in silvis lacerata bipennibus illex

Per cædes, per damna, per & fera vulnera, ab ipso

Ducit opes ferro, atque animos; & fronde superbit

Lætior, ac cælum versus caput altius effert,

Dat gemitum tonitru similem. Ad fraudeque, dolosque,

Perfidiaque veneniferas revolutus ad artes;

Ja-

Intestinum aliud bellum, graviusque periclo
 Tentare instituit: neque jam solo ense cruento; 360
 Sed calamis magis, ingenioque, & mente gerendum
 Imbutis obfirmata discordia, & astu
 Vipereo, & pravo insanæ novitatis amore.
Aspidis in speciem exigui collectus; in ima 365
 Viscera stertenti clam se insinuavit *Ario*.
 Sacrorum hic fieri *Antistes* cui fecerat urbi
 Nomen *Alexander*, præcella & sede præesse
 Ambitione furens ardebat. At inde repulsus,
 Speque hac dejectus, turbatus mente, feroxque, 370
 Vindictam in somnis etiam spirabat, & iras.
Aspidis attactu, illapsuque ferocior; ipsum
 Impetere est ausus Cælum: æqualemque Parenti
 Esse negare Patri Unigenam, qui corpore tuæ
 Nostro, illibata voluit de Virgine nasci. 375
 Carmine pestifero (vocat istud & ille *Tbaliam*)
 Quod male tornatas peiores redderet aures;
 Obtulit incauto lethalia toxica vulgo.
 Seditione potens plures capita alta ferentes
 (a) Pastores gregis infecit, tinxitque venenis, 380
 In partesque suas traxit, pepulitque volentes.
Constantino etiam imposuit. Tristissima Regum
 (b) Sors hæc: larvato, & mendaci illudier astu:
 Nec sceleratorum falsos bene noscere vultus:
 Quippe sibi ignotos, qui nescia pectora fraudis, 385
 Regia corda gerunt. Fraudum ædificator *Arius*
 Eximius, vocem, faciem mentitos ovillam;

Abde-

[a] Arius anathemate ab Alexandro Episcopo Alexandrino percussus; ad Eusebium Casarea Episcopum confugit, quem habebat suum socium, & sanctorem nactus est, cum aliis Episcopis, inter quos erat Eusebius Nicomedia, cujus magna erat apud Constantinum gratia, & auctoritas.

(b) Aures Principum simplices, & ex natura sua alios æstimantes, callida fraude decipiunt. Ekh. 16. v. 6.

- Abdebat rictus, dentesque, unguesque lupinos.
 Huic fregere caput monstro celeberrima centum
 Ter *Nicanorum*, Sanctorumque agmina Patrum. 390
 Et tamen audebat calatus livida colla
 Arrigere, obliquasque in Cælum tollere cristas.
 Qualis quem pressit cantho rota forte jacentem,
 Obtritumque, ac seminecem, lacerumque reliquit;
 Prorepens tamen insurgit, tumidumque veneno 395
 Attollit caput, & furialia pectora *Serpens*.
 Tandem insperata præceptis funeris hora,
 Viscera diruptus (diuturnum ubi fecerat *Aspis*
 Nidum) sic etiam movit civilia bella.
 Usque adeo multos fraudum, heredesque furoris 400
 Linquens: excessit fontes fremebundus ad umbras,
 Harum quotquot erant turmarum *Asbanasius* unus
 Terror erat. Quadraginta, atque his amplius annos,
 Urbis *Alexandri* defendit mœnia, denso
 Aggere, & objectu clypei impenetrabilis; et si 405
 Sede sua, & patria extorris: vivusque sepultus
 Interdum, profugusque errans, ac lustra ferarum
 Confugio querens. Soboles tamen impia *Arii*
 Hunc sic extorem, & profugum, & timuere sepultum.
 Nec minus interea (magno quem *Gallia* partu, 410
Gallia nunc, olim, semper sæcunda Virorum,
 Eduxit) Christi terrebat *Hilarius* hostes.
 Facundus, vehemens sobolem illam cinxit, adegit
 Fossa: & prærapido effuso, exundanteque aquarum
 Agmine demersit, totis *Rhodani* obruit undis. 415
 Par Athleta his, insanos *Hieronymus* ausus
 Contudit *Helvidii*, qui sanctæ aspergere Matri
 Dedecus, impuro, sceleratoque ore volebat.

(*) Onaigenum monstrorum alia, horrendæque rudentum

S

Dal-

(a) Intellige Jovinianum, Montanum, Vigilantium, quorum hæreses Hieronymus prostravit.

Dalmata bellipotens colla, & capitâ abscidit ense. 420

Arma etiam tractare rudes munivit, & armis

Induit: instruxitque novas Aciesque, Ducesque.

Quippe Arma, & sanctos Armamentaria Libros

Vulgavit *Latia*, facilesque aptavit in usus.

Nec jam *Graja* opus est, peregrinaque litora adire: 425

Quandocumque tuta & sunt propugnacula bello,

Sunt quoque & Arma domi; quæ versatissimus illis

Attulit huc victor rediens *Hieronymus* oris:

Tu quoque Dux bello invictus, tu cujus in ore

Examen confedit apum, cui melle fluebant 430

Labra: *Augustinum* tu, melle, & nomine præstans,

Vicisti: & fuerat qui formidabilis olim

Hostis; fecisti Defensoremque, Ducemque.

Ecce autem, ecce alias, alios miscere tumultus,

Umbrarum pater instaurat, stimulatque phalanges. 435

Nestorianorum, annitentum tollere Matri

Divinæ totum hoc quantum est nomenque, decusque

Immortale, Deique omnes Genitricis honores.

Eutychianorum, qui dum in contraria tendunt;

In Christo esse hominem absorptum, exaustumque volebant:

Turbaruntque, & confudere Hominemque Deumque. 440

Hos tamen horribiles, armisque, æstuque potentes

Prostravere hostes, ac deduxere triumpho

Captivos collecti *Ephesi*, & *Chalcedone* Patres.

Postremi hi hortatu acciti, Magnique *Leonis* 445

Rugitu. Qui surgentem ut confunderet hydram;

Suprema de sede *Petri* tonitralia verba,

Concussura hostes, signavit epistola: & ipsa,

Ignea tela etiam, & victricia fulmina misit.

Parte alia, toto divisis orbe *Britannis*, 450

Hostica prorupit secum socia agmina jungens

Pelagius. Nobis aspersam ab origine labem

Inficiabatur tumidus, stolidæque superbus,

Vires de cælo, auxiliariæque arma negabat

Esse

- Esse necesse, ut lucifugum, qui perdere tentat 455
 Undique nos; profligemus, superemus & hostem.
 Nil opus auxilio, aiebat, precibusque; salutem
 Viribus unumquemque suis sperare jubebat.
 Demens! qui neque se tandem, neque noverit hostem:
 Nec saltem expertus potuit cognoscere, quantis 460
 Debilitata malis sit nostra hæc vita, salusque.
 Sic & febre jacens, oculos ubi denique preffit
 Sera quies; rapidos, agilesque extendere cursus
 Posse videtur. At in mediis conatibus impar:
 Deficit, & robur nullum illi est: somniat æger. 465
 Hunc *Augustinus* calamo jugulavit: & omnes
 Captantem latebras pavide, & caligine multa
 Involventem astute aditus, varioque reflexu
 Abdentem sese, & fumum, tenebrasque vomentem;
 Per velligia cæca, per intricata sequutus
Aurelius fugientem hostem protrivit: & atras,
 Lumina magna ferens, dimovit, dispulit umbras.
 Tu decus *Italiae*, *Gregori*. Te patria *Roma*
 Nolentem, invitumque excelsa sede sedere
Petri, cælesti indicio, signoque coegit. 475
 Tu præcellentes *Romanae* Sedis honores,
 Quos suffurari, sibi que usurpare volebat
 Urbs fastu turgens, *Constantinique* superba
 Nomine; servasti, assuetus jam vincere in illa
 Urbe. Ibi Pastorem errantem, ac revocata sepulchris 480
 Corpora nostra, iterum ad vitam reditura negantem,
 Tristi hoc, immanique erepto errore, libenter
 Victum, fecisti, victum se, & vera fateri.
 Hæc duo semper erunt tibi, Magne, erecta trophæa
 Illuc, angustis ubi faucibus usque coactum 485
 Frendentem stringunt *Byzantia* litora pontum.
 Sed rupere fidem tandem, rupere pacem,
 Majoresque iterum *Byzantia* litora turbas,
 Vastificasque magis, tristesque dedere ruinas.

- Bellum ingens ense, & scepro *Leo movit Isaurus* 490
 Undique *Imaginibus* sanctis, vetuitque precari
 Coram: dejectas passim exturbavit ab aris:
 Diripuitque, & sacrilegos coniecit in ignes.
 Hoc truculento adeo generatus Patre *Leone*;
 Excessit tamen impietate *Copronymus*: inde 495
 Dictus sic, infans quia, dum de more, sacro
 Fonte lavabatur; foedavit stercore fontem,
 Augurio infando. Nihil hic aut liquit inausum,
 Aut intentatum in Superos: monumetaque Divum.
 Quæ Pietas, quæ Relligio penetralibus imis 500
 Abdiderat; conquesta exquisitus, alte
 Proruta, & infandis sunt omnia tradita flammis.
 (a) Plus sexaginta furor hic caput extulit annos
Constantinopoli. Sed enim, facto agmine, rursus
 Convenere Patres *Nicæ*: moestaque tandem 505
 Relligio recreata est, exaltataque ad aras.
 Singula perconsere nefas quæ bella furentes
 Seditiosorum turbæ, pugnasque ciebant.
 Qua tu cunque oculorum orbes per sæcula volvas;
 Perfidiosorum, Desertorumque maniplos, 510
 Tartareasque acies videas, nigrasque catervas.
 Sed quotquot fuerant tot jam per sæcula, cunctos
 Provocat, atque hostes vocat in certamine, & omnes
 (Tantus erat!) calamo invicto debellat *Aquinas*.
Angele, viventi dedit hoc tibi *Gallia* nomen, 515
 Et merito: neque enim posses, nisi & *Angelus* esses,
 Quadraginta, atque octo annis, quo tempore vitam
 (b) Clausisti exiguo, tam magna volumina, tamque
 Egregia usque adeo felici reddere partu.
Summa tua una hostes satis est frænare: silebunt 520
 Si capient: muti rabiosa silentia rodent,

Pu-

(a) Ab anno 725. ad 787.

(b) Natus anno 1227. obiit 1274. 7. Martii.

Pugnantum te Acies pro Relligione sequitur
Sunt, cœu Ductorem magnū, semperque sequentur :

Sæpius in Cælum, terrasque *Acheronte* refuso,
Tum demum solito truculentior, intima ructans 325
Viscera lucifugus nigri *Draco* Legifer *Orci*;
Tisiphonem gemidam, geminamque efflavit *Erinnym*
Lutherum, & *Calvinum*. Istis mage tristia monstra
Aut furibunda magis nulla ante efflaverat *Orcus*.
Ad mala cuncta etiam invitos, quasi compede vinctos, 330
Raptari misere nos, omnihoque peremptum
Arbitrium jam tunc esse, asfirmabat uterque,
Insita cum nobis prima est ab origine labe.
Et quid erat tandem hoc aliud, nisi fræna pudoris
Tollere? & efficere, ut vel quam scedissima quæque 335
Flagitia, & quotquot sunt crimina cuncta licerent?
Addunt: impulsu divini luminis actos
Nos, vel ut exanimū quid, compellique, rapique;
Quin obnitiendi sit jam contra ulla potestas.
Atque adeo nihil omnino unquam posse mereri 340
Nos. Hæc Doctores illi solatia nobis
Portabant. Sed *mercedem*, meritamque *coronam*
(a) Divini passim Libri, & certaminis hujus
Palmas esse ajunt dandas victoribus, illic
Vita ubi semper erit felix, semperque beata. 445
At sanctos audax Libros minuebat uterque
Ad libitum. Quos de numero hoc abraderet visum;
Radebant, scriptosque Deo aspirante negabant.
Omnia quæ non jam scriptis, sed tradita verbo,
Perpetuoque inde a Christo ad nos ordine, semper 450

S 3

Relli-

(a) *Mercēs vestra copiosa est in calis. Matth. 5. v. 12. Reposita est mihi corona justitiæ, quam reddet mihi Dominus in illa die justus judex. 2. ad Timot. 4. v. 8. Et palmæ in manibus eorum. Apoc. 7. v. 9. Venerunt de tribulatione magna, & laverunt stolas suas in sanguine Agni. . . ideo sunt ante thronum Dei. Ibid. v. 14. & 15.*

Religionem pari, tot jam volventibus annis;
 Demisso accepta obsequio, ac servata fuisse;
 Striptus, atque imo tentabant vellere fundo.
 Desuper externa quadam quasi veste, volebant
 Justitia Christi indutos, quæ cuncta tegebat 355
 Crimina, conatu nullo, nulloque labore,
 Aut merito, subitos fieri, & consistere Sanctos.
 Ambo pudicitiae hostes, Virginitatis acerbi
 Ofores; castos nolebant esse Ministros
 Sacrorum. Sanctis abducta, Virgine, claustris, 360
 Sacrilega infandum perfritus fronte triumphum
 Egisse *Lutherus*. Per & ipsum facta potestas
 Vincula rumpendi, Christus quæ posse negavit
 [a] Rumpi, & scindendi socialia jura marito.
 Obtentu, & specie panis, vinique latere 365
 Verum Hominem, verumque Deum, voluisse negare;
 Nec potuisse tamen, nolens, victusque fateri.
 Quid faceret? Rabidus vinum, panemque redactum
 Ad nihilum, vult integrum, incolumemque manere,
 Qualis erat, neque dum tonuit cum verba Sacerdos. 370
 Effrenem hanc *Erebi furiam* superare nefandus
 Ausus *Calvinus*, Christum quoque sustulit: audens
 Hoc etiam scelus, quod tantum expaverat unum
Lutherus: quem terruerant clarissima Christi
 (b) Verba, quibus potum vere se ait esse, cibumque. 375
 Crudelem, immanemque Deum depingere gaudens,
 Aiebat: cæca, horribilique lubricine ductum,
 Haud culpa prævisa ulla; præcludere cælum
 Pluribus, æternisque illos addicere flammis.

Hæc

-
- (a) Quicumque dimiserit uxorem suam, & aliam duxerit, adulterium committit super eam. Marci 10. v. 11. Lutherus tamen indulgit etiam hoc Philippo, Hassiæ, ut ajunt, Landgravio.
 (b) Caro enim mea, vere est cibus: & sanguis meus vere est potus. Jos. 6. v. 56.

HEROICA.

279

Hæc infrunito ille ore; etsi Oracula sancta,
Sponte sua suavem esse Deum, ingenioque benignum
Erga nos Patrem, passim clamantque, monentque:
(*) Æternæque negant morti ultro addicere quemquam.
Adjecit portenta alia, execrandaque. Plura
Jam calamus meminisse horret, lugensque recusat. 585
Centenis aliis monstra hæc vallata colubris,

(b) Accitisque aliis socialibus undique monstis;
Heu! quot, quamque graves coacervavere ruinas!
Quantaque Tænariis Regna involvere tenebris!
Quatuor actutum vestras, Helvetii, opacæ
Involvere plagas umbræ? involvere Trionum
Proxima sideribus quæ sunt duæ maxima Regna,
Dania te, & rursus te bellica Suecia, totam:
Compluresque tuos ingens Germania tractus:
Indomitosque, & concordēs, fortesque Batavos. 595
Tu quoque Sanctorum nutrix, fecundaque Mater
Quondam; obscurata es tandem. Te semper amaro,
Semper te magno lugebimus, Anglia, luctu.

Sed vero tunc, tunc, inquam [mirabile dictu]
Tanta videbatur cum detrimenta subire
Religio; crevit magis, ultra, & longius ivit:
Ignotosque, novosque est dilatata per Orbes.
(c) Europæ parte excedentem America recepit
Utraque; & utralibet longe Europa undique tota
Major: cui præerat tunc Moctezuma supremo
Imperio: & quam postremus tunc Inca regebat. 605

S 4

Ex-

-
- (a) Non est voluntas ante Patrem vestrum, qui in celis est, ut
pereat unus de pusillis istis. Matth. 18. v. 14. Noleus ali-
quos perire. 2. Pet. 3. v. 9.
- (b) Intelligite Melanchronem, Osiandrum, Carlostadium, Zuin-
glium, Ecolampadium, Bucerum, Muncerum caput Araba-
pistarum, Flaccum Illyricum, Bernardinum Ochinum, Theo-
dorum Bezam, & tot alios illius ætatis hereticos, qui omnes
aut Lutherum, aut Calvinum duces habuerunt.

Extremo Orbe alio positi, longeque remoti
Tunc dederunt (quod vaticinus prædixerat ante
(a) *Esaías*) sobolem sanctam *Septentrio*, & *Auster*.

Cum *Fide* adorandum, & magnum tibi, *Mexice*, signum
Exhibitum, lapsa & meliora ancilia czelo: 610

Præsidium æternum tibi tutamenque futura.

Namque Dei coram adstante, & sic Matre jubente;

Saxoso, sterilique solo, medioque *Decembri*

Erupere rosæ. Quas asperioræ, rudique 615

Palliolo implicitas, simul atque *Antistite* coram

(Infula cui sacros umbrabat pendula crines)

Indigena explicuit [mirum!] ecce impressa repente

Palliolo est quam pulchra Dei Genitricis Imago,

Aligero innixa, & sinuosæ cornua *Lunæ* 620

(b) *Calcans*: cæruleo fert didita plurima peplo

Sidera; propendens capiti radiata corona

Eminet, a tergo circumdatur undique *Sole*:

Illius omnino ad normam, speciemque, sereno

(c) *Czelo* tranquillus quam *Patbmo* viderat exul: 625

Qua neque amabilius quidquam est, neque pulchrius Orbe.

Ut memini! Ut videor, te nunc quoque, *Virgo*, videre!

Quod fas, hoc facio. Memor hinc, & cernuus ore,

Quæ sola ire queunt, ad te, pulcherrima *Virgo*,

Cæbra, & itura quidem citius suspiria mitto. 630

Ardua tunc etiam relegens vestigia *Thomæ*,

Ad

(a) Dicam *Aquiloni*: Da: & *Austro*: Noliprohibere: offer filios:
meos de longinq̃, & filias meas ab extremis terræ. II. 43. v. 6.

(b) Imaginem hanc miraculorum frequentia celeberrimam *Mexi-*
cani vocant de Gu da up: Colitur prope Urbem magnificentis-
simo temp'o. & Regio, ac præclarissimo Sacerdotum Collagio,
cui & templi & cultus procuratio mandata est. Rite, atque
ordite Patronam Regnorum illorum principem proclamata esse
Bened. XIV. Auctor. Apost. declaravit: & Officio, ut ajunt
proprio. illam decoravit die 24. Aprilis 1754.

(c) *Mulier amicta Sole, & Luna sub pedibus ejus. Apoc. 12. v. 1.*

Ad Coromandelos longe processit, & ultra
Xaverius, qua vix ortam *Japonia* cunis
 Excipit Auroram, tenebrisque, undisque renatam.
 Christus ubi necdum, neque vox audita salutis 635
 Ulla unquam fuerat, Regionibus hæcenus umbris
 Immersis; lucem invexit: linguasque loquutus
 Ignotas, signoque Crucis faciens Maris undas
 Dulces: ad vitamque, olidis excita sepulchris,
 Corpora sæpe vocans, quot perfida sustulit isthac 640
Lutheri impietas; illac tot millia centum
 Restituit, Regna adducens ingentia Christo.
 Tandem *Tisiphonem* geminam elifere *Tridenti*
 Patres, deinceps alii calamis victricibus omnes
 Undique Doctores acciti in prælia tanta. 645
 Hos inter *Bellarminus* caput extulit alte,
 Romano, excelsoque ornatus murice frontem.
 Formidabilior nemo hoc fuit hostibus hostis.
 Contra unum hunc omnes conspiravere, & in unum
 Irrita jecerunt densissima tela sine ictu. 650
 Et quas non turbas, quos non movere tumultus?
 Qui se *Augustini* genuinos esse, merosque
 Discipulos jactabundi, tumidique volebant.
 Nec veriti hunc tam præclarum affectare Parentem;
 Cum *Lutheri* essent, *Calvinique* ibrida proles. 655
 Quandoquidem Auxilio interiori (utcumque tenebris
 Omnia inumbrarent) re, oblisti posse negabant,
 Non secus atque illi quondam fecere: fuitque
 Gratia, ut his, illis quoque delectatio victrix.
 Sicui non sancta hæc victrix, potiorque voluptas 660
 Desuper immissa est; præcepta facessere posse
 Hunc divina negant. Quidquid conetur; iturum
 Ajunt, quo major, vasto quasi pondere, deorsum
 Frustra obluçantem rapiet male sana voluptas.
 Inficiatur item, pro nobis omnibus esse 665
 Perpeffum, & vitam Christum, aut fudisse cruorem.

Quæ *Calvini* etiam deliramenta fuerunt.

O bene! quod manifeste adeo exturbabit utroque;

(a) Et totidem docuit verbis contraria *Paulus*!

Quo vix nascentem, vix ortam fulmine *Roma* 670

(b) Contudit hanc pestem; poterat fortasse videri
Profligata. At enim infirmo discrimine *Juris*,
Et facti, veteratores audacius illi

Pergebant perturbare, & confundere pacem.

Donec ab excelso *Clemens* hoc nomine dictus 675

(c) Undecimus majora aliis duo fulmina misit:

(d) Quæ *Ludovici* etiam Petas, & Regia prorsus
Majestas in seditiosos inque rebelles
Impulit, & tandem afflixit delevit & hostes.

Nec vero potuit vel tum consistere tuta 680

Pax. Namque ex horum fortentibus offibus, agmen

Philosophorum, hoc se titulo, hoc se nomine donant

Ipsi, *Philosophorum*, inquam, furiosius agmen

Prorupit. Qualem *Græci* finxere Poetzæ

De serpentinis, quasi s. mine, dentibus ortam 685

Improvisam aciem, clypeataque sæva virorum

Agmina. *Vipereæ*, magna vi, vulnera genti

Victor *Agenorides*, mortemque inferre parabat.

Ipsi autem horrendis se consecere vicissim

Istibus *anguigenæ* per mutua vulnera fratres. 690

Sic hi, se jugulant ipsi: pugnantia passim

Secummet mire obliti, immemoresque loquuntur.

Non *Scripturarum*, aut armamentaria *Patrum*

Tra-

(a) Pro omnibus mortuus est Christus. 2. ad Cor. 5. v. 15.

(b) Constit. Innocent. X. Cum occasione edita die 31. Maji 1653.

(c) Duae Constit. Vineam Domini Sabaoth edit. d. 20. Oct. 1705. & celebriorem aliam Unigenitus Dei Filius, emanatam die 8. Sept. 1713.

[d] Intellige XIV. & XV. Uterque enim Constit. Unigenitus favit religiosissime. Et tandem Ludovici XV. Edicto Constitutio, illa, tanquam Regni Lex, reborata est, anno 1756.

Traſtant: quippe horum indocti, ignarique, rudesque
 Armorum. Sola armati petulantia, & auſu, 695
 Certamen, pugnamque cient: ſalibuſque, jocibuſque
 Aſperſa, & ſuco inſidioſo, atque illita melle
 Mortifero, nova tanquam eſſent, & magna reperta;
 Rancida divendunt *Epicuri* inſomnia vulgo.
 An quia *Philophi* iſtius ſunt caſtra ſequuti; 700
Philophorum etiam placet hiſi ſibi ſumere nomen?
 Quidquid erit, vetera hi noſtri, & mera ſomnia vendunt
Philophi: atque ideo ſibi pugnant, nec ſibi conſtant.
Relligionem aliquam *naturalem* eſſe, docebant
 Nuper, & eſſe Deum nonnullum, cui ſuper Orbe 705
 Cura foret. Satis, aiebant, hoc eſſe; negabant
 Cætera, & eſſe anuum male ſarta inventa volebant.
 Nunc etiam hoc rupere jugum; tentantque vel ipſum
 Siderea de ſede, thronoque, a vertice Olympi
 Regnatorem Orbis deturbare Omnipotentem. 710
 En quos collaudat, noſtra admiratur & ætas
Philophos! At ego memini, audiviſſe rudentes
 Hæc eadem turpes *Epicuri* de grege porcos.
 Nec bene congruere, aut ſociari poſſe putabam
Philophi grande, & venerabile nomen, haramque. 715
 Hui ſtultum me! Quæ fieri tum poſſe negabam;
Philophi hi noſtri faciunt, factoque triumphant.
 Antiquum revocare chaos nituntur: & eſſe
 Inſtar brutorum, perituros nos quoque morte
 Totos, perſuafum ſibi habent, gaudentque ruina: 720
 Horrentque, ac deteſtantur ſine fine futuram,
 Et nunquam morituram Animam: tuaque illa, *Lucreti*
 (*) Cantant: *Diſſolvi quoque convenit omnem animæ*
Naturam, ceu fumus in altæ aeris auras.
 Et metus ille foras præcepſ *Acheruntis* agendus 755
Funditus, humanam qui vitam turbat ab imo,

(*) Lib. 3. v. 456. O. v. 37. O.

*Omnia suffundens mortis nigrore; neque ullam
Esse voluptatem liquidam, puramque relinquit.
Accumulant alia, atque alia his affioia: & ipsi
Nil dubitant sanctis maculas aspergere Libris: 730
Quos aperire quidem necdum didicere. Sigillis
Clausi sunt septem. Neque tot dissolvere nodos
Hi, neque divinas possunt contingere claves.*

- (a) *Sed quid ego? Jam Nonnotus, Bergerius, ambo
Belligeri excelsi, invicti fregere superbos 735
Philosophos istos, irridendosque dedere.*

*Perpetuum hoc fuit: hostili tentata tumultu;
Clara magis facta, ac dilucida dogmata sancta
Sunt; & dissidio hac illac, certamine ipso
Reddita lux major; stygias procul expulit umbras. 740
Hactenus & nobis invitus profuit hostis.*

*Nec deerunt posthæc alia, & nova prælia. Nunquam
Aut cessus Phlegeton, aut Styx saturata quiescent.
Quidquid agent, Furias omnes, monstra omnia contra,
Religio exstabit victrix, semperque manebit. 745*

*Quam solet, aptatis varie pro tempore remis,
Tota gubernaculo firmo, Rectoreque Navis
Assueto ventos, tempestatesque domare;*

- (b) *Vincere ventorum furias, calcare procellas,
Pergeretque infensas fulco victore per undas. 750
Aut veluti solet in cælum ire, expositaque Ponto,
Multa trophæa altis ostentans undique pinnis,*

- (c) *Surgere; & immenso scopulo Arx fundata, tumentes
Frangere, & illisos immota retundere fluctus.*

*Hæc ego, ad Eridani umbrosas, Vatumque canori 755
Agmi-*

(a) *Hi duo præcipue Gallicani Scriptores præstantissimi a Philosophorum incurfis Religionem vindicarunt, & vindicare porro pergent.*

(b) *Imperavit ventis, & mari. Matth. 8. v. 26.*

(c) *Fundata enim erat super petram, Luc. 6. v. 48.*

- Agminis assiduo resonantes carmine ripas;
 Tum cecini [exilio quærens solatia cantu]
 [a] Cum *PIUS*, & re præcipue, & cognomine *SEXTUS*;
 Quas *Sexti* attulerant alii sarcire ruinas
 Natus, tergeminumque sua Pietate Tiaram 760
 Nactus, ad excelsam, *Petri* dignissimus hæres,
 Conscendit Cathedram, clavesque accepit utrasque;
 Magnifica, ingenti spe Religionis, & Orbis.
 Hanc *Navem*, hanc *Arcem* e cælo Deus ipse tuetur:
 (b) Proptereaquetibi, *PIE*, dat, mandatque regendam. 765
 Vive diu felix. Votorum hæc summa meorum.
 Cætera præstabis spes tu ultra, ac vota Piorum.
 Siqua fides oculis, primo auscultare libenter
 Visa est, ac mœstam paullatim exporgere frontem:
 Indeque respirare, manuumque abducere vultu: 770
 Ac tandem luctus posuisse, & dulciter ore,
 Blandius atque etiam mihi subrisisse Poësis.

J U D E X

*Consurgant, & ascendant gentes in vallem Josaphat: quia
 ibi sedabo, ut judicem omnes gentes.*

C A R M E N XLIII.

EN fuit, & jam supremos conscendit in ignes,
 Et nihil est, & vix ardet, vix fumigat orbis!
 Tot Regna, excelsæque urbes, monumentaque Regum;
 Eximizque artis portenta, hominumque labores,
 Et quæis fidebant auri, argentique superbi 5
 The-

(a) Electus die 15. Feb. 1775. Vivat feliciter.

(b) Quia diligit Deus Israel, & vult servare eum in æternum,
 ideo posuit te super eum Regem, ut facias judicia, at-
 que justitiam: 2. Paral. 9. v. 8.

- (a) Thesauri, & quidquid nuper spectabile toto
Orbe fuit; tristes cineres, putresque favillæ
Sunt! Jubare extincto lugubribus obrutus umbris,
(b) Et nunquam jam oriturus posthac occubuit Sol:
Luna cruentatos, moribundosque horrida vultus 10
Extulit: obscuris siluere sepulta tenebris
Sidera, & ardentes Terram oppressere Cometæ!
(c) Magna, & amara dies Domini hæc est. Hastenus orbem
[d] Abjecisse hominum arbitrio, peregreque profectus
Esse videbatur; nos audacissima quæque, 15
Tamquam si nunquam dein jam rediturus abisset,
Egimus interea. Sed maiestate tremendus
Nunc redit. Ecce vocat, fremitumque imitata tubarum
[e] Vox Domini, immenso terras, cælum, æthera complens
Glangore; imperio jubet omnipotente sepulchris 20
Erigi, & ad solum excelsum, ad sublime tribunal
Sisti Mortales quot sunt; quot & orbe fuere
Omnes. Ecce adsum, & carne, & circumtegor ipsa
(f) Rursus pelle mea: meaue arida, putridaque ossa
(g) Audivere tubæ sonitum, Dominique vocantis 25
Vo-

- (a) *Argentum eorum, & aurum eorum non poteris liberare eos in die ira Domini: in igne zeli ejus devorabitur omnis terra.* Sophon. 1. v. 18.
(b) *Sol convertetur in tenebras, & Luna in sanguinem.* Joel. 2. v. 31. *Stella celi... non expandent lumen suum.* Isa. 13. v. 10. *Stella cadent de celo.* Matth. 24. v. 29.
(c) *Magnus enim dies Domini, & terribilis valde.* Joel. 2. v. 11.
(d) *Sicut homo qui peregre profectus, reliquit domum suam, & dedit servis suis potestatem cujusque operis.* Mar. 13. v. 34.
[e] *In voce Archangeli, & in tuba Dei.* 1. ad Thessal. v. 4. *Omnes, qui in monumentis sunt audient vocem filij Dei.* Joan. 5. v. 28.
(f) *Rursus circumdaber pelle mea, & in carne mea videbo Deum meum.* Job. 19. v. 26.
(g) *Ossa arida audite verbum Domini.* Ezech. 37. v. 4. *Et acceperunt ossa ad ossa unumquodque ad juncturam suam.* Ibid. v. 7. *Et vixerunt, steteruntque super pedes ejus.* Ibid. v. 10.

Vocem: juncturisque suis aptata, suisque
 Nexibus, accepere iterum lucemque, diemque.
 Quæ subter me condiderat, pressitque jacentem
 Tellus, restituit saluum. Ut quæ vasta voraret
 Evomuit Pistris, posuitque in litore *Jonam* 30
 Incolumen. Aut veluti granum tellure repositum,
 Et moriens, gemmat rursus, rursusque resurgens
 E tumulo, longo post tempore, alacrius alte
 Extrollit caput, atque erumpens vertice rursus,
 Vitales iterum carpit frondosior auras. 35

Quæ fortuna olim invexit discrimina iniqua
 Inter mortales, sublata hic omnia: nil jam
 [a] Profunt divitiæ, neque refert sanguine cretum
 Augusto, aut Atavis Orbis domitoribus ortum.
 Nec juvat ingenio excelsio, mentisque vigore 40
 Eminuisse, omnesque avide excurrisse per artes.
 En quot felices quondam dum vita fluebat
 Mortalis, quos vix genitos jam purpura cunis
 Excepit, quorum siluit conterritus orbis
 Aspectu: quique ingenio, qui mente valebant, 45
 Majus & imperium nacti, ultra funera, & ultra
 Mortem regnarunt; nunc micesti, & lumina vultu
 [b] Dejecti incedunt, incurvanturque pudore.
 Heu sero agnoscunt, per devia, perque tenebras
 (c) Errasse. At contra multi neque laude decori 50
 Ingenii, neque doctrina, neque origine clari,
 (d) Qui genus indecores, qui despectissima turba
 [e] Esse putabantur; rapiuntur in aera Regi Ob-

-
- (a) *Non proderunt divitiæ in die ultionis.* Prov. 11. v. 4.
 (b) *Oculi sublimis hominis humiliati sunt, & incurvabitur altitudo virorum . . . in die illa.* Isa. 2. v. 11.
 (c) *Ergo erravimus a via veritatis.* Sap. 5. v. 6.
 (d) *Hi sunt, quos habuimus aliquando in derisum, & in similitudinem improprij.* Sap. 5. v. 3.
 (e) *Rapiemur cum illis in nubibus obviam Christo in aera.* 1. ad Thess. 4. v. 16.

Obviam, & Augusto diademate tempora cingunt.

Sed vero quatitur tonitru, ac totum undique cælum 55

Panditur. Agmen agit, Regem & præcedit euntem

(a) Præfulgens, & adhuc divino sanguine rorans

Crux. Planctum terrarum omnes populique, tribusque

Dant: amor has Sanctis lacrimas expressit; at horror,

Et pavor his Jesum qui contemere, crucemque 60

Detrectaverunt humeris portare, voluptas

Quis semper fuit, & tumefacta superbia cordi.

(b) Quem confixerunt, legionibus undique cinctus

Innumerabilium Aligerum, pompæque, quadrigis

(c) Fulmineis, rapidos late spirantibus ignes, 65

Descendit cælo, omnipotentemque explicat iram

[d] Rex: quam multa illa diademata tempora ciungunt:

Ex oculis flammæ erumpunt, ore eminet ensis:

Et femori inscriptum descriptumque undique veste

(e) Hoc illi est nomen, *Rex Regum*: interlita multo 70

Quem large effudit, chlamys est, & rubra cruore.

Ineassum miseri colles, montesque precantur,

(f) Ut super incumbant sese: penetralibus abdi

Ter-

(a) Tunc parebit signum filij hominis in cælo, & tunc plangent omnes tribus terra. Matth. 24. v. 30.

(b) Aspicient ad me quem confixerunt. Zach. 12. v. 10. Exercitus qui sunt in cælo sequebantur eum. Ap. c. 19. v. 14.

(c) Ecce Dominus in igne veniet, & quasi turbo quadriga ejus. Isaia 66. v. 15.

(d) Oculi autem ejus sicut flamma ignis, & in capite ejus diademata multa. Apoc. 19. v. 12. Et de ore ejus procedit gladius. Ibid. v. 15.

(e) Et habet in vestimento suo, & in femore suo scriptum: Rex Regum, & Dominus dominantium. Ibid. v. 16. vestitus erat veste aspersa sanguine. Ibid. v. 13.

(f) Tunc incipient dicere montibus: cadite super nos, & collibus operite nos. Lucæ 23. v. 30. Quis mihi hoc tribuat, ut in inferno protegas me, & abscondas me, donec pertranseat furor tuus. Job. 14. v. 13.

- Terræ, ipsisque Erebi sepeliri immitibus umbris
 (a) Optant. Sic agni, sic est & Judicis ira 75
 Terribilis! Fuga præclusa est, perstantque, manentque,
 Quas fugere optabant lacrimas, pœnasque daturi.
 Jam Superum pennata cohors, celeresque manipuli
 Explicitis pompa pennis inito undique gyro,
 [b] Sontibus infontes abjungunt: crimine vitæ 80
 Intactos, & qui lacrimis commissa piarunt,
 Judicis ad dextram; sceleratos parte sinistra,
 Sanctorum medio avulsos raptantque locantque.
 Audin qui gemitus? Qui luctus? Amicus Amico,
 Et socius socio assiduus, fraterque sorore, 85
 (c) Gnato etiam Pater, & quam dulci a conjuge conjux
 Nunquam iterum se visuri, æternoque futuro
 Diffidio, immensum proh! divelluntur, utrinque,
 [d] Haud longe *Solymis*, crudeli ubi morte peremptus,
 Nostram morte sua quæsierat ipse salutem; 90
 Nunc folio fidit Rex: argumentaque amoris
 Indignabundus majores vertit in iras.
 [e] Compellatque reos ipsos, quæ vulnera gestat
 Ostentans: Nunquidnam aliud sibi poscere, nunquid
 Plus optare sibi potuissent? Hiscere contra 95
 Nemo. At qui justi quondam gemuere silentes;
 Nunc alte extollunt vocem: & quæ pessima passi
 Nil

-
- (a) *Abcondite vos a facie sedentis super thronum, & ab ira Aeni.* Apoc. 6. v. 16.
 (b) *Exibunt Angeli, & separabunt malos de medio justorum.* Matth. 13. v. 49. *Et statuet oves quidem a dextris; hædos autem a sinistris.* Matth. 25. v. 33.
 (c) *Erunt duo in lecto uno: unus assumetur, & alter relinquetur.* Lucæ 17. v. 34.
 [d] *In vallem Josaphat.... ibi sedebo.*
 [e] *Habitatores Jerusalem, & viri Juda judicate inter me, & vineam meam. Quid est quod debui altera facere vineam meam, & non feci ei?* Isa. 5. v. 3. & 4.

- (a) Nil meriti, lamentantur: castosque labores
 Qui fecere suos, magnamque dedere ruinam
 Constante digito ostendunt; pœnasque reposcunt. 100
 Quo gemitu, flent inviti, damnantque nocentes
- (b) Ipsi se, & mire anguntur, trepidantque suorum
 Aspectu scelerum, quæ confidenter, & ore
 Impavido, abjectoque olim admisere pudore;
 Nunc rubor ora subit, domuitque infamia frontem. 105
 Contra ac debuerant, perverloque ordine rerum
 Omnia agebantur mortalis tempore vitæ.
 Immerito plerumque scelus fulgebat honore,
 Vertice conspicuo incedebant crimina; virtus,
 Religio, Pietas conculcabantur inique. 110
- (c) Et quicumque sequi optabant vestigia Christi,
 Hos peracerba odia, atque atrocia cuncta manebant.
- (d) Si nihil ultra esset mortem, & nulla fuisset
 Sors alia; injustus Deus; atque indignus amari,
 Et fautor scelerum foret, assimilisque Tyranno, 115
 Præmia qui largus sceleri manu utraque libenter,
- (e) Et solas lacrimas tanquam patrimonia Sanctis
 Impartiretur. Sic porro nexa vicissim
 Una, eademque Dei causa est, & causa Piorum.
 En cur magna dies, toto spectante theatro 120
 Orbis terrarum, dicta hæc est: nequis inultus
 Sanctorum, nequemve in Christo habuisse repostam
 Spem

- (a) Tunc stabunt Iusti in magna constantia adversus eos, qui se angustia verunt, & qui abstulerunt labores eorum. Sap. 5. v. 1.
 [b] Inimicos ejus induam confusione. Ps. 131. v. ult.
 (c) Omnes qui pie volunt vivere in Christo Jesu persecutionem patientur. 2. ad Thimot. 3. v. 12.
 (d) Si in hac vita tantum in Christum sperantes sumus, miserrabiliores sumus omnibus hominibus. 1. ad Cor. 15. v. 19.
 [e] Plorabitis, & flebitis vos; Mundus autem gaudet: vos autem contristabimini. Joa. 16. v. 2.

(a) Spem pudeat. Dum Mundus erat, dum vita manebat,
Fabula agebatur; nunc acta est: scena remotis

(b) Aulzeis, finem nata est jam, quamque gerebat 125
Quisque, olim dum vita fuit, persona recessit.

Orbis erat dominus Nero quondam; carcere Petrus,
Paulusque ignoti, abjecti, vincitque jacebant.

Quam mira, atque ingens nunc est conversio rerum!
Aspice quid tandem Nero nunc? fax ultima, fundo 130
Carceris igniti, piceæque voraginis igne.

Aspice quid Petrus? quid Paulus? sidera cæli

Fulgidiora duo: duo prima sedilia Regi

Proxima utrinde tenent, hic ense, & clavibus ille 135

Insignes: Mundi Heroum, Regumque futuri

(c) Arbitri adorandi, regnaturique perennes
Inter delicias, longe ultra vota beati.

En paupercula anus quæ despectissima Mundo

(d) Stercoris instar erat, sed erat, gratissima Divis, 140

Et Christo; cujus morientis imagine: vitam

Angustam, & duros didicit tolerare labores.

(e) Pœnarum comitem, comitem quoque gloria Christi
Subsequitur, sceptrumque gerit, fulgetque corona.

Plaudite qui Jesum vita, qui morte sequuti: 145

Quæ mala passi estis brevis, & rapidissima vexit

Hora, eademque iterum nunquam turbanda deinceps

(f) Ponderis immensi, infinitaque gaudia vexit:

Et

(a) Etenim universi qui sustinent te non confundentur. Pl. 24. v. 3.

(b) Præterit enim figura hujus mundi. 1. ad Cor. 7. v. 31.

(c) Cum sederit Filius hominis in sede majestatis suæ sedebitis
& vos super sedes duodecim judicantes. Matth. 19. v. 28.

(d) Tanquam purgamenta hujus Mundi. 1. ad Cor. 4. v. 13.

(e) Cum Christus apparuerit vita vestra, tunc & vos apparebitis cum ipso in gloria. Ad Coloss. 3. v. 4.

(f) Quod in præsentem est momentaneum, & leve tribulationis nostræ supra modum in sublimitate æternæ gloriæ pondus operatur in nobis. 2. ad Cor. 4. v. 17.

- Et quos invidit, quos olim Mundus ademit
 (a) Nunc venerabundus cum sœnore reddi honores: 150
 Dum peragebatur perituri fabula Mundi;
 [b] Larva ibant homines cœci: quid quisque fuisset
 Ignotum, nequedum veros tum cernere vultus
 Concessum: fallax oculos ludebat imago;
 Perfidiosaque erant mendacia proxima veris: 155
 Hæc erat expectanda dies, quæ fraude subacta;
 Nulli fas animo contraria verba sonare,
 Nulli jam vultus discordes mente liceret
 Fingere: & unicuique suus color, & sua cuique,
 Veraque jam facies, fuso, larvisque remotis, 160
 Assignaretur. Quidquid *Venus* improba, quidquid
 Impulit ut faceres sitis ardens, & rabida auri,
 Quæ tibi tu tacitus, quæ secretissima cæco
 Pectoris arcano, intimioreque condita mente
 Servasti, in medio posita, ad nudata rexit, 165
 [c] Vulgavitque Deus: lucem impartitus ab alto
 Divinam, sinuosa tui penetralia cordis
 Diffidit, ac toto nemo est quin viderit orbe.
 Omnia cum fuerint sic jam patefacta, librique
 Clausi, & inaccessi mundanæ tempore vitæ 170
 (d) Ante oculos positi, & coram omnibus undique aperti,
 Propatulique, audi quæ sit sententia: Iudex
 Quos habet ad dextram aspectans placidissimus ore:
 (e) O mihi vos, Patrique meo charissimi, adeste,

Et

-
- (a) *Nimis honorificati sunt amici tui, Deus.* Pl. 138. v. 17.
 (b) *Mundus totus in maligno positus est.* 1. Joa. 5. v. 19.
 (c) *Nihil enim est opertum quod non revelabitur, & occultum, quod non sciatur.* Matth. 10. v. 26.
 (d) *Et libri aperti sunt...* & *judicati sunt mortui ex his, quæ scripta erant in libris secundum opera ipsorum.* Apoc. 20. v. 12.
 (e) *Tunc dieet Rex his; qui a dextris sunt: Venite benedicti Patris mei: possidete paratum vobis regnum...* esurivi enim,

Et regnaturi mecum mea scepra tenete.

Sic porro meriti, namque esuriemque sitimque

Expertus, memini, vos occurristis utrique.

Nudus eram; mihi vos tegumen, vestemque dedistis:

Hospes eram; tecto vos me excepistis amico:

(a) Eger eram; vos me vestro recreastis amore: 180

(c) Carere vinctus eram; venistis visere vos me.

Hæc vero Sancti haud capiunt, dubitantque, rogantque.

(a) Quando hæc? & Judex: cum subvenistis egenis,

Cum miserati inopes estis, minimosque meorum;

(b) Tum vos, tum mihi opem, & solatia cuncta tulistis 185

Ad lævam deæ terribilis, vultuque revolvens

(b) Immenfam irarum molem: Discedite in ignes:

Æternos, inquit: quoniam vidistis acerba

Me fame confectum, ac nudum, victumque catenis,

(c) Atque ægrum, & despexistis: neque porgere panem, 190

Auxilioque venire inopi, nudumve fovere,

Aut misereri ægro, aut vincto didicistis. At illi

Attoniti: quando ah! nos te despeximus? Et Rex:

(c) Cum: renuistis, opem miseris, cum terga dedistis,

Tum me vos inopem, tum despexistis egentem. 195

(d) Nec mora: præcipitant hi, involvunturque profundis

Ignibus, & scandunt illi sublimia regna. CON.

Q dedistis mihi manducare: sivi, & dedistis mihi bibere: hospes eram, & collegistis me. Nudus, & cooperuistis me: infirmus, & visitastis me: in carcere eram, & venistis ad me. Matth. 25. a v. 34. ad 36.

(a) Amen dico vobis, quamdiu fecistis uni ex his fratribus meis minimis, mihi fecistis. v. 40.

(b) Tunc dicet & his, qui a sinistris erunt: Discedite a me maledicti in ignem æternum... esurivi enim, & non dedistis mihi manducare... nudus eram, & non cooperuistis me: infirmus, & in carcere, & non visitastis me. v. 41. & 43.

(c) Amen dico vobis: quandiu non fecistis uni de minoribus his, nec mihi fecistis. v. 45.

(d) Et ibunt hi in supplicium æternum: iusti autem in vitam æternam. v. ult.

CONCLUSIO.

Haecenus, alme Deus, potui, exiguique laboris
 Pro te suscepti, quoniam tu parva rependis
 More tuo magnis, magna hæc mihi præmia posco : 200
 Ut cum corporeis vinculis me, et carcere solves;
 Quæ puer hispano recitaban carmine, vate
Xaverio distante, mea hæc sint ultima verba,
 Intima et hæc postrema meæ suspiria vitæ :

Ut flagrem, Deus alme, tuique inflammer amore, 205
 Haud equidem promissa movent me munera cæli;
 Nec me adeo impellunt horrendæ ad Tartara pœnæ,
 Quominus in te ausim quidquam tentare protervus.

Hoc moveor, quia te Jelu charissime, ceraso
 Tergemino infami confixum vulnere trunco, 210
 Ora cruentatum, & lacerum crudeliter, inter
 Opprobria, inter tormenta expirare, morique.

Aspectu hoc uror, sic & mihi pectora fervent,
 Ut si nec pœnæ, nec gaudia me ulla manerent;
 Sponte vererér adhuc, & adhuc te semper amarem. 215

Dente, licebit enim per me, quæ magna parasti
 Præmia: nam quantvis tua tu mihi præmia demas;
 Non sœpe atque ultro te amo nunc, ardentè amabo.

F I N I S.



INDEX

CARMINUM

PARTIS PRIMÆ.

I. <u>U</u> Nus est Deus.	pag.	45
II. <u>U</u> Sanctus.		49
III. <u>Incomprehensibilis.</u>		54
IV. <u>Æternitas.</u>		59
V. <u>Præsentia.</u>		63
VI. <u>Beneficentia.</u>		67
VII. <u>Benignitas.</u>		73
VIII. <u>Omnipotentia.</u>		78
IX. <u>Sapientia.</u>		83
X. <u>Providentia.</u>		88
XI. <u>Custos.</u>		94
XII. <u>Patientia.</u>		98
XIII. <u>Justitia.</u>		103
XIV. <u>Pulchritudo.</u>		108
XV. <u>Cæli Dominus.</u>		112
XVI. <u>Refugium.</u>		117
XVII. <u>Dominus Exercituum.</u>		121
XVIII. <u>Deus Scientiarum.</u>		126
XIX. <u>Scrutans Cor.</u>		138
XX. <u>Qui fecit mirabilia solus.</u>		142
XXI. <u>Annuntians futura.</u>		149

PAR.

XXII. Deus Homo .	159
XXIII. Princeps pacis .	164
XXXIV. Super omne Nomen .	170
XXV. Rex Gentium .	174
XXVI. Signum , cui contradicetur .	178
XXVII. Subditus illis .	182
XXVIII. Lux Mundi .	186
XXIX. Rex Mansuetus .	194
XXX. Bonus Pastor .	199
XXXI. Triumphus .	203
XXXII. Deus absconditus .	208
XXXIII. Mœtor .	212
XXXIV. Opprobrium Hominum .	216
XXXV. Dominus Mortis .	225
XXXVI. Excessus .	229
XXXVII. Sopor excessus .	232
XXXVIII. Rex Gloriæ .	236
XXXIX. Sacerdos .	240
XL. Sponsus .	245
XLI. Virtus ex alto .	255
XLII. Religio Victrix .	259
XLIII. Judex .	285

ERRATA

CORRIGE.

Pag. 10	lin. 33	Neposti	Nepotis.
23	lin. 4	Scripturam	Scripturarum.
	lin. 16	exultatium	exultantium.
	lin. 37	falsique	falsique.
16	lin. 22	decerptum	decerptam.
	lin. 24	lectione	lectionem.
17	lin. 22	prælaudat	prælaudari.
19	lin. 7	que	quæ.
28	lin. 4	Sicuri	Sicui.
46	v. 81	bacula	bucula.
62	v. 1	tancisper fumus	tantisper fumus.
Ibid.	v. 76	rubera	rudera.
66	v. 85	alterutrum = addo =	alterutrumque coercens.
69	v. 51	si licet	sit licet.
78	v. 4	in os	in hos.
89	v. 34	fixoque	fixosque.
94	<i>Carminè</i> XI. v. 4.	solium	foliumque.
95	v. 19	ibi obambulat	tibi obambulat.
97	v. 88	palma	parma.
127	v. 25	auden'	audin'
Ibid.	v. 49	confundimus	confodimus.
149	v. 5	bovumque	boumque.
Ibid.	v. 12	Nomen	Numen.
159	v. 16	Sed	Sol.
162	v. 98	claustro	elaustra.
166	v. 59	<i>lege sic</i> : Pax: hinc vomerem	, in falcem
170	v. 17	manentem	manantem.
171	v. 45	sentientibus	sitientibus.
175	v. 40	audit	audiri.
185	v. 72	famofa	fumosa.
186	<i>Carminè</i> XXVIII. v. 4	sed	se abdit.
196	v. 70	hac ora	hac hora.
209	v. 2	vox	vos.
211	v. 99	fundo	fando.
212	v. 10	vox	vos.
213	v. 42	infigenda	infigenda.
230	v. 2	ha!	ah!
Ibid.	v. 4	aspices	aspice.
232	v. 98	Morris	Montis.
236	v. 15	Quanam	Quænam.
240	v. 105	mæru	mervi.
243	v. 2	neque sine	neque enim sine.
Ibid.	v. 63	Unigenitum	Unigenam.
248	v. 82	Quam tum	Quam tu.
263	v. 119	neque	reque.
272	v. 373	tuctes	tectus.
284	v. 739	certamine	certamineque.

MAG 2023334



